





Ex Bibliotheca
majori Coll. Rom.
Societ. Jesu


18. 8.

4-3-18.
4
C
18

4-C-17-







PAVLLI SACRATI
CANONICI
FERRARIENSIS

In XXXIII. Psalmos commentarius.


Eiusdem Homiliae XVIII.

AD SANCTISSIMUM
ac Beatissimum D.N.
SIXTUM V. PONT. MAX.
CVM PRIVILEGIO.



BIBLIOTHECA NAZ.
ROMA
VITTORIO EMANUELE

BONONIÆ, Apud Alexandrum Benatium.
Superiorum concessu M D LXXXVIII.



SANCTISSIMO

AC BEATISSIMO

D. N. SIXTO V.

PONTIFICI MAX.

PAVLLVS SACRATVS

Canonicus Ferrariensis Humillimus

Seruus

Perpetuam felicitatem, atque
incolumitatem.



AGNA profectio vis est
humilitatis, magna
eius laus, atque pra-
stantia, Sanctissime,
ac Beatissime Pater, quae cum sit
anime decor, nec post mortem,

*

2

sicut

sicut & charitas deficiat, hominem apud DEVM valde gratiosum reddit: Ea qui vere insigniti sunt & non ficti, ij facile ceteras virtutes consequuntur, & à Deo illius causa in calum extoluntur. Atque huiusce rei euidetia multa exempla afferre possem. at cur longius abeam, cum tu mihi unus instar sis omnium, qui sanctissime, atque humiliter vitam semper egisti? ut nemini mirum videri debeat, quòd publico nuper amplissimorum omnium Cardinalium consensu ad istam celsissimam dignitatis sedem ascenderis, et ab eisdem numine diuino afflatis, nullaque in

re discrepantibus ad Petri nauim regendam, iampridem ab hereticis exagitata, & assidue fluctuantem repente electus fueris; tantis enim animi bonis à DEO immortali ornatus es, omnibusque virtutibus adeo excellis, ut te uno ex cunctis sapiētiorem, ac prudentiorem, & ad hanc prouinciam suscipiendam aptiorem quenquam deligi haud potuisse appareat, & ex euentu ab omnibus iudicetur. Ac sane à tui Pontificatus initio statim quod humilitatis, integritatis, ac puræ, & incorruptæ mentis specimen non dedisti, cum publice indixisti te vniuersis, ac

singulis, qui peccata sua confes-
si, ac pane caelesti aliti fuerint,
delictorum omnium veniam ple-
ne daturum esse, dum DEVM
Optimum Maximum precentur
cuncti, ut is menti tuae clarissi-
mum lumen praeferre, & omnes
cogitationes tuas dirigere velit
ad ea perficienda, quae illius ma-
iestati placitura, & admodum
grata futura sint? non ne hu-
militatem in visceribus inhere-
re declarasti? Equidem obstu-
pui, & annos iam septuaginta
quatuor agens tale quid nun-
quam audiui, quod omnibus fere
huiusce Ciuitatis viris (ut ta-
ceam, quae ab alienigenis multis
intel.

intellexi) industria praesertim,
& aliqua rerum notitia ornatis
contigit, ut hoc accidisse nun-
quam meminerint, sed ne lege-
rint quidem: qua enim ratione
te cum clementissimo DEO volun-
tate coniunctissimum esse velle,
aptius significare potuisti, quàm
hoc à Domino poscere Salomo-
nem imitans, qui sibi sapienti-
am dari postulavit? Nempe ex
rebus tuis hactenus gestis tanto
te ingenio, tantaque prudentia
præditum omnes admirantur, ut
à benignissimo DEO te impetra-
sse, quod concupieras, facile co-
gnoscant: Nec est, quòd ijs pror-
sus ascribas, qui à te liberalitate

tua inuitati ad D E V M pro te
supplices confugerunt, ut te ex-
audiret; tua namque singulā-
ris bonitas, Pater sancte, atque
humilitas, tuaque propensissima
in D E V M voluntas; Iustitia de-
nique, in qua virtutis tua splen-
dor maxime elucet, te charum,
atque acceptum D E O reddi-
dit; Nam cum ipsa in suo cui-
que tribuendo maxime cernatur
iustitia, latronibus, qui vias
omnes, & Italiam totam ita ob-
sederant, ut nemini tutum esset
iter, nec cuiquam uia pateret,
quin immo domi se tueri nullus
valeret, & in foro cedes fie-
rent, ac strages ubique innume-
rabi-

*rabiles cederentur, nonne simulac
clauum cœpisti tenere, quod eo-
rum erat, tribuisti ipsis, cum illos
morte mulctasti? certe malo
huic cito medicinam attulisti, ac
non modo ab illis sceleris vesti-
gijs forum, & Ciuitates, Itali-
am denique totam expiasti, sed
tutam etiam viam cuilibet, via-
tori ita confecisti, ut de incolumi-
tate, ac salute sua dubitarit po-
stea nemo, nec insidias, aut vio-
lentiâ ullam metuerit quis-
quam: Furentes autem illi, ac
violenti, si qui mortem fugerunt,
se ipsos sponte exilio damnarint
in longinquas, & ultimas regio-
nes, ac terras abeuntes. Ex quo*

facto tantam à bonis, atque innocentibus laudem reportasti, ut ij quotidie te beatum, ac vere felicem prædicent; non enim in eo multum tempus posuisti, sed minimo momento totum imperium tuum, ac fines tuos ab excursionibus, & latrocinijs liberaſti. Itaque eam consecutus es gloriam, qua calo vix capi posse videatur; ceteris autem nonne iura sua recuperare licet? cunctis certè, te regnante, ius suum sic obtinent: ut omnia bona iniuste amissa postliminio redeant, quod equabile in omnibus statuisti, ut ipsa tibi iustitia nihil antiquius esse patefacias. Quod
si

si sola hac omnium virtutum regina ornatus esses, an non iure uniuersi te suspicerent, similemque DEO iudicarent? Quid eos sentire arbitraris, cum te fortem, atque constantem, & in exequendis cogitationibus tuis strenuum perspiciunt, nisi te nihil formidare, at omnibus formidolosum esse? nec testibus opus est nobis; orbis enim terrarum totus testatur nihil esse tam arduum, atque difficile, quod tu virili animo non aggrediare, atque ad finem perducas. An de summa temperantia tua si leam? minime; ita enim te contines, atque temperas, sobrie

que vivis, ut nulla te cupiditas,
nullus appetitus animum tuum,
cogitationemque à maximis re-
bus avocare possit, quem etiam
rationi ita obedientem præbes,
ut nemo queat ambigere, quin
illa potissimum regat. Vnde quẽ-
admodum David iubet, omne
cogitatum tuum in Domino fi-
gis, qui te nutrit. Verum, quod
amplius est, argumentis, ac si-
gnis evidentibus, & omni luce
clarioribus cuncta sic agis, ac mo-
deraris, ut ipsa evidentia illu-
strior reperiri non possit cuius-
quam etiam eloquentissimi viri
oratio, aut assidua diuinarum
laudum tuarum predicatio. In

quo

quo mecum præclare agitur,
quòd, cum ne facultas quidem
ulla dicendi à natura mihi tribu-
ta sit, non est necesse me in sermo-
nem de te longum ingredi, quòd
admirabilis virtutum tuarum
fama incredibilium omnibus lin-
guam euellat, cunctosque, quos
stupor opprimit, silentium facere
cogat. Quæcum ita sese habe-
ant, quamuis ego, Sanctissime
Pater, tacere deberem, qui fa-
ri nescio, propensio tamen inex-
plicabilis mea erga te volunta-
tis, ac diuini nominis tui sum-
ma Veneratio mihi suadent, ut
hoc tibi significem me æquabili-
tatem vniuersæ vitæ tuæ, tum
singula-

singularum actionum tuarum
maxime decoram quotidie com-
memorare, atque admirari, me-
que in sacris meis semper nomen
tuum usurpare; nulla enim res
me magis oblectat, quàm de te
cogitare, cum amicis, & colle-
gis de te colloqui, præclarissima-
que gesta tua narrare: Ac nimi-
rum id me adeo vehementer affi-
cit, quod tanta charitate non so-
lum in pauperes, ac diuites, dum
modo ij probitate, ac moribus
optimis eniteant, præditus es,
sed erga doctos etiam viros, &
omni artium optimarum scien-
tia excellentes, ut non possim te
beatissimum non appellare, quòd

cum

cum integerrimus, ac longe do-
ctissimus sis, tui similes aman-
tissime complectare, in eosq; be-
neficia libentissime conferas; si-
cuti nuper Iacobo Sacrato Car-
pentoracti Episcopo Fratri meo
eximia tua benignitatis, & amo-
ris in eum signa dedisti: Nam
indies te de aliquo benemeritum
esse auditur, ut iuste dicere quea-
mus, imperante Romæ SIXTO
re ipsa sanctissimo Pontifice ve-
ra quidem virtutis domicilium
ibi existere, vitiorum vero om-
nium exilium. Quam urbem
quoque non solum aquarum du-
ctibus, ac riuorum à fontibus de-
ductione, viarumque exstructio-

ne admirabiliter exornasti, sed
et columnarum colloca-
tione in pulcherrimis illius locis, et edi-
um magnificentia ita decorasti,
ut alienigenis, et extraneis cum
etisque istuc confluentibus incre-
dibiles fabricas tuas aspiciendi,
contemplandi, atque admiran-
di maximus sit labor impositus.
Itaque sine controuersia una vo-
ce exclamare debemus, O secu-
lum aureum, cuius ne posteritas
quidem omnium seculorum im-
memor erit; hoc enim à tot eru-
ditissimis viris ac disertissimis,
mihi crede, ita celebrabitur, ut
res à Sanctitate tua gestas, qua
amplissima sunt, et explicari
haud

haud digne queunt, nulla unquam vetustas obruat, nec ulla omnino deleat obliuio. Ego quidem immortales DEO Clementissimo gratias agere non cesso, et quoad hac luce fruor, perpetuò gratiam habebo; qui pro sua infinita bonitate, ac benignitate mihi largitus est donum hoc certe diuinum, ut ad hoc vsque tempus vitam perduxerim, quo dulcissimi nominis tui gustare suauitatem, illiusque assidua mentione delectari mihi liceat; qui quæ spiritui suo me licet haud dignum afflaret, ut cū ego nuper aliquot Psalmos breuiter interpretatus sim, Homiliasq; more veterum Pa-

trum

trum duodeuiginti confecerim, alias additurus, si DEO prapotentis placuerit, ut vita suppetat, ac mens constet, has vigiliis meas, laboresque sanctitati tue dicarem, & consecrarem: Nam sponte mea nunquam ad te aspirassem optime mihi conscius lucubrationes meas te dignas non esse, quas in manibus habeas, ne dum legas. Verum vis illa diuina me impulit, ut in hanc cogitationem venerim, ac tuo sanctissimo nomini inscriptas emanare in vulgus permiserim, quod ego quoque libentissime feci: nam cum ego incredibili erga sanctitatem tuam amore ardeam: nemini
enim

enim penitus concedo, qui te ma-
iori observantia, cultu, ac ve-
neratione prosequatur; (nam ab
eo die, quo illustrem admodum
animi tui candorem perspexisse
mihi visus sum, me humillimum
tibi servum addixi) hac ratio-
ne animum in te meum propensis-
simum, tibi notissimū esse optavi.
Tu ergo, beatissime Pater, accipe
hilari, atque lata fronte, quod-
cunque licet exiguum Io: Ange-
lus Papius Antistes integerrimus
& eloquentissimus meo nomine ti-
bi offert, meque indignū servum
tuum hoc studio orna, ut illius
saltem memoria apud te existat:
non enim tam audax, & impu-
dens

dens sum, ut à te ad exilia scripta mea lectionem adhiberi petam, praeferrem namque, quam topere cogitationes gravissima, altissimaque in mente tua versentur, mihi perspicuum non esse; at ut inter minimos, fidelissimosque servos tuos me quoque numerari patiari. Quod si assequor, hoc reliquum vitae tempus felicissime degam, & quòd hoc dono à Domino DEO, & à Sanctitate tua affectus fuerim, latus moriar. In terea DEVM orare, atque obsecrare non desinam, ut te nomine felicem, sed re felicissimum perpetuò custodiat, ac protegat, diutissimeque incolumen seruet, quo

quò commisso fidei tuæ populo, &
plebi consulere, ac providere, &
eam exemplo, atque optimis in-
stitutis regere, sicut hætenus sa-
pientissime, præclarissimeque fe-
cisti, valeat Sanctitas tua;

cui post pedum deuota
oscula beatorum


me totum

humillime commendo,

atque trado.

Ferraria.





AD LECTOREM.



IRVM tibi forte videbitur, Lector optime, quod ego iam Septuaginta quatuor annos natus ad hæc Sacra Theologia, ac diuinæ sapientiæ studia me cōtulerim, præsertim cum hæc exacta ætas requietem iam desideret, & otium, animiq; tranquillitatem poscat; Sed scito me à ceteris oblectationibus, & voluptatibus omnino desertum, hoc vnicum ad recreandam, ac reficiendam summam senectutem meā remedium reperisse, vt hoc reliquum vitæ tempus, quam post hæc per immensam Dei benignitatem degere mihi licebit, in lectione diuinarum scripturarum, ac scriptione, magna cum iucunditate, atque commoditate traducam, quæ & animam ab omnibus vitijs alienant, & ad contemplationem diuinæ maiestatis alliciunt. Itaque post tria Epistolarum Volumina, quæ exierunt, & in vulgus emanarunt, ac Parentheses duas ad socios meos Sacerdotes conscriptas hæc duo Scriptorum genera confeci, Commentaria videlicet in Psalmos aliquot, breuia illa quidem, ne te molestia afficerem, præsertim cum omnes hoc tempore breuitate deleantur, talia vero, quæ ad percipienda Dauidis sensa, vt opinor, satis esse queant, & similia aliquot, siue sermones in Euangelia, more sanctorum Patrum,
quæ

que nunc tibi propono, ut cum vtraque legeris (si modo ea huiusmodi censueris, in quorum lectione operam consumere, & hoc me studio ornare debeas, ut in manus illa sumas) quod ex ijs tu dignum magis iudicaueris, in quo me versari oporteat, tantum iudicio tuo tribuam, ut in eo omnem cogitationem meam, ac mentem figam. Non tamen existimes velim, me hoc sentire, ut alicui me profuturum esse credam; conscius enim mihi sum leuiora esse scripta mea, quam ut in illis proficere queat quisquam; at id tantum mihi decretum fuisse, ut quo ad fieri potest, Deo imprimis propitio, animum meum à terrenis bonis auocem, atque cęlestibus maxime nutriam, & in eorum meditatione cum valde oblectem. Interea tu mecum precare

DEVM immortalem obsecro, ut is diuino suo me numine afflet, quoad

hęc atas à sepulchro

aberit, ac denum

post obitum

meum

memoriam mei pro tua humanitate eximia tenere statue. Vale, Lector

humanissime, &

me ama.



AD

A D
SIXTVM V.
PONTIFICEM
OPT. MAX.



IMINA qui celsi referas, qui
claudis Olympi,
Et Christi vt spectrum, SIXTE
beate, nites;
Qui bona partiris Caeſſia, Sidere
cuius


Felici fertur tuta Carina Petri,
Sume hilari vultu, SACRATI nomine Sacrum
PAPIVS Antiſtes quod tibi tradit opus.
Purus in hoc ſermo, lepor, eſt ſacundia Tulli;
Fatidici & Regis ſenſa reſpoſta patent.

In Eiufdem Gentilitia Inſignia.

Mons, Leo, Stella, Pyrus, ſublimis, peruigil,
ardens,
Frugifera, extollit, ſeruat, fortunat, adauget.

DA

Iulius Signius.



PAVLLI SACRATI
CANONICI FERRARIENSIS
IN PSALMOS COMMENT.

PROOEMIUM.



*Um omnis sacra scriptura lectio, ut
pote à sancto Spiritu conscripta, uti-
lis atque iucunda est, quam qui ex
animo amant, certe vitia odio habe-
bunt; Tum Psalmorum longe iucun-
dissima est, & utilissima, quos quan-*

*topere doctores omnes tam greci, quam latini laudent,
& in calum tollant, hoc demonstrare necesse non habeo;
patet enim, quod psalmus est cum Deo sermo, qui An-
gelos allicit, & demonas fugat, quiq; diuinat futura,
legem vitæ sancit, & quæ facienda sunt, admonet;
Ille item animorum est tranquillitas, laborum diurno-
rum requies; cor etiam durum mollit, vetera anima-
rum vulnera sanat, recentibusq; cito medicinam adhi-
bet. Itaq; omni hominum generi virorum, ac mulierum
communiter ac separatim, & ubiq; clypeus est inex-
pugnabilis: Nec errauerit quisquam, si vniuersam sa-
cræ scripturæ doctrinam in hoc psalmorum libro simul
haberi dixerit; inest enim in ipso Theologia perfecta,*

& totum carnis à Christo sumptæ mysterium continetur. Hic præcipue illæ virtutes, prudentia, iustitia, fortitudo, temperantiaq; discuntur. Quare voluminis huius σκοπός, & materia vniuersa est de opere Domini. Siue Christus ac membra eius est argumentum: Tractat enim scriptor antiquitates Iudeorum, & eorum captiuitatem; res etiam naturales & caelestes, atq; omnia quæ Dominus Iesus carne indutus fecit & docuit: gentes autem à Deo vocatas, & ecclesia stabilitatem prædicit; Trinitatem, Angelos, Demones, & animam clarius cæteris demonstrat; moriū disciplinam, ac mandatorum rationem tradit. Et vt breui comprehendam, est commune bonarum doctrinarum & medicinæ penu, ac thesaurus. Qua ratione factum est, vt psalmi in ecclesia magis frequententur, quod scripturam totam complectantur; Et verba, quod caput est, ita accommodantur ad ea, quæ dicere cupimus, vt quisq; ad explicanda sensa sua illis vti queat. Modus autem seu forma est confessio, siue laudatio: omnes enim ferè psalmi, aut Deum laudant, aut ei gratias agunt, aut fundunt orationem & vota faciunt; atque eorum cantus, (quod est admirabile) non auocat quenquam ab operibus, at suauem laborantibus laborem reddit. Quorum omnium finis est, vt boni ac sapientes efficiamur & Dñi, atq; mentem nostram erigentes cum Deo excelso, ac sancto cōiungamur. Scriptor huius libri Spiritus sanctus primum fuit; non. n. sicut aliæ scientiæ humana industria atq; ratione eduntur, sic scriptura sacra: Nam, vt ait D. Petrus afflatus Spiritu sancto locuti sunt sancti Dei homines: De

inde

inde David noster, cuius lingua in ipsis psalmis se habuit, sicut pueri verba exprimentis, quæ alius dicit. Hic primus personarum trium unusque Dei præco fuit. An autem totus liber ab ipso confectus fuerit, varij varia dicunt: Græci ab ipso conscriptas omnes fuisse sentiunt, quibus assentitur. D. Augustinus; nonnullos autem illis quatuor chororum præfectis filiis Core, Idithum, Ethan, Asaph iuxta nominum inscriptionem ad canendum tradita fuisse, alios uniuersæ ab omnibus cantoribus cantatos fuisse, nouem à Dauide tantum, ut idem Augustinus ait; D. Chrysostomus addit eos qui aliter censuerunt, adhuc non ostendisse, ubi Dominus vel apostolus quisquam in ullo psalmo alterius quam Davidis mentionem fecerit. Hilarius autem post longam disputationem psalmorum librum, sicut à D. Luca appellari debere concludit. Hieronymus psalmos omnes ab illis confectos fuisse, quorum sunt inscriptiones, in epistolis sentire videtur. Ego communem opinionem sequor. Prophetam ac vatem fuisse Davidem nemo est, qui inficietur; dicimus tamen, cum tria prophetarum genera sint, alterum quidem, cum per res quæ sensui patent, prædicitur aliquid, sicuti Danieli apparuerunt digiti, & scripturam is interpretatus est; alterum vero per similitudines, imaginesque, sicut Iosephus Pharaonis somnium explicauit, & Isaias, vidi Dominum; Davidem nostrum veritate sibi à spiritus sancti numine patefacta atque illustrata prædixisse omnia, atque diuinasse: Nam ceteri eo modo quo diximus, vaticinati sunt; noster vero David pure edoctus fuit; & cum alij prophetae, aut vates, qui spiritus

Sancti quoque instrumenta fuerunt, prae terita narrauerint, alij futura, ipse omnia tempora percurrit, & modo factum narrat, quod futurum est; modo futura pro iam factis explicat. Verum psalmos ab Esdra siue Ezechia Rege in vnum collectos fuisse & editos, vt illi reperti sunt, arbitratur graeci, licet latini de vario illorum ordine multa dicant, quorum lectio omnibus patet. Restat, vt quid sit psalmus, canticum & huiusmodi, interpretemur. Ac dicimus psalmum carmen esse, quod musico instrumento canimus, psalterio scilicet; Canticum, numerosam quandam cum verbis elocutionem esse ore factam, siue vocem quandam musicam cum harmonia ore prolatam, & pro psalmo interdum poni; canticum enim psalmo antiquius est, cuius inuentor Moyses fuit. Hymnum esse diuinæ gloriae ampliore quandam laudem. Canticum psalmi esse, quando musicum instrumentum prius pulsatur, consequitur deinde vox. Psalmum Cantici, quando contrarium fit. Diapsalma mutationem sententiae aut cantus significare aiunt Graeci; sed D. Hieronymo credendum esse puto, qui post multa exempla verbum hoc superiora pariter & inferiora connectere inquit, aut certe docere sempiterna esse, quae dicta sunt. Vniuersum psalmorum argumentum in duas partes diuiditur, in eam quae ad mores pertinet, & in illam quae ad dogmata spectat. Ac moralis partis iterum fit partitio triplex; nam aut singulorum, aut nationis ac gentis iudaeae tantum, aut omnium communiter hominum mores corriguntur. Item illius partis, quae ad dogmata attinet, duplex fit partitio; nam aliqui psalmi in eos inuehuntur, qui ea

qua

COMMENTARIUS.

qua sunt, casu aut fato existere, aut fieri dicunt: alii in eos, qui vlla mundum providentia regi negant; Qui autem primum statuunt, & secundum eos affirmare non è contra consentaneum est. Cum igitur psalmos interpretari cœpturus sim, de hoc lectorem admonere volui me horum duorum virorum consilium D. Hieronymi, & D. Chrysostomi secuturum esse; ait enim Hieronymus referente etiam D. Thoma, res gestas, & psalmorum verba sic exponenda esse, velut aliquid innuentia, vel significantia de Domino Iesu Christo, aut ecclesia: Chrysostomus autem ait à veritate ipsorum se non recessurum esse; sed ex historia & ex ipsa dictione nec sensum anagogicum, nec subtiliorem contemplationem excerpere vetiturum, quòd illis non aduersetur historia, sed è contra, altiorum intelligentiarum ea fundamentum, ac basis existat.

Ad primum Psalmum venio, Beatus vir.

Alunt quidam sancti spiritus quasi præfationem esse; Deus enim loquens introducit, ideo caret titulo, & quid diuino verbo præponeretur: vel potius operis sequentis titulum esse. Esdras autem addere illum non fuisse ausum, quòd ipse Dauidem in sequentibus Christi personam respicientem hunc libri caput appellasse animaduertet. Apud Hæbreos aliquos hic & sequens vnus est psalmus, quod ab ijs comprobatur; cum enim à beatitudine ordiatur, in eadem de-

finis inquit, beati qui confidunt in eo; Secundum latinos sequens scilicet, Quare, pro secundo habetur, qui tamen cum inscriptione primus est, ut infra dicetur.

Beatus vir, qui non abiit in consilio impiorum, & in via peccatorum non stetit, & in Cathedra pestilentiae non sedit.

ET si proprie Deus est, ac dominus noster Iesus Christus, à quo omnis beatitudo effluit, quæ omnium bonorum fons est, nobis tamen concessit, ut beati sicut *Dij* vocemur. Itaque ad fidelem quemlibet congrue accomodatur, qui demum beatitudinem ipsam adipisci velit. Inquit igitur, Beatus vir nunc spe, post reipsa, non excludendo mulierem, cuius caput vir est; vel vir: quod ad praelia, & pugnas pro virtute suscipiendas hortetur. Qui non abiit; recte, nam qui vivit adhuc, & in via est, quandiu deliberat, beatus dici non debet; incertus enim eius exitus. Cur autem non eum potius, qui bene agit, beatum prædicaui, quàm illum qui à malis abstinere? quia principium ad assequenda bona est, ut ait David, declinare à malo, & post facere bonum. Quare qui ambulant, & non qui ambulaverunt in lege Domini, beati nuncupantur? quia adhuc ambulantes in ipso opere laudem consequuntur. Qui vero malum fugiunt, non si semel & iterum, sed si penitus illud effugerint, gloriam adipiscuntur. In consilio impiorum

piorum abiit Adam, cum à Deo recessit, in via peccatorum stetit, cum delectatus est peccato, sedit, in superbia sua glorians nisi per Christum in viam redire nequiuit; qui tria hæc vitauerit, beatumeum nuncupabimus. Vel per consilium intelligit consensum, viam, actiones; cathedram, doctrinam. Sed cathedra pestilentie, perniciofa est doctrina; quæ sic vocatur, quia à Deo ordinata non est: corruptio enim est mortem pariens, sicut damnationem iniquitas; nam ibi iudicium non esse iniquum non potest. In cathedra Dei sedentes si innocentem opprimant, iudicium iniustum erit, non cathedra. Vel tres delictorum species significat, cogitationis, operis, permansionis; Beatus ergo qui malum non cogitauerit, non commiserit flagitium, & in peccato non perseuerauerit, nec permanserit. Verum impius in Deum dicitur, quoniam aut eum non colit, aut plures; peccator in se ipsum, quoniam licet fidelis sit, prauis tamen & perditis moribus imbutus est; pestilens in proximum, quia morbo suo alios inficit. Hieronymus pestilentie loco, derisorum, legit, quia peruerse doctrina doctores vere derisores existunt. Rerum ergo naturam secuti primum inimus consilium, postea illud confirmamus; denique in eo insistimus.

Sed in lege Domini voluntas eius, &
in lege eius meditabitur
die ac nocte.

Sed vere beatus ille, qui spretis impijs, ac derelictis peccatoribus, pestilentieq; cathedram abnuens, as-

fiduam habet in lege D. N. Iesu Christi, videlicet, in Evangelio versandi voluntatem; is enim per dilectionem in lege est, qui secundum eam agit, ille vero agitur, qui sub lege per timorem existit. Meditatur autem legem die ac nocte, id est, assidue ac sine intermissione, vel in prosperis & aduersis, siue in lætitia & afflictationibus, non qui verba ipsius memorie mandat; nam eius meditatio non in verbis tantum, sed in opere & religione consistit; verum qui bene agendo ad meditationem bonorum, quæ in lege continentur, operum, in cunctos vitam secundum illam ducentes bona sua impendit. Unde talis perfecti viri, qui cum ratione afflata diuinitus omnia gerit, pro oratione actio habetur.

Et erit tanquàm lignum, quod plantatum est secus decursus aquarum, quod fructum dabit in tempore suo.

Comparatur iustus hic atque beatus ligno, siue arbori prope aquas consita, qua in tempore suo, id est opportune fert fructum; nam sicut illa sæpe irrigata surculos edit, quia sterilis esse non potest, ita hic diuina doctrina, quam aqua nomine Christus cum Samaritana loquens nuncupauit, sacraque scriptura, tanquam riuulis aquarum & gratiarum affluentia rigatus fructus suos maturos præbebit, id est, virtutis opera, dum tempus est ea nauandi (fructus enim est quicquid præcipui boni agitur, iustitia scilicet, & sapientia

Et amor) & tempore illi præfinito præmium assequetur. Vel similis est ligno vitæ fructuoso, scilicet filio Dei, qui fructum edet, idest, ecclesias constituet in tempore suo; nam postquā is clarus & illustris surrexit, & in cælum ascendit, tunc misso ad apostolos spiritu sancto, & edoctos ab eodem innumerabiles populos sibi conciliauit, atque ad fidem attractos adiunxit.

Et folium eius non defluet.

ET folium, quo fructus perfecte custoditur, idest, studium, quod ad vsum vitæ & mores attinet, nō decidet, dummodo omnia ad gloriam Dei comparentur, atque accurate viuendo seruentur; vnde in arbore, cuius folia non cadant, vitam significasse patet. Vel folium, idest, spes salutis virescens, quæ omnem dolorum sensum tollit, nunquam deficiet; nā veri virtutis athletæ laborum suorum in posterum fructus consequentur. Interim hac spe ducti tanquam folia florent, quia nec in minimis operibus & exterioribus à Deo deseruntur, similes illis arboribus, quæ illa retinent; ac laborum grauitatem interno animi solatio compensant. Cur non folium etiam humilitatem interpretemur, quæ non deponitur, quæq; virtutes omnes non secus ac proprios fructus conseruat? Vel folium .i. verbum Dei non erit irritum, sed ad vitam ducet.

Et omnia quæcunq; faciet,
prosperabuntur.

ET sic omnia prospere succedent; à Domino enim gressus hominis diriguntur, & ad viam bonam
qui

qui huiusmodi hominem nihil aduersus leges conari vel
le non ignorat; prosperabuntur, inquam, quia nulla
actio Deo grata vtilitate caret, & quisq; remoto impe-
dimento prospere & feliciter viam suam peragit. Quæ-
cunq; igitur lignum illud attulerit, ea omnia fructus
& folia. i. facta & dicta accipienda sunt. De nullo ta-
men sanctorum hic videtur accipi posse, nisi forte in fu-
turo sæculo; vnde satius est de illo intelligi, qui semper
existens carnem tamen propter nimiam caritatem su-
mere voluit.

Non sic impij non sic.

Non ita florent, nec fructum ferunt impij, sicut ille
quem beatum appellamus, quia vmbatilem vir-
tutem habent, & ijs quæ suggeruntur licet vanis fa-
cile cedunt; ideo nihil ipsis in futuro prosperum erit.

Sed tanquàm puluis quem proijcit
ventus à facie terræ.

Sed sunt sicut puluis, qui huc atque illuc dispergi-
tur, & nunquam in eodem loco remanet, at quo-
cunque illum ventus impulerit. Ita Iudei flante ad-
uersus eos vehementi Apostolorum prædicationis spiri-
tu dispersi sunt. Ita & Demones aduersarij impios
quosque dissipabunt. Verum notandum est impios pul-
ueri tripliciter comparari. Nam puluis terræ non ad-
hæret, sed est in superficie; lignum autem. i. iustus ra-
dicatus plantatum est; Et lignum humidum est, puluis
vero

vero siccus ; & lignum compactum est, pulvis vero di-
 nisus . Nec non beati cælestibus bonis inhaerent, terre-
 stribus impij sustentantur . ΑΝΥΠΟΚΑΨ ventus . i. su-
 perbia impium eijcit , quia inflat , à facie terræ . i. à sta-
 bilitate æterna , quia vt hic terra nutrit hominem &
 continet, sic interiorē illa, à qua Lucifer & Adam de-
 iecta sunt , quamuis D. Hieronymus hæc verba non
 legat : à facie terræ .

Ideo non resurgunt impij in Iudicio,
 neque peccatores in con-
 filio Iustorum .

DOctores aliqui tres tantum modos ponunt, in-
 quientes alios iudicatu-
 ros esse , non iudicandos,
 quia recte crediderunt , & fidem operibus comproba-
 runt, vt apostoli ac perfecti ; alios . s. peccatores surre-
 cturos non esse in congregatione iustorum, vt legit Hie-
 ronymus, quò iudicent, quia iudicandi sunt ; non enim
 in eorum cætu numerari merentur : alios vero, impios
 scilicet, qui non crediderunt, nec iudicatu-
 ros, nec iudi-
 cium subituros , sed ad pœnam à mortuis excitatos iri ;
 damnati enim illi certissimo supplicio multabuntur .
 Non nulli alij quatuor gradus faciunt , eorum qui iu-
 dicabunt, & non iudicabuntur , vt sancti ; Et eorum
 qui nec iudicabunt, nec iudicio subiecti erunt, vt impij
 damnati . Item fidelium qui peccant , alij iudicabun-
 tur, & salutem consequentur, vt mediocriter boni, qui
 tamen nec in numerum beatorum ascribentur ; alij in-
 dicabuntur

dicabuntur & peribunt, ut pessimi fideles, qui à iustis penitus separabuntur, ut acceptæ legis rationem mandatorum reddant. Ergo impij non surgunt in iudicio, & quia tanquàm pulvis proijcientur, quibus hoc auferri ait, quod superbi ambiunt, ut iudicent; Et quia spèrantes legem Dei ac negantes, non est unde in iudicio interrogati rationem reddant. Ex quo patet Davidem de iustis loqui, qui ad vitam æternam suscitantur, quia impij & perduelles & si surgunt, ut perspiciant esse verum, quod credere noluerunt; omnes enim inquit D. Paullus, surgemus, non tamen vitæ, sed æternæ morti destinantur. Iustos autem David significat, non qui in peculiari iustitiæ virtute se exercent, sed omnes generatim sanctos, ut potè à Deo iustos effectos, sicut scriptura appellare solet.

Quoniam nouit Dominus viam Iustorum, & iter impiorum peribit.

A Libi dicit, Nouit Dominus qui sunt eius; certe cognoscit Deus viam iustorum, quia in eius lege ambulant, & illam approbat, ignorat autem mala, quia cognitione ipsius indigna sunt, & ideo impios quorum iter extra legem est, non nosse simulat, quia illos tales non fecit; nam nesciri aliquem à Deo, perinde est ac perire, sicut sciri à Domino est manere; vel nouit. i. domesticos inuisit, honorat, amat; & cum iustorum virtutes velut eorum diuitiæ permaneant, iter. i. actiones impiorum delebuntur, aut impietas ipsa peni-

tus tollitur. Ex quo constat à Davide hereticos illos reprehendi & corripi, qui substantias & naturas ipsas omnino interire, atque ad nihilum redigi opinantur. Conemur igitur & nos omne malitiæ genus effugere; et cum peccatoribus versari nolimus, nec in eorum consuetudinem nos ipsos immergere, ut beati vocemur, et in numero illorum habeamur, qui ita florent, ut fructus optimos afferant, quique in congregatione iustorum futuri sint, atq; iudicaturi, ut potè à Deo cogniti ac probati; quod facile assequemur, si virtutes iustorum imitari, atque ab impiorum via adiuuante Deo immortalis prorsus deflectere studuerimus, qui est benedictus sempiternis seculis Amen.

IN PSALMVM SECVNDVM:

Quare fremuerunt, &c.

Psalms hic ordine secundus est, titulum tamen primus habens secundum latinos talem. Psalmus David, quod ab eo compositus sit. Secundum D. Hieronymum, & Heb. titulo caret, & qui à latinis legitur, secundum eos fictus est; secundum quos etiam David de victoria, quam contra Palestinos reportauit, Deum laudat. Sed D. Petro in actis apostolorum maxime credendum est de Christo psalmum exponenti, qui primum ignorantiam gentium, & Iudæorum carpit; deinde insidias eorum qui Iesum occiderunt; Et Iudæorum exitium vaticinatur, ac prædicit. Demum vocandas esse gentes, quas ad salutem inuitat.

Quare

Quare fremuerunt gentes, & populi
meditati sunt Inania?

Quatuor hominum genera aduersus Christum con-
iurasse inquit Dauid, gentes. i. milites, populos,
Iudæos videlicet, Reges Hærodem, & Pilatum, princi-
pes, Iudæorum primarios Annam & Caypham; Et
admirans insectantium malitiam quam prævidebat,
Quare fremuerunt, ait, propter quid, & quo fine moti
Iudæi equorum & leonum more frenduerunt, et in Chri-
stum sæuitiam crudelitatemq; exercuerunt, & arro-
ganter superbierunt, (increpare, non interrogare vide-
tur). i. cur cum tanto furore tumultuati sunt, & me-
ditati inania. i. falsa, & frustra conati sunt in spem
venientes se posse eum tollere, qui viuit in æternum, nō
sunt affecuti, quæ optauerunt, vt Christus extingue-
retur.

Astiterunt reges terræ, & principes
conuenerunt in vnum aduersus
Dominum, & Christum eius.

Idest affuerunt, & coniurauerunt reges, id est Hero-
des, & Pilatus, & consociati sunt in vnum ad-
uersus Dominum patrem, & Christum eius filium; in-
fidiosa enim consilia contra Christum, in ipsum quoque
patrem redundant, qui filium gentium regem vnxe-
rat.

rat. Dicant nunc iudei si valent, cuinam eorum Regi hæc contigerunt. Nunquis alius insidias passus fuerit; nunquis alius Dei filius vocatus; si quis gentibus omnibus imperauerit: si quis in toto terrarum orbe cognitus fuerit. Itaque eorum quaecunq; prædicta fuerunt, Christus finis fuit ac terminus. Hieronymus ex heb. tempore futuro vsus est. Quare turbabuntur & meditabuntur atque consurgent, ea, opinor, ratione, vt David futura ante oculos à spiritu sancto sibi posita esse ostendat, cum secundum aliam interpretationem futura vt præterita narret.

Dirumpamus vincula eorū, & projiciamus à nobis iugum ipsorum.

Non nulli greci, & aliquot latini Augustinus præsertim, ita exponunt, vt diapsalma non existat, conuenerunt in vnum inquierentes: dirumpamus, & à nobis iugum repellamus; dixerunt enim non habemus Regem nisi Cæsarem, à nobis. i. per nos ipsos efficiamus, auxilium non expectantes, ac rationes Christi atque discipulorum reiiciamus & aspernemur, quibus nos sibi ipsis addicere volunt, vinculaq; rumpamus. i. operam demus, ne nos deuinciat ipsius religio, & sub iugū eius mittat. Theodoretus tamen ex persona spiritus sancti, Hilarius, Apostolorum, hæc dicta esse affirmāt, vt diapsalma extet, licet in hebræo non contineatur: Inquit enim Petrus, quid tentatis cervicibus Apostolorum iugum. i. legem imponere? Alij aiunt latini, Dauidis

vidis esse vocē inquentis, quæ contra Christum machinati sunt, ea euertenda esse, & fideles hortantis, ut cum infidelibus nullius rei societatem facere velint. Quas opiniones Augustinus quidem non reijcit, primam vero magis, sicut & ego, probat.

Qui habitat in cælis irridebit eos,
& Dominus subsannabit eos.

Qui donicilium habet in cælo Dominus pater, & qui ab illis proditus & captus fuit, filius irridebit eos tanquàm fatua sequentes, & inania conantes; pœnasq; ab eis exiget, ut euentus comprobauit, expugnata à Romanis Hierosolyma, et subsannabit, ut sit repetitio. i. manifestam faciet irrisionem; nam tunc eos irrisit, cum positis custodibus & sepulcro obsignato surrexit; delusit, cum apostolos per mundum dissipauit; licet hæc more humano intelligere nō debeamus, ut quasi buccis Deus irrideat, naso subsannet. Vel qui habitat in cælis. i. in animabus sanctis, irrisione illos dignos in futuro reddet. Irristo autem, ut ait D. Augustinus, præsciendi vis est, qua Deus sanctos donat, ut perspicientes illi nomen Christi peragrasse omnes gentes, aduersarios inania cogitasse intelligant.

Tunc loquetur ad eos in ira sua: &
in furore suo conturbabit eos.

Tunc quando scribis & phariseis dixit. Vah, quoniam à vobis Dei regnum auferetur; de ultione loquetur, & contra eos sententiam feret; iram enim
Dei

Dei tempore iudicij experientur ; furor autem est ira excandescens : eius enim principium est , furoris finis ira ; Vtrunq; in Deo non perturbationem , sed vim , qua iustissime in peccatores animadvertit , nos intelligere decet . Ergo ira Dei motus est in anima legem Dei cognoscente , quam ipsa à peccatore non servari videt ; & ut apertius ac planius ostendat , quomodo loquetur , dixit , conturbabit eos , idest pœna æterna puniet . Hęc igitur quattuor in iudicio cõtinebuntur . Irridebit Dominus , eos à sinistris statuens , subsannabit , exprobrans illis , Esurini ; loquetur in ira , in eos sententiam hanc ferens : ite maledicti , conturbabit demum dicens : eant hi in supplicium æternum .

Ego autem cõstitutus sum Rex super Syon montem sanctum eius .

Vox Iesu Christi inquentis , Ego vero , cuius vincula , & iugum à vobis deijcere conati estis , rex sum constitutus , ut homo , licet natura filius ; supra montem Syon , Iudæam videlicet ; ait enim Christus , nõ sum missus , nisi ad oves domus Israel quę perierunt , quia in illo monte doctrinam suam promulgavit ; vel super montem ecclesiam , quam propter firmitatem montem appellat , & super eos , qui credunt in ipsum .

Predicans præceptum eius .

Nam homo factus Domini præceptum prædicat scilicet Evangelium , aut mandatum novum , &

tanquam homo Rex creari dicitur ; quis quatenus Deus, Rex semper existit .

Dominus dixit ad me, filius meus
es tu .

H*æc verba propter æternam, ac diuinam generationem dicta sunt , Dominus dixit, id est quasi dicendo me genuit ; vnde filius verbum est , quod pater dixit, id est gignendo produxit, proprietates vero demonstratur, cum dicit, meus, non adoptatus, sicut ij, quibus se filios Dei, vt efficiant, concessit, sed natura ; ideo filius meus naturalis est, & eiusdem mecum substantia existens .*

Ego hodie genui te .

G*raci & latini hoc loco discrepant ; nam graeci verbum hoc hodie temporis signum esse aiunt, in quo verbum caro factum est, atque perinde valere, ac si dicat, presenti die, quia de generatione in tempore facta loquitur, cum verbum carnem induit : Nam de illa, quæ principio caret, alibi dicit David, ex utero ante Luciferum genui te ; latini hoc verbo hodie æternitatem significari inquirunt ; non enim noua est, sed æterna generatio, & ideo verbum hodie presentiam indicare, quoniam quod æternum est, semper existit ; dicit etiam, genui, ad designandam generationis perfectionem, quamuis de die, qua homo natus est, intelligi quoque queat, vt ait D. Augustinus .*

Postula

Postula à me, & dabo tibi gentes
hæreditatem tuam.

Cum Dominus natura sit, quatenus Deus; quatenus homo vniuersarum rerum dominatum accepit, & consilio diuino hæres institutus est. Cum ergo dicitur, quòd regnum acceperit, & hereditatem petere iussus sit, hæc omnis ratio ad susceptum hominem refertur; postula, inquit, & gentes tibi tradam, quæ copulentur cum sequentibus Christum, atque à morte redimantur, quæq; tibi subiectæ sint, ac demum existat hereditas. Scire autem oportet eum qui virtutis particeps est, cum similis Deo efficiatur, Dei hæreditatem dici. Quandiu igitur Israel bonus extitit, de illo dictum est, Iacob pars hæreditatis eius; Et quoniam fides in Deum, & mandatorum observatio in hereditatem vocat, eorum præuaricatio huiusmodi honore illum priuauit; quare Israel, qui beneficium Dei insigne neglexit accipere, merito corruit; cuius exemplum cum ante oculos nobis versetur, ne tanto bono decidamus, maxime nobis cauendum est.

Possessionem tuam terminos terræ.

Idem repetitum est; possessionem enim pro hæreditate posuit; Terminos terræ, pro eo ac dabo tibi gentes, quia euangelij sermo, id est doctrina tua ubiq; dominabitur, & in omnem terram, & in omnes fines eius

penetrabit. Animaduerte, quomodo ad Dominum Iesum Christum, quæ illi natura suppetunt, etiam carne indutum diuitiæ peruenerint; nam si quæcunq; in mundo existebant, patris erant, pariter & Verbi fuisse dubitandum non est; inquit enim omnia tua, mea, & mea tua sunt. Cæterum cum in nullum eorum, qui regnauit in terra Israel, conueniat regnum hoc, non ne clarissimum indicium habemus omnia in vnum Christum penitus quadrare? pudeat ergo ita Iudæos, ut pudorem rubor consequatur, quia neminem habent, de quo hæc vere dici queant.

Reges eos in virga ferrea, & tanquàm vas figuli confringes eos.

Cum plenam potestatem assecutus fueris, atque orbis terræ, gentium hereditatem adieris, reges eos, ait, principes iudeorum, & illos qui vana cogitarunt, & qui aduersum te coniurarunt, non pastoralis virga, sed ferrea, quæ Christi est potestas, seu eorum pœna, qui non crediderunt, vel potentia Romana, quæ ferream appellauit Daniel, & eos dissipabis, atque illorum arrogantiam lutei vasis instar confringes, quod Vespasiani, ac Titi tempore ipsis euenit: Nam Iudæi à Romanis ferè perditæ fuerunt, de quorum perniciæ, atq; exitio Iosephus incredibilia quasi narrat: eos tamen Christus qui agnouerunt ipsum, seq; ipsius potestati subiecerunt, in læta pascua adducens pauit, ut grex eius rationis particeps, dicat, Dominus regit me, nihil mihi deerit.

deerit. At contumaces, qui non habebant alium Regem quam Casarem, tanta pœna affecit, quantam eorū improbitas atque peruersitas postulabat; atque Casaris ipsius militum opera vsus est, vt non eos solum, sed ciuitatem etiam funditus perdiderit: Et sic oracula, quæ fuderūt Esaias, Hieremias, & Christus ipse, verissima fuerunt. Si vero ad gentes dicta referantur, reges, inquit, eas virga ferrea, idest iustitia, quæ flecti nequit, & conteres eas, non vt destruas, aut omnino perdas, sed vt instaures, atque iterum formes: Nam in sacris litteris etiam in bonam partem accipitur, vt in psalmo, cor contritum non despicies, & tanquàm vas figuli eas confringes; sicut enim de manu figuli delapsum vas cadit, atque conteritur, non deletur tamen, quia Figulus non lutum aliud quam vetus, aquam tantum addens denno format, sic Dominus Iesus Christus fecit, in eis enim idolorum cultum, terrenasq; cupiditates, ac veteris hominis sordes eluit, & per baptismum renouans diuini spiritus igne perfectas illas effecit. Nos quoque spiritum nostrum contere oportet, vt is gratum Deo sacrificium fiat.

Et nunc Reges intelligite, erudimini,
qui Iudicatis terram.

Hinc vox est Propheta ad principes, ac Reges, Hec vos, quotquot agnouistis, quanta sit eius potestas, qui gentium haeres factus est, & qualis illa virga ferrea, qua vos cæsi estis, iam bellum gerere desistite, intelligiteq; , idest scientiam capefcite, & discipli-

na, quæ vos erudiat, et correptioni vos met tradite, qui terram, idest terrena in vobis iudicatis, & corpus dam-
 natis, libidines fræmate, appetitumq; superate; & qui
 antea imprudentes illi scilicet Christo insidias fecistis,
 saltem pænitentia ducti modo resipiscite, & sapientiã
 amate. Cum Reges admonet, populos ipsis subiectos
 monere quoque videtur. Vel Regum nomine sancti in-
 telliguntur, qui innouati contritis luteis vasis se regere
 valent; proprie namq; Rex dicitur, qui innocenter im-
 perare nouit; & certe si recte examinemus, cur san-
 ctus ille vir Rex vocari non debet, qui proprijs affecti-
 bus dominari non ignorat, atque à peccato se amplius
 vinci non sinit? Nam sancti terræ iudices erunt, at
 quomodo? nimirum præclaris eorum factis dijudica-
 bunt illos, qui eadem imitati non sunt; Niniuite
 etiam, & regina Austri in iudicio surgent, & iudices
 eorum erunt, quos Christum audientes non pænituit,
 & hoc fortè modo duodecim tribus Israel, quæ in Chri-
 stum minimè crediderunt, discipuli iudicabunt.

Seruite Domino in timore, &
 exultate ei cum tremore.

Hic reges Domino seruire iubentur; Seruitutis in-
 gulum à vobis non repellite, vt apud Deum lætitiæ
 & exultationis participes efficiamini; hoc autem age-
 re oportet cum timore, qui peccare non sinit, (is enim
 pro obseruantia ab Origene sumitur, quæ reuerentia ap-
 pellatur, & nunquam pænã habet) nam vbi timor
 est,

est, illic mandatorum observatio; sed ne servitus, quā filius servire potest, miseria videatur, cum non timor solum, sed caritas servitutis causa existat, addidit, Exultate ei, scilicet in Domino, cuius letitia sunt actiones bonæ, & diuinæ legis meditatio; & gaudete mirū in modum; verum hoc vestrum gaudium cum tremore commixtum sit, & non effusum, ne hæc letitia incredibili elati, & arrogantes omisso timore excidatis; Exultate igitur propter spem, verum propter peccatum contremiscite; ea enim vera exultatio est, cum quid boni facimus, & multo cum studio opera egregia nauamus. Sed quomodo tales viri in tremore existere dicuntur? nunquid illos cogi arbitramur? minime; at quoniam ex Regibus alij perfecti sunt, alij timore erudiuntur, ut terræ iudices existant, eis non conceditur illa dissoluta exultatio, ne alias inflati glorientur, & cadant.

Apprehendite disciplinam, ne quando irascatur Dominus, & pereatis de via iusta.

Scientiam scilicet euangelij, quasi præsidium contra omnia, quæ obesse possunt, percipite, ne vobis segnitia utentibus & cunctantibus irascatur Dominus & succenseat, à qua qui aberrant, de via iusta cadunt, id est de via iustorum, vel Iustitiæ; si quidem non satis est diuinæ cognitionis acquisitio ad perfectionem assequendam, sed virtutem actuosam esse oportet, quia illius laus omnis in actione consistit; si certam ac tutam

viam conficere velimus. Origenes ait hoc verbum iusta, nec apud Hebræos, nec apud interpretes haberi; nec D. Hieronymus legit. Dicitur autem homo, quando in mundo existit, in via esse, si cadit, surgere valet, nec quod reparari potest, perire putandum est; verum si de via declinat, recuperare se nequit; sicut enim in via sumus, cum mandata Dei seruamus, sic ab ea aberramus, cum ea non conficimus; quam pœnam magnā sustinent illi, qui iustitiæ dulcedine antea capti fuerūt. Hieronymus legit, adore pure, ne forte; Iudæis enim qui filium Dei adorare noluerunt, iratus est pater; & ideo relicta via, quæ Christus est, relictā, ipsi perierunt.

Cum exarserit in breui ira eius, Beati omnes, qui confidunt in eo.

Post exitum vite supplicium futurum exprimit, ac iudicij tempus quod instat (breuis enim, & momentanea est hæc vita præsens) eiusq; celeritatem & vehementiam significat; in breui dixit, repentinum aliquid fore innuens, dum hoc remotum, ac diuturnum futurum peccatores existimabunt. Vel vindictæ tempus venerit, quæ impijs & peccatoribus apud infernas partes præparatur, non solum furor confidentes non attinget, sed beati erunt ij, quia ad regnum peruenient; quæ gloria ex pœna malorum maior apparebit; vel cum ardebit indignatio, modo enim castigat ut pater, quia penitentiæ locum relinquit, nihil patientiæ dabitur loci, sed iudicium breuifiet: nam non singula pec

cata

cata separatim; & simul omnia diligenter perpendet, atque examinabit Dominus. Confidere autem nihil aliud significat, quàm fidem firmissimam, ac stabilem cum spei constantia coniunctam habere: nam qui confidit, haud dubitat, quin difficillimis temporibus Dominus sibi præsto futurus sit. David igitur à beatitudine exorsus, in primo psalmo in eadem terminavit; in hoc enim additum est, quod deerat primo, ut apud Hebreos non iniuria coniuncti sint ambo, & pro vno censeantur. Nam non satis est in consilio impiorum non abire, & in lege Domini meditari, sed planè oportet nos non frustra nec temere meditari, & ex ipsis verbis cognoscere Christum Dominum, & aduersus eum non murmurare, nec conirare, at fieri nos hereditatis sue partem, fideq; & operibus in ipso confidere, semperq; in timore versari ne eum ledamus: sic enim & futurum iudicium non formidabimus, & maximam ex rebus bene gestis iucunditatem, & amplissimum spei nostre fructum, beatitudinis scilicet præmium consequemur.

IN PSALMVM TERTIVM:

Domine quid.

INscribitur, Psalmus David cum fugeret à facie Absalonis filij sui. Historia nota est 2. Regū. Absalonem patrem infectatus est, eumq; occidere nitebatur, cui David ex Hierusalem exiens cum suis cessit, quod ob scelus in Vria uxorem editum, & maritum occisum

eisum sibi contigisse non ignoravit: Nam post peccatum à patre Absalon descivit, quem fugiebat David, quoniam ipse castitatem fugerat, & pudicum matrimonium violauerat. Cum igitur in fugam se conferret, diuino illi ob feruorem pœnitentiæ, ex qua maximū fructum tulit, numine aspirante præsentem psalmum composuit; & cum Absalon patris pax dicatur, puerō pacem dedit pater præcipiens populo ad bellum proficiscenti, vt eum seruaret. Hunc autem psalmum ad personam Christi applicandum esse mihi persuadet, inquit D. Augustinus, quod dictum est. Ego dormiui, Sed et hoc ad Dāuid aliquo modo graci aliquot referūt, vt infra dicitur. In hoc namq; psalmo agitur & Christum passum fuisse & surrexisse, in quo multa insunt, inquit Origenes, quæ an ad Historiam referri queant, animaduertendum esse putat, qui probat in pluribus scripture locis Davidis nomine Christum appellari. Filius est Iudas, à quo fugisse Christum, quanuis secundum historiam intelligi possit, quando illo discedente cū ceteris in montem secessit, ἀλλ' οὐκ ὅτι tamen cum mentem Iudæ filius Dei, id est eius sapientia deseruit, & cor eius Daemon intrauit, recte dicitur eum fugisse, non quod Christus Dæmoni cesserit, sed Christo ipso discedente ille occupauerit, quem discessum ob celeritatem fugam appellatum esse existimandum est; inquit enim quod facis, fac citius, cui Iudæ in conuiuio, & osculo pacem Christus dedit. Etiam cuilibet Iusto in afflictionibus versanti psalmus hic attribui potest.

Domine quid multiplicati sunt, qui
tribulant me, multi insurgunt
aduersum me.

Non tam interrogantis quàm admirantis est, quid,
pro valde, vehementiam enim significat; admira-
tur autem & stupore afficitur ob insidiatorum multitu-
dinem, & tanquam homo timet, sed audet, & superio-
rem se fore in Domino Deo confidit. Hi vero Dauidem
afflixerunt primarij, Achitophel, Theon, Semei, quos
plurimi secuti sunt. Hæc de Christo prædici futura su-
pra relatum est, quem & filius suus Iudas & princi-
pes Iudæorum insectati sunt. Circumseptus igitur sum
tentationibus, inquit Dauid, sed fide munitus minime
corruo. Multi insurgunt, hostium est insultare, id
est factis me perdere cupiunt. Sciendum est autem
cunctos, qui præscripto Dei vitam instituunt, afflicta-
tiones expectare oportere, in omnibus vero graua
quæq; viriliter sustinere. Affligunt quidem demo-
nes per se, qui per voluntarias voluptatum tentatio-
nes diuinorum mandatorum nos præuaricatores effici-
unt; per homines vero, cum eos inducunt, vt in nos ir-
ruant, vt profligent Demones, homines insultent.

Multi dicunt animæ meæ non est
salus ipsi in Deo eius.

Multi (iteratur hoc verbum, vt magnum eorum
numerum esse demonstrat) non esse animæ meæ,
id est

ideſt mihi ipſi in Deo ſalutem aiunt; alij quidam vide-
liet præter irruentes, & affligentes eſſe poſſunt, qui
Abſalonem minime ſecuti ſunt, at cum perſpicerent
Dawidem victum eſſe, illa verba facerent. Verum qui
Chriſtum Ieſum cruciarunt, turba fuerunt, tolle, tolle,
clamantes; Inſultarunt Iudas, & Cayphas, Annasq;
& Herodes; Qui autem dixerunt: non eſt ſalus, illi exi-
ſtimandi ſunt, qui niſi desperarent eum ſurrecturum eſ-
ſe, non utiq; occiderent: Ideo aiunt, ſi filius Dei eſt, de-
ſcendat de cruce; ergo nec Iudas eum prodidiſſet, niſi
exitiſſet ex eorum numero, qui eum ſpernerent inquit-
tes, non eſt ſalus in eo, quem colit, quæ tamen iuſtorum
vox eſt, ſicut alibi dicitur: ſalus autem iuſtorum à Do-
mino.

Tu autem Domine ſuſceptor meus
es, gloria mea, & exaltans
caput meum.

D lapſalma, pro quo Hieronymus ſemper, habet
Vox enim eſt Dawidis pro virili afflictiones tole-
rantis, & ſperantis nunquam ſe deſertum iri; at ma-
ximis auxilijs, & ſumma gloria in regnum reſtitutum
iri credentis, inquit enim. Tu autem Domine ſuſco-
ptor meus exiſtis, vel ut legit D. Hieronymus, cly-
peus circa me, ideſt deſenſor meus, ut à multis affligenti-
bus me liberares; Gloria mea, Deus enim fide creditus
ſanctorum gloria eſt, & illorum qui virtute illuſtran-
tur. Et extollens caput meum, ideſt mentem præci-
puam, & principem animæ facultatem; eſſertur enim
mens,

mens, cum multiplicem Dei scientiam percipit. Elatus autem fuit David per vniuersum orbem, vt qui ob Christum ex semine eius secundum carnem nasciturū celebris factū sit. ἀλλυγορικῶς, Christus confidens se ad vitam reuocandum esse, ait, tu suscipiens me pater es, & dissipatis omnium insidiatorum consilijs in pristinum gloria splendorem me restituens, extollens caput meum, idest diuinitatem meam, quæ efferrī dicitur, cum per fidei demonstrationem manifesta redditur.

Voce mea ad Dominum clamaui, &
exaudiuit me de monte
sancto suo.

Hic non precatur David, sed se hoc munere ante secreto functum fuisse declarat, antequam votū eius à Deo auditum fuisse explicet. Voce mea, idest cordis voce, quæ hominibus filere videtur, Deo autem clamat, ad Dominum clamaui, à quo est auxilium; silentium propter vehemens mentis desiderium clamorem vocans, qua voce qui clamant, à Deo exaudiuntur, vt Susanna, vt Moyses, qui ore tacentes, corde exclamabant. Itaque qui per psalmum ad Deum vocem intendit, non aliunde quàm à monte sancto, idest à cælo exauditur, si quidem alibi dicitur, exaudiuit illum de cælo sancto suo, qui mons propter habitationem Dei firmissimam sanctus vocatur. Vel de altitudine iustitiæ tuæ exaudiuit; iustum enim erat;

ut innocentem occisum, cui mala pro bonis retributa sunt, à mortuis suscitaret, atque digna, in sectantibus rependeret. D. autem Hieronymus legit, clamabo & exaudiet, ea, opinor, ratione, ut Christum ad patrem hac verba facturum praevideat David.

Diapsalma, Ego dormiui & soporatus sum, & exurrexi, quia Dominus suscepit me.

Ostendit in quo exauditus fuerit, quia exurrexi, inquit; Discrimen autem est inter mortuum & dormientem, quia mortuus non surgit, dormiens sic; Nam quando afflictio tanta est, ut homo ad priorem statum non reuertatur, mors dicitur; quando vero cruciatus & tentatus in peccatum cadit, & iterum se erigit, dormire dicitur. David igitur, inquit, socordia dormiui, & magna profecto pœnitentia surrexi à filio, & à peccato liberatus: Dormire enim dicitur parum, soporari quasi multum; unde aliter legitur, somnum cepi, idest arcte & grauitè dormitavi: Nam cum ipse dormierit, eum fuisse excitatum asserit, quòd Dominus eum suscepit, illud innuens & indicans tempus, quo finem habuit de Christo prædictio, nimirum cum ipse apparuit, & cum à mortuis se excitasset, multa corpora surrexerunt, inter quæ animam David fuisse non dubitandum est; sic enim ait Christus, Dormiui, quia sponte mortis perpeffioni me obtuli, & soporatus sum, quia mors secuta est; somnus enim pro morte accipitur, et propria virtute me à mortuis excitauit, quia

Dominus

Dominus suscepit me, uel sustentauit, ut legit. D. Hieronymus: habuit enim diuinitatis virtutem, qua se erigeret.

Non timebo millia populi circum-
dantis me. Exurge Domine saluū
me fac Deus meus.

VOx viro sancto digna securitatem ob fiduciam in Deo præferente, qui alibi ait, si consistent aduersum me castra, non timebit cor meum: præuidit millia populi contra se insidias struentis, & ad Deum solum confugit, qui innumerabilem hostium multitudinem præsentia sua dissipare potest, quod Christus dicere potuit multitudinem plebis eum in crucem tolli flagitantem præuidens, ἀναγορεύων de Dæmonibus exponi potest, qui à fronte spem prosperi exitus, à tergo cogitationes rerum malarum memoriam excitantes dum nobis proponunt, decipere nos tentant, à dextra per carnis affectionem, à sinistra & laua per inanem nos gloriam, ac superbiam seducunt. Exurge domine, idest ad vindicandum me expergiscere, non quo dormiat, aut iaceat ipse, sed sacra scriptura mos est Deo tribuere, quod ipse in nobis efficit. Prædicit autem Christum surrecturum esse, qui dicat, manifestam fac virtutem tuam, & me à mortuis suscita: David vero cum præcognouisset hoc futurum esse, & credidisset, deinceps orat, ut hoc acceleret: inquit enim saluum me fac, idest fac me tuæ salutis participem.

Quoniam

Quoniam tu percussisti omnes aduersantes mihi sine causa.

Idest, quoniam sermones, & execrationes eorum qui mihi sine causa aduersarij sunt, præcidisti, & abscidisti; odio enim me habuerunt gratis; nam qui simularis, & odij occasionem non afferunt, illis sine causa homines infensi sunt, cuiusmodi sunt, qui viuunt innocentia muniti, & tamen contumelijs, & afflictionibus opprimuntur; & de ijs, qui mecum graues inimicitias gerebant, supplicium sumpsisti.

Dentes peccatorum contriuiisti.

Verba peccantium, vel verba eorum, qui maledictis filium discerpebant, & contumelijs laceraabant; irrita fecisti, & eorum principes confregisti, quorum auctoritate quisq; à societate recte viuentium deducitur. His dentibus contrarij sunt dentes ecclesie, quorum auctoritate qui errori gentilium, & varijs dogmatibus credunt, redarguuntur & conuincuntur, & ad eam, quæ corpus Christi est, ecclesiam transferuntur. Hieronymus legit, omnium inimicorū maxillam, dentes impiorum confregisti, idest ita Absalonem percussisti, vt dentes contriueris, idest eorum satellites, es stipatores ad nihilum redegeris.

Domini

Domini est salus, & super populum
tuum benedictio tua.

Non ergo quærenda est aliunde, non enim ab homine, sed à te solo salutem expecto, & populus, qui mecum oppugnatur; quin & de hostium salute sollicitus sum; sit super hos, & illos benedictio tua, id est his & illis benedic Domine. D. Augustinus aliter etiã exponit, vt totus Christus cum corpore loquatur.

Cum igitur innumerabilibus peccatis nostris euenisse non ignoremus, vt ab inimicis affligamur, & præsertim Dæmonibus, conemur socordiam excutere, & tam vehementi, ac feruenti pænitentia exurgere, vt cum ad Dominum nostrum Iesum Christum clamauerimus, exaudiat nos de sede sancta sua; sic enim nec aduersarios homines, nec dæmones ipsos formidabimus; immo de salute nostra cum totam spem nostram in ipso collocauerimus, is non solum præstabit nos saluos, sed hostes etiam nostros profligabit.

IN PSALMVM QVARTVM:
Cum inuocarem.

Inscribitur psalmus sic: In finẽ in hymnis psalmus David. secundum Græcos; aliàs: in finem psalmus cãtici David, secundum latinos. Origenes arbitratur in finem, quandam finis notionẽ indicare, quia sicut in omni

ni arte, ac scientia nobis proponimus finem, in quem properamus, si artem illam legitime adipisci velimus, sic cuiuslibet, qui ratione utitur, finis est, in Christo vita frui; ac decertanti finis victoria est. Vel in finem, quia ostendit ea, quæ prænuntiantur, multis post seculis euentura esse; nam in fine psalmi huius, futurum esse prædicit, ut surgamus. In finem igitur psalmi inscripti, finem, & victoriam Christi demonstrant, qui victor secundum Aquilam interpretem nuncupatur. Ideo Hieronymus hoc titulo, victori in Canticis, semper utitur, pro quo ipsi septuaginta, in finem, inscripserunt. Canticum autem letitiam significat, & est pro parte victoria laus; vel cum Deo gratiæ aguntur, Psalmus vero dicitur, quia psalterio canebatur. Ergo Psalmus Cantici dicitur, quia instrumento illo simul cum humana voce cantabatur. Iste autem continet ipsi Deo gratiarum actionem, secundum non nullos pro liberatione Davidis à Saule, quando eum ita cinxit, ut euadere se posse desperaret David; at secundum Græcos, & Latinos plerosque; pro victoria, quam de Absalone reportauit, quæ opinio mihi magis arridet. Vnicuique etiam Iusto, qui misericordiam Dei in se expertus est, & à periculis liberationem obtinuit, Psalmus hic congruit.

Cum inuocarem, exaudiuit me
Deus Iustitiæ meæ.

Inuocationis munus proprie sanctorum est, eorumque; qui seruandi sunt, quicumque; enim inuocauerit nomen Domini, saluus erit, Deum ergo apparet eum qui seruandus non sit, non esse inuocaturum, licet hoc sæpe fecisse

cisse visus fuerit. Inuocatio autem in voce quidem, multo vero magis in mente sita est, ut Samuel inter eos numerabatur, qui nomen eius in veritate inuocabant; liquet igitur, quod eum exaudiat, inuocantem iustitiam vere habere, siquidem per Esaiam ecce adhuc, loquente te, adsum, viris iustis hæc promissio Dei annuntiatur. Quare precantem oportet fidentiā habere, & omnia, quæ petierit, impetrabit; Et propterea David dixit: Deus iustitiæ meæ, fiduciæ suæ documētum præbens, id est illius dator, & à quo iustitia mea proficiscitur, vel qui me iustum facit, & licet Deus peccatores audiat, ex misericordia, non ex iustitia eos auscultat. Codex græcus, & Hieronymus ex Heb. legunt, exaudisti, at quo ad sensum nihil refert.

In tribulatione dilatasti mihi.

Non dixit, afflictiones abegisti, non tentationes sustulisti, nec me ex malis circulantibus exemisti, at ijs manentibus dolorum relaxationem mihi indulxisti, & in latissimum me campum deduxisti, magnitudinem animi ad alacriter sustinendum mihi præbens. Hoc eos, qui in illas incidunt, sapientiæ studiosos magis facit, quando affuerit latitudo, quæ afflictam animam consoletur, & non dissoluitur afflictio, quæ ab omni negligentia liberat. Verum scriptura solet iustis viris, quæcunq; aduersa accidunt, licet ad eorum exercitationem infrantur, appellare afflictiones, quæ vero peccatoribus eueniunt, flagella vocare; alibi enim mul-

tribulationes iustorum, idest afflictationes; & peccatoris flagella multa, inquit; animadvertere quoque oportet, affligi nos in nostra potestate situm non esse: angustia vero, nobis esse integrum.

Miserere mei, & exaudi orationem meam.

Cur, cum exauditus fuerit, idem petit? an quia non semel, sed assidue Christum orare debemus; non enim simul dona omnia, sed sigillatim ea accipimus. At quid opus est orare, si iustitia præditus sum? idonea enim ea est ad omnia recte gerenda, An oratio non paruum est in Deum dilectionis indicium, quæ colloquio cum eo nos assuefacit? & quanquam ait se exauditum esse, superbiam tamen fugit, & in posterum habere Deum propitium exoptans obsecrat ex misericordia non ex debitione exaudiri. Miserere igitur, quicquid reliqui est miseriæ remouendo, & pro futuris bonis orantem exaudi.

Filij hominum usque quo graui corde.

David videtur in eos inuehi, & illos increpare, qui afflictionibus commouentur, & quiduis potius agunt, quàm ut ad implorandum auxilium diuinum confugiant, inquit, Filij hominum, idest homines (Nos enim natura filij hominum, gratia autem Dei filij) Usque quo graui corde, idest stupidi, & increduli, improbe viuentes, iniquitatemque in corde retinentes; tales

tales enim vocauit, qui obtusiori sunt ingenio, & ad verbum Dei percipiendum segnes, malisq; cogitationibus conscientiam onustam habentes; & praesertim antequam veniret, ac resurgeret Christus.

Vt quid diligitis vanitatem, & quaeritis mendacium?

Hic idola, & flagitiosam vitam exprimere videtur; cur vanitatem idest, nequitiam, & omne studium erga terrena diligitis, & mendacium, idest mundum, & diuitias, quas spinas vocat Christus, siue idola quaeritis? Hieronymus licet alij aliter, legit, filij viri vsque quo inclyti mei ignominiose diligitis vanitatem quaerentes mendacium? Videtur esse Dei vox hominibus originis suae nobilitatem ante oculos ponentis, & de ijs ex postulantis, qui cum essent inclyti, & insignes, dignitatis immemores inania, & fallacia diligunt; Vanum. n. dicitur, quod inane est, cum nomen quidem, res non fuerit, sicut apud Infideles multa Deorum nomina, res nulla exstitit.

Et scitote, quoniam mirificauit
Dominus sanctum suum.

ET, dictio more votum superfluit; Et factum est: Ad diapsalma apud Hieronymum hic existit, qui, semper, ponit. i. cognoscite, & Dominus Deus mirificauit. i. admirabilem illum demonstrauit spem in illo solo collocam.

ten; non solum enim ab imminentibus malis liberauit; sed conspicuum, & illustrem reddidit sanctum, idest innocentem, vel Deo dicatum; qui ab hostibus prouocatus de vlciscenda iniuria non cogitauit; vel potius vere sanctum Iesum Christum, quem à mortuis suscitauit Dominus, & ob gentium fidem in toto terrarum orbe mirabilem effecit, atque in dextera collocauit: Vnde genus humanum increpatur, vt se tandem ab amore mundi huius ad eum venerandum, ipsiq; confidendum traducat.

Dominus exaudiet me, cum clama-
mauero ad eum.

Hic videtur Dauid nos admonere, vt magna cordis intentione auxilium Dei imploremus, & proponit magnum certe felicitatis genus, videlicet semper Deum propitium, & adiutorem, ac praesentem vbique habere: Inquit enim cum clamauero, me audiet; vt ingens quidem ille sit clamor, & magna vox quae ad Deum ascendit; simplex vero & sincera mentis excursio.

Iraescimini & nolite peccare.

Verbum hoc irascimini dupliciter exponitur, aut vt sit indicandi modus, sicut non nullis videtur, quasi dicat Dauid, vos indignamini, & moleste feritis eos letari, qui in vos insultarunt: Verum de vestro nolite aliquid addere, quod à cogitationibus vestris fluat, quo sensu cum nulla ante eat cogitatio, & ex electione non fiat, nullum peccatum est; nam nobis ni-
hil

hil minus cogitantibus hoc accidit, quam iram nos nec opinantes offendentem primum motum vulgares appellant. Aut imperandi modus est, quemadmodum plerique interpretantur, ut iræ perturbationem arcendi consilium det, irascimini, non enim iram prohibet, quæ utilis est, præsertim si peccato irascaris, quia minime peccas; nec excandescentiam aufert, quæ adversus negligentes, & iniuria afficientes prodest; sed nolite peccare, id est, in ira permanere, & eam in corde retinere; nec malum sermonem de ore vestro proferre, ne præcipites ruatis; Et caute ne Sol occidat super iracundiam vestram, ut ait D. Paulus, alia quoque ad priora adiungentes, sed studete, ut lingua vestra menti subiecta sit; ergo iram illam tollit, quæ iniuste excitatur; nam irasci ille temere dicitur, qui iniurias suas ulciscitur: Qui enim aliena corrigit, is mansuetissimus est; Deum quoque nobis irasci apparet, cum nos emendat; vel nolite peccare, id est si primum animi motus pungat, ratio, & mens non consentiat; sed ob peccata vestra vobis ipsis succensete, & delicta committere amplius vos pudeat.

Quæ dicitis in cordibus vestris, in cubilibus vestris compungimini.

Docet euntes cubitum de sceleribus factis à se ipsis rationem reposcere; & in quibus ab officio discesserunt, semetipsos arguere. Quæ dicitis, inquit, ea vos compungant eo tempore, quo decumbitis, à parte autem, quæ tantum verbis constat, peccata omnia

significat, quia de ijs, quæ in actione consistunt, sermo percipitur: nã si prauæ cogitationes castigandæ sunt, & comprimendæ, ne reipsa perficiantur, multo magis facta, vel quando dormitum itis, & est multa tranquillitas animi, ac requies, atq; silentium; Dei recordamini, ac de conscientia vestra iudicium facite; & mala consilia, quæ cepistis, aut dolos struentes, aut in cupiditates pessimas incidentes, cum ea tẽpore quietis in medium adduxeritis, de illis pœnam sumite. D. Hieronymus legit, loquimini in cordibus vestris super cubilia vestra, & tacete, idest secreto intra vos cogitate, & dicite, quæ in diem cõmissa sunt, & silete, atq; quiescite.

Sacrificate sacrificium iustitiæ,
& sperate in Domino.

Vlde optimam, ac perfectam admonitionẽ; Nam postquam acta vitæ rationem repetijt, ad virtutem, & officium inflammat, atque accendit inquiens, iustitiam sequimini, & eam exercete; hoc enim sacrificium est Deo acceptum, videlicet, quæ iusta sunt efficere; vnde tanquam superuacaneum legis cultum refellit, & ecclesiæ in instituenda vita rationem multo ante describit, consulens nobis, vt iustitiam, generalem; scilicet virtutem illam exequi conemur; qui. n. recta vitæ ratione Deum sibi propitium reddit atq; clementem, is inexpugnabile auxilium habere non ambigit. Vel facite sacrificium iustitiæ, in templo mentis, & cordis cubiculo pœnitentes; aut post pœnitentiam opera bona, idest

recte

recte uiuite, & spiritus sancti dono vos à veritate illu-
stratos iri in spem venite; non.n. consentaneum est, vt
quis ante speret, quàm iuste agat; sed actiones opti-
mas sequitur spes, quæ bonorum expectatio existit, nã
hic non recipietis.

Multi dicunt, quis ostendit nobis bona?

ORigenes ait nonnullos existere, qui cum se nō per-
spicue scire arbitrentur, quid sint ea, quæ Deus
electis suis se daturum esse pollicetur, veluti quæ sit illa
terra, quam mites possidebunt, quid sit Deum puro cor-
de intueri, & quomodo qui modo lugent, consolationem
habaturi sint, ea bona, quæ proposita sunt, percipere cu-
pientes, inquirunt. Quis ostendit nobis bona? sed per
quam rari sunt, qui ea indicare queant, vt hæc in bonã
partem accipiantur. Verum secundum alios David eos
innuere videtur, quos graui corde supra nominauit
de diuina prouidentia diffidentes, & Dei gubernatio-
nem aspernantes; & etiam vulgares, qui vera bona
ignorantes, quòd ea oculis non intueantur, aiunt. Quis
ostendit? vbi est prouidentia Dei, cum plures etatem
omnem in inopia, & extremis malis degant? quodnam
gubernationis illius signum apparet? Quæ interroga-
tio est stultorum de vita futura dubitantium, ac dicen-
tium. Quis ab infernis partibus ad nos profectus est,
vt hæc nobis nunciarent?

Signatum est super nos lumen vultus tui Domine.

Haec illi cogitant, & huiusmodi; in nobis vero, id est in animis nostris lumen cognitionis tuae, ac veritatis, quae vultus Dei est, per quem Deus cognoscitur, impressum est; hoc autem lumen est totum hominis, ac verum bonum, quod non oculis, at mente conspicitur, insculptum in nobis, tanquam denarius Regis imagine, & est diuinitatis communicatio; ad imaginem enim Dei factus est homo; sui enim spiritus splendorem, tanquam diuinam imaginem in nobis in ipsum credentibus impressit Deus. Vel signatum est, inquit David, in me lumen protectionis tuae, quod in me insculptum, notum me omnibus fecit, & conspicuum, & ijs, qui longe absunt, Inquiunt autem quidam in his verbis de gentibus praedictionem contineri, quae Christum secuturæ essent, quibus hoc nomine quo Christiani vulgo vocantur, signum impositum est, ipse nimirum Christus, qui patris lux est; Alij crucem in nobis impressam esse signum videlicet Regis nostri, quae vultus lumen est, quia, ut radius, in ea fulget, & splendet Deus. Hieronymus vero legit; leua, imperatiue, super nos lumen vultus tui, & quia minus creduli dicunt, quis ostendit, leua, id est extolle & imprime in mente nostra salutaris gratiae tuae lumen, & letitia cor nostrum afficitur.

Sedisti

Dedisti lætitiā in corde meo.

Perfectum virtutis signum, cordis lætitiā esse dicit, quæ alia est ab ea, quæ ex voluptatibus capitur. At hoc est ijs affine, quæ supra dicta sunt. Nam quid aliud est vultus Dei lumen, quàm cor lætitiæ plenū? (cor enim pro rationali animæ facultate intelligimus) nam dum Deum contemplatur, eiusq; diuinitatem participat, lætitiā afficitur. Non ergo foris, sed intus est querenda lætitiā; in interiori namq; homine habitat Christus. Vel dedisti, quia me docuisti res huius vitæ fluxas aspernari, & ea scire, quæ permanētia sunt, & me bone sperare fecisti; absolute autem lætitiā non dixit, sed in corde; in rebus externis auro, & argento, & eiusmodi nullam esse lætitiā, sed oculorum tantum voluptatem ostendens.

A fructu frumenti vini, & olei sui multiplicati sunt.

Qui dicunt, Quis ostendit; quique intra se celorum regnum non vident, hi omni terræ fructuum genere aucti sunt, & fruuntur, non tamen in veritate, sed in ærumna multiplici. Hæc autem pro omnibus diuitijs, vt hominum necessitati magis accommodata ponit. Et illorum ingratitude carpit, qui Dei Dona in manibus gestantes dicere non erubescunt, Quis ostendit?

Ego

Ego vero lumine tuo, cognitioneq; percepta omnia me adeptum profiteor; unde vates noster nos admonere videtur, ne nimia terrestrium harum rerum frumenti, & similium cura detineamur, nec in ijs felicitatem constituamus. Notat solus D. Augustinus, qd addidit sui, quia est frumentum Dei panis ille viuus, qui de celo descendit; est & vinum Dei; nā ab vbertate domus sue ebrij sunt; Est & olei, pingue inquit caput meum fecisti; sed Hieronymus ex Hebr. non habet, olei sui; legit enim: in tempore eorum frumenta, & vinum multiplicata sunt: Qui eorum sententiæ fauere videtur, qui aiunt Dauidem pvsikā ad sacramenta noue legis alludere; quorum precipuum ex frumento, & vino cōficitur, vt prateritum pro futuro exponat.

In Pace in idipsum dormiam & requiescam.

Vnde nunc in pace, tūc a cogitationibus, tūc ab hostibus liber in idipsum, idest simul, legit Hieronymus, dormiam, & requiescam, in spe salutis naturalem somnum, & eum qui mortis est, in spe surgendi capiēns. Hortatur igitur Dauid, ne indignentur ij, qui in calamitates incidunt, cum spes huiusmodi cum morte coniuncta sit, & post obitum remuneratio futura.

Quoniam

Quoniam tu Domine singulariter
in spe constituisti me.

Quoniam, inquit, ab omnibus malis solutum etiā
specialiter securum habitare fecisti me, inquit
Hieronymus seorsum à malignis, atq; improbis. Nam
propter futurorum bonorum spem, & expectationem
omnes animi mei perturbationes, & affectiones com-
preſsi, tu vero hac me bona spe suscipies, meq; in celesti
mansione collocabis; vel, singulariter, ait, aduersus illos
multiplicatos, qui aiunt, quis ostendit? ad eos enim mul-
tiplicia pertinent, singulare ad sanctos. Vel hoc à Chri-
sto dicitur, in spe se constitutum à Deo, & singulariter,
quo tempore omnes eius discipuli relicto eo fugerunt.
S. Tho. notat etiam in hac presenti vita iustū dici qua-
tuor de causis in bono stare, primum, quia exterius is nō
impeditur, ideo ait, in pace, deinde ex rerum habitatum
immutatione, quia semper idem est; vnde in idipsum, ter-
tio quia sine sollicitudine, ideo, ait, dormiam; deniq; ex
quiete à labore conquirendi, vnde ait, requiescam. Quæ
omnia hic sancti aliquo modo in Deo habent, perfecte
autem in patria consequentur: Et sic vnum in quo hæc
omnia insunt, habeo, inquit David. Reliquum est, vt ipsi
Dauidi pro viribus similes nos esse conemur, qui cum se
exauditum esse dicat, dum clamorē ederet, & gloriatur
à Deo admirabilem ostensum fuisse, à quo diuinū lumē
sibi fuit adeo impressum, vt ipse latitia perfusus fue-
rit;

rit; & amplius ad efficienda iusta opera nos hortetur, cur non primum & nos scelerum commissorum valde pœniteat, ut iram Dei mitigemus? Deinde illius consilij parere non pigeat, ut cum clamauerimus, audiat nos clementissimus Deus? certe non debemus illorum vestigia persequi, qui bonis aucti terrenis Dei gubernationem negant, aut respuunt, at sanctorum, qui neglectis omnibus rebus terrestribus spe celestium bonorum nullis animi perturbationibus succumbunt, & omnes calamitates animo tranquillo sustinent, & precipue Regis nostri, qui cum se in pace quieturum esse speret, addit nobis animum, & spem ostendit, fore, ut nos quoque in celesti patria summa tranquillitate fruamur. Non ergo nobis ipsis desimus; Deoq; tota mente atque animo confidamus; securos enim nos Dominus reddet, quod cupimus, & optamus, impetraturos esse, & celorum regno potituros.

IN PSALMVM QVINTVM

Verba Mea.

I Nscriptio huius Psalmi talis est: In finem pro ea, quæ consequitur hereditatem. In finem tempus illud innuit, quo Christus factus est homo, & vmbre legis finis constitutus; pro ea, scilicet ecclesia, quæ consequitur hereditatem, & non consecuta est, quia semper hæres est, & illius hereditas, quæ vita est æterna, nunquam finem habitura est, reprobata scilicet synagoga. Nam secundum litteram populus Hebreus hereditatem

hereditatē Abrabæ promissam adipiscēbatur, cuius ca-
put erat Dauid & Rex, sed repulsam tulit; de illo
enim dicitur; Israel autem me non cognouit; & dedit
vocem suam aduersum me dicens; tolle, tolle, crucifige
eum; secundum mysterium populus ille infidelis, de
quo Dominus Deus, populus quem non cognoui, serui-
uit mihi, postea baptisinate renouatus hereditatem asse-
cutus est. Sed notandum est à diuina lege ecclesiam cō-
muniter Dei heredem, proprie vero animam quę pie
vixit, vocari; nam heredes Dei sunt animę sanctorū,
ipsum vt partem & sortem pro omnibus huius vitę
bonis suscipientes. Secundum Hieronymus titulus est.
victori pro hereditatibus psalmus Dauid, idest pro
populis siue ecclesijs fidelibus, quę sunt Dei heredita-
tes, vel quia fit mentio de hereditate Dei, quę est popu-
lus fidelis se preparans, & de hereditate populi, quę ē
contra Deus est. Eum autem Dauid conscripsit pro vi-
etoria, qua potitus est, recuperata hereditate ob fugam
amissa. Αλληγορικῶς ex persona futurę fidelium ec-
clesię composuit.

Verba mea auribus percipe Domine,
intellige clamorem meū, intende
voci orationis meę.

DAuid & suo & ecclesię nomine, vel vt aliqui vo-
lunt, loquitur ipsa primum inquiens, verba mea
tanquam sermones auribus percipe, idest fac vt preci-
bus meis aures tuę pateant; Deinde ait, intellige cla-
morem

morem meum, id est, precantis propensam voluntatem, siue mentis affectum, & interiorum animi gemitum, id est exquire diligenter, quis sit clamoris mei οχοπός; clamor enim, qui ex vehementis affectus vi emittitur, intelligentiam & cognitionem magnam requirit; tertio exaudiri se petit dicens, intende, id est velis orationem meam exaudire; quod non corporea voce, maiestatis autem presentia efficis, sicut enim cernis, audis & è contra.

Rex meus, & Deus meus.

A Morem suum indicat inquit, Rex meus Christus, qui tanquam Rex mihi prospicis; tanquam Deus pater me creasti, quatenus ihs qui in terra versatur, dominor; & Dei imperio subiectus sum; nemo ergo cui peccatum dominetur, Deo dicere poterit, Rex meus es tu, & quorum Deus venter est, Deo illi non dicent, Deus meus es tu.

Quoniam ad te, orabo domine, mane exaudies orationem meam.

Q Vis Deum non orat? at multi videntur hoc præstare, idque faciunt, ut hominibus se ostendent; Verum non ad homines, sed ad Deum oratio habetur; dixit autem, non coram te, sed ad te, ut sibi cum Deo vicinitatem esse demonstraret; Mane exaudies, id est celeriter, ac tempestive; nam cui pro tam ingenti beneficio

cio gratias agere debere fatear, nisi tibi domine, qui mihi lux illuxisti? cur non vesperi quoq; & meridie? alibi enim ait, vespere, mane, & meridie narrabo, quia cum pro me & socijs precor, tum omni tempore laudo dominum. Nunc pro ecclesia quæ hereditatem consequitur efflagito, quam adibit, cum Patris hæres surrexerit, & illam cohæredem declarabit, ideo promissa repeto. cur supra, auribus percipe, dixit, nunc mane exaudies? an illa quidem audita fuit, nondum vero hoc sensit, siue consideravit, ideo mane me exauditan intelligam.

Mane astabo tibi, & videbo.

Apparet studium vehemens, & animus compunctus, statim à cubili, & simul cum oriente Sole coram te adero, non loco sed factis, mane transacta nocte seculi huius, tentationibus etiam superatis, deuictòq; leone illo, demone. s. Nam in lumine, & splendore virtutum oratio ipsi iustitiæ soli Christo admodum placet; Et sic primum Dei regnum quero. Audiant ergo qui post negotia innumerabilia tandem ad precandū Deum, & ad sacrum audiendum accedunt; & antant Regis siue ecclesiæ sequantur consilium, perspiciant. Vel astabo, idest nō iacebo: non enim ille Deum videt, qui in terrenis voluptatibus felicitatem esse putat. Et Videbo, Hieronymus legit, manē preparabor & contemplanor, idest in contemplatione, versabor Dei, scilicet pulcritudinem enim veritatis se intueri ostendit.

D

Quoniam

Quoniam non Deus volens iniquitatem tu es.

Hoc ego considerabo, quòd iniquitatem, id est idola, & iniustitiam non amas, licet pro utilitate eorum, qui iniqua gesserunt, eam toleres non enim iniquitate delectatur Deus, sed ad pœnitentiam inuitat.

Neque habitabit iuxta te malignus.

Idest, qui male proximo cupit, tibi familiaris non erit ille, & alibi, non habitabit in medio domus tuæ: nam non modo à Dei tabernaculo, in quo sancti habitant, sed ab omni proximo illis consortio tales eijciuntur, ita ut nec bonorum contemplatione procul delectentur; neque in conspectu Dei erunt, quemadmodum fuissent, dum spes salutis eos sustentabat; Innuit etiam Dæmones, qui iniquitate gaudent.

Neque permanebunt iniusti ante oculos tuos.

Peccatores scilicet, quòd eos non approbes; nam mēs eorum cum à luce veritatis obtunditur propter peccatorum tenebras, fulgorem recte intelligentia sustinere nequeunt, & aliquando si verum intelligunt, iniusti tamen adhuc sunt, quia non permanent ibi, quòd ea
ament,

anient, quæ à vero auocant, & peccare pergant. Quæ
nox si transferit, ut à peccando desistant, mane fit, ut
non solum intelligant, sed inhereant veritati. Vel de
Iudeis hæc prædictio est, qui donec mandata seruauerunt,
protectione Dei digni visi sunt, verum ubi ea præ-
terire cœperunt, iuste & merito ab eis oculos deiecit
Deus.

Odisti omnes, qui operantur
iniquitatem.

Cuiusmodi sunt, qui à vero Dei cultu, & pietate
recedunt, & inique se gerunt in nequitia perseue-
rantes; eos enim, qui in instituto vitæ aberrant, nomi-
nauit iniquitatem exercentes; tales enim odit Deus.

Perdes omnes, qui loquuntur
mendacium.

Qui vero à veritate desciscunt, & à fide aliena sen-
tiunt, eos dicentes mendacium appellauit, id est
veritati contrarium, quos Deus perdet. Mendaciū au-
tem ad id, quod non est pertinet, verū. n. dicitur, si quod
est, referatur; perdes ergo eos, & profligabis, qui ab eo,
quod est, id est à veritate recedunt, & ad id, quod non
est declinant: nec in perfectis viris mendacia ab obste-
tricibus dicta inueniuntur. Nam verum occulta-
re licet, mentiri fas non est, ne pro corpore al-
terius animam suam quis perdat. Vnde triplex
est mendacium, perniciosum, quod alicui valde obest;

officiosum ; quod quis loquitur, vt alicui proſit, & ſi-
ne peccato non eſt, quia malum committendum non eſt,
vt bona ſuccedant : Iocoſum, quod delectationis gra-
tia narratur ; hoc ſemper venia dignum eſt, de quibus
D. Auguſtinus longū ſermonem habet ; ſi ergo tales
perdet Deus, & omnis homo mendax, igitur cunctos
planè proſtigabit, vt renuentes homines eſſe, & in
ſordibus terrenis verſari Dij fiant, & altiſſimi filij, quā
doquidem qui facti ſunt, homines exiſtant. In futuro
autem ſeculo, omnes qui à fide aliena ſentiunt, Here-
ticos videlicet, & impios vehementer affliget.

Virum ſanguinum, & doſoſum abho-
minabitur Dominus.

Videtur repetitum eſſe, quod ſupra dictum eſt, vt
virum ſanguinum ad exercentem iniquitatem
reſeras, doſoſum ad mendacem ; Dolus enim eſt cum
aliud agitur, & aliud ſimulatur : Virum ſanguinum,
aut ex ſanguinibus intelligit virum ſanguinarium, cru-
delem qui ſanguinem ſitiat, & cadibus delectetur, vel
ſanguinem innoxium effundentem, abhominabitur, in-
quit, ideſt aſpernabitur, ac fugiet ; hoc enim euenire ſo-
let illis qui bonorum paternorum exheredes ſcribun-
tur ; huiusmodi autem recenset homines, qui ſingulis tē-
poribus eccleſiam oppugnarunt ; licet eam Deo nimirū,
& Seruatore noſtro reſiſtente expugnare non potue-
rint.

Ego

Ego aut in multitudine misericordiæ
tuæ introibo in domum tuam.

Cum iniqui, & maligni apud te non habitent, nec
tutela tuæ subiiciantur, ego, inquit, in multitudi-
ne misericordiæ tanquam maximam misericordiam cō-
secutus in domum tuam, idest in templum tuum ingre-
diar, & merito dicam, mane astabo. Ceterum secundū
aliquos præclara virtutis conditio, & vita sancta do-
mus & templum Dei est, quam virtutem qui habent,
cum fiducia & libertate magna loquuntur, Christus
vero in templum suum in nos, scilicet venit dicens: Tē-
plum sanctum estis; & quomodo ille templum, & do-
mus Dei non sit, qui Iesu Christi mandata servat? apud
quem pater, & filius manent? Alij α τὰ ἁγία ἐκείνη expō-
nunt, in multitudine misericordiæ tuæ, idest perfectōrū
ac beatorum intrabo domum tuam celestem, sed hac ra-
tione introibo, quia adorabo, ut de progressu ad perfe-
ctionem intelligatur, adorabo, perfectionem autem si-
gnificet, introibo. Quis autem homines multos rursus
generatos, & perfectos multitudinem miserationis
Dei recte dici negat?

Adorabo ad templum Sanctum
tuum in timore tuo.

Vbi enim gratia factus ero particeps, tunc offerā
quæ in me sunt, tibi sacrificium videlicet, Ad
D 3 templum,

templum, tam terrenum, quàm celeste intelligere possumus, ad, idest prope, non enim in templo dixit, in timore tuo, non sicut multi biantes orant, sed cum tremore; qui enim sic precatur, Dei amator est, & omne vitium aufert, ad omnem virtutem aditum sibi aperit; Deumq; propitium sibi reddit. Timor enim magnum est proficientibus præsidium, sed peruenientes, quò aspirant foras eum mittunt.

Domine deduc me In iustitia tua
propter inimicos meos.

Satis declarat se in progressu ad perfectionem existere, postquam ut deducatur, exoptat; proficiens enim inter impedimenta precatur, sibi opem ferri, ne à dolosis linguis auertatur. Deduc me in tua Iustitia, qua pœnitentes, & supplices recipis, non in ea, quæ hominibus videtur, at in illa, quæ ad cælum ducit; nam ego ad hanc iustitiam tuam mihi conciliandum auxilium quaero; Et recte dixit, deduc, si quidem vita præsens via est, quæ diuina ope indiget, sicut enim ciuitatem aliquã intraturi aliquo egent, qui viam sibi monstrarent, sic multo magis in cælum migraturis indice, & duce opus est, qui nos ad te iter habere doceat. propter inimicos meos: qui contra me coniurauerunt, incessum meum à semita recta auertere, & in errorem inducere querentes.

Disigo

Dirige in conspectu tuo viam meam.

Idest fac, ut alibi, notam mihi viam tuam, atque illam claram, & planam, quæ ad te ducit, vel dirige ne de via propter hostium insidias ad dexteram, aut ad sinistram declinem, in conspectu tuo, ubi nullus hominū videt, idest ut tibi semper placeam. Hieronymus legit dirige ante faciem meam viam tuam; idest ut ea semper in corde existat; ac te semper sequi possim; vel in conspectu meo, idest ante oculos meos præcepta tua habeam, & quod rectum tibi est, mihi rectum videatur.

Quoniam non est in ore eorum veritas, cor eorum vanum est.

Quoniam aliud in ore, aliud in corde habent, quorum iudicio credendum non est, ideo ad conscientiam, ubi Deus videt, confugiendum est, Cor eorum vanum, de sapientibus istius sæculi exponi potest, quorum cogitationes novit Dominus, quod vanæ sunt, quia semper inutilia meditantur.

Sepulcrum patens est guttur eorum.

Comparavit sepulcro guttur, quia sicut sepulcrum ad suscipiendos mortuos paratum est, sic isti

ad decipiendum semper prompti sunt ; Guttur autem locutioni , & gula seruit , primo modo Guttur eorum semper dogmata mortua , & fatida profert , qui doctrinam falsam ac mortiferam docent , et execrationes atq; inhonesta , & turpia verba euomunt , quiq; mendacio , quos ad peccata alliciunt , eos quodam modo deuorant . Vel ad voracitatem referri potest , ob quam pleriq; adulatione mentiuntur , & patens dixit , quia semper inhiat voracitas .

Linguis suis dolosè agebant .

Aliud improbitatis genus , linguis suis , scilicet malis . hi quidem in mente sua dolum celant , blandis verbis vtentes : illi vero ita astuti sunt , vt in ipsis verbis improbitatem occultet & obtegant ; fraudesq; & insidias parent . Ac certe molestiora , & grauiora sunt , quæ reticentur verba , quàm quæ proferuntur .

Iudica illos Deus .

Condemna , vt legit Hieronymus , arguens eos , et conuincens , qui mihi spem de hereditate conceptam eripere conantur ; iudica inquam , vt non solum ab insidijs mihi struendis cessent , sed à prauis consilijs desciscant ; nam te dolosus nemo latere potest ; siue iudicio tuo illos discute ; peccanti enim magis expedit , à Deo se iudicari , quàm extra iudicium diuinum manere ;

re; non dixit autem puni, sed iudica, quod est precantis pro illis, ne deteriores euadant.

Decidant à cogitationibus suis.

Conscientia scilicet teste, et accusante, et frustratur proprijs consilijs, et in ijs, quæ in nos parant, quotidie enim hæretici dogmata mutant. Videtur secū dum aliquos esse prædictio, non execratio; non enim is optat, sed præuidet, quæ pœna malis, quod præmium bonis euenturum sit, sic infra latentur; contingit autem illis, non quòd ipse optarit, sed quia isti tales sunt, vt merito eueniat.

Secundum multitudinem impietatum earum expelle eos.

Sicut innumerabilia eorum scelera postulant, longe vt merentur, ab hæreditate eos pelle, quæ Deum videndo possidetur, et deijsce, quia te non venerantur: nam huiusmodi dispersio timorem quoq; alijs iniijcet.

Quoniam irritauerunt te Domine.

Vide quam mitis sit oratio; non curo, inquit, quæ in me moliti sunt, sed ob ea doleo, quæ in te patrarunt. Hoc est enim imprimis viri sapientis ac pij, nolle suas vlcisci, Dei autem iniurias persequi; Legit Hierony-

Hieronimus prouocauerunt, qui peccando in eam agridinem inciderunt, vt cibum veritatis, quo anima iusta gaudent, tanquàm sel gustare nequeant.

Et lætentur omnes, qui sperant in te.

S*ublatis insidiatoribus; que enim latitia à Deo oritur, permanet, & firmis hæret radicibus, & per se satis est perpetua ac stabilis; & hic est finis bonorum hereditate à se diu expectata perfrui.*

In æternum exultabunt, & habitabis in eis.

H*æc est eorum æterna exultatio, habitantem secum tanquàm in proprio templo Deum habere. Habitabis in eis, idest proteges eos, vt legit D. Hieronimus, vel exultabunt, quia in eis habitabis.*

Et gloriabuntur in te, qui diligunt nomen tuum.

H*is enim solis gloriari licet. Nam qui de ijs que ad vitam, & corpus attinent, gloriantur, hi nihil ab illis differunt, qui in somnis voluptate fruuntur. Causa autem gloriandi ea est, quòd benedictionum compotes facti sunt, & in te hereditatem possident, qui*
amant

amant nomen tuum, id est vsque adeo Christi nomen colunt, & obseruant, vt ex illo cognomen sumere velint.

Quoniam tu benedices Iusto.

Quid enim damni accipit ille, si eum homines contemnant, & vniuersus orbis despiciat, si Deus eum laudat, & commendat? sicut si omnes homines eum laudent, & ipse Dominus non benedicat, quid ei prodest? Hæc est benedictio in eo gloriari, & illius habitationem existere, quæ sanctimonia iustis conceditur, ergo non tantum in præsentī sæculo eis benedices eorum laudes omnibus notas faciens, sed et in futuro, cum vocabis eos iniqui, venite benedicti.

Domine vt scuto bonæ voluntatis
tuæ coronasti nos.

Idest munisti nos scuto probato, ac forti tuæ bonæ voluntatis, ac beneficentiæ, & protexisti; Vel bona tua voluntas, quæ nostram præcedit, vt peccatores ad pœnitentiam vocet, & tuus in nos maximus amor scutū nobis victoriā parans, & corona in triūpho extitit. Vel domine nos tua bona volūtate, vt scuto coronasti, & circumdedisti. i. placito, & valde grato. Idem est.

antenu

autem apud Deum scutum, & corona iustorum, licet apud belli duces hæc sint diuersa. Cum igitur ad ecclesiam, & ad animas iustas, ac pias hereditatem adire spectet, in quarum numero habendas etiam eas esse cenſeo, quæ licet inferis illis in partibus detineantur, in quibus peccatorum sit expiatio, spe tamen cito euadendi atque ad calorum regnum volandi non modica sustentatæ sunt, quibus liberandis ecclesia precibus, & his psalmis præcipue suffragatur; nos ne tam ignaui, ac socordes erimus, ut rationem, ac viam reperire nequeamus, quo in eorum numerum ascribamur, qui eam assequi possint? eam autem clementissimus Deus conditione nobis reliquit; Quæ nam ea est? ut si Christum diligimus, eius præcepta seruemus, & crucem nostram feramus, eumque sequamur. Ac primum Dei regnum queramus; sic enim in presenti, & in futuro, magis autem in cælesti patria perfecta, & integra nobis tradetur hereditas. Quid ergo nobis faciendum est, ne illam nos conditionem respuere videamur? Nos admodum, & valde delictorum à nobis admissorum peniteat; precari Deum assidue non pigeat, summo mane è lectulo surgentes, ut clamorem nostrum is exaudiat, ac prorsus nobis ignoscat, quo in eius conspectu esse possimus, ne nos ipse tanquam iniquos, & impios fugiat; nam Dominus tales odit, sed optimam voluntatem habentes etiam bona præstare studentes Deum exorare conemur, ut in domum suam nos introire sinat, in quam, quando tempus feret, cum ingressi fuerimus, tunc in eo gloriabimur, & hereditatem optatam nos adeptos esse letabimur. Interea animos nostros ab istis caducis, &

fluxis

fluxis huius mundi rebus ad te Dominum nostrum contemplandum, ac venerandum traducemus. Tu vero pro tua diuina bonitate, ac benignitate cursum nostrum ad te diriges, ac tuam nos protectione dignos reddes Domine Deus. Qui uiuis, & regnas sempiternis seculis Amen.

IN PSALMVM VI.

Domine ne in furore.

INscribitur Psalmus hic: In finem in hymnis pro octaua, vel secundum D. Hier. ex Hebr. victori in canticis super octaua. In finem quidem, quia ad Christum iam legis spectat, qui finis perfectionem significat: vel quia Dauidi constabat, iis, quæ in hoc Psalmo prædicuntur, finem fore. In hymnis verò, ob mirabilia Dei opera, quæ ille continet. Ac pro octaua, vel pro die illo, quo Christus surrexit, ut nonnulli aiunt; vel potius pro futuro seculo exponitur; præsens enim septenario significatur numero; futurum autem octauum appellatur: vnde inquit aliqui vitam considerari dupliciter, et quatenus illa ad corpus, et quatenus ad animam attinet: quaternarius enim numerus ad corpus propter elementa quattuor; ternarius ad animam propter tres potentias illas spectat, quæ rationem, iram, et appetitum participant; vel quòd tripliciter, ex toto corde videlicet, ex tota anima, tota quæ; ex mente Deum diligere

diligere debeamus. Peracta itaque utraque vita, quasi septenario completo, octavus iudicii dies, ubi cuique pro meritis suis reddetur siue primum, siue supplicium adueniet, ac surgemus omnes. Nonnulli tamen octavam, post septem annorum millia Domini aduentum interpretantur. sed cui cognitum hoc est, cum ipse Iesus Christus dicat non esse vestrum nosse tempora, & momenta, quæ pater sibi prorsus reservauit? Composuit autem Psalmum hunc David, postquam ob magna ipsius peccata, & propter numeratum secundum aliquos populum in magnas angustias, & afflictationes incidit: Qui ex illis septem primus existit, qui præcipue in eorum ore versari debent, quos scelerum suorum vehementer pœnitet, quod afflati tandem illi spiritu sancto maximum animo ex delictis suis dolorem capiant. Atque ij omnes initium à luctu ducunt, & ad exitum felicem, latumq; perueniunt; quod eis, qui ob admissa flagitia multa lacrymas plurimas profundunt, benignissimo Deo placato, ad regnum celorum accedendi non modica spes proposita sit. Quare illorum affectum exprimere nititur hic Psalmus, qui valde castigati non solum culpæ liberationem, sed erratorum etiam omnium veniam impetrant, & partes suis locis explicandas tres habet, sicut peccator tribus incommodis, actorum videlicet peruersitate, salutis suæ vulneratione, pœneque obligatione afficitur. Dicit igitur David à primo liberari petens, & cum eo quilibet peccator.

Domine

Domine ne in furore tuo arguas me,
neque in ira tua corripias me.

Hic me argue, dum misericordiæ tempus existit,
& me corripe: non enim David à Deo reprehendi, aut castigari recusat: dicit enim alibi, Beatus quem tu erudieris Domine. Nam cum iram Dei toleratu admodum difficilem esse cognouerit, ne ea sibi penitus exitio sit, valdè formidat, moderatè tamen se argui, atque emendari cupit, vt probatus magis ipse effectus iudicij pœnas vitet. Et quamuis aliqui opinentur maiorem esse furoris vim, quàm iræ: Et argue-re maius quiddā esse, quam corripere, & qui arguitur, idest, accusatur, metuere debeat, ne demum damnetur, sicut arguetur in die Iudicij, quicumque fundamento ipso Christo nixus non fuerit: Qui autem corripitur, de illo sperari queat, vt emendetur, videlicet quisquis lignum, fenumq; super illud fundamentum edificauerit, vt sic per ignem saluus fiat; Et nonnulli alij maxime vnum esse furorem, & iram græco idiomate moti putent: Ego tamen alterū in præsentī potius, alterā in futuro intelligi debere arbitror, q̃ ira furore diuturnior sit. Sed certè vtrunq; motus est animi ad pœnam inferendam prouocans. Hos autem effectus, quibus caret diuinitas ipsa: nulla enim non perturbatione omnino vacua est; Prophetæ tamen Deo adscribunt, re ipsa populis persuadere conantes, quòd Deus mundum sua
providentia

providentia regit, rebusq; humanis, nec solùm vniuersis, sed singulis etiam consulit, et quòd furit, et irascitur, dum in malos animaduertit, et huiusmodi; vt hoc metu homines perterriti vitia odio habeant; vel aliter, ijdem ex humanis operibus diuina explicantes, quia et loquentes, et audientes sunt homines, secus ac humana lingua exprimere sensa sua non possunt, et ad captum eorum, quibus cum sermo est, se accommodare student. Ne igitur, inquit, debitum, ac meritis meis congruens de me supplicium sumas; at sermonibus me salutaribus emendes, quaeso.

Miserere mei, quoniam infirmus sum.

CVncti certè hac indigemus voce, quamuis innumeraabilia fortiter, et rectè gesserimus, vel ad iustitiã etiam summam appulerimus; non enim viuens in hoc mundo vllus in conspectu Dei efficietur iustus: Nam quis se purum cor habere, et à sorde mundum esse gloriabitur, cum omnes peccasse testetur Paullus? omnes ergò egemus, misericordiam autem assequi digni non sumus vniuersi. Verum qui strenuum aliquid nauauit, propter quod miserationem impetrare mereretur, sicut Dauid noster, cuius nobis exemplum semper propositum sit, is, miserere mei, liberè proferre potest: Et quoniam peccatum est mentis agritudo, ab ea petit liberari inquiring, si mens mea debilitata non fuisset, affectiones illam non viciissent: ideo miserere mei, quia iustitiam

etiam sustinere nequeo, & aduersus hostem, qui non videtur, animi infirmitate laboro, assiduusq; afflictationibus debilitor, quam debilitatem meam considera domine, & ne me damnationi addicas, obsecro.

Sana me Domine, quoniam conturbata sunt ossa mea.

Sana, non dixit, remitte, neque mihi condona; sed fac, ut priora vulnera sanentur, quoniam conturbata sunt ossa, firmamentum scilicet metui, ac robur animæ meæ; vel cogitationes, vel animi virtutes rationis compotes; siue vires, & potentiæ, quibus mens sustinetur; sicut enim in ossibus est corporis fortitudo, ita in virtutibus animi robur inuenitur: Quemadmodum autem perturbato auriga, qui insolenter feruntur; sic turbata ratione omnia confunduntur. Dolor igitur, quem ex continuis angustiis capio, usque ad ossa sensu carentia peruenit: Idcirco cum peccatorum conscientia quotidie nos rodat, diuinæ miserationis à nobis intermittenda non est imploratio.

Et anima mea turbata est valde.

NE, quod ossa appellauit, corporis intelligerentur, addidit, & anima mea ægra, ac debilis mea causa facta est dolorum vim non ferens: Et quis non intelligat animam significari cum moribus suis luctantem,

diu autem à medico dilatam, vt ipsa tandem perspiceret, quemadmodum peccata se precipitem egerint; difficultas enim recipiendæ sanitatis eiusdem recuperatæ maiorem custodiam inducit, quia quòd faciliè sanatur, non multum cauetur: ex quo cognosci potest, quanta impijs pœna præparetur apud inferos, qui se ad Deum conuertere nolunt, si ad eum confugientes magnas difficultates exorbent. turbata est: de illo etiam dicitur, qui acerbiori aliqua iracundia, aut prauo appetitu incitatus fuerit. Tunc enim Demon immoderate nos tentans, non secus ac vêtus validus mare turbat id illud irruens, animam, & corpus agitare solet.

Sed tu Domine vsque quo?

Differs, & animam meam non liberas? & non sanas me secundum misericordiam tuam? vel vsq; quo te auertis, & nō exaudies? verba nempe hæc sunt non accusantis, sed hominis dolorem non mediocrem perpetientis, metuentisq; damnationem, & vix facinorum suorum molem sustinentis; Talibus enim opem ferre statim non solet Deus, qui ob scelera sua in mœrore magno versantur; tempore enim accepto, exaudiui te, inquit, & eo consilio, quòd nōs inuestigare, & scrutari nequimus; ijs verò, quibus à Demone insidiæ sunt, ferè statim adest, adhuc enim loquente te dicam, ecce præsto sum.

Conuertere

Conuertere Domine, & eripe
animam meam.

Attende mihi, & adiuua me, vt sicut anima per
pœnitentiam ad te cōuersa est, sic tu ad eam per
multam miserationem te conuertas, & eandem à vo-
luptatum illecebris igneo tuo amore auoces; Duo qui-
dem ponit, & conuertere, & eripe, quæ à iustis ingē-
ti studio contenduntur, vt & ipse benignus sit, propi-
tiusq; , ac non auersetur; sequetur enim hoc, vt anima
seruetur: non sicut multi homines planè rudes dunta-
xat quærunt, vt præsenti prosperitate fruantur, sic ius-
ti; at vt animæ salutem consequantur, qua nihil illis
est antiquius.

Saluum me fac propter miseri-
cordiam tuam.

Et protege me ab hostium tentationibus diuina,
atque incredibili tua virtute, ac misericordia, non
meis virtutibus; nullæ enim mihi sunt, quibus me-
ream.

Quoniam non est in morte, qui me-
mor sit tui: in Inferno autem
quis confitebitur tibi.

Morte memoriam prohibente, vt imminens peri-
culum ostendat; mortem namq; mortis tempus
appellat, quia vbi quis ex hac vita decesserit, remini-

scendi Dei, eumq; orandi facultas ablata est; Et quis in morte præcepta tua servare queat, ac Dei viventis, dicentisq;,, Ego sum vita, memoriam tenere? Postquam enim diem obierimus, in Inferno loco, quo impij ad pœnam præcipientes feruntur, quis confitebitur tibi quasi dicat, nullus, cum pœnitentie locus non detur. Nam etsi confessus ita est dñes, qui Lazarum vidit, ut & fratres suos moneri vellet (sicut in Evangelio habetur) quo illi propter acerbissimas pœnas, quæ apud inferos existere à plerisque non creduntur, se à peccatis abstinerent; nihil tamen ei profuit: quoniã tempus præterierat. Ante mortem igitur quemlibet pœnitere licet; post obitum rectè factis præmia, peccatis supplicia debentur, & à Deo dantur. vel potius de illa morte intelligendum est, quam gignit peccatum, quod qui committit, tunc Dei memor non sit; talis. n. ebrius est; & ab ea vita recedit anima, quæ cum virtutibus coniuncta est, ut aculeum mortis peccatum, s. mortem vocet, non de communi morte; Nam viri sancti multo magis cum ab hoc caduco fragiliq; corpore soluti fuerint, Dei memoriam retinent. In illa ergo mentis cæcitate, quam infernum vocavit David, quod ea peccantem maxime involunt atq; obruat, quis confitebitur tibi? ab ista morte ut tuta sit, precatur anima, dum ad Deum conversionem molitur. Ex quo patet, nunc esse tempus ad Deum animum traducendi, quia in præsentia nisi peccata diluamus, in illo terribili, ac formidoloso iudicio ante Tribunal Dei sistere nos valdè timebimus.

Laboravi

Laboraui in gemitu meo, lauabo per
singulas noctes lectum meum,
lacrymis meis stratum
meum rigabo.

Poenitentis gemitum ponit, quo laboraui, inquit,
quæ res laboris intentionem, ac magnitudinem si-
gnificat; sicut enim summus, & incredibilis labor est,
nescio an ullus maior, quàm attente semper orare, &
propter inconstantiam, humanæq; mentis mutabilita-
tem intentum assidue in eundem animum, sicut arcum
difficillimum sit, sic flere continenter, & genere labo-
riosissimum esse cui dubium est? Et cum dicit laboraui,
& postea lauabo, illud innuere, atque indicare vide-
tur, quod quisq; in maestitia versans dicere solet, cum
hoc mihi ex sententia non successerit, quod feci, ergo il-
lud efficiam, & lauabo. Alij vero aiunt, laboraui, pro
laborabo, & lauabo suspirando lectum meum, (non. n.
satis ipsi fuit dicere, lacrymas profundam) in quo ani-
mus æger, & infirmus tâquàm in uoluptate corporis,
& seculi delectatione quiescit, quem lacrymis ille la-
uat, qui ab hoc oblectamento atque solatio sese abdu-
cere conatur non semel, bis, teruè, sed per singulas no-
ctes, vnde pollicetur se voluptariam vitam non ami-
pius sectaturum. sicut etiam de D. Petro legitur, qui
singulis noctibus eadem hora, qua negauit Christum,
ad plorandum surgebat. Et quoniam varia cogitatio-

nes me die distrahunt, noctem, confessionis tempus esse statuam, et perpetuò dum viuam, Lacrymis stratum rigabo: vt sit repetitio; quamuis secundum aliquos lauatio superficiem attingat, ad interiora rigatio perueniat. Iuxta moralem sensum, lectus conscientia est, quam lauare debet is per singulas noctes, quem maxime delictorum suorum piget, quòd pro singulis peccatis, plorare quilibet homo obligatus sit, & profectò eà lauat, qui à cogitationibus malis, atque acerbis fletu illam abstergit; stratum rigat, qui continuò luctu, ac dolore scelerum maculas diluit, & se compungens animi duritiem mollit. Sed tanti regis pœnitentiam cum audiamus, eam non admiremur admodum, atque imitari conemur? Qui verbis his cum miserationem Dei commouere, atque illam captare niteretur, ne quando tot difficultatibus affectus atque afflictus inutilis esset, quid nos homunciones facere debemus, qui quotidie delinquimus grauiter, quique in luxu, & cœno assidue versamur.

Turbatus est à furore oculus meus.

I Deò turbatus est animæ oculus, idest intellectus meus, ratio mea, siue perspicacitas, & ratiocinandi facultas, quam priorum scelerum cogitatio perturbare solet; & intellectum aptè profectò oculum appellauit, veluti qui ductor noster existat; de vno enim tantum oculo mentionem fecit. Considerans igitur ego furorem tuum aduersum peccatores in die iudicij, vehementer

menter concitatus sum. Hic autem furor, & hæc ira inchoatur, cum in hac vita quisque peccator iudicii timorem patitur, et plorat, ne ad illud perducatur, cuius initium perniciosum experitur; perficitur autem, cum quis in tanta est cecitate, ut dum tempus adest, nolit se corrigere, & penitus à Deo abesse velit; & ideo turbatum, non extinctum oculum dixit, vel furore contra flagitia à me admissa turbata est ratio mea. Aliqui dicunt oculum David perturbatum fuisse, cum inimicis Absalonis maxime consiliarijs iratus esset; proprium est enim ijs, qui succensent, ut oculi sui caligine tegantur; At non oculum, sed oculos dicturum fuisse illum opinor, ut superiorem interpretationem magis probet.

Inueteraui inter oēs inimicos meos.

Quoniam à me auersus es, vestimentorum vetustate consenescentium instar, ab inimicis meis contemptus sum, qui tamen antequam in peccata incidissem, me formidabant; vel inueteraui, id est inter vitia ipsa, aut inter homines, qui ad Deum se convertere volunt, nimis me demoratus sum, ac detinui, à quibus bonus omnis non loco, sed animo separatur; siue inter inimicos manifestos & occultos, seu Demones iuxta existimationem aliquorum inueteraui, id est consenui, ac debilitatus sum, quia qui viceram, atque victoriæ insignia multa eram adeptus, modo filium fugiam. Hieronymus legit, ab omnibus hostibus meis consumptus sum, id est ad nihilum redactus, ac defeci.

Discedite à me omnes, qui operamini iniquitatem.

Hic fructus pœnitentiæ apparet, cuius tantus labor non est inanis: Nam exauditum se David esse significans, & auxilium sibi diuinum præsto esse sentiens, fidentiam ostendit, & inimicos suos, siue qui videantur, siue qui non, perterrens aufugere iubet, dicens, discedite, & non amplius me irridete, qui priora facinora vestra non agnoscentes, mea dente maledico carpitis; Vel, discedite, inquam à me, qui ad peccatum me inducitis; non enim societatem vobiscum coire volo, nec prauarum actionum vestrarum esse particeps, in quibus perscueratis, quia Dominus bellator fortis mecum est. Ac nimirum malos fugere, & ab eis declinare, ad virtutem assequendam optima est via. Vel, discedite, quia, etsi pariter & eisdem conuenticulis continentur boni, & mali, in area tamen à paleis nuda iam grana segregata sunt, licet adhuc inter eas lateant; itaque simul esse possunt, simul autem vento auferri nequeunt, vaticinans enim, ac prædicēs declarat, illos discessuros esse, & cum iudicii dies aduenit, impios à iustis separatos fore.

Quoniam

Quoniam exaudiuit Dominus vocē
fletus mei, Exaudiuit Dominus
deprecationem meam, dominus
orationem meam suscepit.

EUndem sensum habent, vocem fletus, id est, com-
punctum animum meum, deprecationem, peccata
mihi condonando, orationem, perseverantiam dando.
exaudiuit: sed perpendere debemus, quòd ter dominus
ab eo exprimitur, ut se à tota Trinitate exauditum es-
se declaret, sicut alibi etiā dicitur, benedicat nos Deus
Deus noster, benedicat nos Deus; Et crebra hæc repe-
titio nos non moueat, non enim narrantis quasi neces-
sitatem, sed affectum exultantis indicat, sic enim letan-
tes loqui solent, ut satis eis non sit semel nunciare, q̃
gaudeant. Hic ergò gemitus, ac lacrymarum fructus
est, ut qui exauditus est, gaudio exiliat; sic alibi qui
seminant in lacrymis, in exultatione metent.

Erubescant, & conturbentur omnes
inimici mei.

O Pto finem hunc, ut erubescant inimici mei, quos
vana, & inanis spes tenuerat, fore; ut in mani-
bus ipsi, & in potestate me velut diuino auxilio caren-
tem haberent; & pudore à peccatis suis refugiant,
quod

quod sine confusione, & conturbatione fieri nequit. Sed non video quomodo in mundo contingat hoc, quod ait: Nisi illa die, cum opera iustorum, & peccatorum supplicia manifesta erunt. Nunc enim non adeo erubescunt impij, ut in nos insultare non cessent; Et plerumque; irrisionibus suis tantum valent, ut infirmos, & imbecillos homines ita pudeat nominis Christi, uti rubor consequatur. Nam qui pauperibus largiebatur, & Christum sequi volebat, infans ab ijs appellabatur, qui sanari nolebant; sed tandem erubescunt dicentes: hi sunt, quos aliquando derisimus.

Conuertantur, & erubescant
valdè velociter.

IDest retrò commeent, erubescant autem pudoris augmentum significat: Quis enim non iudicet iustissimam esse pœnam, ut ad confusionem fiat illis conuersio, qui ad salutem se conuertere noluerunt? Quid à hac non maledicentis verba esse arbitrantur, sed precantis, ut eos praeiorum consiliorum pigeat, ut timor Dei bonos faciat, illosq; in tenebris iandiu iacuisse pœniteat; & ad Deum conuersionem distulisse; Et hoc faciant ipsi valdè velociter, quia dies domini, sicut in no-
tèe fur, adueniet, atque credant ei, qui ait, ne ad Dominum conuerti tardes. Dictio namque, valdè velociter, quæ singulis verbis addi debet, aut ad optantis affectu, aut ad Christi potentiam referenda est, qui gentes, quæ pro idolis suis persequabantur ecclesiam, tan-

Et celeritate ad euangelij fidem attraxit, ut dictu admirabile esse omnibus pateat. Quicumq; igitur David fuerit imitatus maximum Regem, & sicut ille, animum suum verè compungat, & non fictè; puritas. n. & veritas Deo placent; odiosum autem est omne id, quod simulatur, & fingitur; & lacrymis lectum lauet, & riget assiduè stratum: & qui inueteravit in peccato, se pœnitentem renouet, & nouitate tandem deletetur: Nam hæc magna humilis animi, & Deo prorsus placendi desiderio ardentis sunt argumenta, dubitare profectò ille non debet quin à Deo audiatur, & misericordiam consequatur.

IN PSALMVM VII.

Domine Deus.

Inscriptio huius duplex est, altera quidem, quam græci, ac pleriq; latinorum sequuntur, hæc autem huiusmodi est. Psalmus David, quem cecinit Domino pro verbis Chusi filij Iemini.

Achitophel Absaloni consilium dederat, ut impatum is patrem adoriretur, nec illi tempus tribueret vires colligendi, & milites faciendi. Chusi autem, cum se à Davide amico veteri descivisse simularet, ad Absalonem transfugit, à quo interrogatus, quid agendum esse sibi videretur, causas faciendæ moræ probabiliores attulit; hoc enim vnum spectabat Chusi, ut ipsi Davidi comparandarum copiarum suppeteret otium, & in loca tutissima se recipiendi: Quo consilio ab Absalone
magis

magis probato Achitophel per iram se suspendens vitam amisit. Ex hoc præclaro consilio factiq; præstantia Chusi Arachi filius, Iemini, idest dextra cognomen inuenit, quod fautor ipsi Dauidi fuerit. Quem postea spei in consilio, & verbis Chusi, non in Deo prorsus collocatæ admodum penituit; ideo ipse mentionem illius in psalmo non facit, sed gratias agens Deo totum stratagemata tribuit, & sibi erratum hoc ignosci petit. Altera vero talis est. Pro ignorance Dauid, qui cecinit Domino pro verbis Ethiopis; vel pro ignorance Dauid, quod cecinit Domino pro verbis Chusi filij Iemini, quarum primam Aquilæ, Symmachi secundam fuisse inquit Hieronymus, si ipse est, & non potius Bedæ, aut alius quis, qui in commentarijs clare ait eos, ut habrei sermonis ignaros magno in errore versari, qui Psalmum hunc eo tempore compositum esse arbitrantur, quo Chusi Achitophelis consilium irritum fecit, sed totum contra Saulem conscriptum fuisse, Chusi vocatum, idest propter mores crudeles Ethiopem, à quo Dauid cur tantopere cruciaretur, se ignorare ut potè innocens testabatur; Iemini vero familiam de tribu Benjamin extitisse, de qua & Saul. Hanc autem tituli huius ratione quidam recentes scriptores expositionem magis probant, & multis opinionibus recitatis veriores indicant, legendumq; Chus esse censent. D. Augustinus ex mente quorundam, ut ait, suo tempore interpretum Chusi silentium interpretatur, cum in nominibus Hebraicis à D. Hieronymo Chusi, idest Ethiopia exponatur, Et ἀνωγεικῶς Christum inquit Iudæis mysterium passionis sue non manifestantem

festantem silentio dimicasse; occulto autem iudicio factum esse, ut ipse Christus Achitophelis, qui fratris ruina dicitur, idest Iudæ proditoris sui nefarium in eius perniciem scelus editum, in salutem omnium conuerterit. Canit igitur anima perfecta, & fidelis pro verbis Chusi, idest secreti huius cognitione, & quod illius silentij verba, idest rationem, ut noscat digna est habita. In persona quoque Christi, si ea quæ humiliter dicta sunt, ad imbecillitatem humanam referantur, Et etiã Ecclesiæ, & cuiuscunq; in calamitate constituti Psalmus hic exponi potest. Dicit ergo David.

Domine Deus meus in te speravi,
saluum me fac ex omnibus per
sequentibus me, & li-
bera me.

Domine qui potens es, & Deus creator meus, non in humana sapientia, & prudentia consiliouè, sed in te vno spem posuit; nam qui sperat in homine, cum nec in principibus fiduciam collocandam esse præceptum sit, is Domine Deus, dicere nequit. In quo nos eum imitari statuamus, ut si quid etiam aliorum ope à nobis præclare agatur, gratiã Deo immortalẽ habeamus. Salua me ab omnibus in me insultantibus, & permittere noli, ut aliquid mali patiar; at ab ijs dextera tua me libera et eripe; sunt enim innumerabiles; vel hic ab insectantibus serua me, & istic Iudicij tempore libera: Sexuari enim is dicitur, qui sine vulnere in bello

bello confervetur, aut qui infirmus est, & imbecillis, eripi autem, qui ab iniquorum impetu eruitur, aut captivus est. Vel mystice, à Dæmonibus, qui animas in peccatum, atque in desperationem abripiunt.

Nequando rapiat, vt leo animam
meam.

Nequando Absalon vt leo, vel Saul animam, idest vitam meam (ea enim vita causa est) auferat, & me interficiat; nam nisi mihi adiutor, & servator adsis, nihil erit quod eum impediat, quin ab eo laniet atque discerpar; Vel Dæmon mihi noceat, qui animæ interitum sitire videtur, quiq; in eo studium collocat, vt illam capiat; nam quas arripiet animas, prorsus eas retinebit. Supta vsus est multitudinis numero, nunc singulari, quia omnes sub vno capite comprehenduntur.

Dum non est, qui redimat, &
qui saluum faciat.

At is, qui exercitum comparauerat, & multos secum habebat, quomodo ait, dum non est, qui redimat; quoniam ne vniuersum quidem terrarum orbem sibi opem ferre posse putat, nisi auxilium diuinum sibi præsto fuerit; nec se in solitudine fore, si illius particeps fuerit. Nam alibi ait; Non saluatur Rex in
virtute

virtute sua; si enim Deus non redimat, nec salutem det, leo ille arripit, vt animam perfectam orationem hanc fundere pateat: redimitur autem quis, cum à malo, & à pœna, saluus fit, cum à culpa liberatur.

Domine si feci istud, si est iniquitas
in manibus meis.

Sanctus quilibet non à se, sed à recte factis testimonium sumit; David namq; innocens, & clemens iniuriarum obliuionem suam Deo exprimit inquiens, si proximis insidias parauit, si me inique gessi, regnum, opes, agros alicui auferens, si non peperci ijs, qui me iniurijs affecerunt, & eorum male facta obliuioni non mandauit, anima mea, antequàm moriar, à peccato non absolnatur, & gloria mea mihi adimatur.

Si reddidi retribuētibus mihi mala.

Atende, bonum est hominem non laceffere, sed multo præstantius prouocantem atque irritantem non vlciſci; bis enim Saul occidi potuit, attamen dixit ipse, non tangam Christum meum; qui vero se vindicat, occulte a Demone vincitur; retribuere pro reddere non proprie vsus est.

Decidam

Decidam merito ab inimicis
meis inanis.

Ergo si reddidi, inanis, ac spe frustratus decidam, id est sine virtute, ut ab inimicis meis me defendere non valeam. Vide quot sibi mala ominetur, atque evenire exoptet; scilicet ut incassum laboret, ut ab hostibus vincatur, & sic intereat; unde per execrationem dictum esse videtur secundum opinionem graecorum, si istud feci, hæc mihi contingant, quæ mihi non displicet, D. tamen Augustinus, quem latini sequuntur, non execrando, sed prædicando pronunciatum esse inquit, si talia delicta commisi, pœnam hanc luam, quod confirmare videtur D. Hieronymus, qui legit, & hostes meos vacuos dimisi.

Persequatur inimicus animam meam,
& comprehendat.

Absalon, vel Saul animam meam, id est me ipsum infestet, & arripiat, aut Daemon suggerendo me impugnet, & per consensum me decipiat.

Et conculcet in terra vitam meam.

Vitam, id est sanguinem meum, qui vitæ causa est, omnino prosternat, & pessundet, meq; occidat, Aut Daemon vitam meam terram faciat; scilicet cibum
sibi,

sibi, quia non tantum leo, sed serpens existit. In terra enim is ab inimico conculcatur, in cuius animum terreni hominis imago irrupit.

Et gloriam meam in puluerem
deducat.

Gloriam meam, quæ interior esse debet, ubi Deus inuenitur, & solida in Domino, ut qui gloriatur, in eo gloriatur, in puluerem redigat, id est in superbiam, & iactantiam, ut apud homines gloriam velim; hic est enim pulvis ille, quem proijcit ventus. Ecce quam cauenda est superbia. Gloriam ergo sanctorum, quorum mens in celis versatur, & bonorum, quorum diuitiæ in aternis thesauris repositæ sunt, appetamus. Gloriam vero eorum, qui aliqua in re laudem querunt, & in terrenis opibus confidunt, ut potè breuem, & in terra permanentem aspernemur, ac fugiamus.

Exurge domine in ira tua.

Sed quia nō merui, tu exurge Domine, et ne differas, nec me ab hostibus opprimi patiaris; iusta enim ira tempus est, ut bellum contra hostes meos Demones præsertim suscipias, & in eos animaduertas; punire est effectus. n. ira; vel exerce iram tuam contra inimicos meos ludæos, inquit ecclesia.

Et exaltare in finibus inimicorum
meorum.

Et cum altus sis, ita appare, & hominibus vires
tuas ostende, vt qui te humilem arbitrantur, ex ijs
quæ patientur, gloriam tuam perspiciant, In finibus
inimicorum, vel cum altissimus sis, vt te non intelli-
gant aduersarij tui, omnes hostes meos fines eorum in-
uadendo deprime, qui sunt mundus, & locus infernus
ipsius Dæmonis, & satellitum eius possessio; & his cum
eius altitudinem, & potentiam tuam demonstra; vn-
de apparet hunc perfectum virum contra homines non
precari, sed aduersus Dæmonem, cum is oret, vt eis hac
quæ peccantium est, atque impiorum possessio, aufera-
tur. Hieronymus legit, Eleuare indignans super ho-
stes meos, quasi dicat, irascere in eos animaduertens,
& in hoc sublimis esto.

Et exurge Domine Deus in præce-
pto; quod mandasti.

Varij varia afferunt ad explicationē huius ver-
bi in præcepto, sed quatenus ad Dauidem spe-
ctat, mihi placet illorum opinio, qui aiunt Deum ipsi
præcepisse, vt populi sui dux esset, & Dauid ipse quoq;
refert, præcepit mihi Dominus, vt sim Dux; quod præ-
ceptum ad nihilum redigi videbatur, si ab inimicis suis
ille

ille superatus fuisset. Illud quoque ad Davidem pertinere videtur, honora patrem tuum, quod filius minime executus est. Ideo Dominum hortatur ac rogat, ne ad eum corrigendum, aliosq; castigandos patiens, ac lentus existat, sed accedat ad præcepti ultionem: multi enim ab vnus iniqui supplicio excruciat, exemplo de territi se ad te conuertent. Alij dicunt, tu sanxisti, vt iniuria affectos vlcisceremur, ac tueremur eis opem ferentes; quod alijs mandasti, id ipse perfice, atque auxilium mihi tuum fer domine. Vel vt ad Christum referatur. Exurge, & te toti notum orbi, ac manifestum redde in præcepto videlicet humilitatis, qui dixisti: discite à me, quia mitis sum, et humilis corde, quò vt alijs diligenter teneant, tu prior exequere, atque humilis appare, altitudinem non deferens, vt ceteri superbiam vincere discant.

Et Sinagoga populorum circundabit te.

ET congregatio te cinget, quando profligatis hostibus, & malitia Daemonum exclusa gentes vocabuntur: hæc enim David spiritu diuino afflatus omnia prædicit, eiusq; aduentum non pro se duntaxat, sed pro vniuerso genere humano vaticinatur; Vel congregatio canet tibi, te summis laudibus efferet, atque honorificis verbis prosequetur; & qui in vnum congregandi sunt; cuncti debitas tibi gratias agent.

Et propter hanc in altum
regredere.

ET ob hanc congregationem gentium in altum ascē-
de, vt hanc credentium concionem, spiritum ad eā
mittendo perficias; aut propter eam, quā descensu tuo
acquisuisti; ad altitudinem gloriæ, quam ante mundi
creationem habuisti, Domine reuertere, & in sublime te
fer, vt à Synagoga Iudeorum, qui te persequendo, &
contemnendo stipabunt, prorsus te segreges.

Dominus iudicat populos.
Hieronymus, iudicabit.

POST ascensum ad cælum Dominus ad Iudicium re-
dibit: potest autem intelligi tam præsens, quàm fu-
turum iudicium; hic enim ex parte sumit pœnas, se-
gnes excitat, & eos, qui creduli non sunt, ad considerā-
dam vniuersi prouidentiam adducit: Illic vero vni-
uersum erit, ac manifestum, & post magnas disquisitio-
nes prauos damnabit, à dextris bonos constituet. Aut
populos, idest iudeos iudicabit, qui Christum surrexis-
se calumniando negant.

Giudica

Iudica me secundum Iustitiã meã ,
& Innocentiam super me.

Hoc David verè dicere nequit, at eum, qui nobis salutem dedit, Dominum Iesum Christum fari decet. Ac certe non nihil ille sibi arrogare videtur; veruntamen re bene perpensa Davidem hac mente non fuisse comperiemus, si exponamus secundum Iustitiam meam, eam scilicet qua præditi esse queunt in hoc mundo vitam degentes, & quæ neminem lædit, & secundum Innocentiam meam, idest integritatem vitæ ac morum, quam Hieronymus simplicitatem vocat. nihil enim contra insectatores hostes suos egit; vnde virtutes suas prædicare, aut Iustitiam iactare apud Deum velle non videtur; sed significare se in eo, in quo accusatur, omni culpa vacare, quippe qui neque re, neque verbo siue filium, siue Sautem violavit: Nam hæc coactus dicit, quoniam plerique stulti ob calamitates, in quas inciderat, malã de eo opinionem imbiberant. Notandum tamen est in superiori Psalmo Davidem misericordiam implorasse, qui aiebat, miserere mei, quoniam infirmus sum, nec ullum meritum suum commemorasse; Nunc, quòd is præcepta servavit, dicere audet, Iudica; Vere. n. proferre potuit, si reddidi, sed D. August. inquit, super me, ad didisse,

didisse, non ut ad innocentiam tantum, sed ad iustitiā etiam referatur, quemadmodum si diceremus, quod anima iusta sit & innocens, non per se, at per Deum illustrantem atque illuminantem id eam habere, licet Innocentiam meam, quæ in me est, Hieronymus legat.

Consumetur nequitia peccatorum,
& diriges Iustum.

ORat secundum aliquos pro ijs, qui insultant, nequitia peccantium finem imponi cupiens, & peccatum prorsus deleri; nam hic verus est præceptorum evangelij observantissimus discipulus. Consumetur ergo, id est peccatum finem habeat, vel perficiatur nequitia. Aut secundum alios supplicio afficiantur improbi, & eos à vitijs desistere docebis; magna quidem est eorum, qui Christum cruci affixerunt, malitia, eorum vero maior, qui præcepta veritatis oderunt; pro quibus Dei filius in crucem actus est. Diriges iustum, ut neque debilitate nutet, ac vacillet, neque à norma veritatis discedat; sine autem impedimento in via virtutis ambulat. Quomodo autem nisi in occulto, & quo patet hoc tempore in tanta simulationis confusione iustus dirigi potest? Nisi dum Dominus Deus animos nostros scrutatur, omnium cogitationes, quæ cordis nomine, & delectationes, quæ renum intelliguntur, recte intuetur? Vel (inquit Christus) iustitia mea dirigi non poterit, nisi illorum iniquitas, scilicet Iudaorum completa fuerit.

Scrutans corda, & renes Deus.

Idest probans, & planè cognoscens corda, præcipuâ animi partem cor, renes, idest mentis arcana, & intimas cogitationes; vel corda, quid quisq; cogitet; & renes, quid quæq; delectet. Nam opera ab hominibus videri possunt; quo autem animo efficiantur, solus videt Deus, qui cor nostrum in cælo esse cum perspicit, & in carne non se oblectare, sed in Domino, non modo dirigit iustum, sed adiuvat etiam ac roborat.

Iustum adiutoriū meum à Domino.

Iudicis iustitia confidens optime sperat, & inquit, Qui mētis arcana, & nihil in corde meo prauum no- uit, is mihi iustum auxilium feret, quia & iam iusto tribuit; & est quasi medicina, quæ salutem seruat; al- tera quæ sanat, in superiori Psalmo dicta est. Qui saluat rectos corde, eos scilicet, qui recta ad virtutis medium pergunt. Cur non dixit renibus rectos, quia prauæ cogitationes sunt in corde, bonæ in corde recto, ut intentio recta sit; delectationes autem non bonæ, et sensibiles ad renes quidem pertinent, bonæ vero ad cor, ideo recti renibus dici nequeunt. Hieronymus autem, legit, Clypeus meus in Domino, idest scutum, & de- fensio mea.

Deus Iudex Iustus fortis, & patiens.

Quoniam aliqui perturbati erant ob ea, quæ eueniant, filium in patrem inuadere perspicientes, eiusq; nequitiam feliciter progredi; contra eos David tanquàm diuina prouidentia diffidentes inuebitur in-
 quiens, Deus iustus est, iniquos enim omnes punire
 vult; fortis, poterit enim, sed de peccatoribus suppli-
 cium statim non sumit, quia patiens est, & differt.

Nunquid irascetur per singulos
 Dies?

An punit? non, sed pœnitentia relinquit locum.
 Inquit enim Isaias, Expectat vos Deus, vt ve-
 stri misereatur. Græci tamen, & D. Augustinus, sine
 interrogatione legunt, inquentes, & iram non inferēs,
 idest ultionem: magis enim proprie dici, Deum iram
 adducentem siue inferentem, quàm irascentē ait Aug.
 ipse, quia in Deo iram non esse tanquàm affectionem,
 sed contra impios ab eo proficisci significatur. Vnde &
 si iuste iudicat is, non tamen vulnera continuo inflig-
 git; ex quo eius clementia patet. Nam si singulis die-
 bus castigaret, saluus esse posset nemo, & futurum iu-
 dicium frustra foret. Sed postea pœnas maiores gra-
 uioresq; luemus, nisi hic nos admodum pœniteat. Re-
 spiscat.

si piscamus ergo, ne supplicia miserrima, atque atrocissima præferre cogamur.

Nisi conuersi fueritis gladium suum
vibrabit, arcum suum tetendit,
& parauit illum.

NE fiant negligentiores ij, qui eum patientem esse audiunt, minitatur eis inquit, nisi ad Deum vos ipsos conuertitis, pœnas profectò nō effugietis; & ostēdit Deum ad incutiendum sceleratis mortis metum se præparare, nihilominus ex causa procrastinare; ait enim gladium vibrabit cominus, vel secundum Hieronymus acuet; aut acerbiter suam nudabit, vt vehementiam pœnarum demonstret; non percutiet; arcum tetendit, vt sagittas iaciat, non emisit, celeritatem tamen mortis innuit, & parauit illum, vt flagellum imminere indicet; non enim mortem statim minatur, sed eum ad ultionem promptum esse inquit, nisi peccatores scelera edere omnino desuerint.

Et in eo parauit vasa mortis, sagittas
suas ardentibus effecit.

IN eo scilicet arcu vasa mortis, idest instrumenta
occidentia præparauit; vel potestates inimicor
Dei

Dei destruentes, & de singulorum peccatis pœnas promeritis sumentes Sagittas suas ardētibus effecit, id est ijs, qui affectionibus inflammati sunt, & igne libidinis ardent, sicut carnis amor, & diuitiarum cupiditas, & huiusmodi animam vrunt, sagittas, id est iacula ignea fabricauit: vel illos qui facile accenduntur, quod virtutis humore careant, & qui materiam multam ad exurendum collegerunt, sagittis configere, & pœnis mulctare decreuit. Hieronymus legit, sagittas ad comburēdum operatus est, id est igne incensas ad cremandum scelestos fecit. At cur is, qui solo nutu orbem terrarum creauit, eodemq; totum euertere potest, gladium & arcum, qui indicant genera pœnarum diuersa, habere dicitur: nisi vt hebetes auditores, ac rudes his armorum nominibus perterrefaciat, ac mentibus eorum timorem incutiat? Ac omnia certe per translationem cum dicta sint, orationem etiam multo grauiorem reddunt.

Ecce parturit iniustitiam concepit
dolorem, & peperit iniquitatē.

Vel secundum Grecos, & Augustinum parturit; Nonnulli hac ad Absalonem, ad Achitophellem alij pertinere arbitrantur; ad Saulem aliqui, vt horum cuilibet verba hac quadrare videantur. Volens autem ostendere quàm acerbos dolores illi sustineant, qui proximos suos iniuria afficere student, verbo parturire vsus est, & docet mulierum parturientiæ exemplo,

*exemplo, quæ doloribus anguntur, eum qui dolos machi-
natur, priusquam alios læserit, grauissimis tormentis
cruciari; Dubitatur tamen, cum mulier primum con-
cipiat, Deinde parturiat, demum pariat, cur hic per-
turbato ordine, parturisse, prius inquit, quam concepe-
rit? quia illic in tempore partus dolor est, hic autem in
initio; simul ac enim quis malum cogitat in animo
suo, ac dolos adhibet, effrenati ac precipites in eo fu-
rores statim oriuntur; vnde apparet iniustitiam non
esse secundum naturam; sed alienum quid & graue,
& nobis acerbissimos inurere dolores, atque sicut in
vipera, ita in ea, & in fraudibus euenire. Fæus au-
tem in muliere, qui secundum naturam perficitur, ante
partum ei dolorem non dat, & sic lectio nostra in-
nuere videtur, Ecce parturit, idest nititur efficere, &
concepit dolorem, clarius Hieronymus, concepto dolo-
re, idest postquam concepit dolorem, siue laborem, vt
alij dicunt. Et semen iniustitia, ac nequitie iniquitatẽ
conceptam demum peperit.*

**Lacum aperuit, & effodit eum, & in-
cidit in foueam, quam fecit.**

I*Terum translatione vtitur, & quemadmodum par-
turire, dolorem significat, ita per lacum difficilem li-
berationem indicauit propheta ostendens eum, qui pro-
ximis foueam parat, in illam casurum esse; lacum er-
go aperuit, idest persuasioni male consensit; siue exco-
gitauit fraudem, ac parauit, & effodit, idest post con-
sensum*

sensum profunde cogitando exequi conatus est, ac fraudis opus vrgendo. Et in foueam decidit, quia fraudem pariendo prius ipse laesus est; sic Iudas mortē Christi parare studens, prior se interemit Achitophelem imitans, qui cum Dauidem interficere tentaret, ipse prior vitam amisit.

Conuertetur dolor eius in
caput eius.

Haec Absaloni, et Achitopheli quadrant, in vtriusq; enim caput pœna redundauit, non autē Sauli, vt secunda opinio censebat. Alteri quidem, qui laqueo vitam finiuit; alteri vero, qui coma ramo implicata tandiu pependit in arbore, quandiu ab illo, qui prius ipsum patri reconciliauerat, interfectus est.

Et in verticem ipsius iniquitas
descendet.

Iniquitas, vel iniustitia ponitur pro pœna iniustitiæ illata, quæ in verticem iniusti à Iudice iusto de cælo descendit.

Confitebor Domino secundum
Iustitiam eius.

Cum cantico tibi ob iustitiam tuam gratias immortales agam, non cædibus aliorum gaudens, sed
Dei

Dei sententiam suscipiens; vel propter iustitiā eius, qui nullum insidijs petierit, nec lacum aperuerit; Recte facta mea tanquam ad iudicium, ac tribunal afferens secundum iustitiam inquit, quia meritum precessit, confitebor.

Et psallam nomini altissimi.

Illius, qui est super omnia, & insuperabilis, cuius sunt trophæa, psallam credens me illorum consortio, qui seruandi sunt, dignum habitum iri.

Cum Psalmum à spe orditus fuerit, quam in Deo collocauerat, merito earum rerum omnium, quas ipse postulauerat, compos cum fuerit, quas vè fide munitus expectabat, se gratias perpetuo acturum spondet. Nos quoque si tales nos præstare conabimur, vt vere dicere possimus, si reddidi dubitare ne debemus, quin spei nostræ in benignissimo Deo posita fructum, vel maximum capiamus? Immo si hostes nostri insidias nobis tetenderint, Dominus non solum non denegabit iustum auxilium suum, sed nos etiam ab eis eruet; vnde quotidie gratias ei agendi occasionem habebimus. Et quoniam psallimus hic contra inimicos nostros nobis insultantes ad Deum maximè dirigitur; ideo ecclesia primum ab aduersarijs iniquis, ac Damone præsertim,

ut eripiat, petit; Deinde pro suis omnibus, qui in illius gremio consenescent, tam viuis, quàm vita defunctis clementissimum Dominum orat, ut saluare eos velit, inquit non esse qui redimat, neque qui saluos faciat, nisi solum Deum: Et pro ijs, qui in inferis locis penas pro peccatis adhuc luunt, dictum Psalmum in templo recitari iubet. Faxit igitur nos dignos, qui ab eo exaudiamur, præpotens Deus, sitq; nobis valde propitius, Qui viuit, & regnat sempiternis sæculis. Amen.

IN PSALMVM VIII. DOMINE DOMINVS.

In finem Psalmus Dauid pro
Torcularibus.

QUod, in finem, septuaginta semper dicunt, Aquila & Theodotio victoriæ authori. Hieronymus victori interpretantur. Et sanè pro victoria Psalmus hic victori Deo canitur, quia inimicū, & ultorem Dæmonem vicit, & homines ab illius Tyrannidis seruitute in libertatem vindicauit. In finem igitur inscribitur, quia in eode sæculorum fine, ac de prouidentia Dei, atque de carne à filio Dei sumpta prædicitur. Pro Torcularibus autem; idest pro ecclesijs, quæ per orbem terrarū constitutæ sunt, sic à Μαγνητικῶν nomina-

nominatis, quia sicut in Torculari vinum à vinaceis segregatur, sic in ecclesijs segregantur boni à malis, si non loco adhuc, saltem animi affectu; & in martyribus animarum à corpore fit separatio. Verum populus Hebreus quando vnus erat, in vno tantum altari Sacerdotes eius hominum fructus colligebant; vnde ei vitio, & crimini datur, quòd audiens ipse torculari multitudinem, intelligere nolit vetera præterisse, & noui testamenti lumen omnibus hominibus ad salutem inuitatis illuxisse, vt iam non vnum, at multa altaria in orbe introducta sint:

Domine Dominus noster, quàm admirabile est nomen tuum in vniuersa terra.

P Salmus hic pro beneficijs in totum genus humanum collatis gratiarum actionem continet. Loqui autem ecclesia videtur inquit, Domine. Dominus illorum, qui non credunt in eum, vno modo, noster vero dupliciter, & quòd creauerit nos, & quòd à nobis agnoscatur. Quam admirabile, id est valde est admirabile nomen tuum, id est fama, & gloria tua in vniuersa terra; non in iudæa tantum; nam quòd pro nobis homo factus sis, quòd mortuus surrexeris, hoc percipit, & in ore atque sermone omnium gentium cæpit esse; nomen inquam tuum; cuius inuocatio, vt aiunt ecclesie omnes, sola demones fugat, magnam admirabilitatem

bilitatem fecit post aduentum eius, qui nobis salutem
 dedit; ante vero etsi re ipsa admirabile, gentes tamen
 id verbis execrabantur, ut ait Isaias. Sed si Dauidi
 tantam admirationem mouit nomen illud ab eo pronun-
 ciatum, ut ipse obstupuerit, ubi sunt illi, qui se Dei
 substantiam, seu naturam nosse gloriantur? Quod in no-
 mine illius mors victa sit; Demones victi; fores pa-
 radisi patuerint, & huiusmodi, hac de filio, velint no-
 lintue impudentes Iudaei, dicta esse liquet.

Quoniam eleuata est magnificentia
 tua super caelos.

Ad mirationis haec est ratio, quoniam magnitudo
 tua in caelo apparet, & virtus calorum factionem
 excedens. Vel magnificentia tua, quae omnium lingua-
 rum, & scripturarum praeconia vincit, de terrena hu-
 militate super calos ascendit. Magnificentiam appel-
 lat humanam à Deo carnem sumptam, quae & magna
 est, & omnem intelligentiam superat, quae super calos
 existentes potestates illas transcendit. Ipsa enim quid
 aliud est, quam operum, & earum rerum, quae à Deo
 create sunt, magnitudinis illustratio? te namque caelo
 terraeque, ac vniuersis rebus dominari, magnificentia
 haec tua hominibus nota semper non fuit.

Ex ore infantium, & lactentium perfecisti laudem propter inimicos tuos.

Docet recentem congregationem post eius in calu-
 ascensum per renouationem in Christo ubiq; loco-
 rum factam ex infantibus constare, qui osanna clama-
 bant. Nam potentiam tuam ait, ex hoc notam feci-
 sti, quod balbutientem linguam ad te magnifice, ac
 splendide ornandum claram, & expeditam fecisti; in-
 telligit autem, cum pueri in templo laudes decantarent;
 unde alijs omissis miraculis, solius chori lactentium
 meminit, qui tunc, & alias nunquam locuti sunt; nec
 iudæi in lege id unquam factum esse dicere queunt; vel
 per lactentes animo simplices, & eorum candorem imi-
 tantes innuit, veluti Apostolos, & quales esse debent
 ij, qui ad dogmata accedunt. Quibus inquit Paulus:
 tanquam paruulis in Christo lac vobis potum dedi non
 cibum; D. Augustinus exponit de illis pueris ab He-
 rode interfecis, ex quorum ore, vt laude maxima affice-
 retur Christus Herodem fuit voluntatem suam exple-
 re, vt ætas non valens lingua, mortis testimonio Do-
 minum confiteretur, perfecisti laudem, idest perfectã
 eam fecisti. Propter inimicos tuos, causam affert
 cur miraculum hoc factum sit, vt inimicorum ora ob-
 struerentur, iudæorum scilicet, & phariseorum, ac sa-
 terdotum, qui tue cognitioni aduersantur, quiq; inimi-
 ci crucis Christi à Paulo vocantur.

Vt destruas inimicum, & ultorem.

QUæ de infantibus dicta sunt, ad confusionem iudeorum permittit Deus, qui erant inimici, quoniã filio Dei contrarij erant; Et pro Deo patre se facere simulabant, sicut etiam Hæretici, qui nequitia sua ecclesiam adoriuntur, & tueri eam fingunt, ut destruas, id est cessate facias, & de medio eorum impudentiam tollas; aut quemlibet insectatorem, aut Tyrannum innuit, qui armis tuum sanctum nomen oppugnant. Vel Demonem amicis Dei insensum significat, qui tãquã ultor permissione Dei arrepta his, qui Dei madata transgrediuntur, & non observant, multas irrogat, non vere Deum ulciscens, sed in nostris malis se oblectans, qui tamen (quod est admiratione dignum) à latentibus detectus est.

Quoniam videbo cælos tuos opera digitorum tuorum lunam, & stellas, quæ tu fundasti.

NON video, inquit, sed videbo, quando non operata facie gloriam Domini fuero contemplatus; nunc enim ex parte conspiciamus. Sed scriptura quando potentiam Dei manifestam nobis reddere vult, ad cælorum considerationem ducit nos, ac trahit. Opera digitorum, inquit, quod illa subtiliora sint; quæ enim digi-
tis

tis agimus attente, & distincte facere videmur: digitorum non manuum dixit, ut talia, ac tanta elementa à minima diuinæ potentie particula significaret facta fuisse; vel ea, quæ sub oculis subiecta sunt, minima esse inter opera, quæ fecit ipse, ostenderet. Ego sine ullo discrimine locutum esse Dauidem opinor, quia alibi opera manuum tuarum celos esse inquit. Solem non videtur prætermisisse, dum lunam nominat, alibi Solem, quasi per alterum utrunq; intelligatur. Alij solem omisisse aiunt propter infideles, qui eum ut summum Deum credebant, colebantq; ; quæ astra finxisti, ac ita stabilisti, ut decidere nequeant. Cuncta non recensuit, quia potiora, quæ sub aspectum cadunt, persecutus est. Mystice calorum nomine illi intelligi possunt, qui querunt, quæ sursum sunt, veluti apostoli; illi enim celi gloriam Dei narrant; Luna, ecclesia, Stellarum, illi quibus dicitur, vos estis lux mundi. Vel celos, idest scripturas digito Dei scriptas, & à ministris Spiritus sancti illustratione conscriptas cernam, & intelligam.

*Quid est homo, quòd memor es eius,
aut filius hominis, quoniam
visitas eum.*

Postquam ex parte vniuersum significauit, nunc de prouidentia percurrit, qua Deus hominem, humanam scilicet naturam regit, atq; gubernat; nam quæ iam cõmemorata sunt, & vniuersa creatura propter hominem condita est. Hoc autem admirationem mihi mouet (inquit Dauid) quæ causa fuerit, ut cum homo

parua res sit, & parui ducenda, illius tamen tantopere memoriam seruas; & is cum præceptū tuum non tenuerit, tu illius miserearis; magnum ergo aliquid, est homo, postquam tanto honore illum afficis, & de illo curam geris. Aut quid meruit filius hominis; idem enim est homo, & filius hominis, ut pleriq; aiunt, ut ad suscipiendam humanam carnem filium tuum miscris, & sic filium hominis visites? nam hoc non propter angelos, qui de celo lapsi sunt, sed propter hominis ruinam fecisti; cuius saluti succurrere, atq; ægro mederi voluisti. D. tamen Augustinus inter hominem, & filium hominis discrimen existere ait, & omnem filium hominis hominem esse, non è contra, ut Adam, homo, non filius hominis, & illa disiunctione, aut, adducitur; homo igitur hic terrenus dictus est, & filius hominis celestis; & propterea illius tanquam longe absentis recordatur, hunc vero visitat, cum præsens vultu suo illustrat; quia licet totum genus humanum viseri præcipue tamen illum hominem in hypostasi seu persona assumptum inuisit; vnde ἀναγορικῶς ad Christum hæc pertinent. Quid enim tanti est humana caro, à Deo verbo sumpta, quòd illius memoria tibi heret? aut filius hominis (sicut se Christus appellauit crebro, ut affirmantes Christi carnem de celo descendisse redargueret) quoniam illum visitas per eum, cum verbum caro factum est, ut medicus ad ægrotos venerit?

Minuisti eum paulò minus ab
Angelis.

Creatum hominem Angelis minorem fecisti, propterea quòd ille morti, & corruptioni addictus est, ut cum extolleretur propter intellectum, propter terram deprimeretur. Caterum sicut ille potestates superiores ratione præditæ sunt, sic & homo rationis est compos, & ad notitiam tui consequendam aptus; quandoquidem secundum eam facultatem, qua virtutis, & sanctitatis capax est, & propter imaginem, ac similitudinem, quam in eo, sibi dato in mortalia animalia imperio expressisti, tibi admodum similis est. Verba hæc à D. Paulo de Christo referuntur, eum qui modico, quàm angeli minorem effectum esse videmus lesu propter passionem mortis gloria, & honore coronatum; ut sustinuerit homo pro nobis mori natura diuina à perpeffione immuni existente. Hieronymus, à Deo, legit, quia Deo in vnitæ personæ is coniunctus est, sed ratione iam dicta minor.

Gloria & honore coronasti eum.

Gloria, quia ad imaginem, & similitudinem Dei creatus est homo, quæ diuinæ imaginis claritas est. Honore, quia eum, omnibus animalibus, ut ipsa sibi subiecta sint, præfecisti; Aliquid tamen de hac

potestate propter peccatum illi detractum est; antequam enim ille obedientiam abiecisset, penitus feris dominabatur, nunc vero vix arte cum metu coniuncta aliqua est in homine dominatio. Coronasti, quod est proprie Regum. Vel Christum coronasti, id est ornasti gloria quidem diuinitatis; honore, quem angeli ei habebant; vel etiam vtrunque ab hominibus ei tribuebatur, quia credentes in eum appellabant Deum, ac religiosissime venerabantur.

Et constituisti eum super opera
manuum tuarum.

Idest in Regem totius creaturae illum elegisti, & ei dominatum dedisti; dixit opera manuum, non digitorum, ut aiunt nonnulli, quia non subtilia, ut sunt caeli, qui digitorum opera existunt, & eos homo subijcere nequit. At cum alibi dicatur, opera manuum tuarum sunt caeli, patet, ut alij inquiunt, hominem super celos etiam constitutum fuisse, ut significantur ij, qui a terrenis istis atque caducis illuc transferuntur, quiq; regni caelorum hereditatem adituri sunt; illic enim opera manuum, celos & omnia, quae in eis sunt, contemplantur; Sed quando Angeli sunt opera manuum Dei, etiam super Angelos constitutum accipimus vnigenitum Dei filium, qui paullo ante Angelis minor erat.

Omnia

Omnia subiecisti sub pedibus eius,
oues & boues vniuersas.

Omnia dixit, nihil ergo excipit, Addit D. Paul-
lus, excepto eo, qui omnia ei subiecit. Vt velit
huius loci testimonio omnia ita subiecta esse Domino no-
stro Iesu Christo, nihil vt exceptum sit. Sub pedibus,
idest dominatu, & potestate, non tamen magnum quid
videtur adiungere, cum ait, Oues & boues, inquit D.
Augustinus, apparet enim relictis virtutibus, & pote-
statibus, nec non hominibus, ei tantum pecora subiecif-
se, nisi oues intelligamus animas sanctas innocentie fru-
ctum ferentes non hominum tantum, sed angelorum
quoque, si omnia hic Christo subiecta esse, intelligere
volumus. aliter, oues, et boues, addidit, vniuersas, quia
pure sunt, & fructum afferunt; cum animalia immun-
da dicit, non addit vniuersa. Vel oues, intelligi pos-
sunt ij, qui ex gentibus crediderunt, boues, Iudæi gra-
ue iugum trahentes, vel qui predicantes verbum Dei,
angelos imitantur.

Insuper, & pecora campi.

Insuper, adiunxit, vt distinguat ab ouibus. Innuit
autem animalia omnia, quæ prona in terram aspici-
unt, idest eos, qui nec Moysis, nec gratiæ legem susce-
perunt, vel homines in voluptate carnis gaudentes, &

sursum minime aspirantes. Feras non subiecit penitus, vt ab hac cum illis contentione de primi parentis Adam peccato admoneremur.

Volucres cæli, & pisces maris, qui
perambulant semitas maris.

Volucres cæli, idest aeris. pisces, vnico verbo omnia genera piscium comprehendit. Cur non dixit plantas, & reliqua; an quia ex parte totum significauit, & studiosis meditationem, & disputationem de ijs reliquit. Volucres, idest superbos. pisces, idest curiosos, qui studium inania inquirendi in profundo huius sæculi maximum collocant, ij enim perambulant semitas maris, quæ cito euanescent.

Domine Dñs noster, quàm admirabile est nomen in vniuersa terra.

Ad mirationem duplicat ob illud factum mirabile obstupescens, quòd homines Dei cognitionem susceperint, & omnes a creatore mundi redempti sint, & quia; vt in hymno dicitur, iam Christus astra ascenderat, reuersus vnde venerat, merito psalmus hic, qui Christum tractat, circuli instar ibi desinit vbi cæpit, eundem in principio, & sine versum habens. Pergamus, & nos eadem assidue canere, eius providentiam admirantes, sapientiam suspicientes, atque clementiam, &
quam

quam de nobis gerit procuracionem, & gubernationē; ac fugiamus eos, qui Christi dignitatem, atque auctori-
tate præditam potestatem negant; Et vitæ institutio-
nem dignam demonstramus, vt futura bona assequi va-
leamus; mereamurq; vt Dominus Iesus Christus no-
stri memor sit, ac nos assidue visat, demum gloria, &
honore coronatos in cælo ei assidere velit. Qui viuit,
& regnat sempiternis sæculis; Amen.

IN PSALMVM IX. CONFITEBOR.

INscribitur sic, In finem pro occultis filij Psalmus
David, vel secundum D. Hieronymum victori su-
per morte filij, Ps. David. ex quo apparet Dau-
idem pro beneficio in se collato immortales Deo gratias
agere, quòd Absalone mortuo regnum ipse receperit.
Sed D. Augustinus de illo intelligi posse negat, quia,
sui, sicut in tertio Ps. additum non est. Quærit autem
is, quæ sint occulta ista, & ait, cum duos aduentus es-
se, alterum præteritum, qui Iudeis ignotus fuit, &
gentibus valde profuit, alterum manifestum, quem
expectamus; ac duo etiam à scripturis iudicia indica-
ri credamus, alterum occultum, perspicuum alterum;
hic de Christi humili aduentu, in quo caro manifesta
fuit, diuinitas occulta, Davidem agere, & de iudicio
occulto, idest pœna, qua boni à prauis afficiuntur, &
vnusquisq; excercetur ad expiationem peccatorum,
aut vt se conuertat, admonetur; aut damnationi desti-
natus

natus cecatur. Greci vero, pro occultis filij, de morte unigeniti filij Dei, qua omnis inimici potentia ad nihilum redacta est, serè cuncti interpretantur; quod mysterium à seculo occultum fuit; apostolos enim, & alios omnes latebat, sic à septuaginta, vt opinor, vocatum, quòd occulta sit, & inexplicabilis mysteriorum Christi veri Dei cognitio. Longior est Psalmus spiritu sancto ita dictante, vt longitudine pigritiam is excitet.

Confitebor tibi in toto corde meo.

Agam tibi gratias, & in toto corde meo, id est omni animi alacritate, & contentione te laudabo, non is, qui de providentia Dei aliqua in re dubitat, sed ego, qui totum tibi cor meum dico, quod est perfectorum munus.

Narrabo omnia mirabilia tua.

Predicando alijs, & annunciando omnia tua beneficia, velut trophæa quædam de inimico admirabilia; omnia, dixit, vel secundum genus, vel qui credens ijs, quæ videntur, ad intelligenda ea, quæ non videntur, valde aspirat: Nam qui pie infinita persequitur, etiam si nunquam assequatur, quod optat, progrediendo tamen proficit.

Lætabor, & exultabo in te.

Lætabor animo, exultabo corpore; est enim maior quedam lætitiæ intentio; vel non in hoc seculo, nō
in

in superfluis diuitijs, non in uoluptatibus, sed in te letabor, quia alibi vera non est letitia, & quia auxiliū tuum expertus sum.

Psallam nomini tuo altissime.

C*Anam more amatorum non nature tue, quæ percipi nequit, sed nomini tuo decentes laudes tribuens; & opere; ut alij meo exemplo tibi psallant.*

In conuertēdo inimicum meum retrorsum, infirmabuntur, & peribunt à facie tua.

D. Hieronymus legit, cum ceciderint retrorsum inimici, & corruerint, & perierint; vel, ut Symachus, euerfis inimicis meis post me, & sublati à facie tua cantabo; conspiciens enim hostes meos fusos atq; fugatos, captosq; , beneficia tua prædicabo; ut de ijs etiam aduersarijs, qui non videntur exponi queat, idest, cum conuersus fuerit retro inimicus meus Daniël scilicet, qui celestem hominem decipere non valuit, sed audiuit, vade retro Sathana, qui etiam retro comœauit, dum iustos insectaretur, & ad terrenos, quibus dominari potest, se transtulit. Infirmabuntur eius membra, quia nihil impij, & iniqui contra pios valebunt, & à facie tua, idest cognitione, ac timore tuo peribunt, quia te vindicante viuere non poterunt, et à conspectu tuo delebuntur. Hac vates de natura humana percurere videtur, quæ è Dæmonis potestate erepta fuerit, atque

atque libertatem adepta sit ; non enim sicut nonnulli opinantur, hæc à Christo, sed ad ipsum tanquam beneficij authorem dicta sunt .

Quoniam fecisti iudicium meum,
& causam meam .

Vide quomodo ipse non se vlciscatur, sed iudicium Deo concredit, ut animadvertere possimus, quòd hæc iniuste passus est; non enim ea Dominus Deus persecutus esset; Fecisti iudicium, idest me credentem in te iudicasti, qui ante ob ignorantiam meam Dæmonis Tyranide detinebar, Et causam meam, scilicet contra impios egisti; nam cum me ab illo maligno in servitutem esse adductum perspexeris, ex illius manibus ereptum me, atque ab errore liberatum iustum fecisti. vel secundum aliquos, vox est ecclesiæ, idest gentes elegisti, & Iudeos reprobasti. & fecisti bonam causam meam, quòd me contra aduersarios defendisti .

Sedisti super thronum, qui iudicas iustitiam .

Idest personam iudicis sumpsisti, qui solus iustus es iudex, vel in loco sublimi, aut tribunali formidoloso, ut more humano loquamur, tanquam iudex sedisti, qui iudicas iustitiam, idest iuste, Iudicas inquit, ut præsens iudicium indicet; nam quod Dei nomini proprium est, scilicet

scilicet iuste iudicare, de hominibus fari non licet, non enim semper ius vere dicunt, & si nullies iusti sint, ut qui propter incitiam, & propter socordiam interdum, iustum ignorent. Deus autem volens, & sciens, iusta iudicia facit: Hoc autem propter ascensum domini dictum est, perfecto enim carnis mysterio ad thronum ipse suum iudicalem, idest diuinitatis potestatem redijt, quam tamen non reliquit, quando arcanis modis ad nos venit.

Increpasti gentes, & perijt impius.

DEo armis, & sagittis opus nõ est, ut vulgo dicunt; ei enim satis est increpare, quo reprehendendi munere apostoli, ac præcipue Paullus functi sunt, eorūq; successores, cum dogmata gentibus diuina proderent; unde, inquit, obiurgasti gentes, & illis errorem ipsarū exprobasti, quem eæ auscultantes ab idolorum cultu discedebant, & animos mendacio, ac falsitate liberabant. Ideo Demon impius fugit non habens amplius, quos fraudibus in sui venerationem alliceret, tantum valebat preconum veritatis obiurgatio.

Nomen eorum delesti in æternum,
& in sæculum sæculi.

Nomen radicitus euellisti, ut eius potentiam intelligat; vel nomen, idest gloriam; nam & adhuc demones nominamus; qui honorem Deo debitum cum
sibi

sibi ascripsissent, homines ipsis in servitutem se tradiderunt, simulac autem verbum disseminatum est, non solum in presenti seculo, sed in futuro etiam evanuerunt festa, & obliuioni mandata sunt, atque sacrificiorum cæremonia extinctæ, nominaq; deleta fuerunt.

Inimici frameæ defecerunt in finem.

Gladij, seu arma ipsius inimici ad nihilum sunt redacta, idest machinationes, & consilia abiecta sunt, talis est ira Dei, vt omnia deleat, & perdat; vel affectiones, aut actiones male, quibus anima non secus, ac gladio sauciata, ad virtutem inepta iacebat, pro nihilo habentur, Hieronymus legit: inimici completæ sunt solitudines in finem. & intelligere videtur de populis gentium, qui erant, tãquam solitudines à draconibus, & serpentibus habitata, cum idola colerent; at finitæ sunt, ait, & Demonis solitudines esse desierunt.

Et ciuitates eorum destruxisti.

Scilicet Sodomam, & Gomorram, in quibus impietas domicilium habebat, vel ciuitates, homines videlicet ipsos, in quibus habitabant demones, & quiescebant; vel delubra idolorum euersa sunt, in quibus hominum conuenticula fiebant, quæ postea ciuitates nominauerunt posterì.

Perijt memoria eorum cum sonitu.

Quia manifestum exitium omnibus fecisti perspicuum, cum sonitu inquit, & est translatio ab edificijs

adificijs propter terremotum ruentibus sumpta, quorū sonitus, & fragor auditur, nemo amplius ei sacrificium offerre, nec eum inuocare nouit; vel cum sonitu, idest superatorum clamore; Dæmones enim clamantes Deum fugiebant. D. Hieronymus non legit, cum sonitu, sed cum ipsis, nec in hebreo de sonitu ulla est mentio.

Et Dominus in æternum permanet.

Fideles Dominum Deum in æternum permansurum esse credunt, his enim verbis semel stabilitas reccptę fidei, atque ipsius ecclesię immutabilitas indicatur.

Parauit in iudicio thronum suum, &
ipse iudicabit orbe in equitate,
& populos in iustitia.

Hortatur hic gentes, vt fugiant iniquitates, virtutem, ac pietatem sequantur, ne in illum valde formidandum Iudicem incidant, qui turpes actiones, & cogitationes impias diligenter examinabit; nam non solum in presenti potentiam is propriam ostendit, sed futurum etiam horribile illius iudicium demonstrabit, cum diiudicabit orbem terrę, vt secundum fore iudicium indicet, vbi pro dignitate vnicuiq; reddentur siue premia, siue supplicia, quanuis lenitas hic, & pœnitentia appareat, quod per pœnitentiam peccata abstergamus. Orbem terrę, ecclesiam dicit, & fideles, apud quos habitare Deus creditur: In æquitate, meritis digna retribuens. Et populos, qui sunt extra ecclesiam, idest

id est reliquas gentes in iustitia exequente illa, quæ secundum se iusta sunt. Parauit ergo, &c. id est sedem suam ad iudicandum, ut se potestatem iudicariam iam habere significet, licet tempus nondum aduenerit, eius sententiæ adstipulator est D. Hieronymus in-
 quiens, solium suum ad iudicandum stabilivit. Vel secundum D. Augustinum parauit, cum iudicatus est Christus, sedem suam: per patientiam enim illam homo cælum acquisiuit, & hominibus, Deus profuit; & quoniam ad iudicandum viuos, & mortuos venturus est, ideo in occulto iudicio sedem suam præparauit.

Et factus est refugium pauperi adiutor in opportunitatibus in tribulatione.

ET iudex effectus est perfugium pauperi oppresso, ut apud Deum personarum acceptionem non esse declaret, illi scilicet, qui angustam in vita viam ingressus est, & afflictus fuit; ac pauper spiritu beatus est dictus. vocat autem se pauperem, licet regni solium teneat; humana enim omnia vmbri exiliora esse nouerat, & folijs simillima; & nihil nobis magis proprium esse, quam virtutem, quam quocunq; persequamur, nobiscum circunferimus. Vel docet Christum tempore opportuno salutem nostram procurasse; nam humanam naturam ob iniquitatem pauperem appellat; & factum esse nobis perfugium, cum omnes nos visita-
 uit

uit factus homo, & in crucem actus est, ac dedecus contempsit, ut omnes sanguine suo redimeret. Adintor in opportunitatibus in tribul. id est in tempore afflictionis opportuno, sicut alibi dicitur, tēpore accepto exaudiui te; duplicem enim opportunitatem ait, quod auxilium ferat, & in tempore ac opportune, quia tempore afflictationis, quæ diuinum subsidium admodum attrahit, ad Deum facilius nos conuertimus; nam anima non opportunius ab hoc seculo auocatur, quàm dū labores, & dolores cum perniciosis voluptatibus permiscuntur. Aliqui, factus est, id est fiet, exponunt, quod D. Augustinus innuere videtur inquit, sed hoc fiet, si pauperes in hoc mundo nihil amando esse delegerint. Et Hieronymus legit; Erit eleuatio oppresso, opportuna in angustia eleuatio, quoniam afflictionibus grauib; cum subleuat, & est eius protectio atq; defensio.

Et sperent in te, qui nouerunt nomē tuum, quoniam non dereliquisti exquirentes te domine.

Greci oēs indicandi pro imperandi modo hæc explicarunt. Hieronymus etiā legit, Confident, inquiētes, qui illa didicerunt, per quæ salutem dedisti, et qui nomen tuū cognouerunt (naturā. n. tuam nullus nouit minimeq; comprehendit) ac te iusti iudicij tempore illorum obliturum non esse; humanas res negligentes fiduciam, & spem suam in te collocabunt, omnesq; cruciatus

ciatus sustinebunt propter illam, quam ipsis te reseruasse mercedem credunt. Quoniam, &c. te inquerentes non deseruisti; Deum enim quæerunt ij, qui sibi præstari ea cupiunt, quæ à se ipsis adipisci nequeunt; quare fit, vt non destituantur; multi enim rem bene agunt suam, in ijs, quæ vitæ commodis inseruiunt, qui cum imple viuant, ab ipso deseruntur. Quis enim in mandatis tuis permansit Domine, & derelictus est? & quis te inuocauit, & despectus fuit? respicere nobis licet antiquos patres, & scire, quòd nullus in te sperauit, & confusus est.

**Psallite Domino, qui habitat in Syon,
annunciate inter gentes
studia eius.**

Precipiuntur illi hymnum dicere Domino, qui videlicet spiritu, & mente psallere queunt, et habitant in Syon, idest in presenti fidelium ecclesia, in qua speculamur æterna; & peculiarem in eum locum beneuolentiam significat, ac familiaritatem, quòd ibi Deus responsa dabat, & viros se dignos alloquebatur. Annuntiate, studia, idest mirabilia eius, idest quæcunq; suo aduentu admirabilia fecit, tam ea quæ intellectu quàm quæ sensu percipi possunt, operaq; beneficentiæ, & prodigia, cogitationes quoque, vt legit D. Hieronymus, aut mandata; denique beneficiorum Dei, & curæ ac sollicitudinis, quam de suis habet, præcones esse velitis.

Quoniam

Quoniam requirēs sanguinem eorū
recordatus est, non est oblitus
clamorem pauperum.

Hic magnum quoddam decretum profert, nullam
cadem inultam relinqui; ait enim Moyses, san-
guinem vēstrum requiram, id est cadem vēstram, vl-
ciscar; Et hoc est summum illius prouidentiae, & tute-
la accurata signum, vt omnia exacte inquirat; nam
cum nosset cades à Demone per fraudem patratas, vi-
delicet sanguinem in sacrificijs fusi fuisse, opportu-
ne in auxilium eorum venit, qui iniuste, ac grauiter la-
borabant; Si autem statim non exquirat, ne mireris;
dat enim poenitentiae tempus ijs, qui delicta committunt.
Recordatus est, inquit, qui prius propter dilationem
videbatur oblitus; natura enim nostra, propterea qd
desciuērat, in obliuionem prius venerat; clamoris
pauperum, vide rursus in honore pauperes esse, non
simpliciter, sed qui pauperes spiritu, & corde humiles
sunt, atque compuncti; ij enim maxime exaudiuntur;
vel inops omnis boni ipsa natura nostra acerbè tracta-
ta clamat ad eum, qui seruare potest.

Miserere mei domine, vide humilita-
tem meam de inimicis meis.

Ecce clamor; nomine autem omnium propheta in-
quit, miserere; & pro futuris rogat, vel vna pro

omnibus ecclesia; semper enim Dei providentia ege-
mus, maxime dum à malis liberamur, à quibus cum
eruti sumus, ne arrogantia oriatur, cauere nos vehe-
menter oportet, tunc enim acrius tentat, ac vrget De-
mon, quare auxilio Dei nobis opus est, ut secunda, ac
prospera facilius seramus. Vide igitur, & abiectionē
ac demissionem meam perpende, quā me deprimant
inimici mei, & quæ ab eis patior: conabantur enim
vniuersum eorum genus tollere, ac delere, qui Christū
mirifice colebant, ac venerabantur.

Qui exaltas me de portis mortis, vt
annuntiem omnes laudationes
tuas in portis filiæ Syon.

Hic bonorum præcipuus finis est à corruptione,
& mortis euersione liberatio; quem assecuti, om-
nes laudes tuas, ac beneficia tua decantabimus in por-
tis filiæ Syon, idest Hierusalem, quæ arci Syon subie-
cta erat: antiquitus enim in portis iudicia fiebant; vel
in portis, idest in ecclesijs particularibus vbique ter-
rarum, per quas qui credentes ingrediuntur, ad cale-
stem Syon ascendunt, idest sanctorum coniectionem; vel
qui eruis me de portis mortis, idest peccatis, & malis
cupiditatibus, quæ nos ad mortem ducunt, à quibus li-
beratus quisq; clarior, & illustrior efficitur, & in por-
tis, idest virtutibus laudes nunciare potest. Aliqui, por-
tis mortis, idest martyrum supplicijs exponunt, quæ qui
superabant, insignes magis euadebant; non nulli au-
tem

tem à doctrina hereticorum, à qua erepta ecclesia splendor facta vitæ portas intravit. Hactenus clamor.

Exultabo in salutari tuo, infixæ sunt
gentes in interitu, quem
fecerunt.

Idest gloriabor in Iesu Salvatore meo; hoc est mihi corona, hoc diadema propter te trophæum erigere, & à te salutem impetrare. Sed gentes infixæ, id est per vim detentæ sunt, quæ vel in infidelitate permanserunt; vel Christum sequentes insectabantur, vel demersæ sunt, ut legit Hieronymus, in interitu, id est exitio, ac perniciæ, quam contra alios excogitauerunt; cum enim fidelium genus perdere contenderent, ipsæ se propria morte transfixerunt, atque multarunt. Vel gentes hic Iudei intelligi queunt, qui à Dæmonibus adacti studentes vitæ principem morte afficere, eorum internecio à Romanis facta est.

In laqueo isto quem absconderunt,
comprehensus est pes eorum.

Quin etiam, qui rete contra populum Dei occultarunt, ipsi eo irretiti sunt, & pes eorum, id est amor & malus eorum affectus nullis insidiis parantibus in laqueo quem absconderunt; id est fraudulentò consilio, & insidiarum cogitationibus captus est, qui per fraudem

dem ad inanem lætitiā peruenit, quā postea dolor com-
paratur.

Cognoscetur dominus Iudicia faci-
ens, in operibus manuum sua-
rum comprehensus est
peccator.

Agnoscetur; qui nunc iniuriā patiens ignoratur,
vel agnitus est, ut legit D. Hieronymus, hic à sã
Etis, et à suis iudicia faciens, ab omnibus in iudicio, se-
cernēs malos à bonis, iuste et sapiēter gubernās, suppli-
cijs afficiens atq; vlciscens. Nam iustū Dei iudicium
hoc modo apparebit, cum peccator intiderit in ea, quā
manibus suis parauit; & cognitionis Dei ratio eluce-
scet. In operibus manuum suarum, dixit, non Dei, sed
peccatoris, quomodo supplicium à supremo Deo detur,
& pœnas, quæ à vitijs infliguntur, declarans.

Conuertantur peccatores in infernū
omnes gentes, quæ obliui-
scuntur Deum.

Prenunciando, & conformando se diuinæ volunta-
ti inquit, auocentur peccatores, idest infideles ab
hac præsenti vita, & in infernas partes detrudantur,
vbi vltrices pœnæ, & supplicia existunt, cum enim il-
lus peruenerint, conuersi dicentur; Infernus enim lo-

*eius peccantium est domicilium, sicut inſtorum habita-
tio, paradysus exiſtit. Vel puniantur delectatione
mortifera illaqueata gentes omnes, qua obliuione vo-
luntaria Dei altiffimi memoriam delent.*

Quoniam non in finem obliuio
erit pauperis.

Etiam ſi pauperis, ideſt humilis, & eius, qui ſine
elatione animi eſt, ac diuitijs pauperis, licet virtu-
tibus diuitis obliuiſci videatur Deus, cum mali felicitate
floreant, & iuſti laborent, non tamen durabit obli-
uio, nec ex memoria in fine mundi, aut in aeternum pau-
per elabetur, nec contemnetur.

Patientia pauperum non peribit
in finem.

Patientia pauperis, & eorum qui corde compun-
cti ſunt, inanis nō erit; vel expectatio; inquit Hie-
ronymus, non peribit in perpetuum; quia conſequetur
illud bonum, quod expectant; ideſt Chriſtum, qui eſt
gentium expectatio. Patientia autem licet non ſit ſe-
cundum eſſentiam, vt aiunt Theologi, in patria, eius
tamen fructus recipietur, quia ſicut ſpiritus non ex-
tinguitur, ſic patientia non aboletur; ſecus autem de
charitate & iuſtitia, qua ſecundum eſſentiam in pa-
tria erunt.

Exurge Domine non confortetur
homo, iudicentur gentes
in conspectu tuo.

Prospiciens, ac prouidens pietatis preconēs oppres-
sos iri, optando inquit, ac pro genere humano orat,
Exurge, ne homo amplius supercilium tollat, ac facere
valeat, quod sibi libet; & arrogantes, ac superbi se tri-
gant; sed licet patientia, & longanimitas tibi moram
afferant, impios tamen homines prosterne; non enim
illi patientia meliores redditi sunt. Et gentes coram
te iudicentur, & scelerum suorum pœnas dent. Aut in
bonam partem accipiendo, idest protectione tua atque
custodia digna efficiantur. Sed exurge non quod se-
deas, & ad nos descende, ne homo, idest Antichristus,
aut Dæmon, qui contra nos arroganter effertur, diutius
robur habeat, ser opem, puni eos, qui iniurias faciunt.

Constitue super eos legislatorem, vt
cognoscant gentes, quoniam
homines sunt.

Quandoquidem omnia faciunt perinde atque cum
Ita in sua potestate forent, et sui iuris ipsi exi-
sterent, consequenter petit, vt eis latorem legis
constituat, & legem tradat, quo non se siluestres, aut
pecudes ratione carentes, sed se homines cognoscere
queant.

queant, quia sola hominis natura legum est capax; & his verbis vaticinatur, ac prædicit alium quempiam latorem legis futurum, & eundem non solum Iudæis, sed gentibus etiam, & aliam legem ab ea, quæ à Moysæ lata est, promulgatum iri. Quod si noui testamenti lex ad omnes gentes non peruenisset, alium scriptorem legis datum iri oporteret expectare; ceterum rerum euentus elamat ad omnes per Christum gentes legem nouam penetrasse. Nonnulli Antichristum latorem legis interpretantur, quia multi fuisse Christum sequentes, atque heretici antichristi vocantur, ut, qui à Dei filio liberari nolunt, veteri homini peccatori seruiant, quia homines sunt. D. Hieronymus legit, pone eis terrorem, ex quo patet, quod Dauid non requirit, ut puniantur, sed admoneantur, & corrigantur, ut impie non uiuant: illis enim loco legis erit supplicium, & addit, semper, ut se homines esse semper, & spem in homine non in Deo, qui solus saluare potest, posuisse quoque sentiant.

Vt quid domine recessisti longe, despicias in opportunitatibus in tribulatione.

Hic secundum Hebr. & D. Hieronymum, alterius psalmi sine tamen titulo initium est, ubi Dauid de Antichristo prædicens, & animaduertens prauorum hominum res feliciter succedere; iustos vero gementes infeliciter degere: interrogat Deum tanquam hominē, ut quid Domine abijisti longe? & quasi sciens quasi-

rit, ut doceret, despicias in opportunitatibus, id est opportune, & in tempore, quo tuis auxilium ferre deberes, quibus visitatione tua opus est, & finis eos affligi ad inflāmandos magis eorum animos tui aduentus desiderio, quia nec in cruciatibus eos consolari, nec contra struentes insidias fouere vis, nam cum iusti ab impijs grauitur oppugnentur, atque opprimantur, perinde ac procul abesses, tuos deseris domine, humanisq; rebus minime consulere videris; cum iniuriam non propulses, & tormenta patientibus opem non feras. At ò David ratio tibi respondet, quòd bonitas Dei, ac tolerantia ad pœnitentiam peccatores adducit, quos peccatum à Deo disiungit. Hieronymus legit, in temporibus angustiae despicias.

Dum superbit impius, incenditur
pauper, comprehenduntur in
consilijs quibus cogitant.

I Desit, dum superbia extollitur impius, & eius malitia ob prosperos successus augetur, atque improbitas, pauper amore Dei, & bonæ spei ad recte viuendū studio accenditur, sicut ob hereses crescit, & gratior est veritatis inuentio, vel incenditur intus, & affligitur; nam qui angustia premuntur, gemitus tanquā fumum ex ore edunt, dum impij superbiam, aut Dæmonis contra genus humanum se efferentis considerant, quod videtur dicere Hieronymus, in superbia impij ardet pauper, id est cruciatur. Comprehenduntur, scilicet

et impij in consilijs, idest cogitationibus, quibus scilicet sanctos capere cogitant, & cogitationes eorum male illis vincula euadunt. Nonnulli de fidelibus dictum putant, quod ij, qui pusillo sunt animo ex ijs illaqueantur, quæ secum ratiocinantur videntes peccatorem laudari; Dei autem iudicia percipere nescientes.

Quoniam laudatur peccator in desiderijs animæ suæ, & iniquus benedicitur.

Cum multi videant eos scelera facere, & tamen recte agere rem suam, atque in nullas calamitates incidere, beatos arbitrantur illos, & laude atque admiratione dignos ob ea, pro quibus erubescere oportebat: Et qui ita sentiunt impium esse commendandum, maximo hi sunt animæ suæ detrimento, quod imitatores eius nequitia efficiantur; & quod celestium diuitiarum expertes cum sint, ac sapientiæ, iudicia diuinæ providentiæ tuæ canillantur, cum peccatorem non potiora, sed iucundiora, non virtutem, ac voluptatem appetere pateat. In desiderijs animæ suæ, quantam ad appetitum eò, quod carni, & libidini propriæ addicti sunt. iniquas benedicitur, scilicet nocens, & inimicitiam contra proximum exercens laudatur quasi Deus, & tua longanimitate, ac mora sit, ut eorum vita laude digna existimetur. Vnde adulatorum lingua, qui eodem errore copias, & gloriam humanam, putant esse diuina dona, dicentes à Deo malis, ac pra-

uis benedici, animas irretiunt, atque ad peccata alliciunt; delectat enim impios ea facere, ob quæ non solum reprehensor non metuitur, sed laudator etiam libenter auscultatur.

Exacerbavit Dominum peccator,
secundum multitudinem iræ
sue non quæret.

Eorum statum percurrit, qui in hac vita Deum ignorant, volens ostendere iudicium Dei necessarium fore. Nam si iudicii metus impendeat, hominum iniquitas nullum accipiet incrementum; secundum multitudinem. Dupliciter exponitur, primo modo, quod peccator vehementi ira accensus Deum non quæret, quia qui perseuerat in peccatis, à magnitudine iræ impeditur, quominus Deum inquirat. Secundo modo, ad Deum referendo, dicitur Deum multum irasci, dum non exquirat, vel quia longanimis ipse sit; nec quemadmodum irritatur, ita pœnas exigit; vel quia ob iram magnam modo non punit, ut acriora in futurum supplicia sumat. Et dum quasi obliuiscitur, & peccata non attendit, impius ad honores, ac diuitias per fraudes peruenit, quod Antichristo maxime euenturum est, qui hominibus ita beatus videbitur, ut putetur Deus. Hieronymus primo modo fauere videtur inquiring, Impius secundum altitudinem furoris sui non requireret, scilicet Deum. Aliqui post, sue, interpunctionem ponunt; deinde legunt, non quæret; adeo irritauit, inquiunt, Deus peccator,

peccator, ut in vehementem iram incideret; veruntamen propter iudicantis benignitatem eadem mensura inquisitio non fiet; vel dum peccator neminem res humanas curare arbitratur, insanit, & furit, & in omne genus impietatis prorumpit, factorum suorum rationem nequaquam exquirere iudicem existimans. non est Deus. Et ideo in intentione eius, & cogitatione Deus non existit; vel ille in conspectu eius Deum non habet; infelix enim consuetudo peccandi hoc fert, ut quanto amplius quisque peccauerit, tanto minus peccata ipsa percipiat, quæ tanto plus eum delectant, ut ei in mentem veniat dicere, non est Deus; etenim quando suavitate sensus animum delinit peccandi delectatio, statim obliuio futuri iudicii diem occultat: quod si de peccatoribus, multo magis de Antichristo, & Damone dictum est, qui Deum laceffuit.

Inquinatæ sunt viæ eius in omni tempore.

I Desunt mores, & studia, omnesque vitæ actiones in malitia demersæ sunt, & cogitationes eius, atque consilia immunda existunt.

Auferuntur iudicia tua à facie eius.

I Desunt beneficia tua à mente, & à memoria eius effluunt, & sic ille non timet, quia de illis non cogitat, neque ante oculos ea proponit; merito etiā à se iudicia Dei procul pellit, usque adeo impius, & flagitiosus in vita præsentis prospere degit, ut iudicia tua quemadmodum cæcus minime intueatur, quæ à te proferuntur, unde an-

mus sibi male conscius dum nullam pœnam pati sibi videretur, credit quod non iudicet Deus. Et hac magna est illius damnatio.

Omniū inimicorū suorum dominabitur.

Non quod re ipsa dominaturus sit, sed quod ita in animum sibi induxerit; nam nulli sanctorum, ac perfectorum dominatur, sed ijs, qui scelera edunt; vel permissione Dei pravi inimicis dominabuntur; & hæc est causa, quare iudicia diuina non agnoscunt; Ita enim traditur Antichristum omnes Reges superaturum esse, & solum regna obtenturum. Hieronymus legit, omnes inimicos despicit, & pro nihilo pendit, tanquam eorum nemo illi nocere valeat, quos ipse affligit.

Dixit enim in corde suo, non moue-
bor à generatione in generatio-
nem, sine malo.

Verba sunt arrogantia plena, & quæ impudentiam summam præferant; & ex illius ore exeunt, qui neque Dominum, neque iudicia eius vnquam nouit; Nō mouebor à genet. &c. Quid hac cogitatione stultius in mentem ei venire potest, qui mutationi, ac morti subiectus sit, & perpetuo se fore felicem sibi persuadeat? Quando vir stultus secundis rebus usus fuerit, & inimicos vicerit, si ab omnibus extollitur, ac
suspi-

suspicitur, miserrimus omnium euadit, propterea, quod magnam rerum permutationem impendētem haud expectet, ideo prospera modeste fert: si autem ei aduersa adueniant, maxime perturbatur, quod ijs minime assuetus sit, & admodum commouetur. Sine malo. s. oro, idest sine afflictione uiuam. Vel sic, Non mouebor, idest non mutabor postea; à gen. in gen. s. m. idest per totam vitam meam sine malo. s. ero, aut pertransibo, aut sine molestia degam: sic legit Hieronymus, ero sine malo. Ille enim secleratus se totum uitæ suæ tempus sine ulla angustia consumpturum esse arbitratu est. Vel dixit, fama mea, & nomen multa secula non vigebit, nec ad posteros perueniet, nisi malis artibus tam excelsum principatum, de quo posteri silere ne queant, adipiscar, aut ex mortali me inmortalem reddam, quod & Simon magus existimauit. Non desunt qui exponant; non mouebor sine malo, idest tanta mala faciam in vna gente, vt antequam ad alteram veniam, ante famam meam gentes audiant, idest tantum calamitatis accipient, vt timeant. Vel de terra cum corpore in calum conscendam sine malo, idest sine iniuria, tentabit enim ad montem Oliueti ascendere; sed Dominus spiritu oris sui cum interficiet.

Cuius os maledictione plenum est,
& amaritudine, & dolo sub lingua eius labor, & dolor.

Maledictum certe magnum est tam nefarijs artibus ad calum aspirare; plenum os est, quia hæc cupiditas

cupiditas inanis erit, sed tantum ad eum perdendum valebit, qui sibi hoc polliceri ausus est. Cum amar. & dol. id est ira, & insidijs, quibus ad se multitudinem allecturus est; vel conuitia omnibus, & iracundiae per bona verba, & flagitiosa dicit, & plenum est os, cum non ex animo sermonem facit; sed alia dicat, alia sentiat. Sub lingua, quia lingua detrahit, aut ea loquitur, quaecumque; laborem, & damnum ijs afferunt, quibus insidias parat; aut quia in eius doctrina labor est, ac dolor, quorum participes erunt illi, qui ei obtemperabunt. Sub lingua, dixit, non in lingua, quia tacite cogitaturus est ista, alia autem hominibus locuturus, ut iustus, & Dei filius videatur.

Sedet in insidijs cum diuitibus in
occultis, ut interficiat
innocentem.

L Atroni eum comparat, sedet, inquit David, eum diuitibus, quos huius seculi muneribus afficiet Antichristus, quoniam eorum falsam felicitatem ad decipiendos homines ostentabit, qui prava voluntate dum esse cupiunt, & bona aeterna non querunt, in laqueos eius incident. In occultis, ubi non facile intelligitur, quid appetendum, quid uero fugiendum sit. aut ignoretur, quis ipse sit, ut innocentem interimat, nocentem eum iudicando. Vel aliter, Demon, & qui omnino perditus est Antichristus, in ijs, qui abundant ignorantia, & iniustitia, insidet; in ijs uero, qui cognitione, & virtute

Et virtute præditi sunt, minime; ideo latet cum ijs, qui vitijis ditiores sunt, id est auari, quibus ex rapina, et cedibus comparare opus est, ut diuites euadant, et qui in delictis præclariores sunt. Quos velut secum sentientes eadem, socios, ac consiliarios habebit, cogitans quomodo in occultis propter simulationem, mortem illis afferat sine causa, qui nullam ei iniuriam fecerint.

Oculi eius in pauperem respiciunt, insidiatur in abscondito, quasi leo in spelunca sua insidiatur, ut rapiat pauperem, rapere pauperem dum attrahit eum.

Oculi eius Antichristi, scilicet siue Demonis peruersi contra pauperem spiritu ardent, ac humano robore atque potentia, nec non bonis carentem, cui semper insidiatur; Et in quem fraudem omnem excogitat, ut eum à Deo desiscere compellat, Et morte animæ etiam interficiat, si hoc consequi possit. Sin minus; ut saltem de medio tollat; Et hoc faciens insidias occulte struit tanquam leo in spelunca sua, id est in cubili suo, conquiescens, Et hoc agit, ut rapiat pauperem, scilicet spiritu tum verbis mendacibus, tum factis dolo-
sis; omni enim studio, ac diligentia utitur, ut hominem Dei rapiat, deq; statu eum deiciat, quem cum rapuerit, in laqueum suum trahet, ut deuoret: Et dum, at-
trahere,

trahere, verbo vsus est, rapinæ modum magis declarauit, significat enim quibus potest cruciatibus ad se adducit. Et forte geminauit vates, vt exaggerans Deum magis ad ultionem excitet. Hieronymus legit, robustos, quia pauperes in ijs, quæ ad spiritum pertinent, nõ in ijs, quæ ad mundum, maxime robusti sunt. Sciendũ est autem tria vexationum genera tradi; prima fuit Imperatorum Romanorum temporibus violenta, cum ij, qui Christum sequebantur, ac venerabantur, proscriptionibus, tormentis, atque cadibus ad sacra idolis facienda cogentur; altera fraudulenta; quæ quotidie ab hæreticis, ac falsis fratribus exercetur, atque imponitur. tertia Antichristi ventura violenta, & fraudulenta erit, quia vim in imperio habebit, in miraculis dolum; leo refertur ad dolos, violentia tribuitur, dum attrahit; quæ conuerso ordine repetita sunt.

In laqueo suo humiliabit eum, inclinabit se, & cadet cum dominatus fuerit pauperum.

Cum signa illa facere cœperit, quanto mirabiliora illa fuerint, tanto sancti, qui tunc aderunt, magis contemnentur, quos ille, quod iustitia, & innocentia illi resistent, miris factis superare videbitur, in laqueo tamen suo, idest dolo, & calliditate eum Dominus humiliabit, idest in terram proijciet; humilis enim est, qui in terram prosternitur, & cum dominatus fuerit pauperum impius, idest qualibet seruis Dei resistentibus

bus irrogauerit, inclinabit se prius, post cadet, id est peribit, & cum ob nimiam felicitatem ad ocium animum defiget, & intendet, tunc repentino cadet interitu, quoniam à Christo spiritu oris sui interficietur. Alij sic exponunt, cum impius pauperibus dominatus fuerit, quisquis tyrannidi illius mancipatus fuerit, is omnino inclinabit se, & cadet, id est deprimetur, & in terra iacebit, tanquam ij, qui in bello cæsi prosternuntur. Cui opinioni adstipulari videtur D Hieronymus iniquens, confractum scilicet pauperem subiiciet, & irruet viribus suis vehementer, id est more luctantium in eum totis viribus incumbet etiam leo primum, animal prosternt, deinde sub potestate redigit, demum incumbit in eum; causa autem est falsa securitas, quam in animo ante concepit, quod Deus oblitus sit.

Dixit enim in corde suo, oblitus est
Deus, auertit faciem suam ne
videat in finem.

Hæc est inclinatio, & casus miserrimus, dum manus animus in iniquitatibus suis se prosperum, & felicem censet, & parci sibi putat, cum cecetur, & ad ultimam ultionem in die iudicii referuetur, oblitus, vel pauperum, ne eos seruet, vel sui, ne eum puniat. Aliqui aiunt Demonem dicere, oblitus, non quod ita sit, sed nos decipere querentem, ut erremus Deum res humanas negligere existimantes; ex quo apparet quod Antichristus erroris huius fautor erit, quod Deus inferior

ra non curet, nec mundum prouidentia sua regat, atq;
gubernet. Auertit ne vi, idest priuauit protectione, &
custodia sua, ne perspiciat, quæ fiant in finem, idest
omnino.

Exurge Domine Deus exaltetur de-
xtera tua, ne obliuiscaris
pauperum.

Exurge, quia dormire videris domine, quãdo bonos
affligi pateris, Exaltetur dextera, idest potentia
tua manifesta sit more percutientium, qui manum in
altum tollunt; vel flagellet, & puniat. Doce te paupe-
ris immemorem non esse, nec auertere faciem, at curã
gerere; atq; longanimitate, ac lenitate reiecta contra
impios appare in iudicium; ac potestatem iudiciariã
exerce. Exurge, motum ad vltionem indicat; Exalte-
tur, magnam infligi plagam debere significat.

Propter quid irritauit impius Deũ?
dixit enim in corde suo, non
requiret.

Molestè ferens Dauid Antichristum tam ma-
gna moliri, interrogans inquit, cur prouocauit
Deum sceleratus iste? Et dixit in animo suo; prauo-
rum hominum flagitia non requiret, nec quid ego fa-
cio, quia existimauit, vt dictum est, Deum rebus terre-
stribus non consulere; tanta enim eorum scelera, atque
facinora

facinora in causa sunt, vt impij ea in disquisitione à Deo positum iri non arbitrentur.

Vides, quoniam tu laborem, & dolorem consideras, vt tradas eos in manus tuas.

Vides, humano more loquitur, contra eorum opinionem, qui in arrogantiam lapsi dicunt, hæc te minus curare, quoniam tu laborem, quem prauis bonis inferunt, perspicis, & dolorem eorum, qui iniurijs affecti sunt, & subtiliter discernis, vt eos in manus tuas tradas, id est pœnis mulctes, quos ab initio euertere poteras, sed ad pœnitentiam eos expectas. Vel vides, vt id est quomodo Antichristum, & socios eius in potestate habes, & tamen contra eos iustitiam nō exerces, nec illos vlcisceris, cum tu animaduertas, quam isti afflictionem tuis inferant.

Tibi derelictus est pauper, orfano tu oris adiutor.

Pauper tuæ tulere relictus est tanquam Deo, qui omnia huius mundi bona contempsit, vt sis eius spes, cui mundus hic moritur. Et orphano tu opem feres, qui malignum patrem abiecit, & non alium præter te patrem habeat. De fideli populo ille intelligi potest, qui omnia reliquit Abraæ exemplum imitans.

sed de his quoque qui diuersis temporibus pupilli sunt, & orphani, qui ab hominibus deferi solent, & à Deo defenduntur, quos ditare potest, vt dicebat David, pater meus, & mater mea dereliquerunt me, & Dominus assumpsit. Qui vere autem pauperes, & pupilli sunt, hi sibi auxilium à Deo adesse sentiunt.

Contere brachium peccatoris, &
maligni, quæretur peccatum
illius, & non inuenietur.

Digna viro sancto est petitio, contere peccatoris potestatem, illius scilicet, qui carni deditus maxime appetitui seruit, & contra Deum peccat; & maligni qui proposito, & voluntate prauus est, & proximum lædit; non enim absolute peccatorem interire vult, sed eius vires, ac potentiam, & improbitatis foamitem consumi. Si peccatum prauum exquiras, non inuenietur, scilicet in hoc mundo, & perit peccator. Vbi Iude avaritia? vnà cum fructu radix quoque interiit. Hoc Antichristo eueniet; quæretur enim, id est vindicabitur, & ipse propter facinus suum penitus delebitur.

Dominus regnabit in æternum, & in
sæculum sæculi, peribitis gentes
de terra illius.

Quia regnum eius finem habiturum non est, & iusti, qui eius participes sunt, perpetuam regni possessionem

possessionem adipiscuntur. Sed gentes, peccatores, & impij videlicet, qui Deum non agnoscunt, nec salutis, premium acceperunt, de terra illius eiicientur: perierunt, legit Hieronymus, quæ terra, anagogice, dicitur cor instum, vel terra mitium, vt alibi, videre bona in terra viuentium, & beati mites, quoniam terram possidebunt.

Desiderium pauperum exaudiuit Dominus, præparationem cordis eorum audiuit auris tua.

Desiderium pauperum, qui bona mente cum præditi sint, eorum oratio efficax est, quam audit, qui corda scrutatur, extitit, vt is, qui dominabatur illis per tyrannidem, caderet, merito manifestum Deo fuit, vnde exaudiuit eos, quia quæ cupiebat animæ desideranti largitus est, & præparationi mentis eorum, vel promptitudini aurem admouit, id est potentiam, quæ exaudit, & ita quibuscunq; membris nominatis, quæ in nobis corporea sunt, actionum potentias, ne ista sæpius repetantur, semper interpretari debemus.

Iudicare pupillo, & humili, vt non apponat vltra magnificare se homo super terram.

Hoc vehementer optat iniuria affectus, vt pupillo, qui huic sæculo non se conformat, & humili,

ideſt non ſuperbo, & qui ſuæ virtuti non innititur, iudicet pro eis ſententiam ferens, quod ſi fict, is, qui rex eſt ſæculorum iudex vindicabit illos, qui omnibus in hac vita bonis carent. Vt non apponat, vt videns ille oppreſſorum iniurias ultum fuiſſe Deum, non glorietur amplius, nec ſe extolli audeat ſuper terram, ideſt inter homines; vel homo ſuper terram, ideſt terrenus, vel, vt legit Hieronymus ſuperbiat homo de terra, ideſt vilis, & ex terra formatus, & magnificare ſe cogitet, & ſibi perſuadeat. Et quoniam Dauid hæc eccleſiæ nomine ceciniſſe videt, quæ ad eam, & ad eius membra aptiſſima quadrent cum nos imitantes primum immenſas Deo gratias agamus, ſicut indies munus hoc obire debemus, quòd inimicum generis humani, principem mundi huius damnauit, Et regno priuauit, ideſt gentibus, quæ idolis addictæ erant; & eñ magnopere laudemus, qui vere pauperes, & humiles non deſpicit, quod ipſe vates in ſe ipſo expertus eſt, & eccleſia quotidie periculum facit, quam hætenus non deſeruit D. Ieſus Chriſtus, qui patrem rogauit pro Petro, ne deficiat eius fides, nec vnquàm dereliſturus eſt, & impios, ac ſceleſtos in inferos locos demerget, vt voces, ac preces ſeruorum ſuorum ſe exaudiſſe oſtendat, & eorum patientiam, atque conſtantiam eſſe remuneraturum; Deinde oremus, vt nobis ſemper aſſeſſe velit clementiſſimus Deus, & conſoletur, ac ſaluos faciat. Demum pauperes ſpiritu velimus eſſe, qui mundi huius caduca bona floccifaciant, vereq; pauperes, & orbi, quia obliuioni non mandabit nos ipſe; at frequentemus orationem, & in gratiarum actione vigilemus.

lemus, patientiaq; illa armati simus, quæ ad victo-
riam perueniat, quia ipsa non peribit; oppugnationes enim à Demone, & à prauis hominibus patiemur, sed non superabimur; se confugerimus ad Deum, totamq; nostram in eo fiduciam collocauerimus; ipse enim Demon Cypriano mago Iustinae amore ardenti interrogatus respondit sibi artem nullam prospere successe suram esse aduersus eos, qui vere Christum colerent, Deum ergo optimum precemur, vt quæ nostra virtute obtinere non valemus, eius auxilio, ac patrocinio assequamur; ac ne nos tentari sinat is supra, quàm à nobis sustineri queat, ipsi Domino nostro assidua oratione instemus. Qui vinit,
& regnat
æternis sæculis
Amen.

IN PSALMVM X. IN DOMINO CONFIDO.

IN finem Psalmus David, hæc est inscriptio. Dictavit psalmum hunc David Saule eum exagitante, dñi consulentes nonnulli, ei suaderent; vt fuga sibi salutem daret; In finem, quia ultionis, quam Deus eius gratia in Saulem parauerat; siue iusti iudicij Dei, & pænæ sceleratis infligenda prædictionem continet. D. Hieronymus ait. Victori David: ac merito, is enim hunc cecinit post calamitatem, quam acceperat. Alij inquiunt sibi videri contra hæreticos canticum hoc canendum esse, qui multorum peccata exaggerantes quasi apud ipsos omnes, aut plures iusti existant, de vnius matris ecclesiæ complexu nos auellere, atque abstrahere moliuntur affirmantes apud se Christum esse, at mentientes, vt ad eos accedamus.

In Dño confido quòdo dicitis animæ meæ, transmigra in montem sicut passer.

VOx est perfecti, qui valet Apostoli verba dicere, Quis me segregabit à charitate Christi, quiq; ob eam fiduciam, quam in Deo posuerat, se ab hostibus erutum fuisse ostendit. Ex quo conijcitur spei in Domino magnas esse vires, præsidium quod non vinci, murum
qui

qui expugnari non queat, turrim quæ capi potis non sit: hac spe atque fiducia an non mulieres viros, tyrōnes pueriq; veteranos, ipsum denique mundum superauerunt? at imperfectus ille est, qui afflictionis tempore ex hoc in illum locum migrat tanquam passer circū volant, vt venatores fugiat, quos si effugerit, iure poterit dicere, anima nostra tanquā passer de laqueo venantium erepta est. Hæc plenus sapientiæ David considerans, respondet ijs, qui eum fugere, & fugæ tutam viam quærendo sibi canere, ac salutem retinere hortabantur; Domino confido, eum, qui orbis terræ dominus est, socium habeo, ac ducem; quare dicitis anime mee, idest mihi ipsi, vt passeris instar me ad montes trāsferam? vel, secundum moralem sensum, fidelis contra hæreticos ait, Domino confido, eius fidem seruans; quo pacto vos hæretici fari audetis, veni in montem, scilicet Christum, quem vos habere creditis? vel in montē, idest intellectus eminentiam, qua vos præditos esse arbitramini? & sicut passer ad nos transi.

Quoniam ecce peccatores intendunt arcum, posuerunt sagittas in pharetra, vt sagitent in occulto rectos corde.

Amentiam, & imprudentiam eorum insectatur, qui sanctis insecti sunt, eosq; malitiæ suæ telis perfodere nituntur, quiq; tanquā in nocte miseri nō vident, quos iaculis petant, cum eorum propositum scopum

scopum esse constet, ut fraudibus, ac dolis contra nos
utantur. Nam bellatorum similitudinem non rem
habentes intendunt arcum, non feriunt, sagittas pa-
rant, Deo prohibente non iaculantur; quare dolos
fruant, & non rectè aggrediuntur, & propterea
illos, qui in tenebris sagittas iaciunt, maxime irri-
deo; & eò magis confido, quòd ij scelesti sunt, qui
aduersum me bellum gerunt, quiq; temere in me in-
sultant, cum salutis eis causa fuerim; quorum arcus
est impura mens. Sed qui tales timebit, aut fugiet,
qui opitulanti Deum habeat? rectos corde, non
sibi summam virtutem vendicans, sed se contra Sau-
lem nihil excogitasse conscius. Vel, hereticorum ter-
rores sunt minantium, ut ad eos tanquàm iustos
adeamus, quoniam ipsi arcum intenderunt, idest ad
se scripturam sacram aduocarunt, atque traxerunt,
quam illi perperam interpretantes venenatas in pha-
retra, in memoria scilicet sententias, prepararunt,
quas emittant, ut iustos in obscuro, idest dolose, &
in subtilitatibus scripturæ sanctæ, vel in obscura Lu-
na, ut aliter legitur, sagittis configant, cum propter
multos imperitos ecclesiæ lumine obscurato se conuin-
ci non posse senserint. Hieronymus legit, super ner-
uum, pro pharetra, in quo prauorum cupidus ad no-
cendum animus apertius notatur.

Quoniam

Quoniam quæ perfecisti,
destruxerunt.

AD Deum sermonem conuertit, Et non modo contra inimicos suos, sed contra omnes etiam hereticos ait, isti me terrent Domine, quia legem, & præcepta tua destruentes tecum pugnam committunt, quæ in utilitatem nostram fecisti, & me quem in Regem elegisti, ac vnxiſti, deicere conantur; ac scelus hoc in me edunt, quia legis prauaricatores sunt. Et Hieronymus confirmat inquit, quia leges dissipatæ sunt. Vel, omnes heretici laudem, quam ex ore infantium perfecisti, neglexerunt, scripturam male exponendo; ubi, nisi in conuenticulis suis, ac paruulos, & lucis interioris ignaros non alunt lacte, sed veneno necant.

Iustus autem, quid fecit?

Quid egit iustus, de seipso David loquens, vt huiusmodi afflictionem sustinere posset, veluti, qui nemini iniuriam intulerit. Vel, Deus, qui proprie, ac vere iustus dicitur, post flagitia tanta ab ijs facta, quid effecit? nunquid non videbit? Vel, si heretici offendunt, Christus non ne pacem dat?

Dominus

Dominus in templo sancto suo;
Dominus in cælo sedes eius.

Vnde se iustus contra istos armauerit, qui acie instruxerunt, audiamus. Ad dominum, qui est in cælis, qui ubiq; adest, ac præsens est, confugit, non arcum intendit, non pharetram parauit, sed spe in Deū, qui solo nutu omnia perficit, contra omnes se munivit. Dominus in templo, scilicet est, qui per potentiam omnium dominus est; & suam in terreno templo faciem exhibet, orbemq; inspicit vniuersum, & nihil eorum, quæ in terra sunt, spernit; Dominus in cælo sedes, idest regnum eius, & diuine atque admirabiliter regnans sedem in cælis habet. Vel, in templo, idest in suis fidelibus, templum enim Dei sanctum est, quod estis vos. Quis quis autem templum hoc violauerit, idest vnitatem, disperdet, & illum Dominus dissipabit.

Oculi Domini in pauperem respiciunt, & palpebræ eius interrogant filios hominum.

Idest perspicatrix illa vis, qua Deus cuncta perspicit, in pauperem diuitijs, non in pauperem virtutibus intuetur. Vel in pauperem, fidelem scilicet populum; Et oculi ei assidentes, eius misferentur, & illum minime lesum custodiunt. Palpebræ vero facta, & men

tes

tes hominum exquirunt. Unde clementia iudicis magis innotescit: Nam si oculis non palpebris exquiret, intolerabile iudicium existeret; sed cum eorum actiones palpebris perpendat suis, non omnia eorum delicta, qui iudicantur, neque qualis sit magnitudo, quærit. Recte igitur, & congrue dicimus Deum oculos in illum, qui beneficijs afficitur, licet vnus idemq; pauper existat, palpebras in filios hominum multos conijcere, vt beneficia large palamq; conferantur; supplicia vero à Deo illata abdita sint. Oculi enim omnium rerum, quæ sunt exquisitam cognitionem illam indicant, palpebræ eius cognitionis velum, quia & si videtur ipse non aspicere, nihilominus tamen cernit: siue vires intelliguntur iudiciarie eius providentiæ, quam in indicatione rerum adhibet; nam eæ iustorum, & iniustorum facta examinant, quia ex filiis hominū id est hominibus aliqui meliores efficiuntur, peiores quidam. Hieronymus ex Hebr. legit, oculi eius respiciunt, nec addit, in pauperem; ad significandum, quòd diuino cōspectui patent vniuersa, nec illum, quamuis altissimum quicquàm latet.

Dominus interrogat iustum, & impium, qui autem diligit iniquitatem, odit animam suam.

Chrīstus dominus est, ante cuius tribunal omnes se sistere oportet, quòd cunctos iudicet, vt referat vnusquisq; quæ gessit, Et quia in iustos, & iniustos tela, ac flagella immittit, & bonis, ac prauis terrena bo-

na tribuit, ideo sap. xi. dicitur, hos, idest bonos tanquã
 pater probasti, illos scilicet malos tanquã rex durus
 condemnasti. Et cum Deus afflictionibus periculum
 de aliquibus facit, si quis in angustijs positus vere,
 atque ex animo diligit, iustum examinat, & interro-
 gat humano more, vt eum premio afficiat, peccatorem
 autem, vt damnationi eum addicat. Qui autem di-
 ligat, &c. odit, &c. Quia malitiam, qua iniquitas est,
 adamauit, peccando animam pretiosam opum, ac diui-
 tiarum, & auaritiæ causa supplicio dignam reddidit.
 Quapropter dicitur, quid prodest homini lucrari vni-
 uersum, si animæ detrimentum ille patiatur, cuius con-
 trarium agit is, qui iuste se gerens proximum sicut seip-
 sum diligit, & ad virtutem allicit: nec hoc contra il-
 lud dicit, non resurgunt impij in iudicium, quia ibi de
 vere impijs intelligitur; hic vero de peccatoribus, qui
 Deum negligunt, sermo habetur. Cum itaque vitium
 animæ aduersum sit, quandoq; ante supplicium dat
 pœnas improbus. Quomodo autem quis se vel ani-
 mam odio habere potest? dicendum, quodammodo, nõ
 simpliciter hoc euenire, quod sic declaro. Anima aut
 secundum rationem Deum respicit, aut carnem secun-
 dum sensum; sicut qualibet res proprium amat bonũ,
 sic homo diligit, quod præcipuum putat, qui ergo sen-
 sum, vt principalem arbitrantur, amant eum; qui vero
 intellectum, eundem diligunt. boni ergo sensum, mali
 intellectum, & rationem odio habent, quod in eũ ange-
 lio dicitur, qui odit animam suam, id alia ratione expo-
 nitur, quia hic, & ibi non eodem modo accipitur di-
 ctum. Hieronymus legit, Dominus iustum probat,
 impium

impium autem, & diligentem iniquitatem odit anima eius, idest Deus, in quo nec corpus, nec animam existere nemo prudens ignorat.

**Pluet super peccatores laqueos,
ignis sulfur, & spiritus pro-
cellarū pars calicis eorū.**

Postquam ex peccato pœnam ortam esse narravit, quoniam multi eam negligunt, mentem concutit David expressa, & vehementi oratione vtens, ac magnitudinem pœnarum sceleratis impendentium exaggerare volens, eis sodomitarum supplicia minatus est, non vt hæc sit illaturus ipse Deus, sed per ea, vt omnia suppliciorum genera indicet; & dictionum translatione pœnam quæ vitari nequeat, vim scilicet consumentem, & ferendi facilitatem ostendit; Pluet laqueos, citra spem effugij supplicium intelligit; impedimenta infert, vt cadentes impediuntur, quominus propositum peccatum perficere nequeant, & querant, qui eos stratos subleuent: Est vero pars calicis, idest supplicij à Deo infligendi, Ignis, vt conflagrationis minas, sulfur, vt eius causam, spiritus procellarum, vt ventum, ac verticem tentationum significet, quod si pars calicis eius, idest hæc tria supradicta, adeo est intolerabilis, quid de reliquis suppliciorum generibus dicendum est. Vel pars calicis, quia pœnæ secundum meritorum mensuram dantur. Aiunt aliqui scripturæ morem esse, pro parte calicis non nunquam totam hæreditatem si-

gnificare, vt alibi, Dominus pars hereditatis, & calicis mei, & portio mea sit in terra viuentium, idest hereditas, vt declaret non particulam, sed totam mercedem esse Dominum: Et hæc tria tormenta iam dicta hic accipi, totam impiorum mercedem fore.

Quoniam Iustus dominus, & Iustitias dilexit, æquitatem vidit
vultus eius.

Causam quoque affert, cur hæc infligat Deus, quoniam hoc est eximium Dei, quæ iusta sunt, admittere; & quia Iustitiæ ipse fons est, æquitatem amplecti, quæ tanquam clauo vtens omnia regit; & quæ nefaria fiunt, minime Iustinere. Et Iustitias dilexit, quia ei curæ fuit pauperum salus. Verum cum Deus natura iustus sit, iustitias quæ sanctis plerunq; insunt, amplectitur, singulorum voluntatem, ac proprium gratum, & acceptum habens, vel Iustitias diligere intelligimus, quoniam cuiuslibet iudicii iustitia quædã est; multa sunt autem iudicia Dei, sicut alibi, iudicia Domini vera; ergo iustitias multas esse necesse est, quemadmodum ergo iustus est Deus, ita etiam æquitatem cernens, idest mentem, quæ recta ratione regitur, hanc in vtentibus illa, cum lætitia perspicit. Vel in iustis multis, iustitiæ quasi multe esse videntur, cū vna tantum existat, qua omnes participant, tanquam si vnus vultus specula plura intueatur. Æquitatem vidit vultus, idest in notitia eius æquitas visa est; vultus

ius enim est notitia eius, ac vidēdi potentia; vel vidit, quia non pravis, sed bonis, (quod est æquitas) se noscendum præbet. Hieronymus legit, rectum videbunt facies eorum, idest vultus eorum quos dilexit, probare, ac sectari debebunt, quod rectum est, & bonum. Mystice de Christo posset exponi, quod in Euang. dicitur, Abi hinc, quia te occidere vult Herodes, quibus ipse respondit, ite ei illi vulpi dicite, & c. sed hæc à nobis dicta, satis sint. Imitemur tantum Davidem, qui ob fiduciam, & spem, quam in Domino collocauerat, noluit eos audire, qui sibi consulebant, ut ad montes, ac loca tutissima adiret; nec aduersariorum insidias, ac minas formidauit, quod Deum adiutorem haberet; nam nos quoque Deus benignissimus proteget, ac tuebitur, si nos ipsos ei penitus commiserimus, ac tradiderimus, in optimis illis actionibus versantes, quæ illi admodum gratæ sint. Itaque fieri etiam nos pauperes studeamus, ut oculi domini nos respiciant; nisi enim diuites pauperes euadant, locupletes Deus non intuebitur: oculis autem eos libentes cernit, quos præstanti beneficentia uti perspicit; Et æquitatem plurimi faciamus; si enim rectum, quod cum virtute, atque officio fit, vehementer dilexerimus, et honestum quod vi sua, & propter se expetendum est, secuti fuerimus, ut præpotenti Deo placeamus, ab eoq; gratiam ineamus, & celestis regni nos consortes esse, & vultum illius in calo contemplari nobis licebit, qui viuit sempiternis sæculis. Amen.

IN PSALMVM XI. SALVVM.

IN finem pro octaua, Ps. David. Eadem est ferè in scriptio cum sexto. Ac præter illa, quæ ibi diximus, notandum est, pro octaua intelligi posse diem illum, quo Christus surrexit, qui dies, & primus dicitur, quia communis est cunctorum opinio eum omnium dierum, & mundi ipsius fuisse principium, Et octauus, quia rursus post sabbatum redeat, in quo gentes vocata sint, & pueri non obseruato sabbato circumcidantur; atque eundem diem, quo à mortuis se excitauit Christus, nobis octauum, siue futurum, siue æternum sæculum, aut quietem æternam nobis significare constat, quam præterito septenarij tempore sancti habebunt. Hæbrei autem octauam de quodam instrumento octo cordas habente interpretantur, In quo triumphalia cantica canebantur. In hoc autem Psalmo David eos accusat, qui fraude vtentes, atque amicitiam prætexentes prodebant illum inimico Sauli, & vbi is latitaret, statim indicabant; nec non Christi optat aduentum ad vlciscendos eos, qui à Dæmonis tyrannide opprimuntur, & idolis seruiunt, quippe qui aucta hominum malitia, & errore, ita vt nec veritas, nec misericordia, nec Dei cognitio in terra existeret, ad diluenda huiusmodi crimina valde necessarius erat: atque mundi iniquitatem deleri, ac destrui cupit, vt ad promissionis futuræ veritatem perueniatur. Eorum quoque
nomine

nomine sermonem habet, qui euangelium suscepturi erant; tunc enim sancti defecerant, quando Christus Dominus ad nos venit.

Saluum me fac, quoniam defecit sanctus.

Considerans igitur David aduersarij malitiam non mediocrem, & periculi magnitudinem, quasi timens exclamat, ac stupore oppressus ad auxilium diuinum confugit inquit. Ego à te salutem peto, & celesti ope indigeo, cum enim viam persequar, qua nullus ferè ingreditur, magna mihi prouidentia opus est; præter te enim nemo est, qui salutem dare queat. Sanctos hic appellat, qui mundo corde, & pura mente amicitiam tanquam rem sanctam admirabilemque colunt. Et sanctus, idest Deus, qui ubique præsens quantum pertinet ad homines, defecit, quia non credunt in eum; vel defecit sanctus, idest homo non inuenitur, qui Deum timeat, ut ostendat, eos qui sanctitate præstabant, etiam perisse; duo autem, Timor scilicet, & veritatis amor à malo custodiunt.

Quoniam diminutæ sunt veritates à filiis hominum.

Veritas in intellectu diuino una est, qua illustrantur animæ sanctæ, quæ cum multæ existant, &

multæ ecclesiæ & vna; sic & in eis veritates multæ
 inesse dicendum est, quia multorum iustorum opera exi-
 stunt, & plures qui faciunt bonum; sicut à facie vna
 in pluribus speculis imagines plures apparent, atque
 oriuntur. Vel veritates, ait propheta, quia triplex in
 sanctis veritas reperitur, vitæ, memento quomodo am-
 bulauerim coram te in veritate; Doctrinæ, scimus
 quia viam Dei in veritate doces, Iustitiæ, elige viros
 timentes Deum; in quibus sit veritas; à qua iustitiæ
 veritate dolet David Saulem descivisse; at istæ verita-
 tes non à seipsis diminutæ fuerunt, sed à filiis hominum,
 quorum causa depravatæ sunt; quia sancti siue pro-
 phetæ, siue patriarchæ superstites non erant, quorum
 paucitas harum multarum heresum, siue sectarum for-
 tē causa extitit, & multifariam imminuti erant, quia
 summa veritas Iesus Christus nondum venerat. Aut
 veritates, intellige, fidelitates tam ad Deum, quàm ad
 proximum spectantes; magna enim est gemitus causa,
 quòd fidelitas defecerit; Nam vix inveniuntur, qui
 Domino fideles sint, & iuste illi seruiant; vel etiam in
 proximos suos, quibus cum versantur, sinceram, &
 summam retineant charitatem. Cui sententiæ faue-
 re videtur Hieronymus legens, diminuti sunt fideles à
 filiis hominum &c.

Vana locuti sunt vnusquisq; ad
 proximum suum.

D Vobis vitia narrat, & quòd vana locuti sunt,
 & proximo etiam suo; duplex enim sanctitatis
 est defectio, vanitas scilicet, & dolus; Et quæ per au-
 daciā

adaciam patrare audent, aperte declarat, videlicet, & amicitiam verbis prætexunt, & factis sese hostes demonstrent; vana idest dolosa, vel quæ non existant, quia veritati, quæ vna est, nihil vani subest; vel vana, idest falsa, & inutilia; sic enim communiter, quæ absurda sunt, ac temere fiunt, appellari solent. proximum, omnem scilicet hominem intelligere nos oportet, quia flagitium cum aliquo committendum non est.

Labia dolosa in corde, & corde locuti sunt.

Per labra ipsum dolosum intelligit à parte totum, qui duplici corde, ac mente noxia locutus est, geminatio enim illa ore vnum, corde alterum significat, quod hostibus maxime acerbum est; nam illi patent, vnde caueri possunt; hi vero aliam personam induti ab ijs, quibus insidiantur, deprehendere nequeunt. More autem græco dictum est, labra; supplere enim oportet *ῥητῶρα*, .i. per: Nam dolo, & lingua, et mens iudeorum plene fuerunt, ac propterea ad dominum accedentes tentabant eum, qui tentari non poterat.

Disperdat Dominus vniuersa labia dolosa, & linguam magniloquam.

Poenam hic minatur, & pro eis orat, non vt ipsi perdantur, sed vt de medio illorum vitium tollatur, non enim dixit eos, sed labra; rursus non naturam,

sed linguam; arrogantiam, & fraudem auferri, superbi-
bi-āq; excindi cupiens, quia nihil æque humanis mores
labefactat, ac superbia, & dolus. Vniuersa, dixit,
ne quis se exceptum putet; linguam magniloquam
idest superbam, vt arrogantes, ac tumidos indicet; nā
diuine, & non humane virtutis erat illorum malitiā
superare. Solus enim ipse Dominus disperdet labra do-
losa, & os impium obstruet, ne contra Iesum, quem con-
uitijs insectabantur, robusti esse possint.

Qui dixerunt, linguam nostram ma-
gnificabimus labia nostra à nobis
sunt, quis noster Dominus est?

Videtur superioris dicti esse interpretatio; qui in-
tra se magna cogitant, & se iactant, vt hypo-
crita; qui in sermone suo spem ponentes ad decipien-
dos homines intendunt animum, & Deo subiecti esse
nolunt; vel philosophi, qui clamant, vt ad eos adea-
mus, si felicem vitam degere velimus, aiunt, linguam
nostram roborabimus, ea vt magna dicat; labia no-
stra à nobis sunt, idest in potestate nostra; est enim no-
bis loquendi libertas, quæcunq; volumus; vel labororū
nostrorum potestatem habemus; quis est, qui imperet
nobis, & magna loqui nos prohibeat? Quis noster Do-
minus? quæ sunt delirantium, & amentium verba,
quasi nullus iudex futurus sit; non enim sermones cū
re ipsa, & natura metiuntur, sed impudenter, quicquid
libet effutiunt, vt Pharaon, & Nabucdonosor, diuinā
longa

longanimitatem nihili facientes; Et quasi sui iuris sint isti, pro libidine labris abutentes lesam Dominum nostrum calumnijs, conuitijsq; iactare ausi sunt, se illius verbum, ac doctrinam extinguere arbitantes. Huiusmodi fuerunt Phariseorum, & scribarum labra, qui per simulationem magistrum appellant ipsam obseruabant, vt in sermone eum deprehenderent; Magniloquentia etiam, & iactantia pleni erant illi seniores, qui à Domino sciscitari audebant, in qua potestate hæc facis.

Propter miseriam inopum nunc
exurgam dicit Dominus pau-
perum, & gemitum.

Qui propter me inopes, id est opibus carentes, & pauperes spiritu, parum scilicet habentes effecti sunt, & ingemiscunt, ac ligent, humilitatem amantes, ac se abiicientes, continenterq; mihi supplicant, in uiolatam fidem seruantes, eorum gratia nunc exurgam, vt celeritatem indicet, & patientiam tanquam somnum excutiens; in calamitatibus constitutos ab omni miseria. & gemitu liberabo; Et quis est, qui Deum ad vindicandum surgentem non timeat? Exurgere hic est annuere, quod se manum laborantibus porrigere parat; ex quo discere licet, quanta humilitatis vis sit, & quæ pauperum, & eorum, qui corde compuncti sunt, virtus existat, ac potentia; non enim vitam, ac virtutem, sed malorum perpeffionem excitare Dominum Deum, & ad supplicium de impijs sumendum provocare inquit

quit David. Inopes autem, ut non nulli aiunt, ij vocantur, qui a diuitijs exciderunt, pauperes qui labore victum queritant. Inopes vero fuere infideles, qui nec prophetas, nec legem habebant, pauperes, iudæi. Vastitatem legit Hieronymus, quia vexati, & desolati erant inopes pastorem non habentes. Aiunt aliqui hæc ad gratiæ tempus referri, & Dei patris vocem esse per filium humani generis liberationem promittentis, ut dicat pater, exurgam, idest in filio apparebo.

Ponam in salutari, fiducialiter
agam in eo.

Idest cum fiducia, & aperte, ac manifeste eos defendam, ut omnes intelligant; & illustrem eorum salutem faciam; vel ponam in salute, idest eum saluum faciam. Hieronymus legit. ponam in salutari auxilium eorum, idest in Christo Iesu, & consolationem pauperum in eo. Fiducialiter, inquit pater, omnia per ipsum faciam, & in eo ero; erat enim Christus docens tanquam potestatem habens, & non tanquam scribæ.

Eloquia Domini, eloquia casta argē-
tum igne examinatum purga-
tū terræ purgatū septuplū.

Alt propheta, ne minas inanes esse arbitremini; nam verba domini pura sunt, & a mendacio libera, atque sine simulationis corruptione casta; nam
sicut

sicut argentum non semel, & iterum, sed septuplum
 saepius purgatum, & à terra separatum nihil alienum
 habet, ita quoque Dei verba, ac decreta, quæ ideo ca-
 sta etiam dicuntur, quia castos reddunt homines, & in
 nulla parte inquinata sunt, at septuplum, idest per se-
 ptem dona spiritus sancti exactissime probata.

Tu domine seruabis nos, & custo-
 dies nos à generatione hac
 in æternum.

Supplex orans hoc dicit, tu domine nos tueberis.
 Quare? quoniam inimici, & impij nostræ saluti in-
 dysstruunt, & proteges nos à generatione hac, idest
 huius sæculi, vt omnes impios, ac sceleratos, & hereti-
 cos comprehendat; Nos enim te conseruante, ac defen-
 dente, postquam ea, quæ in nostra potestate sunt, absol-
 uerimus, à generatione hac pessima scilicet, & ab om-
 nibus insidijs perpetuo tutos fore confidimus, quoniam
 fieri non potest, vt qui ab inimicis circundantur, aliter
 quàm te adiutore liberentur. Hieronymus legit, custo-
 dies ea, scilicet eloquia, idest tu exolues promissa tua,
 & verba, quæ ex ore tuo exeunt, irrita nō facies; Alij
 eos, scilicet iustos, legunt.

In circuitu impij ambulant.

Etiam si inimici nos obsideant, & impij, nihil tamē
 graue patiemur, quia tu nos seruas, & illustres
 facis: vel, in circuitu ambulant, quia ad finem iti-
 neris

neris quotendunt, nunquam peruenient, nam impij in orbem, Iusti recta proficiuntur. Vel in circuitu, idest in terrenarum rerum cupiditate, quæ septem diebus voluntur, nunquam ad octauum, idest æternum accedunt. Secundum Altitudinem tuam multiplicasti filios hominum. non secundum meritum nostrum, sed ut altum decet, cum in altissimis habitans, iuxta excelsum tuam, quæ tuæ bonitati perpetuo inest, filios hominum tueris eos dignos reputans, qui providentiæ tuæ cura regantur. Secundum Altitudinem, idest sicut stellas celi multiplicatos filios hominum, idest iustos, & de virtute in virtutem euntes magnificas. Hieronymus legit, ambulabunt, cum exaltati fuerint vilissimi filiorum hominum. ut per vilissimos intelligantur inopes, & pauperes, de quibus supra, qui ab hominibus despicuntur hic, atque contemnantur, quos aliquando derisimus; nunc misericordiæ Dei cum in altum elati sint, & inter filios Dei numerentur, Impij ambulabunt eiulantes, & flentes ciuitatem circuentes, à qua se exclusos esse conspexerint. Potest & alia afferri expositio, de ijs impijs, & vilissimis, qui in hoc mundo extolluntur, quos adulescentes peruersi ad perficiendam eorum malitiam circundant. Sed meo iudicio prima est uerior. Restat ut nos Davidis nostri vestigia sequentes, cum tam paucos reperiri animaduertamus, qui spem suam in Deo collocent, & iustos quasi omnes perisse; qui uero existunt, in tanta iniquitate defendere se, ac tueri nequeant, formident autem ne absorbeantur; quanquam altissimo, & diuino consilio aliqui electi semper inueniuntur, Deum, &

eius auxilium diuinum imploremus illi supplicantes, vt promissa soluat, & verissima, ac purissima verba sua re ipsa exequatur, vt nos inopes, ac pauperes tueatur, atque custodiat. Nam si nos ea quoque perfecerimus, quæ à nobis debentur, & in veritate, ac mandatorum obseruatione stabiles permanserimus, nos dubitare nefas est, quin à simulatoribus hereticis, ac sceleratis, doloq; ac fraude plenis, in quorum labris venenū habitare certum est, Et qui inusitata rabie petulanter in nos inuadere quotidie conantur, eripiat, ac liberet Dominus noster Iesus Christus, qui semper est benedictus, Amen.

IN PSALMVM XII.

VSQVE QVO.

Inscriptio est, In finem Psalmus David. Hunc conscripsit non eo tempore, quo Saul eum insectabatur, vt sentiunt nonnulli; nam ante peccatum omnia euenerant, quæ illi machinatus fuerat Saul; vnde maiori cum fiducia loquebatur; Sed cum post factum scelus exagitaret eum Absalon; quò fit, vt multi gemitus, ac fletus, eiulatusq; ab eo fiant. In finem, quia internecionem Absalonis pradicat, quæ finem consecutura erat. Vel in finem, Christum; Dauid enim propter illum finem viriliter pugnans multa sustinuit. Quare respiciens eum, Deo canticum suum destinauit, quod etiam omnibus iniuriarum patientibus quadrat.

Vsqve

Vsquequo obliuisceris me in finem.

DEi actiones more humano, eius indignationem videlicet, atque ultionem exprimit, non interrogans vere David, sed potius admirās: responsum enim non expectat, at vehemens desiderium innuit. Vsquequo, longum tempus indicat; moram & cunctationē, siue derelictionem vocauit David obliuionem; Vnde obsecrat, ne obliuiscatur in finem, idest ne omnino is à diuina prouidentia destituatur; Deum autem illorum capit obliuio, qui peccantes eius non recordantur, & turpiter viuunt. Vel vsquequo me ad cognoscendum Christum differes, qui est vera sapientia. Allegorice, Patrum verū; Conquestio est, qui Christum expectabant: videbatur enim ipsis Deus illorum esse quasi oblitus.

Vsq;quo auertis faciem tuam à me.

TRanslatio est ab ijs sumpta, qui neminem irati cernunt, qui sibi obuius sit, idest vsquequo anima mea tui notitiam, vel lumen cognitionis tue non porrigis? auertit, cum ea committimus, quae praeceptis suis indigna sunt; aut quare remedium mihi non adhibes?

Quandiu ponam consilia in anima
mea per diem, dolorem in corde
meo per diem.

Quia oculi Dei, id est perspicax illa vis, quae cuncta intuetur, & prospicit illos cura sua indignos iudicat, qui facile in peccatis labuntur, ideo David de ipso Dei Iudicio vehementer sollicitus & anxius, timore ex conscientia scelerum, exorto discruciat, inquit. Quandiu ponam, id est vitam ducam infelicem continenter ad varias cogitationes mentem versans, quandiu mihi tu eris iratus? consentaneum enim erat, qui Deum erga se propitium exoptaret, eum ambigere, an sibi Deus benignissimus reconciliatus esset. Et quia consilijs opus non est nisi in aduersis, perinde est, ac si diceret, quandiu ero in aduersis? Vel, ut sit sensus, tandiu faciem à me auertis, ut nisi cogitationes in animo suscipiam tribuendi misericordiam egentibus, & opera bona nauandi, ad finem me non dirigas, nec tui notionem in me imprimas. Et quandiu dolorem, scilicet penam, id est patiar in corde, per diem, id est continenter, ac assidue? id enim affert dolorem, à quo se quisque exui desiderat. Secundum aliquos, quandiu resistendi inimicis noua me consilia capere oportet? Symmachus legit, solitudinem ponam in mente mea, id est solitudine cruciabor in animo meo ambigens, ne in peccato moriar, quod cordis mei dolorem maxime auget.

Vsq̃ue

Vsq; quo exaltabitur inimicus meus
super me, respice, & exaudi
me Deus.

Videns David inimicum suum Absalonem, ut
sentiunt Græci, licet aliqui Saulem indicari pu-
tent, quotidie viribus magis valere, animi angore affi-
ciebatur, & aiebat, usque quo extolletur aduersarius
meus, & ei omnia prospera succedent? Vel, allegorice,
Daemon, aut appetitus, & carnis consuetudo? Nam si
religiose nobis viuentibus, & colentibus Deum depri-
mitur inimicus, patet, quod peccantibus nobis effertur;
& nos à peccatis deprimimur; huiusmodi enim pecca-
ti vis est; quod animam prosternit, ac deijcit. Hæc &
alia, nos qui à Demone affligimur, dicere & diuinam
opem implorare decet. respice, refertur ad, auertis, id
est recte facta intueri; vel me grauitè affectum aspi-
ce, ac tua beneuolentia dignum me fac. Exaudi, ad
obliuisceris. Et est oratio siue petitio, quasi nolit is gra-
tis exaudiri; aut sibi persuaferit Deum eos non exau-
dire, qui bona opera non exhibuerint.

Illumina oculos meos ne vnquam
obdormiam in morte.

Quid petis? ut inimicos superes? minime, sed ut
illumines oculos cordis mei, ne delectatione pecca-
ti clau-

si claudantur, vel ope tanquam splendore luminis tui noctem calamitatum meam dissipet, ne crescentibus malorum tenebris mortis somno consopiar; nam macrore tanquam somno quodam detineor; at si menti mea lumen praeferes, id maestitia somnum abiget: vel intellectum meum peccati caligine obscuratum illumina, ne morte peccati me mori contingat.

Nequando dicat Inimicus meus,
præualui aduersus eum.

C*um viderit me in peccati mortem detrusum, dicat, superavi eum. quod optabam, consecutus sum; De Absalone, & Demone exponitur. Vehementer igitur timenda est Demonis vexatio.*

Qui tribulant me, exultabunt,
si motus fuero.

Q*ui me afflictionibus torquent, si lapsus fuero, aut à via declinauero, aut si ab ea qua initatus sum fide discessero, gloriabuntur ij, sed de Iob non exultauerunt, nec gloriati sunt Daemon, & eius satellites, quia se à stabilitate fidei non dimouit, nec à securitate quam habebat Deo fidens. Tres autem causas, quibus Deum provocare vult, ut respiciat eum, atque orationem eius exaudiat, Elationem scilicet inimicorum, eorumque vires, atque ipsorum exultationem affert.*

Ne igitur patiare inimicis meis me ludibrio esse; hoc enim omnium molestiarum molestissimum erit.

Ego autem in misericordia
tua speravi.

Sed licet innumerabilia ab eo gesta commemorare posset David, quibus Deum exoraret; nihil tamen recenset, sed ad misericordiam confugit; ex quo post peccatum Davidem Psalmum hunc dictasse patet. Ego, inquit, mihi quicquam non arrogavi, sed in miseratione tua magna spem posui; quia id ipsum, quod in Domino mente defixus esse perseveravit, sibi tribui non debet, ne superbia postea se erigat, si se ipse non commotum fuisse gloriatur.

Exultabit cor meum in salutari tuo.

Nunc quidem misericordiae tuae confido, ubi vero salutem consecutus fuero, cantabo, Vide quam bene speret David; nam priusquam obtinuerit, gratias agit: sed unde tam bona spe sustentatur? nimirum ex vehementi petitionis ardore, ut pote qui nouerat eum, qui sic flagitaret, ex auditum iri, id est animam meam latitia hac cumulabit, quod salutem consequatur, aut salus ei sis. Vel praeuidens inimicos profligatos iri inquit, salutem mihi à te praestita letabor. Unde tria ponit, latitiam scilicet spiritus, orationem deuotam,

tam, atque rectam actionem siue opera bona, quibus contra Demonem adiuuamur. Vel in salutarium tuo, id est in Christo, & in sapientia Dei, non in terrenis rebus, ac vanis exultabo.

Cantabo Domino, qui tribuit mihi bona.

Idest offeram corde, & ore Deo canticum (quod ad contemplatiuam vitam pertinet) huius beneficii momentum, quod hostem reddiderit humilem, & imbecillum esse conuicerit; & caligine discussa me lumine suo afflauerit; omniq; iucunditate animi hymnos concinam.

Et psallam nomini Domini altissimi.

Psallam scilicet Psalterio, id est opere (quod ad actiuam vitam attinet) nomini altissimi domini, quod apud omnes innotescit; quanquam enim inexplicabilem naturam tuam ignoro, mihi tamen satis est nomen tuum colere; credo enim hac sola nominis tui inuocatione me auxilium tuum esse consecuturum, quod implo-ro; & contemplationis studio, & uitae actionibus te oblectabo. Nos quoque imitatione Dauidi similes esse conantes, graui aliqua tentatione cum à Demone, seu ab inimicis, vel ab aliquo immoderato appetitu impellimur ad peccandum, clamemus ad Dominum, &

ab eo flagitemus, ne à nobis faciem auertat, qui angimur, & solliciti sumus, ne illi displiceamus, sed misericordiam nobis suam tribuat, atque à tentationibus nos liberet, libidinisq; æstus, & omnes malas cupiditates coercendi vim nobis afferat, atque in primis mentem nostram ijs luminibus, quibus facile offusa nobis tenebræ auferantur, Illuminet, ne hostes nostri nos vicisse glorientur, atque in casu nostro, ac ruinis exultent; Demum totam spem nostram in Deo positam habeamus, non permissurum esse eum, vt aduersarij, quod valde desiderant, id consequantur. At certò credamus nos à Deo ex omnibus afflictationibus, atque cruciatibus ereptum iri. Ac profectò cum dubitare nobis fas non sit; bonitati enim diuinæ, atque clementiæ diffidere nos pateret, canemus Domino laudes immen-

sas, atque nomen eius excelsissimum suspicere

quotidie non omitemus, hac freti fiducia

nos in patria celesti Christum, quem

in hoc mundo ardentem, & ex

animo dilexerimus, intui-

turos esse, atque

cum illo regni

cælorum

poti-

turos, qui viuunt eter-

nis sæculis.

Amen.

IN PSALMVM XIII.

DIXIT INSIPIENS.

In finem Psal. David, vel secundum
Hieronymum victori David.

E Adem est cum superiori inscriptio. In finē, quia
quæ Regi Ezechia; & primi aduentus tempo-
re; vel quæ perfectis omnibus sæculis euentura
erant, prædicit; vel in finem Christum, quem videbi-
mus, cum illuc pervenerimus, si viam bonam fueri-
mus persecuti, dum vivimus.

Dixit insipiens in corde suo
non est Deus.

A Rgumētum Psalmi est, ut opinantur Græci, quā-
do Sonnaberich Rapsacem ad Ezechiam tunc re-
gnantem misit, qui impijs in Deum sermonibus usus
aiebat, ne te decipiat Deus tuus; At Ezechias ma-
gnū illius exercitū, orationisq; insaniam cum ne-
glexisset, innata pietate ductus opem diuinam implo-
ravit, illicoq; eam affecutus est; Nam cū Deus equus
vindex illius quidem impietatem fuisset execratus, hu-
ius vero pietatem adamasset, Angelo ministrante cen-
tum octoginta quinque Assyriorum millia funditus per-

didit, alios in fugam vertit, & obsessis salutem attulit inopinatam. Et psalmi exordium Sennaberich, & Rapsacis verbis valde congruit, quanuis habrei non nulli de Nabucdonosore dictū esse sentiant. Insipiens, Sennaberich scilicet, & populus. Sive Iudæus, sive infidelis omnis, ad vtrunq; enim referri potest; Nam populus etiam Iudæus dicebat Christum non esse Deum. Insipiens autem hic non dicitur, qui naturalis intelligentia, & rationis vsu careat; immo prudentia valebat, quia lingua non dixit, non est Deus; sed secum cogitans improbitatem calabat, quod nouerat se periclitaturum esse, si id eructasset; nam si amens fuisset, etiam ore protulisset, quem stultum vocat Hieronymus. Philosophi quoque non sunt ausi dicere, non est Deus. Ideo addidit, in corde, quia omnes effutire formidarunt, in hac esse cogitatione non metuerunt. At nec vllus in corde suo cogitare potest Deum non esse, si naturam eius speculemur: Esse enim eius est substantia siue natura; licet quantum ad nos spectat, eum non esse præpotentem, nec rerum humanarum curam suscipere, fari possimus. Sciendum autem est impiorū tria genera esse; Alij Deum esse prorsus negant; alij esse quidem arbitrantur, sed non existentem ipsi formant, existentem negligunt; Alij verbo esse dicunt, res tamen inferiores sibi curæ non esse censent.

Corrupti sunt, & abhominabiles facti sunt, non est qui faciat bonū
non est vsque ad vnum.

Nam cum se omni intemperantia, ac serina vita dedidissent, memoriam Dei omnino deposuerunt, quicumque enim mente corrupti sunt, pietatem omnē ladunt, & dum amant hoc seculum, Deum spernunt. Et abhominabiles, quia impietatem omnem in templo cordis sui collocauerunt, & si Dei notitiam habuissent, execrandi omnibus, ac detestabiles non essent, In studijs suis, in affectionibus legit D. Augustinus, studiose, Hieronymus, scilicet faciunt, quia quæ ipsa natura negauit, illa excogitauit affectio. Non est qui faciat bonum, quia impietas longe lateq; diffusa est, ut ne causam quidem, propter quam ad nos D. Iesus Christus venerit medicus, intelligere studuerint, ea autem fuit salus mundi, gentiumq; vocatio: Ideo qui Deum negauit, & de eo, qui nobis prouidet, non cogitauit, ille non mortem, non iudicium expectat, non surrecturos nos, nec remunerationem fore credit. Non est vsque ad vnum, vel cum ipso vno intelligi potest, ne vnus quidem. Dicit aliquis; ò Dauid, cur ante carnis susceptionem mundum laborantem non inuisit Dominus? opem certe ferre, ac seruare voluit, sed ne vnus quidem, id est nullus sibi medicinam adhiberi quæ fuit. Vel vsque ad vnum, id est præter vnum Christū, ut D. Iesus excipiat, & hac expositio D. Augustino

magis aridet, vt nemo ad Christū vsque bonū aliquid agere potuisse intelligatur, nisi ipse viam mōstrauerit, sicut sanctis patribus antiquis, qui in eum venturum ex animo credebant, clare ostendisse censemus. Hac tamen verba hoc loco non habet D. Hieronymus, sed paullo infra vbi repetuntur.

Dominus de cælo prospexit super filios hominum, vt videat si est intelligens, aut requirens Deum.

Humano more Deum, quasi ex alto cenaculo longe spectantem expressit, siue omnia inspectantē, & cogitationum indagatricem vim manifestauit. Super filios hominum, idest homines Iudeos, & super genus humanum, qui tamen in dignitate diuinitatis manens, prouidentie sue virtute in terra, siue vbique esse dicitur. Nam decenter, & pro maiestate de Deo incorporeo omnia explicari dedent, quæ à corpore sumuntur, non enim loco circumscribitur. Vnde pie in celis, idest in iustis viris, & animabus sanctis habitare dicitur. Ex quo loco sese demittens homines infimos cōsiderat, vt intueatur, qui ex ipsis prudentes sint, & Deum querant. Tum vero maximè prospektat, cum vitium inter homines cum impietate ita conglutinatur, ut ex ore impij exeat, quòd non est veritas, non est misericordia, non est in terris Dei scientia. Vt videat, id est, uidere faciat, si est qui intelligentia Deum percipiat,

piat, & affectu scilicet requirat. Allegorice, prospexit, id est misertus est mittendo filium suum, qui humano generi salutem dedit.

Omnes dedinauerunt, simul inutiles facti sunt, non est qui faciat bonum, non est usque ad unum.

Omnes de via deflexerunt, & à sanctis de Deo dogmatibus, & operibus rectis declinarunt, & propterea statim inutiles, & nulli usus apti effecti sunt, scilicet Iudaei, quemadmodum & infideles, cum adeo execrandi essent, ut ne unus quidem bonus reperiretur, quod de peccatis suis neminem pœniteret. Ex hoc enim, quod quis à Deo desciscit, inutilis euadit.

Sepulcrum patens est guttur eorum, linguis suis dolose agebant, venenum aspidum sub labijs eorum.

Hi tres sequentes versus non habentur in textu habreo; nec Hieronymus, nec graeci eos legunt; nec repetitus hic psalmus infra quinquagesimo secundo, ipsos continet. Sed D. Paullus Rom. 3. ex Deuteronomio, & varijs psalmis decerptos citat contra Iudeos, ut illos vituperet. Sicut sepulcrum apertum fatorum exhalans cadauera suscipere paratum est, sic guttur

eorum

eorum siue os, vel simpliciter vorare, vel secundum Allegoriam, occidere detrahendo, & necare eos promptum est, quibus ipsi morum suorum peruersitatem persuadere conantur. linguis, dolose atque malitiose mala tanquam bona suadentes, & mores bonos colloquijs prauis corrumpentes; voracibus enim, & prauis omnibus comes est adulatio blanda. Venenum aspidum, sub labijs, idest in corde, quod peius est, quam in ore; Venenum autem, quod insanabile est, ipsius aspidis dicitur, quia sicut aspides obturatas aures habent, nec venefici verba audire volunt, sic istis precepta legis auscultare non libet, sed magis mala pro bonis ea reddere predicantibus placet.

Quorum os maledictione plenū est,
veloces pedes eorum ad effundendum sanguinem.

Quomodo verbo noceant, inquit, quorum os opprobrijs, & execratione refertum est, & amaris verbis; hoc autem est venenum aspidum, & ad id refertur; quia sermones Dei male sentiendo in suam perniciem amaros effecerunt. Veloces, ait; quomodo obfinito, idest voluntas, & affectus ob consuetudinem malefaciendi ad profundum sanguinem, scilicet Christi, & suorum expediti sunt, & corpus, & animam occidere meditantes, & inconsulte, ac temere omnia committentes.

Contritio, & infelicitas in vijs ipso-
rum, & viam pacis non cogno-
uerunt, non est timor ante
oculos eorum.

Alt quomodo sibi ipsis noceant; labor & miseria
in operibus eorum patet; omnes enim prauorū
via huiusmodi calamitatis, & miseria plena sunt;
vel contritio ad corpus, ad animam infelicitas refer-
tur; nihil enim æque corpus, & mentem conterit, &
exhaurit, ac peccatum; vel via impiorum in hoc mun-
do contritio dicitur, post mortem infelicitas; semper
enim peccatores in via sua se ipsos conficiunt; ac viam
pacis non nouerunt, id est iustitia, & vita institutio-
nem, siue vtilem viuendi modum non sciuerunt. Vel
Christum, & euangelia neque per fidem, neque per ope-
ra perspexerunt, Iudæi precipue, qui non crediderunt
Christo; de qua via Dominus dicit, Iugum meum sua-
ue est; quare non cognouerunt? quia non est timor Dei,
quia ante conspectum suum non proposuerunt Deum:
nec futurum iudicium formidant; ideo mandata non
seruant; nam licet isti non dicant, Deum non esse, cum
tamen minimè metuant, & factis negant.

Nonno

Nonne cognoscent omnes, qui
operantur iniquitatem.

Iudicium minatur; prædicta mala faciunt, nec ista
formidant in futuro iudicio; non ne, interrogans in-
quit, cognoscent, qui scelera faciunt, scilicet futuram
vltionem, aut quòd Iudæorum Deus verus sit Deus?
Vel ante Christi aduentum licet omnes de recta via de-
clinauerint, num idcirco futuris temporibus non no-
scent, Dominum scilicet?

Qui deuorant plebem meam,
vt escam panis.

Vel vt Hieronymus, qui deuorant populum meum
vt cibum panis, & videtur esse Dei verbum, id
est quotidie, sicut in dies pane vescuntur, eum consu-
munt seducendo, & occidendo, & qui commoda sua ex
illo capiunt, non ad gloriam Dei, nec ad salutem homi-
num, quibus præsumunt referentes, quemadmodum Hære-
tici plebem sequentem Christum deuorare nituntur; ex
ipso rerum euentu discent populum meum inexpugna-
bilem fore, nec euenturum, quod ipsi neglecta diuina
providentia existimant. Deum non inuocauerunt,
cum in eo spem non habeant; nam Deum non inuocat,
qui ea appetit, quæ illi displicent.

Illic

Illic trepidauerunt timore, (vbi non erat timor.) *hæc Hieron. non legit.*

Non infideles solum, sed Iudæi de damno rerum terrenarum dubitantes dixerunt, si dimittimus eis sic, &c. timuerunt enim regni terrestris iacturam facere, & cælorum regnum amiserunt, quod metuere debuerunt, & hoc de omnibus terrenis bonis, & commodis intelligendum est, de quorum amissione cum timent, ad aterna non perueniunt; Formidant enim ea, quæ speranda potius sunt; quæ timenda, hæc concupiscunt, cur ista? nisi quia puerse iudicant, & corrupti sunt. At qui sunt isti? nisi qui in iniquitate, & perfidia versantur, quiq; adhuc non inuocauerunt dominum? Verû veniet tempus, quò ipsum cognoscent; Tunc illos bonos Dei timor faciet, Initium enim sapientiæ Domini Timor.

Quoniam Dominus in generatione iusta est.

Causa est supradictorum, quoniam Dominus est in generatione iusta, idest iustorum, & pro eis pugnat, in quorum numero erat Ezechias; cuius pietas, & religio, qua populum suum regebat, commendatur; Gener. iustam vocat concordiam iustorum, & populi sequentis Christum, non eorum qui sæculum, ac mundum

mundum diligunt : nam cum Deus iustus sit iudex , in illa consensione iustorum reperitur ; si enim duo , vel tres in nomine eius congregati fuerint Dominus illic adest , quanto magis in vniuersa concione inuenietur

Consilium inopis confudistis , quoniam Dominus spes eius est.

I*uxta Historiam , Regis Ezechia quem , vt vilem despectistis , ac irrisistis , & inopis , quia paucos sibi obtinere habebat , consilium , idest firmam spem quam in Deum habebat , vel consilium , cum iudeos hortaretur , vt hostes negligerent , ac domino confiderent , ludibrio habuistis . Vel secundum Allegoriam . Christum dicit pauperem , qui cum dives esset , nostra causa inops factus est ; consilium autem eius , quod cepit pro nobis mortem carne gustandi , vt nos a morte , & animi morbis liberaret , iudei frangere conati sunt , cum ipsum tantum mortalem esse palam dixerunt ; Aut consiliũ , idest aduentum eius humilem contempsistis , quia in eo non vidistis pompam regalem ac sæculi , vt hi quos vocabat , in Deo solo spem ponerent , non in rebus terrenis , ad quæ illi animum attendebant .*

Quis dabit ex Syon salutare Israel?

N*isi Deus ? qui cum eripiet ex manu hostis Sennacherich ; Et is scilicet Christus , cuius humilitatẽ contempsistis ? Hoc salutare secundum carnem a semine Dauid ortum ex Syon , idest ex iudeis datum est , veniet*

niet enim ex Syon, vt ait Isaias, qui liberet, & impietas ex Iacob auertat. Et quoniam ex parte Israel ob humilem istum Christi aduentum cecitas facta est, vt plenitudo gentium intraret, in illo alio aduentu ad iudicium cum claritate perficietur id, quod sequitur, vt omnis Israel saluus fiat. Vnde conuersio iudeorum prædicitur.

Cum auerterit Dominus captiuitatē
plebis suæ, exultabit Iacob,
& Israel lætabitur.

Cum anima, quæ per Dæmonum fallaciam captiua detinebatur, ex cunctis gentibus ad dominū conuersa, persalutare Dei remedium salutem adeptæ fuerint, aut Dominus Dæmonem damnauerit, qui populum eius captiuum detinet, Viri iusti & propheta, qui ex semine Israel orti fuerunt, lætabuntur, quod quæ de nobis vaticinati sunt, ea finem consecuta fuerint, ac nobis de salute nostra gratulabuntur, Vel, cum in pristinam libertatem plebem suam à peccati, & inferni carcere vindicauerit, exultabit exterius, & corpore, Iacob. Et Israel interius, & animo gaudebit, id est iudeorum populus. Nos ergo caueamus totis viribus quantum possumus, vt cogitatio talis nunquam in mentem nostram influat, vt non sit Deus, sicut insipiens ille, & impius aiebat, & perfidi Iudæi Christum non esse Deum dicebant; vt nec vnus quidem bonus reperiretur, quibus futuram vltionem minatur.

natur, & denunciatione periculi eos terret inquiens illos ipsum esse cognituros, quem modo nosse, ac inuocare nolunt, Ac diuinum auxilium, vt eam possimus amovere, ex animo imploremus, etiam si Dæmon immittere in mentem tentaret; Sed velimus adiutore Deo in illa iustorum congregatione numerari, in qua habitat Dominus Deus, & in eo spem ponamus, sicut Ezechias, quoniam certi sumus, quod saluabit nos, & ab istis impijs captiuos liberabit; & cum ex hac vita nos euocauerit; ac tanquàm è carcere caelestem miserit ad patriam, tunc gaudio cuncti exiliemus, quod superatis miserijs, & ærumnis ad optatum illud calorum regnum peruenimus, vbi Christo frui digni habiti fuerimus, qui viuunt sempiternis sæculis, Amen.

IN PSALMVM IV.

DOMINE QVIS HABITABIT.

Psalmus Dauid.

Hic inscriptioni præponunt greci, in finem, quod verbum latini non habent, Finis tamen ab eis hoc loco pro perfectione exponitur, quia τέλος vtrūq; significat; Nam Dauid virum perfectum describere proponit, qui beatitudinis compos futurus sit. Superior enim Psalmus salutem habitantibus, & captiuis libertatem prænuntiauerat, hic ad hortationes confugit,

& quemadmodum eos, qui in Dei militiam ascripti sunt, vivere deceat, prescribit. Sed interrogando, & respondendo orationem format.

Domine quis habitabit in tabernaculo tuo.

Vel peregrinabitur, ut legit D. Hieronymus, & D. Augustinus in tentorio, id est quis domiciliū habebit in tabernaculo, id est in ecclesia presenti, et militanti, quæ est tanquam Tabernaculi habitatio, et in qua contra Demonem dimicamus? Tabernaculum etiam hic dici potest caro vel corpus, in quo anima sedem habet, quam postea excultam, et virtutibus ornata locatori reddere debemus. Incola autem, et peregrinus dicitur, qui ad tēpus in alicuius domo moratur.

Aut quis requiescet in monte sancto tuo?

VT cum mundum peregrinus incoluerit, et carnē hanc exuerit tanquam alienam, in cælo habitet, et quietem in æterna illa beatitudine consequatur? ille enim mons à sanctis animabus atque ab ijs, qui in ipsa iustitia perfecti fuerint, incolitur, et est ecclesia triumphans, et beatorum cætus. Iudeus vero cum audierit nominari montem sanctum, ad Syon accurret infelix. Beatus ergo erit is, qui terrenis rebus non ad

dictus, neque patriam hanc à natura sibi traditam vendicans in ipso monte confederit; constat enim firmū ac perpetuum his, qui digni fuerint, domicilium fore. Verum rari sunt, qui ad terrestria tãquàm ad propria animum non adiungant, humane glorie florem caducū agnoscant, qui corporis commodam valetudinem per breuem ducant, qui diuitiarum vsum ad tempus reputent: Ideo et rarus est, qui et tali ascensu et habitatio-
ne celesti dignus sit. Quare sancti viri erit de hac exigua vita non cogitare, sed de illa perpetua, ad quā omnes festinare debemus, nihilq; omittere, quo illam assequamur.

1. Qui ingreditur sine macula.

Responso domini, qui Decalogi exemplo inquit eū virtutibus decem ornatum esse oportere, qui ad patria sua peruenire cupiat. Harum autem virtutum effectus sunt decem, qui ad quattuor principales virtutes referuntur; dupliciter autem considerantur, primo, ut actio virtute præditi respicit se ipsum, et proximum deinde; atque ait eum in montem ascensurum esse, qui in hac vita sine macula mortali graditur, id est irreprehensibilis et innocēs, et ab omni malitia alienus est, quia peccatum venia dignum proprie maculam non habet. Qui contra peccatum, ac vitium vitam suam transigit, et qui interius omnis virtutis perfectione ornatus, atque absolutus est.

2. Et operatur Iustitiam.

Quia non satis est declinare à malo, sed bonum etiam agere oportet eum, qui omni virtutum genere præditus est; iustitiam enim absolutam virtutem intelligit, cuius genera numerat. Dixit autem, ingreditur, non ingressus est, quia actio una virum bonum non reddit, sed toto vitæ tempore ad præclaras virtutis actiones, & ad honesta opera incumbere illum decet, ut ratione cum is actionem iustitiæ perficiat, & se effectorem bonorum operum non erubescat. Caterum Iustitia sola magna virtus est, & habenti non prodest. Non dixit, qui operatur castitatem, aut sapientiam, quia reliqua virtutes possidentem eas delectant, illa non, sed alios oblectat. Opus est ergo ad innocentem, & culpa carentem vivendi rationem, iustas actiones, idest iustitiam, quæ factis demonstratur, accedere.

3. Qui loquitur veritatem in corde suo

Veritas est, cum ita est, ut dicitur, hoc Christus fecit. fraudulentis tamen querentibus non respondit in corde, addit, quia non est verum eloqui, nisi & in animo sic se res habeat; ille enim nesciens verum dixit, quia aliud putabat, cum dixit. Vel qui vera dogmata in animo sentit, & ore explicat, ac vera de veritate, quæ Christus est, cogitat, nec opiniones hereticas miscet.

4. Qui non egit dolum in lingua sua.

Dolus in lingua est, cum aliud dicitur, & in pectore aliud est, quia omne bonum deterioris additamento adulteratur, ut veritas, si cum sanctis colloquijs scurrilia misceantur; Vinum; si aqua addatur, &c. & aurum ere addito.

5. Nec fecit proximo suo malum.

Omnes homines nobis proximi sunt, non tantum frater, cognatus, vicinus; & nulli malum inferre debemus, nec offendere quenquam, id est, qui neque in re vlla siue parua, siue magna ipsum laesit, sed qui misericordiam ei tribuit, ut docuit Dominus Iesus in ea parabola loquens de illo qui in latrones incidit; quis proximus existeret. Servatur autem ordo, primo enim ille cogitat, deinde cogitata explicat; denique opere perficit, quae in animo habuit.

6 Nec opprobrium accepit aduersus proximos suos.

Qui probis proximum non affectit, aut criminatori non libenter, nec temere credidit, aliquis. n. contra alium quicquam dicit, sed id sustinendum non est, ut hortatur Ecclesiasticus, Audisti verbum contra proximum

proximum tuum, tecum moriatur, quia alijs dicendum non est; Et si qui sunt, qui in calamitates incidunt, cum hac voluntaria non sint, eos irridere nos non decet, sed potius condolere, opprobrium enim ad irrisione, ad emendationem delicti reprehensio spectat, vnde illud in malam, hanc in bonam partem accipimus.

7 Ad nihilū deductus est malignus, timentes autē dñm Glorificat.

Malignus scilicet demon, vel homo male suggerens, in conspectu iusti nullare dignus est existimatus, immo parui ductus, licet magna potestate praeditus, & diuitiarum copia affluens sit, & ob generis claritatem se efferat, & splendorem suum iactet, quod magni animi argumentum est, quia iustus ille, ut alicui noceat, cogi nunquam potuit: Timentes autem Deum, qui timor est sapiētiæ initium, etiam si inopes, & ignobiles existant, veneratur, extollit, beatos praedicat Hieronymus legit, improbus in oculis eius despicitur. Hæc superiora sicut ad perfectos ita quæ nunc dicturus est, ad incipientes pertinent.

8. Qui iurat proximo suo, & non decipit.

Idest non nocet, sed opem fert, non decipit, sed promissum implet, & reddit. Cur hic iuramentum permittitur, non autem in Euangelio? quia in eo leges perfectiores

fectiores habentur: nam lex vero iuramento contenta est; sed falli potest, qui vero non iurat, periurij occasio nem aufert, & omnino tollit. Iusiurandum autem est irreprehensibilis sermo, in quo illud, est est, non, non, cum Dei testimonio firmatur. Vel qui iurat, idest, qui affirmat, iuramentum enim ab antiquis pro confirmatione sumitur.

9. Qui pecuniam non dedit ad vsurā.

R*euera inhumanitas maxima est illum quidem necessariorum indigentem mutuum querere, hūc vero summa non contentum esse, sed ex pauperis calamitate sibi ipsi redditus excogitare, & diuitias parare. Dominus quidem manifeste nobis præcepit dicens, petenti à te dato, & volentem à te accipere mutuum, ne auerferis; nam is ad societatem, & ad familiaritatem nos hortatur. Sed cum mutuum dari dupliciter, intelligatur, cum sancti hoc faciunt, secundum intellectum, non secundum sensum accipiendum est. Nam cum ea, quæ ad spiritum pertinent, doceant, corporea tamen quibus alantur sumentes non fenerantur. Nā qui propter celorum regnum, & propter dilectionem erga proximos feneratori dat, pecuniam quidem erogat, non vt sibi ab hominibus rependatur, sed sibi ipsi tanquā in Thesauris reponit, & in futurum ad retributionem à Deo faciendam reseruatur. Ezechieli ergo credamus inter maxima mala vsuram recensenti, & præter sortem aliquid accipere, quod & lex prohibet.*

Et

10. Et munera super Innocentem non accepit.

Qui causam innocentis pro alicuius munere non deprimit; omnis quippe munerum acceptio mala est, ignis enim est eorum domos deuorans, qui muneribus affecti sunt, multo magis contra innocentes. Qui enim iudicat, oportet ut muneribus incorruptus sit, talem enim iudicem græci ἀδικοδοκῶντὸν ad calum tollunt, & miris laudibus ornant; Et sententiam donis non labefactet; nam hæc munerum susceptio iustitiam infirmat. Ista autem non sunt secundum Augustinū magna; sed qui nec seruare ista valet, multo minus loqui veritatem, & dolum non agere, nec mala proximo potest, quæ perfectorum sunt.

Qui facit hæc, non commouebitur
in æternum.

Idest ad illa maiora perueniet, in quibus est stabilitas, id est nunquam gressus suos à Domino auertet. Qui enim in ijs virtutibus, in quibus profecit, viuendi curriculum confecerit, Et supradicta omnia executus fuerit, seseq; totum illæsum, & omnibus operibus honestis, & rectis refertum conseruauerit, in monte sancto tuo requiescet. Sed quis tam amens est, qui hæc seruare non conetur, ut virtutis premium, id est diuini

auxilij fructum continenter percipiat, & immortalē ac perpetuam vitam expectet? Nos certe nobis ipsis deesse nolimus, & Dauidem nobis virum omnibus numeris absolutum frustra depinxisse non patiamur. Nā qui tales sunt, celestem suauitatem maxime degustāt, ac potentes istos siue Reges, siue Principes, vt ait ipse, nihili faciunt, nec eis inuident, quod multis bonis abundent, hi enim diuinis colloquijs fruuntur, atque animo ac mente regnum celeste possident; laboremus nos quoque, vt in hoc numero habeamur à Deo immortalī, & sancti ac perfecti euadere nitamur, & velimus, nam si constantem voluntatem habuerimus, quam Dominus Deus adiuuabit; vnā cum Iesu Christo in patria celesti regnabimus, qui est omnibus seculis benedictus. Amē.

IN PSALMVM XV.

CONSERVA.

INscribitur Psalmus hic. Tituli inscriptio ipsi Dauid. sicut antiquis mos erat, vt imperatorum praeclara facta in columnis inciderentur, quemadmodum Romae Traiani columnam vnā celatam, Antonini alterā videre licet; vel in arcu triumphali; ac trophaea ponerētur, quae bellica laudis victorięq; insignia, & monumenta essent, sic Dauid praeuidens animam Christi in inferna parte non solum non derelictam iri,

nec

net carnem eius corruptionem passuram esse, quod ipse tertio die surrexerit, sicut Petrus in actis de illo locum hunc explicat, sed ab eo, ut strenuo duce mortem etiam, & demonem victum esse, hunc Psalmum conscripsit *συναρπάξας* nomine à septuaginta insignitum, quod in ipso tanquam in columna, seu titulo Christi vñctoris calatum sit trophæum perpetua scriptura dignum; de quo & regalis titulus, cū is in crucem actus esset, à Pilato non sine sancti spiritus numine positus eluxit. At Hieronymus Aquilam, & Symmachum secutus legit: humilis & simplicis David: ut de humilitate, & mansuetudine Christi innuat, qui dixit, discite à me, quia humilis corde, & mitis sum, hic agi; loquitur autem Christus, ut homo, Inquiens.

Conserua me Domine quoniam speraui in te.

Custodi me quaeso domine, scilicet Pater, ita enim hostes effugiam; sed propter ecclesiam, quæ est eius caro, conseruari se petit, ad illius enim personam custodia, & conseruatio refertur; postulat autem, ut homo, cum à se ipso conseruetur, ut Deus, & petit ut homo, cum ut Deus concedat. Quoniam in te spes collocui, & sic meritum patet, quo seruari debeo. Christus vero pro nobis vitam æternam; pro se antequam surgeret, corporis claritatem sperauit; claritatem enim animæ ad punctum temporis, quo conceptus fuit, iam affectus erat.

Dixi Domino, Deus meus es tu: quoniam bonorū meorum nō eges.

Dixi Domino patri scilicet, & omnium Domino, Deus meus es tu, idest mei hominis vere Deus; non dixit, Dominus meus, ne se minorem patre demonstraret, cui diuinitatis ratione equalis est; quia bonis meis vt euadas beatus, non expectas: nam bonis omnibus affluis, humanęq; iustitię minime indiges, quia infinitę bonitati tuę nihil addi potest. Nouimus tamen Deum dona, & vota, ac sacrificia, quę magno animi affectu à nobis fiunt, suscipere, non vt aliquid ex his utilitatis ipse percipiat, sed vt nobis ab eo petentibus celestia dona largiatur. Hieronymus legit, bene nō est mihi sine te; idest omnis bonorum meorum copia e gratia tua manat. Vtrunq; recte; nos namq; à Deo bona accipimus, & ipse nostris operibus iustis non eget, quæ ad nostram utilitatem referantur.

Sanctis qui in terra sunt eius mirificauit omnes voluntates meas in eis.

Sanctis qui ante Christi aduētum Deo placuerunt, quod eum sincere amarent, & ei considerent, quiq; in terra eius, idest in ecclesia militante, ac triumphante existunt; Vcl apostolis, & ijs qui illorum prædicationi crediderunt, mirificauit scilicet pater, idest ostendit omnes

nes voluntates meas, inquit Christus, in eis scilicet cōpletas; vel quibus videre, & intelligere licuit, quantū profuerit, & humilitas, vt morerer, & potentia, vt surgerem, ij senserunt, quæ mirabilia sunt, quoniam qui credunt, ex terre stribus caelestes fiunt. Vel voluntates, idest virtutes singulas esse liquet, cū dicat Deus, inueni David virum secundum cor meum, qui omnes voluntates meas faciet; nam licet præsenteret eum esse peccaturum, attamen peccata sua humilitate pia, ac vera pænitentia etiam deleturum prauideret; cur hoc non diceret, cui tam multa efficienti bona peccatum à scripturus non erat, & tanta cum pietate vitam degēti, vt ipsa impulsus David pro peccatis suis compuncti spiritus sacrificium faceret? propter hæc omnia verissime dictum est. Inueni, quia quanuis Deo displiceret, quòd ille peccaret, vehementer tamē ipsi placuit, quòd peccatis suis congrua pænitentia satisfecit, eaq; abstersit. Has ergo ita perceptas in sanctis suis miras efficit, qui ceteris, & virtutibus, & officijs præstant. Hieronymus legit, in terra sunt, & magnificis omnis voluntas mea in eis, magnificis, quos & sanctos, sem admirabiles vocans.

Multiplicate sunt infirmitates eorū,
postea accelerauerunt.

Eorum scilicet sanctorum infirmitates cum seplerunq; à fortitudine, & magnitudine Dei procul abesse senserunt, multiplicatae sunt non ad perniciem
inquit

inquit *Augustinus*, sed vt medicum desiderarent; at non diu hâserunt, quia statim abierunt, & accelerauerunt ad sanitatem scilicet, vt sanarentur. Et quanquã ante infirmi fuerunt, qui peccatorum uinculis astringebantur, vbi tamen præconia Christi audiuerunt, quàm celerrime prædicationi crediderunt. Vel, dolores & afflictiones eorum diuina dispensatione multiplicata, id est aucta sunt, postea annuente Deo cito transierunt. Hieronymus Idola legit vnâ cum Symmacho, quæ ipsi septuaginta infirmitates interpretati sunt, id est floruerunt, & numero aucta sunt, atque in honore, & cultu magno habita, at celerrime deleta sunt, quia gentes relinquentes ea ad me cito reuersa sunt.

Non congregabo conuenticula
eorum de sanguinibus.

Ego catus ex gentibus colligens non amplius ex sanguinibus, id est pecorum victimis eorum libamenta sumam, vt Hieronymus non libabo libamina eorum, quia noua illis mysteria, noua sacerdotia, & illa incruenta instituens, atque tradens, quoniam modo eis uti debeant ipsi, & quo pacto ad me accedere, ostendâ. Iudæi enim Deo libationes de sanguinibus secundum legem, gentes vero demonibus faciebant. Itaq; non fient conuentus eorum, qui carni dediti sunt, qui que in sanguine perseuerant, quia nec ego hostijs placatus eos congregabo, sed illorum qui Deum eligunt patrem.

Nec

Nec memor ero nominum eorum
per labia mea.

Sed nec veterum nominum recordabor; non enim d
me peccatores, impij, idolis seruientes vocabuntur,
verum per labra mea, id est prophetas, apostolos, &
euangelistas iusti, pii, fratres, & filij Dei nuncupabun
tur; alia namq; eis nomina imponam.

Dominus pars hæreditatis meæ,
& calicis mei.

Christus humano more loquitur, inquiens, Domi
nus pars hæreditatis meæ, vocansq; regnum gen
tium hæreditatem, sicut in secundo Psalmo pater filio
dixit, postula & dabo tibi gentes hæreditatem tuam.
Et calicis mei, id est mortis; sicut enim Dominus est mei,
& meorum portio hæreditaria, sic & calicis, id est obi
tus mei particeps factus est; secum enim pater tam ad
uocandas gentes, quam ad filij mortem consensit. Vel
calicem, hæreditatem appellat sibi à patre traditam,
quæ ipsum lætum, & hilarem reddere possit. Mecum
ergo hæreditatem mei adibunt, Dominum scilicet, qui
sanctorum portio est; eligant sibi alij partes terrenas
quibus fruantur, mortiferas alij voluptates bibant,
quia calicis mei portio vnà cum corpore meo eccle
sia scilicet, Dominus existit. Qui ergo mundum ani
mo deserit, & ad calum assidue aspirat, vt decet eos
omnes

omnes, qui sacris initiari volunt, sortem aliam, aut hæreditatem non habet præter Deum; quapropter omnia relinquenda sunt; ut nobis vere dicere liceat, pars mea Dominus in æternum.

**Tu es, qui restitues hæreditatem
meam mihi.**

T*es ò pater, qui hæreditatem scilicet æternæ gloriæ, & lumen claritatis & immortalitatis, quæ mei amiserunt Adamo ipso peccante, resarcies; non enim mihi, quod non perdididi, sed meis in quibus sum ego, notitiam claritatis meæ cuius iacturam fecerunt, restitues. Vel gentes, quæ olim à Deo creatæ erant, & Dei figmentum appellabantur, & à Deo descuerant, & ad idola colenda se conuerterant, ad fidem reuersas restitues.*

**Funes ceciderunt mihi in præclaris,
etenim hæreditas mea præ-
clara est mihi.**

F*unis mensuræ nota est, qua terram diuidi cōtigit; Vnaqueq; autem gens propriam terram in qua habitaret, & Israel promissionis terram sortitus est; & prior fuit funiculus populi hæbrei, quo delinquente, & eiecto propter mores eius impios alius, & alij hæres instituti sunt, ait igitur, funes ceciderunt, id est sorte*

sorte mihi obtigerunt in præclaris, patriarchis videlicet, & Apostolis, ac sanctis; quasi dicat, pro vno Israele totius orbis hereditatem consecutus sum, vel funes idest limites meæ possessionis in tua claritate sorte ceciderunt. Funes etiam possunt intelligi vincula illa, quæ Christo à Indæis iniecta sunt. propter optimos, & præclaros, idest fideles omnes, pro quibus pati voluit; aut vincula charitatis, qua ecclesiam persecutus est; etenim hæc placens, & grata est mihi, omnibusq; videntibus, quia speciosissima, legit Hieronymus, hereditas mea est.

Benedictus Dominus, qui tribuit
mihi intellectum.

Sequitur Christus, ut homoloqui; ait enim tibi gratias ago, quod non modo præclaram illam hereditatem, & eximiam terram possidendam mihi tradidisti, sed & sapientiam atque intelligentiā, siue oculū quo hereditas hæc perspicitur, & oīa sancta, & vera videri queant: non tamen intelligentia, & sapientia indigebat Christus, qui à conceptionis initio illa abundabat; sed ut ait D. Lucas, secundum humanitatem sapientia, & ætate, ac gratia proficiebat apud Deum, & homines, quia eandem qua plenus erat, sapientiam in experimentum prodeuntem ceteris; crescente corpore paulatim demonstrabat, & gratiæ dona pandebat.

Insuper

Insuper & vsque ad noctem incre-
puerunt me renes mei.

Praterea appetitus meus, qui in renibus sedem ha-
bet, nulla terrena concupiscens, sed diuini tantū
sermonibus, ac pijs operibus deditus me erudiuit, &
vitam meam vsque ad mortem direxit; vel inferior
pars mea, carnis videlicet sumptio me edocuit, vt ten-
tationum obscuritatem, quam noctem appellat, &
mortalitatis tenebras experirer. Nonnulli de Iudais
dicta exponunt; aiunt enim insuper consanguinei mei
Iudai, qui à Iuda, à quo & ego secundum carnem, orti
sunt, tētationibus, & iniurijs reprehensibilem me osten-
dere conati, vsque ad mortem insectati sunt. Quæ mihi
minus satisfacit interpretatio; non enim renes pro ijs,
à quibus oriundi sumus, legisse adhuc me alibi memini.

Prouidebam Dominum in conspe-
ctu meo semper.

Non deijciebam oculum ab eo, qui semper existit,
hoc prouidens, vt post peracta mandata ad eum
recurrerem; oculi enim mei semper ad Dominum, idest
ante alios omnes Deum videbam, qui meo in conspectu
semper est, ideo spe non sum frustratus.

Quoniam à Dextris est mihi,
ne commouear.

Quia mihi præsto est, atque auxiliatur, ne à re-
cta vnquam via ad non rectam declinem; (cu-
stodit enim eos, qui se diligunt) nec finit me perturba-
ri, quatenus enim homo cum à dextris Deum habeat,
commoueri non potuit, vt graua, & molesta in eum in-
uaserint. Vel fauet mihi, ac propitius est, vt stabilis
in eo permaneam; ideo sinistri nihil aduersum me vi-
res habebit.

Propter hoc lætatum est cor meum,
& exultauit lingua mea.

Propterea cor meum letitia impletum est, id est m'es
mea, quia hereditatem adiui, inimicum deuici, ac
te talem adiutorem habui; vnde lingua mea hymnum,
& laudes victoriæ cecinit, & mirabilia commemora-
uit; Nam plena est illa letitia, quæ corde hilari concipi-
tur, & alacri sermone profertur. Vel in cogitationi-
bus meis est iucunditas, in verbis exultatio.

Insuper caro mea requiescet in spe.

Non enim deficiet interitu caro mea, sed in spe sur-
gendi maxime obdormiscet; corpus enim Domi-
ni in sepultura iacebat cito excitandum.

N

Quoniam

Quoniam non derelinques animam
meam in inferno.

Quia animam meam, quam ut verus homo habeo,
inferis partibus possidendam communi aliorum
more non trades, nec relinques; Quoniam illuc descen-
di, ut electos meos inde eximerem, & Demoni vincu-
la inijcerem, eumque ligarem. Quare si anima Christi
ratione caruisset, ut amens ille Apollinaris, & multi
alii aiebant, non illuc descendisset, ac redisset.

Nec dabis sanctum tuum videre
corruptionem.

Idest corpus meum sanctum, per quod et alij red-
dendi sunt sancti, corrumpi patieris, immo indissa-
lubile tueberis, ut anima in incorruptum corpus reuer-
tentecito surgam; hic de corruptione sermonem facit,
que membrorum est in terram, et pulverem dissolutio;
alibi se corruptionem, idest vulnerationem pati inquit.
Que utilitas in sanguine meo, dum in corruptionem
descendo?

Notas mihi fecisti vias vitæ.

Idest humilitatis, ut ad vitam redeant ii, qui super-
bia elati deciderunt, ac lapsi sunt, idest docuisti me
virtutes, quæ ad immortalem vitam hominem ducunt.

Adim-

Adimplebis me lætitia cū vultu tuo.

ME qui sanctos omnes iucunditate cumulo, perfecta lætitia afficies, vt nihil vltra desiderem, cum vultum tuum, faciemq; videro, & mei, in quibus sum ego, te intuiti fuerint. Postquam enim surrexero, me hominem factum, & diuinitati coniunctum gaudio perfundes; is enim ante tristis erat ac mæstus, vel cum vultu tuo, circuitione vtens, idest tecum, ipsum. n. Christi corpus filio conglutinatum erat, & patri filius; quare propter hominum salutem eorum lætitia communis erat.

Delectationes in dextera tua
vsque in finem.

ET interea in itinere vitæ eius delectationes mihi erunt in fauore tuo perfecte, & æterno tempore. Græci autem, & Augustinus legunt, delectatio sine fine mihi erit in dextera tua, quæ veritas, & sapientia est. Vel cum dextera patris filius sit, quemadmodum & brachium, & huiusmodi, ait, quod perpetua erit filio Dei exultatio, quia eos secum exurgere fecit, qui olim è gratia exciderunt. Nos ergo caput nostrum Christum imitantes Deum orare non cessemus, vt nos qui totam spem nostram in eo ponimus, seruare velit, & in eorum numero reponere, qui iam ab initio mundi ab eo electi ad vitam æternam destinati sunt, vt ab his

N 2 nequaquam

nequaquam segregati si minus in gloria esse non mere-
mur, à venia non excludamur; Nam cum ipse nobis
concesserit, vt eum partem hereditatis vocemus, etiã
eam nobis largietur, si ad illum tota mente confuge-
rimus, & quæ filius eius Dominus noster Iesus Chri-
stus pertulit, vt nobis à patre hereditatem impe-
traret, ac obtineret immortalitatem, animaduerte-
rimus; nec permittet animam nostram in inferis par-
tibus cruciari; quid enim hoc acerbius cogitari potest
at nobis ad beatitudinem viam demonstrabit, quam
si persequi studuerimus, sicuti debemus, ab eo digni
habebimur, qui videamus ipsum, illiusq; conspectum,
& faciem contemplemur; ac tanto nos gaudio com-
plebit, vt maxima in laudanda diuina bonitate, ac sa-
pientia, largitateq; delectatio secutura sit atque in-
cunditas. Affectum ergo animi nostri ab hisce terre-
nis rebus penitus austramus, nec mundum in
delicijs habeamus, sed in eum concitemus
odium ingens, mentemq; nostram
totam in Iesu Christo figamus,
Et ipse nos regni celestis
coheredes efficiet,
& inter præ-
claros nu-
mera-
bit.
Qui vivit, & regnat eternis
seculis. Amen.

IN PSALMVM XVI.

EXAUDI.

Titulus. Oratio Daud,
secundum omnes.

Greci aliqui Psalmum hunc, seu potius orationem à Dauide conscriptam esse aiunt, cum Saul ei insidias faceret, & illum insectaretur, in qua Deus supplex rogat, atque ad auxilium sibi ferendum aduocat. Augustinus, & latini à persona Christi contra Iudeos; Et ecclesia contra hæreticos cani inquit. Etiam à viro in mandatis se exercenti, multaq; fiducia referto, ab inimicis tamen oppresso illam recitari posse fatemur.

Exaudi Domine Iustitiam meam.

Iustitiam non hic absolutam illam virtutem, sed iustam petitionem intelligit Daud; nam se iuste opem diuinam implorare declarat, qua sperans fore, vt ab iniurijs sibi illatis à Saule liberetur, exaudi, inquit, & petita mihi concede. Nam Iustitia amore inimicum Saulem nunquam ledere, nec obiurgare voluit.

N 3 Intende

Intende deprecationem meam.

Attende preces meas nimirum mærore plenas
atque humiles, quæq; solę te mihi conciliare pos-
sunt.

Auribus percipe orationem meam
non in labijs dolosis.

Audi obsecrationem meam non labris dolo plenis
tibi oblatam; ea enim mendacij experta est, quod
mihi conscius sum me nihil vnquam Sauli dixisse, quod
eum offendere potuerit. In labris dolosis, dixit, quia
Deus nisi vera verba auscultare non dicitur; ideo ipse
non aliud in ore, aliud in mente gerebat, sed linguam
animo concordem profitebatur. Oratio autem siue ob-
secratio proprie sanctorum est; Deprecatio eorum est,
qui mala à se remouere conantur.

De vultu tuo Iudiciũ meũ prodeat.

David tanquam Rex, & Iudex sedebat, sed ne
quatenus homo circa Iudiciũ falleretur, igno-
rans quod iustum est, iure petit, quod alibi ait, Deus
Iudiciũ tuum Rēgi da, & fac, vt ego notitia tua illu-
minatus verum iudicem, aut iudicans aliud non pro-
feram, quàm ex te cognosco; intelligentiam enim ha-
bere cupit, vt in discernendo perspicax sit. Vel aliter,

De.

De vultu tuo, idest à te (vt circuitione vsus sit) sententia quæ de me ferenda est, opto vt feratur. Christus etiam cum iudicandi munus inter homines exereuerit, à patre petit, vt iudicium de illius vultu prodeat, pater autem cum iudicia faciendi filio potestatem dederit, si à facie eius egreditur omne iudicium, cum ipse Christus sit imago patris, ergo à filio iudicium proficietur. His autem precibus humilitatem suam, & in iniurijs perferendis patientiam patefacere videtur.

Oculi mei videant æquitatem.

Interiores oculos optat sibi rectos, & ait, oculi mei à te directi sine personarum acceptione obliqua refellant, & oculi mentis iustas, & aquas de me sententias ferendas videant. Et Christus inquit, vt scilicet à Iudeis pœnam repetas, & mihi remedium adhibeas. Nonnulli latini, & Hieronymus ex Hebr. legit, tui, & precum codex noster, vt benignus aspectus tuus videns innocentiam meam pro me contra aduersarios meos æquam sententiam pronunciet.

Probasti cor meum, & visitaſti nocte,
igne me examinaſti, & non est
inuenta in me iniquitas.

Tu intimas cogitationes meas scrutatus es, quæ admodum igne aurum exploratur, & nocte tentationum, & afflictionum igne de me questionem habuisti, ac mentem meam facibus grumarum incen-

N 4 disti,

disti, neque me à via recta declinare, aut aliquod sceleratius admittere etiam tuendę salutis causa, nec vllā aduersus Saulem iniquam cogitationē habere me reperisti; si quidem tantum absuit, vt insensum hominem ostenderem, licet eius opprimendi facultatem sim nactus, vt linguam etiam à conuitijs abstinnerim; non etiam illam nominare opinor, in qua dormientem ipsum seruauit, nec mortiferum illi vulnus infligi permisit. *Visitasti* ergo nocte cor meum afflictatione, quę non solum nox vocatur, quia perturbat, sed & ignis, quia urit, qua examinatus iustus inuentus sum, quod etiam D. Laurentius vere dicere potuit. *Predicta* soli Christo quadrant. Nam licet in tentationum nocte fuerit ipse, & in regione obscura, ac tenebricosa, tamen cum à Patre cum visente probatus fuisset, vt surgeret dignus habitus, purus, purgatusq; tanquam aurum à fornace susceptus est; solus enim peccato semper caruit, nec in ore illius dolus inuentus est, vt ait *Isaias*.

Vt non loquatur os meum opera hominum.

I Deo me examinasti, vt ego me ad te conuertens non humana opera, sed tua beneficia commemorarem; Vel vt aliud ex ore meo non exeat, quam id quod ad laudem, & gloriam tuam spectat, non ad vanitates hominum, quas ipsi præter voluntatem tuam adhibent. Non enim opere tantum atque animo propen-

so,

fo, sed vel solo verbo opera hominum, idest peccata
annunciare malum est: homines autem carni valde
deditos intelligit; qui enim purus, & integer est, ne
verbo quidem offendit, Hieronymus ex Hebr. legit
conflasti me, & non inuenisti cogitationes meas tran-
sire os meum, idest de me magnum periculum fecisti,
& non reperisti cogitationes malas per os meum per-
uasisse, nec me illis consensisse, sed imitantem me bea-
tum Iob linguam meam continuisse: Nam & si caue-
re nequit homo, ne prauae cogitationes in animo orian-
tur, illas tamen non tractare, nec perficiendas cura-
re, & filere potest.

Propter verba labrorum tuorum ego
custodiui vias duras.

Idest prophetarum tuorum ego vias mortalitatis
humanae laboriosas confeci, & futura supplicia
timens, quae legis praeuicatoribus minatus es, in
duris me laboribus exercui, & animae corpus subieci.
Vel ut tuis mandatis, ac praecipis parerem, asperas
virtutum vias ambulauimus, & difficile ac laboris ple-
num iter perfeci. Hieronymus vero inquit, In opere
hominum propter verba labrorum tuorum obserua-
ui vias latronis, idest in actionibus, & negotijs om-
nibus, in quibus solent homines multam operam
ponere, propter praecipia tua exploravi vias latro-
nis, idest Daemonis, quae valde occulta sunt, ne se
insinuet; semper enim is praesto est, ut actiones
nostras

*nostras omni dedecore maculet, Et in hoc omne studium
ponit, nihil ut eorum, quæ agimus, Deo placeat.*

**Perfice gressus meos in semitis tuis,
ut non moueantur vestigia mea.**

Sensus meos in semitis iustitiæ, in mandatis vide-
licet, rectos confirma. Vox etiam est ecclesiæ, &
rectas fac cogitationes, & actiones meas, atque in eis
animi mei affectum corrobora, quò vestigia mea in qui-
bus iustitiæ forma impressa est, extent, & nō amplius
nutent: Vel nō commoveantur itineris mei signa, quæ
intueantur ij, qui me imitari volunt. Exemplum præ-
bet nobis Christus his verbis, ne plus de nobis sentia-
mus quàm decet, nec nobis ipsis fidamus; quin potius
suffragij semper eius nos egere existimemus, ac ut pe-
des nostros ad eius vestigia dirigamus, à quo initium
est ac finis. Semitæ enim Domini sunt eius mandato-
rum observationes, vel potius plana virtutum actio-
nes, eò quòd ab ijs, qui ad earum finem studiose perue-
nire contendunt, quasi pedibus terantur, quorum finis
est beatitudo.

**Ego clamaui quoniam exaudisti
me Deus.**

Ego clamaui fide munitus, & intentione valida
preces meas ad te direxi, quoniam me orantem
exaudisti;

exaudisti; vel non temere huiusmodi verbis usus sum, sed iam pridem benignitatis tuæ periculum feci, nam cum te sæpe inuocarem, exaudisti: aliqui opinantur dictū esse, clamaui & exaudisti, pro clamabo & exaudies. Hieronymus quoque legit, inuocauit, quoniam exaudies: clamor autem nihil aliud est, quam intentio in Deum cogitatio.

Inclina aurem tuam mihi, & exaudi verba mea.

Christus aurem inclinat, cum exaudire vult, tanquā excelsus ad humilem; Auditus enim Dei, est potestas, quæ propriæ bonitatis impulsu ad preces nostras audiendas se inclinat, & exaudi verba mea, id est preces meas admitte, & auditio tua humilitatem meam non deferat.

Mirifica misericordias tuas, qui saluas sperantes in te.

Idesi miras fac miserationes tuas, diuinum videlicet auxilium tuum, vel vilissimas non sint misericordie tue, ne minus amentur, immo fac, vt admirationē moueant, qui saluos præstas non eos, qui ex semine Israel sunt, sed qui viam viuendi nouam naſti in te sperant, & beneficio afficis illos, qui in te spem collocāt. Omnes enim, qui Dauidem à Deo adiutum, & à tantis periculis

*periculis liberatum esse intellexerunt, ac viderunt, tam
validum auxilium non admirari certe non potuerunt.*

A resistentibus dexteræ tuæ custodi
me, vt pupillam oculi.

Vocat Dei dexteræ, & auxilio resistentes, qui Da
uidi aduersabantur, & iure quidem; nam ille à
Deo vnctus Rex administrationem regiam consecutus
est. Ait igitur, qui contra me pugnant, electioni de-
cretisq; tuis obsistunt, ac Saulem & Satellites suos si-
gnificat. Vel dextræ Dei, idest fauori tuo, quo mihi fa-
ues. Custodi me igitur ab illis, vt oculi pupillam, quæ
& si per parua videtur, attamen acies est, qua cerni-
mus, & videmus, ac lucem, tenebrasq; dijudicamus,
quam oculus, & palpebræ tanquam pilorum vallo mu-
nitæ admirabiliter custodiunt. Vel dextræ Dei, idest
vnigenito eius filio; cui Demones repugnant, & impo-
stores, ac maligni homines; & cui resistunt Iudai eius
doctrinæ contradicentes; Sed quomodo alibi ait, Tu ter-
ribilis es, & quis resistet tibi? vere & re ipsa ei repu-
gnare neminem, at voluntate, ac proposito resistere re-
spondetur.

Sub vmbra alarum tuarum protege
me à facie impiorum, qui me
affligerunt.

Alas vocat vires, & efficacitatem diuinæ proui-
dentia, quibus conseruare, & fouere omnia so-
les

let Deus; similitudo autem ex gallina, & auibus sumpta est, quæ pullos suos alit tumentur, & seruant à facie impiorum, idest ab ipsis impijs Saule scilicet, & socijs; (vocat impios, omnes iniustitia violentiam adhibentes, nullam spem de rebus celestibus habentes, animamq; cum corpore interire fatentes.) qui me miseria, & calamitatibus pressum affligere magis cupiūt. Christus etiam ad Deum patrem huiusmodi voces misit, cuius alæ sunt misericordia, & charitas, quibus à rapacitate Demonum Iustos defendit, atque custodit,

Inimici mei animam meam circundederunt.

Opus, & figuram insultantium describit, opus, cum eos insidias parasse, figuram, cum circundatos adipem esse inquit; Inimici igitur circunsepserunt animam meam, inquit, idest me, totum à parte explicans, vel animam dixit, quoniam corporei hostes vitam, Demones nisi animam querunt; Et quia ignorant quæ intus in anima cogitet homo, eius motus, & actiones observant extrinsecus, ut in quo se vnumquenq; oblectare perspiciunt, in eo mala illi subiiciāt. Iudæi quoque animam Christi, idest vitam insidijs, & malicijs circundederunt, eam tollere volentes.

Adipem

Adipem suum concluderunt.

Illi adipem suum concludunt, qui terrenis rebus afficiuntur, idest ingenti voluptate tanquam adipe oppleri sunt; Vel misericordiam omnem, quæ à corde, & visceribus in quibus adeps existere solet, manare dicitur, intra se ipsos incluserunt, nullum humanitati in suis cogitationibus locum relinquentes. Hieronymus legit, adipe suo, idest abundantia diuitiarum, & potentia sua me obsederunt, ut me perdant. Ac videtur innuere illud in testamento veteri, cum Iudæi adipem mandere prohibentur, quod eorum cor crassum effectum fuerit: nam sceleribus saginati sensum carnis retinuerunt, veram spiritus intelligentiam amiserunt.

Os eorum locutum est superbiam.

Quia à Deo defecerunt, cum futura non credant, & iudicium negent, ideo nihil bene, ac recte proferunt; sed tam inflata loquuntur, ut iactent illi se citome tanquam facilem capti prædam comprehensuros, quod ex manibus eorum elabi nequeam; quasi ego auspiciam auxilium habiturus sim, sicut Iudæi arroganter, Ave Rex Iudæorum, & si es Rex Israel, descende, & huiusmodi aiebant.

Proijcientes

Proijcientes me nunc circun- dederunt me.

Ipsi præterea me à patria solo, & ex bonis meis expellentes, & eijcientes circuierunt me, ut vita etiam priuèt, & hac illucq; concursant, ut me abripiant, quæ admodum Iudæi Christum proiecerunt extra ciuitatē; & non obsequio, sed furore tanquàm ad spectaculum datum conuenientes in crucem sublatum circundederunt, ut irriderent prauos colonos imitantes, qui primum seruos in vineam missos occiderunt; filium deinde, & heredem interfecerunt. Hieronymus autem legit, incedentes aduersum me, tanquàm hostes, scilicet contra me insidias struentes.

Oculos suos statuerunt declinare in terram.

Ad terrenas cupiditates intenti, oculos suos, id est cor suum à te, & à mandatis tuis declinare decreuerunt, & quod rectum est, noluerunt intueri, sed prauum mentis oculum habuerunt: Quod nihil aliud erat, quàm absq; vlla ratione, quicquid poscebat libido, explere velle: putabant enim eum perpeti magnū malum qui occidebatur, nullum verò, qui interimebat. Et præsertim Iudæi, qui Christum hominem duntaxat existimauerunt, & eius diuinitatem non cognouerunt;

at de terrenis rebus cogitauerunt, celestia minime meditati sunt. Vel aliter, statuerunt declinare, id est, ut declinent, & me deprimant, & ad terrena compellat, & quæ ad carnem pertinent, concupiscere mihi persuadeant.

Susceperunt me sicut leo paratus ad prædam, & sicut catulus leonis habitans in abditis.

Idest susceperunt me quantum ad eorum spem attinet, & conatus eorum, demonem imitantes, qui aperte satellitibus suis nos oppugnat, ipse vero in spelunca latitat, insidiasque tendit; vel susceperunt, id est me expectant, ut more leonis me perdant, & velut feram quandam me capiant, quoniam qui suscipiunt, aliquid futurum expectant, ut illud, suscepimus misericordiam tuam, id est humanitatem tuam expectamus. Hieronymus autem legit, similitudo eius quasi leonis, ut Demonem cum leone comparet, qui ut ait D. Petrus, circuit quærens quem deuoret.

Exurge Domine præueni eum vel eos, & supplantas eos.

Qui dormire, & propter longanimitatem, ac lenitatem iniquitates non curare existimaris, præueni impios eos scilicet, id est noli permittere ad finem eorum conatus peruenire, & prospere succedere; sed ut malitia cæcentur sua, ut vindicta factum eorum anticipet;

anticipet; Et supplantamore luctantium, vt pedis of-
fensione accepta, quæ eorum cursum retardet, in terrâ
labantur, atq; à peruerso illorum proposito cadât. Nos
in codice precum nostro cum vnâ cum D. Hieronymo le-
gimus, vt hæc de Demone dicta exponamus.

Eripe animam meam ab impio, fra-
meam tuâ ab inimicis manus tuæ.

ANimam meam, idest, me ipsum, ab impijs, Sau-
le, & socijs, frameam tuam, scilicet erue, idest
gladium tuum, quo fidens aduersus hostem vsus sum,
ab inimicis manus tuæ, idest virtutis, ne ereptam mihi
in me conuertant; aut gladium, & potestatem aufer,
quam à te acceperunt. Hostes manus Dei, hostes eius
appellat, quoniam qui cum vnctum à Deo in Regem
deijcere studebant, cum Deo pugnare videbantur. Vel
eripe, inquit Christus, animam meam suscitando me à
morte ab impijs illata; frameam tuam, quæ est anima
mea, erue, quam æterna virtus tua assumpsit, vt ipsa
regna iniquitatis bello expugnet; & iustos ab impijs
diuidat. At Hieronymus legit: animam meam ab im-
pio, qui est gladius tuus, idest, à Demone, qui iustum in-
sectatur tanquàm gladius, & flagellum Dei, in quo Do-
minus suos exercet. Græci aliquot legunt, framea tua,
idest gladio tuo in eos districto; siue seuera, & iusta vl-
tione tua ab eorû insidijs me tuere, non vt occidas, sed
vt illa inimicos tantum perterrefacias atque repel-
las.

Domine à paucis de terra diuide
eos in vita eorum.

Domine à paucis fidelibus secundum Historiã, qui in Agrippæ regnum secesserant, antequam Hierusalem obfessa caperetur, iudeos separas, ac de terra illa sublatos quam inhabitant dissipas; hanc enim solam vitam suam putabant, quia æternam desperabant, & eos scilicet per orbem terrarum dispersi in ac præsentis vita, quod & factum fuit; nam futura ut præsentia indicauit David. Vel à paucis, idest ab electis, & sanctis, qui admirabilem à Deo hereditatem acceperunt, malos segrega, qui impositum sibi ipsis à Deo iugum excutiunt, sicut prauo eorum viuendi modo congruit. Si enim eorum cætus, & nefariæ conspirationes dissoluantur, utilis est illa segregatio, si quidem quod concordiam animo malum commissuri erant, si inter se diffideant, imperfectum abijciunt, ut turrim ædificantibus contigit. Non nulli greci ita exponunt, quoniam tu domine cunctos homines communi mortis decreto de terra separas, hos tu, dum vitam ducunt, idest adhuc viuentes ipsos dissipas, ut ante communem mortem pro sceleribus admissis pœnas luant. Hieronymus autem legit, à uiris manus tuæ Domine qui mortui sunt, in profundo, quorum pars in vita, idest ab hominibus prauis super quos est manus tua, & ultio, qui in profundo peccatorum, & prauorum appetituum coram te mortui sunt, qui pro portione in hac vita felicitate vtuntur, scilicet fideles, & iustos diuide.

De absconditis tuis adimpletus est
 venter eorum, saturati sunt filijs,
 & diuiferunt reliquias
 paruulis suis.

Omnibus bonis, quæ in hac mortali vita possiden-
 tur siue cibo fructuq; ac delicijs. siue Theauris,
 vt Symachus exponit, abscondita, auro videlicet, &
 argento impletus est venter eorum, idest ipsi expleti
 sunt. Abscondita etiam, pœnas ac supplicia, & vin-
 dictas intelligit, quas cū Dominus Deus vult, promit-
 tere, quando minus homines opinantur, & pro
 tempore illis vtitur, ab ipso thesauro translatione sum-
 pta, idest vt supplicijs tuis eorum viscera adeo tor-
 queas, vt i pœnis à te infligis filij quoque vnà cum pa-
 rentibus puniantur, & vltia tua ad nepotes etiam per-
 ueniat. Vel de absconditis, idest peccatis quæ tanquā
 tenebræ à lumine veritatis tuæ remota sunt, memoria
 eorum repleta est, vt Deum obliuiscantur.

Ego autem in iustitia apparebo in
 conspectu tuo, satiabor cum
 apparuerit Gloria tua.

Ego bonis & iustis operibus fultus, quòd mandata
 tua obseruavi, in conspectu tuo in futuro appare-
 bo, quod illis non continget, & satiabor, idest maxima
 in me tuæ benignitatis significatione cum iucunditate
 fruor. cum apparuerit gloria tua, qua me gloriosum

efficis, vel gloria tua, idest filius tuus, qui salus est &
 vita, ac sanctorum gloria. Hieronymus vero legit:
 Ego in iustitia videbo faciem tuam, implebor, cum
 euigilauero similitudine tua. idest in iustitia perueniam
 ad aspectum uultus tui, & tunc satiabor plene felici-
 tate aeterna, cum à mortuis resurgam similitudine tua,
 idest similis tibi, & anima, & corpore glorioso factus:
 similes enim erimus, ut ait D. Ioannes, ergo non in hac
 uita tenebit me satietas, ut impios, quorum in hac ui-
 ta pars est, sed in futuro seculo, atque in uita eter-
 na, ubi à mortuis experrēctus fuero, similitudinem
 tuam, immo gloriam tuam, quin & te ipsum, qui mea
 es gloria, intuebor. Enitamur ergo in operibus bonis
 nos quoque ita uersari, ut iustitiam nostram in conspe-
 ctu Dei ponentes, orare uere possimus, atque ab eo nos
 exaudiri, aduersusq; nostros hostes impetrare, ut con-
 tra eos iudicium fiat, sicq; in iustitia nos ita stabiliri,
 ut nunquam à semita recta ob illorum prauitatem di-
 moueamur; præterea ipsum nos obsecremus, ut suam
 erga nos misericordiam augeat, ac tanquàm pupillam
 oculi nos custodiat, ne ab inimicis insultantibus offen-
 sionem ullam accipiamus, qui tantam in nos crudelita-
 tem exercent, ut nullas insidias ponere cessent, quo nos
 abijciant, atque prosternant. Denique tota mente ad
 Deum confugiamus, & ei supplicemus, ut eorum ma-
 chinationes ille anticipet, ne ab ipsis ledamur, & à no-
 bis, qui boni, & iusti Deo adiuvante ut simus, magno-
 pere laboramus, illos separet, qui in hac uita omnium
 diuitiarum satietatem habuerint, & concedat Domi-
 nus Deus nobis, qui in hoc mundo tanquàm peregrini
 domicilium

Domicilium habuerimus, ut cum ab hoc corporis ergastulo soluti fuerimus, ante faciem Dei sistere nos, & cum eo illa beatitudine eterna frui queamus, atque illa inexplicabili affici lætitia, qua diuinam eius bonitatem, sapientiam, potentiamq; contemplantes perfundemur. Qui viuit, & regnat sæculis omnibus benedictus, & gloriosus. Amen.

IN PSALMVM XVIII.

CÆLI ENARRANT,

gloriam Dei.

Hic Psalmus ex eorum numero est, qui ad finem beatum nos ducunt. In finem autem inscribitur, quia nouam vitam nobis prænuntiat, & de aduentu Christi nos instruit; Qui & allegorice de ecclesia canitur. D. Hieronymus more suo, Victori ait, quoniam victoriarum datori dicatus est. Nonnullis videtur in hoc impietatem eorum reprobari, qui omnia casu, aut fortuito euenire dicebant, contra quos ex natura rerum argumentatur Dauid inquit.

Cæli enarrant gloriam Dei.

Cæli ipsi ubiq; magnificentiam Dei prædicant; quæ enim videri nequeunt, per ea quæ facta sunt,

sunt, ut ait D. Paullus, intellecta conspiciuntur, & semper laudant, non voce, at aspectu, non clamantes, sed apparentes, praesertim cum nato domino stella quae nunquam videbatur, apparuit; nec lingua utentes, sed ornatu suo, & numero illo concentu magnitudinis potentiam docentes. Quot quot enim eorum pulcritudinem, & ordinem intuentur, ad opificis gloriam celebrandam excitantur. Non est autem quod quis multitudinem caelorum audiens miretur; scriptura enim, et plures ut hic, & unum agnouit, ut alibi; Caelum; caeli Domino. Ἀλλ' ὡς οὐρανὸς, Apostoli caeli dicuntur propter eorum sublimem viuendi modum; & viri sancti, qui similem in terris vitam angelis ducunt. Nam apostoli, & iusti, in quibus habitat Deus, tanquam in caelis, gloriam D. N. I. Christi narrant, qua filius gloriosum super terram patrem effecit; vel gloriam Dei, quae Deus peccata gratis condonet. Argumentatur Origenes, quomodo si caeli ipsi peribunt, Dei gloriam exponunt? atqui nemo eam predicans interibit, inquit enim qui me honore afficiet, eum gloriosum reddam, non igitur caeli peribunt, porro qui gloriam Dei nunciant, praera & simplices illae naturae sunt, ut Isaias, & Ezechiel aiunt, quod in se ipsis iustitiae solem habeant.

Et opera manuum eius annunciat firmamentum.

Videtur superioris dicti esse repetitio; Efficaces vires eius firmamentum annunciat non verbis, sed operibus, hoc inquam secundo Die factum omnibus praedicat, & vociferatur tantum, ac tam admirandum opus

Opus in rerum naturam prodūſſe, at veri Dei omnium creatoris opus eſſe, magnificentiamq; eius demonſtrat, quam ſupra gloriam Dei, nunc opera manuum eius appellat. Apoſtoli etiam firmamentum vocantur, quia virtute ſpiritus ſancti firmati ſunt; Quæ autem opera virtutis eius nūnciant? Gloriam Dei, qua ſalui facti ſumus, & miracula quæ edidit, quòd paſſus fuerit, ſurrexerit, & ad cælum aſcenderit.

Dies diei eructat verbum, & nox
nocti indicat ſcientiam.

Dies & nox docent eos, qui erudiri cupiunt, quanta ſit ſapientia, & virtus Dei temporum intervalla metientis; nam ſi caſu mundus regeretur, dies ac noctes ſuum ordinem non conſervarent; ſed huiusmodi viciffitudines diurna nocturnaq; ſerè loquuntur, et clamant ſapientiſſimi Dei vniuerſorum providentiæ teſtimonium tribuentes nobis, et Dei cognitionem hominibus prædicantes. Nam ipſa Dies eructat, id eſt ſignificat mandatum Dei, quod de huiusmodi ordine conſectum eſt, et nox indicat ſcientiam, id eſt doctrinam de hac providentiâ Dei, quâ ipſe ordo declarat; qui tantâ cū regula adhibitus eſt, ut Dies et noctes mutuo non ſe offendant; Allegor. Dies diei, id eſt Apoſtoli fidelibus, ſancti ſanctis, ſpiritus ſpiritu eructant verbum carne indutum eſſe; nox nocti, id eſt caro carni, vel dies id eſt pater filio dicit, et nox id eſt Chriſtus, ut homo nocti, id eſt alijs hominibus ſcientiam, ac Dei cognitionem

O 4

annunciat.

annunciat. Quando ergo Christus apostolis loquebatur, dies diei verbum proferebat; quando Iudas Christum prodebat, nox nocti scientiam tradebat.

Non sunt loquelæ, neque sermones, quorum non audiantur voces earum, in omnem terram exiuit sonus eorum, & in fines orbis terræ verba eorum.

Non sunt sermones eorum, scilicet dierum & noctium, calorūq; gloriam Dei enarrantium, & firmamenti opera Dei manuum annunciantis, quorū, Hieronymus legit, quibus, græce ων, ut dixi suppleatur, id est per quos, ut explicat etiam D. Augustinus nō audiantur eorum voces. Nonnulli græci cum interrogatione legunt; Nunquid non sunt sermones earum rerum, quæ anima carent? & quarum voces non audiuntur? respondent, operibus istas res creatas magnitudinem Dei clamore adco exprimere, ut totus orbis earum voce impleatur. Aquila clare explicat inquiens: non sermonem emittentes, nec verba proferentes, sed regulam, & proprium ordinem præferentes, omnem terram & mare ad diuinas laudes perpetuo celebrandas, & canendas inuitant. Ac sonus ille vsque ad nos peruenit, & in fines, repetitio est, quæ prædictio probata est, quoniam ubiq; gentiū aliqui sunt qui prouidentiam Dei, & intelligunt, & nunciant. Vnde futura tanquam præsentia David intuetur. Allegor. commendat.

commendat, & gloria dignam ostendit Apostolorum sapientiam, ut pote qui pure ac sincere Christi mysteria loquantur. siquidem prophetarum sermones propter eorum obscuritatem à multis non admodum percipiuntur; at Apostolorum verba ad omnes usque terrarum terminos pervenere; Voces cælorum non sunt alicuius idiomatis per quod intelligantur, sed ubique spectaculum præbent, & visu percipiuntur; Apostolorum vero & evangelistarum voces auditæ sunt, sicut D. Paullus ad eos hæc verba refert, cum omni linguarum genere ad prædicandum euangelium uterentur, quorum fama in omnes fines, & angulos exiit.

In Sole posuit tabernaculum suum,
& ipse tanquàm sponsus procedens de Thalamo suo.

D. Hieronymus, & omnes ex Hebr. interpretes concordēs exposuere: Soli posuit tabernaculum in ipsis, scilicet cælis, ut ab eis veheretur, id est iuxta Moyse dictum c. 1. Gen. domicilium collocavit; aut illic, ut legunt aliqui in firmamento videlicet; & omnes ferè græci ita interpretantur; Quæ lectio etiam Apostolis congruit; Christo enim Deus pater in eis tabernaculum posuit, ut per illos in omnes mundi partes ipse penetraret. Sol igitur gloriæ Dei doctor existit, quippe qui legem Domini perpetuo seruet, & ordinatim cursum suum conficiat, nec extra constitutos sibi fines egredietur.

tur, sed imperantis decreto lucis flore illustratus rectā viam persequatur, pulcher existens, atque fulgentiū radiorum splendore instar sponsi ē Thalamo exeuntis in eius ortu decorus; vnde commendatur eius pulcritudo, vt sicut sponsus niteat. *Allegor.* In sole Iustitiæ Christo pater habitat, et Christus in homine virtutū radijs corruscante sedem habet, et omnem hominem illuminat, sicut orbem terræ totum Sol; Hic autem sol Iustitiæ Christus tanquā de thalamo ē sinu paterno egressus in beata virgine tabernaculum, idest carnis à se sumptæ dispensationem posuit, et de vtero virginali exiens Deus humanæ naturæ tanquā sponsus cum sponsa copulatus est. Vel in sole, idest in apertum tabernaculum suum retulit, idest ecclesiam suam, et eam omnibus illustrem reddidit.

Exultauit vt Gygas ad currendam viam,

Magnitudo solis laudatur, quod robustus sit, atque ad conficiendam viam suam velox, nec vquam defessus videatur. Christus quoque cum indutus carne Demonem alligasset, & vi ab eo astrictos soluisset, secumq; duxisset, in calum ad patrem rediit, velocitate gygantem cum robore currentem imitatus.

A summo cælo egressio eius, & occurfus eius vsq; ad summū eius.

Solis exitus à summo cælo est oriens, & summam scali plagam orientis intelligit; occurfus autem occasus

casus est, quod ab extremo oriente ad extremum occidentem feratur, & totam spheram integro nimirum die ac nocte percurrat. Allegor. à summo calo, idest à patre egressio est non in tempore, sed aeterna, qua de patre natus est Christus, & diuinitatis plenitudine usque ad æqualitatem patris recurrit.

Nec est, qui se abscondat à calore eius.

Hoc certe maxima admiratione dignum, quod cum tanto interuallo à nobis distet Sol, illuminet tamē & calefaciat; nec ullis locorum spatijs minore sentiat calor, calorem autem dixit, non lucem, quia maius miraculum apparet, & ostenditur; nec est qui se occultare possit, queunt quidem, sed calorem non sentiunt, nec eius erunt participes, quia ipse sol omnibus se exhibet. Sic verbum caro factum non permisit ullum mortalem hominem se excusare, quod ad ipsum non penetraverit verbi calor, etiam magis cum ascendit Christus misso Spiritu sancto omnes valde calidos effecit; nec est qui vitandi caloris causa se abdat, nisi volens, ut de sole dictum est; At cum venerit iudicare vivos & mortuos, iram eius nemo effugere, & se occultare poterit.

Lex Domini immaculata conuertēs animas: testimonium Domini fidele Iustitiam præstans paruulis.

Post mysterium carnis à Christo sumptæ agit de lege, quæ ab ipso re ipsa impleta fuit, et ait, Cum lex natura

natura omnes homines rerum creatarum magnitudinem, pulcritudinem, & ordinem doceret, legem tamen Moysis scriptam tradere voluit Deus, à qua de diuina prouidentia, ac sapientia erudiremur; legem appellat, ut quæ optimum vitæ institutum præscribat. eam autem vocat omnis prorsus maculæ immunem, Evangelicam præsertim, quæ animas hominum ab errore ad veritatem conuertit, & omni labe carentes efficit. Testimonium Domini, quia peccatores contestatur, & imperfectos territat: Fidele, quia dignum cui fides adhibeatur, quo qui in Deo paruuli sunt, & humiles non superbi, sapientes redduntur, quod Danieli accidisse legitur, cui puero sapientia data est; & fortasse homines humane scientiæ expertes, & illiterati, & idiotæ docentur.

*Iustitiæ Domini rectæ lætificantes
corda, præceptum Domini lucidum illuminans oculos.*

I*ustitias dicit, quia quod iustum est, eæ doceant, & iniusta prohibeant, & recte agentes iustos esse declarant, quæ fructum eis lætitiæ afferant, qui sint illius participes, & eos gaudio cumulent; Præceptum lucidum, quia in se euidens oculos mentis & corporis, & interioris hominis illuminat, Dei cultum docens; oculi enim sapientis prouidentia est, eiusq; circumspectio. Quid autem præceptis Dei euidentiùs; non occides, non furaberis, & illustrius?*

Timor

Timor Domini sanctus permanens
in sæculum sæculi.

Timor Domini non seruilis sed castus, nec puniri, sed ab eo separari timens quem diligit, permanet in æternum, quia spiritus sanctus eum donat, & confert, qui perfectiorem hominem reddit, & fruenter eo nunquam à benevolentia Dei excidere sinit, dictus merito castus, sanctus, & purus, non quia cum eo aliquid commisceatur, sicut mixtus est ille humanus, quem charitas foras emittit, & sepe extinguitur, sed quia veneratione, & religione diuina plenus sit, qui sibi appropinquantes puros, & castos efficit, & eos ad futurum sæculum perducit. Itaque timor euangelicus mundus à timore, quem lex vetus inicit, multum differt, quoniã ille pœnam respiciebat, hic vero in causa est, vt bonis omnibus perfruamur; Nam timore Dei declinamus à malo, qui cum æternus sit, habentes illum æternos efficit, & æternorum bonorum fructus comparat.

Iudicia Domini vera iustificata
in semetipsa.

Iudicia Domini, quæ secundum puritatem iudicant, vera existunt, & qui timet Deum iam vera esse nouit; Iustificata in semetipsa, id est in semetipsis ipsa iudicia Domini euidentem iustitiam habent, vt potest
quæ

quæ premia, & supplicia hominibus iuste rependant. Vel in semetipsa, quoniam in vnum compacta perpenduntur; nam si quis ea fortasse sigillatim intueri atq; examinare querat, veritatem & iustitiam manifeste non videbit; mutuo enim coniuncta sunt, at propter ipsum vnum vera sunt. Aliqui ex Hebræis legunt, iustificata pariter vel simul, ut significare videatur nihil commixtū esse cum iniustitia, & veritati nihil deesse.

Desiderabilia super aurum, & lapidē pretiosum multum, & dulciora super mel, & fauum.

Hic voluptati, quæ à prædictis percipitur iudicij, nihil est in vita pretiosum, quod comparari queat, nam qui animum suum auri, idest diuitiarum, & lapidis pretiosi multi, idest potentie avidum desiderio veri boni compescit, omnium illarum rerum cupiditatem abstergebit, & eadem fauo, & melle, idest voluptate suaviora experietur. Peccatoribus quidem iudicia Dei formidolosa sunt; seruantibus vero legem, & opere eam complentibus omnino cunctis rebus dulciora sunt, mercedis enim futurae eximia spes est.

Etenim seruus tuus custodit illa, in custodiēdis illis retributio multa.

Non de seipso tantum hoc affert, nimis enim sibi arrogaret, sed de quolibet Dei seruo qui dicere potest ea esse dulcia, quia illa expertus sit; & in seruandis

mandis illis ei multa merces est, quæ multa non esset, si pro observatione, prædictorum terrestris ea, & fluxa expectaretur, & in aliquo exteriori commodo consistetet; cum vero celestis illa sit, & omnibus mundi diuitijs antecellat, multam et copiosam esse necesse est, quæ in eo ipso etiam continetur, quo iudicia Dei amantur, & ab eo, qui observat, illa ipsa duntaxat appetuntur, prætere: nihil; Si ergo seruus est, qui Iudicia Domini opere complet, ergo qui ea spernit, minime seruus erit.

Delicta quis intelligit? ab occultis
meis munda me, & ab alienis
parce seruo tuo.

H Actenus de pietate differuit, nunc persequitur, quæ ad iustitiæ administrationem spectant, de quæ humanis delictis agit. Et docet eum, qui secundum virtutem perfectus est, neque peccati immunem esse, quis enim ad discernenda peccata adeo sapiens futurus est, ut in ea non incidat, cum aliqua maxime lateant, & humanam cogitationem fugiant? ait igitur, cum supra dixerit se seruum mandata seruare, humanam imbecillitatem in memoriam redigens, & verbum superbum considerans, quis est qui perspiciat interiora, & quæ cupiditate, & cogitationibus committentur? nam manifesta quilibet delicta intelligit; rarus, ut verbū, quis, innuit, admodum est, qui ea noscat, ideo ab occultis munda me, id est à cupiditatibus latentibus, & ab iis, quæ per ignorantiam commissæ sunt, perinde ac iustus

flus dicat, quoniam in occultis animi cogitationibus maculas, & sordes esse contingit quas, & alij nesciunt; et ego ignoro, tu qui latentium cognitor es, penitus absterge, quæ nisi deleantur, occasionem dabunt, ut ab alienis capiar; Delicta enim quæ occulta existunt nondum re perfecta, factis aliquando committi possunt.

Et ab alienis parce seruo tuo.

Non enim me solæ cogitationes circundant, verum etiam me Dæmonum agmina obsident, & illa quidem foris, hæc autem me intus conficiunt. Iure Dæmones tanquam hostes, & inimicos, alienos appellauit; vel ab alienis, scilicet peccatis, quæ si omnino aliena sunt, nulli ascribuntur, at consentienti, aut dissimulanti attribuuntur; quicumque enim præest, commissorum à sibi subiectis delictorum reus est, quando nimirum ob eius negligentiam seu dissimulationem deliquerint; vel ab alienis quæ extrinsecus Dæmone suggerente eueniunt; nam quæcunq; non à nobis, sed extra ortum habent, hæc aliena vocauit; parce ergo ab alienis, ne seducar ab eis, non capitur tamen ab alienis, qui à suis penitus liber est. Hieronymus legit, à superbis libera seruum tuum, necessario huiusmodi preces fudit, tanquam superbe ante locutus, cum dixit. Etenim seruus tuus seruat ea, rogat igitur ut à superbia liberetur.

Si mei non fuerint Dominati, tunc emundabor à delicto maximo.

D. Augustinus cum nonnullis grecis, dominata, legit, id est cum me ab occultis meis nondum purgatum

*superbia liberer, merito hæc dico, vt qui nondum ali-
quid perfecti præstiterim, & tum demum delicto in-
genti mundus reddar, cum interiora scelera mea domi-
nata mei non fuerint; nec me superba cogitatio, aut
maligni Demones in seruitutem adduxerint; maximè
delictum vocat, quod factò perficitur. Si ergo occulta
mea, & aliena peccata, & quæ per libidinem occulte
irrepunt in mentem, in me dominationem non habue-
rint, me sanæ atque integræ mentis inuenies domine.
Hieronymus quem sequimur, legit, si mei non fuerint
dominati, idest peccatores & Demones, qui dominatū
habent, cum ad consensum nos alliciunt, tunc sine macu-
la peccati mortalis me tuebor, & à delicto maximo,
idest à superbia, quæ peccati omnis initium est, vacuus
& purus ero.*

**Et erūt, vt complacent eloquia oris
mei, & meditatio cordis mei in
conspectu tuo semper.**

C*um hæc abs te in me profecta fuerint, & venia à
me facinorum impetrata fuerit, tunc quæ ore
protuli, cum te laudo atque gratias tibi ago, grata tibi
erunt, & probabuntur; Et meditatio mentis meæ, cū
scilicet reprehensione caruerit, in conspectu tuo, scilicet
erit, qui conscientiam puram inspicis, & cum animus
turpia cogitare dediticerit, tua, & ea quibus delecta-
ris, assidue examinabit.*

Domine adiutor meus, & redemptor meus.

Per hoc docet, quòd Dominus adiuvat in bonis, & in omnibus, quæ virtute aguntur, & quòd à malis liberat. Nam Dominum tanquam creatorem, & opificem vocavit, & appellavit redemptorem tanquam eum, qui per lauacrum sanctum, & à priori morte liberet, & Demonum servitute redimat, incorruptamq; demum, & immortalem vitam largiatur. dicit igitur, nullius hostium imperio succumbam, quod si accadat, me ob ignaviam captivum abduci ab adversarijs, tu solus inventus es adiutor, & redemptor, qui me ab illis redimere queas. Qui ergo in contemplatione vitam traducunt thesauros in celo obruentes, ij gloriam Dei narrant; Qui autem actiones eligunt, pro firmamento habentur, stabiles enim, & firmi opera manuum Dei nunciant Christi mandata conficientes. Nos vero si perfecte contemplari nequeamus, in actione saltem Christo placere conemur, & ubicunq; locorum erimus, magna illius facta predicare, ut aliquo modo ipse sol Iustitiæ D. N. I. Christus tabernaculum in nobis parentibus illius præceptis, & gloria quàm maximæ afficientibus collocet. Amemus eius legem macula prorsus immunem, timoremq; Domini illum sanctum in nobis imprimamus, qui bonis nos ditet, Dominum quoq; rogemus, ut cum nemo sit, qui delicta optime sciat præsertim interiora, ut ab his nos liberet, nec non ab alienis; nam si ijs ita vacui fuerimus, ut dominatum ea

NON

non occupent; non modo sperare debemus nos maculis, & sordibus esse vacaturos, sed maiestati etiam tuę ita fore gratos, vt libenter nos adiueas, & redimas, qui viuas & regnas in æternum. Amen.

IN PSALMVM XIX.

EXAUDIAT.

In finem Psalmus ipsi Dauid.

Secundum Gręcos plerosq; cum Sennacherib ad Ezechiam Regem litteras conuitijs plenas misisset, ille vt erat pius, & omni integritate, ac bonitate praditus, acceptis ijs Isaiam sibi adiutorem aduocauit, et in templo exponit hostium impietatem, Deūq; orat & obsecrat, vt manifestam ante oculos Assyriorū virtutem suam apertamq; ponat. Quod prauidentem Dauid Spiritu sancto afflatus vaticinatur, & presentem Psalmum dicit, in quo populum simul cum eo precantem introducit, vt propitia Ezechię supplicatio fieret, & illius preces audirentur. Nonnulli autem Psalmū hunc tanquam nomine sociorum ipsi Dauidi sacra facienti bene precantium ijs præsertim temporibus cum aut in singulare cum Goliath certamen esset descensurus, aut cum alijs hostibus suis manum conserturus, cātatum fuisse arbitrantur, quod nobis conijcere facile licet. Secundum Mysterium, quidam aiunt prophetam nomine ecclesię de Christo canere, quem ad redemptionem

nem nostram venire, & pro inimicis orare is praevidet, cui omnia congruunt, licet haec iam peracta sint. At nos dicamus orationem hanc à Davide conscriptam esse, & sacerdotibus fuisse traditam, ut pro salute regum; ac principum singulis temporibus orent atque precantur eo potissimum temporis momento quo contra hostes profecturi sint, atque etiam pro quolibet viro fidei, qui afflictionibus animi angatur, ut de hostibus praesertim iis, qui non videntur, triumphum agere valeat.

Exaudiat te Dominus in die tribulationis.

P*recatur populus, ut illius preces audiat Deus siue Ezechiae, siue Davidis, siue cuiuslibet fidelis; in die afflictionis dixit, non tranquillitatis, quietis & pacis; nam in tranquillitate plerique, aut non orant, aut eorum mens vagans, et cogitatio non, ut decet, orat; in calamitatibus autem Deum maiori fervore precamur.*

Protegat te nomen Dei Iacob.

N*omen Dei cum Iacob coniunctum clypeus tuus sit; haec enim inuocatio ad vlciscendos hostes factis tibi erit. Ille enim Deo quem in Bethel magnopere veneratus est, fultus mala supplantabit, & malignos spiritus illa concitantes conculcabit. Sed cur de Abraham & Isaac non meminit, sicut de Iacob; quia dictum est, Iacob ipsum, cum multis ac gravibus aerumnis calamitatibusque*

tatibusq; vexatus fuerit ille, *vita afflictæ exemplum*
fuisse.

Mittat tibi auxilium de Sancto.

A Cælesti templo; illud enim apud hæbreos sanctū
nominabatur, quòd illuc Deum aduentare crede-
bant. Vel de cælo sancto suo; auxilium enim pater
misso filio Domino Iesu Christo tulit, qui *αγαγὼς*
sanctus est.

Et de Syon tueatur te.

DE Syon, id est specula arce David, ubi erat arca,
quòd ibi Deus colebatur, veniens te adiuvet, &
tutum præstet. Vel quòd inde Christus Dominus no-
ster humano generi illuxerit. Ex cælesti ergo Syon te
contra mala defendat.

Memor sit omnis sacrificij tui, & ho-
locaustum tuum pingue fiat.

DEus respiciat pietatem Regis siue Ezechia, siue
Davidis, & omnis sacrificiorum generis recorde-
tur pacem concedendo: Ac spes homini afflictò affer-
tur fore, ut eum Deus ex afflictione eripiat, quòd ad agē-
das gratias ipsi Deo se ille conuertat, ac sacrificium, &
hostias offerat, quarū Dominus memor futurus sit, Et
holocaustum acceptū à Deo habeatur, & ei incundū sit;
namq; animalia rationis expertia, quæ tamen crassa

sint, ad sacrificium apta præbentur, & incenduntur, Et quia pingua, ex his odorum suauitates afflantur. Differt autem sacrificium ab holocausto, quia eorum, quæ inanimata sunt, alterum est, sacrificium scilicet, alterum vero eorum quæ animata existunt. Totos nos ergo Deo dicemus atque consecremus nihil nobis reseruantes, & sic ὁλόως Deo gratissimum erimus, & quo maiori deuotione hoc sacrificium peragemus, eò magis digni efficiemur, qui à Deo cognoscamur. Si autem Christi sacrificium respiciamus, supplicemus patri, vt nos omnium iniuriarum, contumeliarumq; tuarum Domine Iesu, quas pro nobis pertulisti, memores nos præstet, & crucem, qua ipsi te totum obtulisti, in lætitiā, qua surgendo perfusus es, & nos quoque afficiemur, si persequemur vestigia tua, conuertat.

Tribuat tibi secundum cor tuum, & omne consilium tuum confirmet.

Cum non deceat Deum dare, nec petentem accipere, qui nesciat, quid petat, petenti laus est si petitionis sue compos fiat, vt potè qui ea cupiat, ac postulet, quæ Deo placeant, & grata sint; semper enim Deus supplicum votis annuit, cum ea poscuntur, quæ accipienti vtilia futura sit. Tribuat igitur tibi Deus, quæcunq; anima tua desiderat, & ad finem optatum perducatur, Et omne consilium tuum confirmet, idest voluntatem tuam impleat, vt D. Hieronymus legit, quæ tunc perficitur, cum in deliberationibus suis se minime frustratur, at ex sententia obtinet ea, de quibus consilium

lium ceperat. ΑΛΛΗΓΟΥΣΙΚΩΣ, Tribuat tibi pater, ò Iesu Christe non secundum cor eorum, qui insectando te posse deleri arbitrati sunt, sed tuum, quo sciuisti, quid utilitatis afferret passio seu perperessio tua; & omne consilium tuum stabiliat, quo altissimo omnia facis.

Lætabimur in salutari tuo, & in nomine Dei nostri magnificabimur.

Iucunditate, & latitia perfundemur, cū preces tuas audiuerit, in salutari, idest salute, quam dat illi Deus, quem in die afflictionis exaudit, & quia didicimus ex oraculis germen ex te nasciturum, ò David omnibus hominibus salutare, in eo & nos exultabimus, & cum illuxerit, tum vnà tecum clari, & magni efficiemur. Vel ò Christe gaudebimus salute, quam humano generi dedisti, cum te surrexisse omnibus notum fecisti; Et exultabimus, quòd nihil tibi mors nocuit, nec eam nobis obesse posse monstrabis. Sed cum ceteri in terrenis rebus se oblectent, nos in nomine Dei nostri ab inimicis contumelia affecto magnificabimur, aut choros ducemus, vt legit D. Hieronymus, idest triumphabimus siue insignes, & incltyti erimus; progressum autem in bono significat, magnus enim quis efficitur in nomine Domini, cum ea præstat, quæ ad sincerum, & perfectum seruum spectant.

Impleat Dominus petitiones tuas.

Cum tuæ preces dignæ sint, quibus annuat Deus, vniuersas petitiones tuas perficiat, & certe ma

gna est illius gloria, qui nihil postulet, quod à Deo statim non impetret; porro petitio impletur, cum ea que quis efflagitauerit, eueniunt, & vere illi sese offerunt. Sicut Deus pater filij sui postulationes continuo executus est, cum ille dixit, clarifica me; & serua pater eos de mundo quos dedisti mihi, in me credentes scilicet.

Nunc cognoui quoniam saluū fecit
Dominus Christum suum.

EX ipso rerum euentu nunc perspexi Regem nostrū siue Ezechiam, siue Davidem Deo fretum salutem consecuturum esse: (fecit enim pro faciet, exponitur) & in templo preces fundentem auxilium ex summo cælo accepturum. Vel nunc ex propheta didici, quoniam Dominus Pater Christum filium suum suscitabit.

Exaudiet illum de cælo sancto suo.

Illum regem nostrum Ezechiam, siue Davidem audiet; nam postquam ostendit illum in terra precantem declarat eum quoque ex cælo adiutum iri. Vel Regem nostrum Christum Iesum non in terra tantum, ubi se clarum fieri petijt; sed in cælo, ubi pro nobis deprecatur, spiritum mittens.

In potentatibus salus dexteræ eius.

IN fortitudine salutis dexteræ eius legit Hieronymus, idest salus illa quæ à gratia Dei proficiscitur, in abundantia quadam diuinæ potentie (per dexteram significatæ, ut plerisq; videtur) fundata est, idest fortis ac valida existit, & ideo inimicorum impeturi atque apparatus negligere nos oportet. Alleg. in fortitudine salus facta est per Christum, qui est dextera patris; vel gratia qua eos saluas etiã potentes efficit, ut multa prodigia, ac miracula edant. Dixit autem, dextera, quia duplex est Dei salus, sinistra vna, qua ipse saluat eos, qui terrenis rebus addicti sunt illis ea bona largiendo. Alia dextera, qua iustos æterna, ac cælestia bona illis tribuendo saluos reddit.

Hi in curribus, & hi in equis, nos autem in nomine Dei nostri inuocabimus.

HI in curribus, idest in uolubilibus bonis, et equis idest superbis honoribus fiduciam collocant, in diuitijs, gloriaq; & generis splendore se oblectantes; nos in æternis spem ponentes neque gloriam aucupantes in nomine Dei nostri inuocabimus, scilicet auxiliũ. Hieronymus legit, nos nominis Dei nostri recordabimur; clamabimus enim salutem, & opem ab eo poscentes. Quam impetratam fuisse ob illam Assyriorum cædem ab Angelo factam, versus sequens innuere videtur.

Ipsi obligati sunt & ceciderunt, nos autā surreximus, & erecti sumus.

Ipsi obligati, vel ut ait D. Hieronymus incuruati à potentia Dei ceciderunt, & corruerunt, atque in ruinam præcipites acti sunt: nos vero implorato auxilio Diuino surreximus salutem consecuti, et erecti sumus, quia animum fiduciamq; accepimus, & superiores facti sumus. Quod & Iudæis contigit, qui à desiderio rerum terrenarum, & à superbia ligati, ac metuentes parcere Domino Christo, ne Romani eis locum, & gentem auferrent, spe cælesti deciderunt, quibus cecitas ex parte Israelis euenit. Nos vero, ut populus gentium intraret, qui non amabamus iustitiam, eam apprehendimus, & surreximus, nec viribus nostris, sed per fidē iusti facti excitati sumus.

Domine saluū fac Regem, & exaudi nos in die, qua inuocauerimus te.

Hæc est conclusio. Regem Ezechiam, vel Dauidem omni tempore salua, & nos audi cum te implorauerimus: Huiusmodi enim auxilium adepti te domine obsecramus, ut cum Rege nostro huius participes simus. Vel Christum Iesum Domine Pater, ut qui ad præliandum nobis exemplum pariendo proposuit, à mortuis excitatus sacrificia nostra offerat, & audi nos quotienscunq; eo aduocato à te subsidium petierimus.

Prececur

Prece[m]ur igitur assidue, ut nos in afflictionibus nostris Dominus exaudiat, & mentem nostram praesertim saluet, quò ea affectiones nostras moderetur & regat, nec nos voluptatis illecebris deliniri sinat, sed eis imperet. Qui enim magis appellari debent Reges, quàm ij qui se ita rexerunt, ut nulla eis vnquàm libido dominata sit, quiq[ue] non modo mundum, sed se ipsos vicerunt? Certe illi magnopere letari merito debent, quòd contemnentes penitus hac terrena, & Christum ex animo sequentes salutem consecuti sunt. Si ergo nos quoque non in bonis caducis finem nostrum constituerimus; si diuitijs & honoribus non delectabimur, sed in D. N. Iesu Christi totam spem collocauerimus, orationes nostras semper acceptas habebit, & in calamitatibus nostris nos adiunabit, & ab eis eruet atque eripiet. Qui viu[it], & regnat sempiternis seculis. Amen:

IN PSALMVM XX. DOMINE IN VIRTUTE.

Inscribitur hic Psalmus, In finem Psal. David, vel Victori, ut more suo D. Hieronymus, quia inimicorum, & Deum oppugnantium perniciem recenset, & quia secundum plerosq[ue] grecos vaticinationem eorum continet, quæ Ezechia Regis tempore finem habuerunt, quando post illustrem illam victoriam, quam ex illa Assyriorum strage reportauit, egrotauit ipse, & ab Isaia se moriturum esse didicit, quem tamẽ Deus multis precibus, ac lacrymis placatus nec opinantem liberauit,

liberavit, & quindecim annos illi vitam produxit. Dauid ergo populi nomine pro Regis incolumitate gratias agentis Psalmum hunc conscripsit: Quem tamen non nulli de Davide interpretantur inquietantes, cum is ex oraculis salutare germen ex eius semine nasciturum, præterea illius potentiam iam cognouisset, propterea mira lætitia afficietur, atque eo quoque fretus fufis hostibus victoriæ triumphum tibi Domine acceptum referet. Integer etiam Psal. à latinis de Christo exponitur.

Domine in virtute tua lætabitur Rex,
& super salutare tuum exultabit vementer.

IN superiori Psalmo preces populi pro Rege dixerunt, saluum fac Regem, quem miro modo seruatiū viderant, nunc autem, Domine Deus in illa potentia, quæ magno ei subsidio fuit, valde gaudebit Rex noster. & de beneficiis innumerabilibus à te in eum collatis, & de salute, quam à te consecutus est, magnopere gloriabitur. Vel ò Domine pater Christus Rex noster, ut homo in virtute tua idest potentia tua diuina lætabitur, qua Demonem, & mortem morte sua vicit, & miracula edidit, & super salutare tuum mirum in modum gaudebit, quòd genus humanum saluasti, & quòd omnibus rebus vitam das.

Desiderium

Desiderium cordis eius tribuisti ei,
& voluntate labiorum eius
non fraudasti eum.

TV perhumanus, ac benignus Regis nostri etiam
cessisti precibus, & petitiones omnes concessisti;
immo maiora petitis munera largitus es. Ac uirum
quicumque spiritu præstat, & a carnis cupiditate ab-
stinet, quæ cor, idest mens optat, ab ipso Deo obtinet,
qui replet bonis desiderium eius, quin etiam quæ pre-
catus est, consequitur, nec voluntas, idest postulatio la-
brorum suorum à Domino fraudatur. Vel ò Pater
Christus Iesus Pasqua mandare cum discipulis, animam
tradere. atque iterum cum vellet, eam recipere deside-
rauit, & ei largitus es: ac quicquid dixit factum est,
quia illum exaudisti.

Quoniam præuenisti eum in benedi-
ctionibus dulcedinis posuisti in
capite eius coronam de
lapide pretioso.

VSus est, coniunctione, quoniam, causam reddentem,
ostendens ipsum letari iure atque exultare,
quia in benedictionibus bonitatis, ut legit Hierony-
mus præuenit eum Deus, addidit dulcedinis, ut
inter benedictiones has, & illas Iacob, quæ non
fuerunt

fuerunt dulcedinis, sed duro modo prænunciarunt, quæ filijs euentura erant, discrimen esse demonstrat; Regem ergo, & eius imitorem præuenisti domine, & ad cælestes promissiones eum attraxisti, quarum hic, in terram vitam ducimus, arrham habemus; & ei coronam preciosis contextam lapidibus imposuisti, idest regio diademate caput eius coronasti, ut liberalis gratiarum donatio intelligatur: benedictiones enim secundum nonnullos pro beneficijs hic accipere debemus, quæ à Dei benignitate proficiuntur: Et certe Dauidem præoccupasti, antequam aliquid ipse à te peteret, qui puer adhuc, vnctus Rex fuit. Nam cum Deus ex indignis dignum eligit, tum ante electionem illi benedicit, ut etiã D. Paulo contigit. Vel pater præuenisti Christum Iesum muneribus omnibus gratiæ in eum collatis, in quibus omnes viui efficiuntur, & fecisti eum Regem imposita ei corona de lapide pretioso, idest de diuinitate. Hieronymus legit, obrixi, idest auro purissimo, vel corona de Apostolis, qui eum docentem circueuerunt, quiq; propter pretiosam doctrinam lapides pretiosi vocantur, à quibus predicationis exordium ceptum est; aut coronam, idest ecclesiam, quæ variarum gentium congregatio est, in capite eius posuisti.

Vitam petijt à te, & tribuisti ei, longitudinem Dierum in seculum,
& in seculum seculi.

Iuxta Historiam hoc de Ezechia dictum esse non amovigitur; non solum enim salutem, & vitam à te petijt,

tijt, sed longiorem etiam dedisti; præterea clarum, & illustrem tum propter mirabilem illam Assyriorum cædem; tum propter præposteram solis reuersionem reddidisti, quod ubique notum ita factum est, ut Babiloniorum Rex ad eos dona miserit, qui prius Assyrijs tributa pendebant. Et hoc Dauidi etiam congruit, qui neque ab inimicis vnquam interemptus fuit, nec morbo confectus; longam enim vitam ei dedisti, & longitudinem dierum firmam, stabilemque; largitus es; Vel ò Pater Christo vitam petenti, cum dixit, clarifica filium tuum, tradidisti, cum surrexit ipse, & mortuos ad vitam excitauit, ac longitudinem dierum, ut vitam haberet immortalem, ac sine carentem. vel longa tempora quæ haberet ecclesia, deinde aternitatem largitus es. Aliqui interpunctionem hanc ex Hebr. ponunt, vitā petijt à te, & tu longitudinem dierum ei tribuisti. Hieronymus tamen nobiscum sentit.

Magna est gloria eius in salutari tuo gloriam, & magnum decorem impones super eum.

Magnam ex perniciæ hostium gloriam in salutari tuo, id est in auxilio consecutus est Rex noster, in quo spem posuerat, & ampliori eum gloria donabis, & decore ornabis, quòd optimum ac mirificum eius in te animum, & cōstantissimam voluntatem perspicias, ideoque is tibi gratissimus existat, quanuis eadem de Davide dici queant. Vel magna est gloria Christi in salutari

salutari quocum suscitasti, & ei nomen quod est super omne nomen dedisti, sed & ei magnum decorem impones, cum in calo ad dexteram eum tuam collocabis, & ipse in maiestate apparebit, sicut antecum facies eius in monte refulsit.

Quoniam dabis eum in benedictionem in sæculum sæculi, lætificabis eum in gaudio cum vultu tuo.

Quoniam ipsum ubiq; terrarum, & gentium illustrem, & decantatum esse dabis, cum tantum is à te auxilium sit consecutus, lætitia & iucunditate eum afficies cum vultu tuo, idest præsentia tua, aut benevolentia. Hieronymus apud vultum tuum legit. Vel quoniam dabis Christum in benedictionem, quia in eo benedices omnibus gentibus, & è contra illi benedicent cunctæ nationes, hæc erit benedictio, quòd lætum eum cum vultu tuo, idest aspectu eius, ut hominem efficies, quia in calis tecum erit.

Quoniam Rex sperat in Domino, & in misericordia altissimi non commovebitur.

Causam adducit, quia Rex in te solo Deo adiutore non in exercitu, nec in alijs humanis viribus sincere sperat, & ideo non fluctuabit; hostibus enim superior est, qui gratiæ tuæ fit compos, eam vero consequitur, quis quis nemini fidens sola in Deo spernititur, quam
 misericordiam

misericordiam Dei cum affecutus sit Rex, hac non decidet, nec ab hac firma statione dimouebitur. Vel quia Rex noster Christus ut homo, & humilis in Domino sperat, altissimi misericordia humilitatem eius atque obedientiam vsque ad mortem crucis non turbabit.

Inueniatur manus tua omnibus inimicis tuis, dextera tua inueniat omnes, qui te oderunt.

Hætenus de Rege, quem Deus in altum extulit, & gloria decorauit: Nunc de hostium deiectione agitur, & hæc à precantibus Deo dici videntur. Non frustra Rex tibi Domine confidit, cum manus tua idest efficax potentia tua ab inimicis inueniatur, idest cum illis à te supplicia inferantur diuinæ legi repugnātib; inimicos forte illos vocat, qui sublata prouidentia se totos impietati dedunt, ac Deum esse negant, à quibus hæc manus inuenitur, quæ illos agitat, & pænis affligit; ut Deum in cunctis rebus præesse cognoscant. Dextera tua puniat, qui te oderunt, peccantes scilicet, nam si quis præcepta Dei, obseruat, in eo charitas perficitur; qui vero ea negligit, Deum odisse ostendit, ut cum in pænas dederint, in flagitijs amplius non perseuerent. Interest autem non nihil inter manum, & dexteram, quod quatenus malos punit, manus dicitur; quatenus ad salutem iustorum respicit, dextera appellatur. Vel ò Christo

Rex manus, idest potestas tua ab omnibus inimicis tuis Iudeis cognoscatur, cum ad iudicandum veneris, qui eam in humilitate tua minime nouerunt. Et dextera, idest claritas qua cum patre regnas, in Die iudicij omnes, quibus odio fuisti, comprehendat.

Quoniam pones eos, vt clibanū ignis in tempore vultus tui.

Sed quid ages Domine, cum eos comprehenderis? Pones, idest igne illos conficies, sicut enim clibanus ignem in se continet, & intus ardet, sic mali intestinū ardorem ob prauam eorum cupiditatem patiētur, quia conscientia impietatis suae, quod bona non fecerint, intus eos vorabit, atque comburet, in tempore vultus tui idest irae tuae, videlicet quando ira tua eos visitabit, vel quo tempore te in iudicio omnibus noscendum praebebis.

Dominus in ira sua conturbabit, & deuorabit eos ignis,

Propterea eos, qui in nequitia, & malitia conqueuerunt, & dogmata peruersa secuti sunt, cupiditatibus illectos Deus in ira sua ob expectationem ultionis, & suppliciorum confusos turbabit, & hos ita affectos deuorabit ignis malus non quidem substantiam, seu naturam, haec enim interire nequit, sed qualitatem, & vitium consumens; Vel ij vlciscente Domino.

& accusante ipsos conscientia inferno igni aeternoq; vorandi tradentur.

Fructum eorum de terra perdes, & semen eorum à filiis hominum.

Fructum & semen, eorum doctrinas, & dogmata ipsa, quæ in homines post eorū mortem irrepserūt, siue malos mores, & opera iniqua intelligit; Hæc Domine Deus pro tua bonitate, ac misericordia tandem adimes, ut nihil supersit, & non eos solum, sed omnes eorum posteros delebis; vel fructum eorum, quia terrenus est, de terra viuentium auferes, & semen, idest quoscunque ab illis seductos inter filios hominum non numerabis, quos ad hereditatem aeternam vocasti.

Quoniam declinauerunt in te mala.

Causam affert, quare ij passuri sint ista, quia & si videbantur hominēs oppugnare, & illis qui te pie colunt, insidias facere, merito tamen dicet aliquis eas tibi illos comparasse, & machinationes omnes quas contra sanctos tuos exercuerunt, aduersum te quoque excogitasse; aut quia peruersa de te domine dogmata asseruerunt, malitiæ suæ causam tibi ascripserunt. Vel pena ipsi mulctabuntur Iudei, quoniam mala quæ sibi imminere te regnante Domine Iesu arbitrabantur, dicentes, Demonium habes, & alia multa, ad te occidendum retorserunt.

Cogitauerunt consilia, quæ non
potuerunt stabilire.

Quando contra te linguam continere non potuerunt; & innuit conuitia illius Assyrij dicentis, ne te decipiat Deus tuus; ac sperantis quemadmodum Idolis, ita Deo vero se superiorem fore; qui manus tuas effugere non valuit. Vel cogitauerunt consilia Iudæi dicentes, quod expedit vnum pro omnibus mori, nescientes quid dicerent, verum arbitantes Dominum gloriæ morte circumueniri fidemq; eius destrui posse, & non potuerunt stabilire, qui omnia amiserunt.

Quoniam pones eos dorsum, in reliquijs tuis præparabis vultum eorum.

Graci nonnulli ita interpretantur, qui angeli cædem fugerint, eos & stupidos reddes, & terga dare coges. vt abeuntes, quæ gesta sunt, alijs narrent: Et hæc tanquam nondum gesta vatem more suo ponere: In reliquijs tuis, & c. lidem per hyperbaton figuram dictum putant, in reliquijs eorum præparabis vultum tuum, idest captiuis, & fugientibus supplicium inferes, vt nec salui futuri sint, qui de strage Angeli superfuerint; immo eos ita insectaberis, vt euadere non possint. Vel verba non inuertentes ita exponere possumus,

possumus, quòd facile tibi erit, & pœnis, quæ tibi reliquæ sunt, eos afficere, & qui fugerunt terga dantes, nec non qui sibi mortem fugisse persuadent, illos mulctare. Si ad Iudæos referamus, inquit, qui primo populus Dei vocabantur, ijs qui ex gentibus crediderunt, dorsum positi sunt, iuxta illud, erunt primi nouissimi: In reliquijs tuis, hoc dixit, quia cum plenitudo gentium introducta fuerit, tunc omnis Israel saluus erit, illis enim se conuertendo tempus reliquisti, quos post gentium plenitudinem vocabis, & illos qui tibi relictæ sunt, vt fideles ornabis. D. Augustinus ait, quoniam pones Iudæos dorsum, idest à te repelles, qui terrena non cœlestia contemplantur, In reliquijs, idest in ijs, quæ relinquis, idest in cupiditatibus regni terreni eorum impudentiam ad passionem, ac per passionem tibi præparabis; vel vultum eorum, idest malam voluntatem malumq; animum ad eam adhibebis, vt cum occidere arbitrentur, salus fiat. Hieronymus ex Hebr. legit, funes tuos firmabis contra facies eorum, intelligi potest de funibus, seu laqueis damnationis impiorum, qui sic contra facies eorum, seu vultus, vt nulla illos effugiendi spes eis existat, firmabuntur.

Exaltare Domine in virtute tua, cantabimus, & psallemus virtutes tuas.

EXtolle te Domine, quem humilem non cognouerunt, & ostende te excelsum per inexplorabilem

cabilem potentiam tuam, quam nos celebrantes cantabimus corde scilicet, & opere videlicet psallemus, admirabiliaq; opera tua enarrabimus, ac nota faciemus. Itaq; cum de Rege Psalmum intrepreati simus, de quo libet etiam viro iusto, qui regnum, idest vires suas interiores atque actiones exteriores Deo adiutore regere calleat, exponi potest, qui letatur, & præ gaudio exilit se diuinæ maiestati ita gratum esse, vt cum Deus præueniat illi benedicens, & ipsum beneficijs afficiens; præterea ei tribuens, quicquid desiderare in mentem illi venerit. Qui vir iustus sperat, cum omnes inimicos suos tam eos qui cernuntur, quàm qui non videntur, diuina ope adiutus atque munitus deuicerit, ad celeste regnũ peruenturum esse, ibiq; à Domino coronatum iri. Quod nobis quoque eueniet, si iustitiam sectari voluerimus, & animo coniunctissimi cum Deo erimus, nec permiserimus quicquam ita nos hic delectare, vt à Dei gratia, & bonitate nos segreget; in quo non possum multos nõ coarguere, qui amore rerum terrenarũ adeo capti sunt, vt nec Deum esse nouerint, nedum vt rite pieq; eum colant; quos inueniet manus Domini, & eos igne affliget, nec memoriam eorum vllam extare sinet. Nos vero caueamus, ne tales simus qui benignitatem Domini nostri Iesu Christi erga nos respuamus, sed ad eum magnopere venerandum quotidie magis accendamus. Et ipse, dum in hoc mundo nos versabimur, decore nos ornabit, ac tuebitur, In celesti autem patria coronabit, qui æternis seculis viuit, & regnat Gloriosus, & benedictus. Amen.

IN PSALMVM XXI.

DEVS DEVS MEVS RESPICE.

V *Arie* inscribitur Psalmus hic, Doctores communiter, In finem Ps. David pro susceptione matutina; nonnulli pro auxilio matutino, alij pro cerua inquiunt; Hieronymus victori pro ceruo matutino legit. Susceptio matutina nostri Saluatoris aduentus est, qui aurora similis his, qui in tenebris sedet, illuxit, & tempus illud intelligitur, quo valde mane Dominus surrexit, viam humane nature patefaciens. pro auxilio matutino aiunt aliqui, quia mane illud oriens, Christus scilicet morte propria victo Tyranno illo, qui antea dominabatur, maximum nobis auxilium tulit. Nonnulli pro cerua, idest humana Christi natura, quæ lutum, & spinas transiit, & mane surgendo gloriose, quasi in altum elata est. Vel ceruo, idest Christo, qui tanquam ceruus in aurora summa cum alacritate se à morte excitauit.

Deus Deus meus respice in me, quare
me dereliquisti?

Iesus Christus hic propriam sibi humanitatem statuens, humaneque nature personam sustinens cum patre, verboque sibi coniuncto sermonem habet; & in crucem actus hanc vocem usurpauit, Eli Eli lama za.

baſtani, ideſt Deus Deus meus, vt quid me dereliquiſti? non tamen reliquerat eum Deus, cum ipſe Deus eſſet, & Dei filius atque ipſius verbum. Sed cum D. Ioannes dicat verbum carnem factum eſſe, dereliſtum ſe dicit, vt qui homo exiſtens morti fuerit deſtinatus, cum nullum peccatum commiſerit. Sed vere nec à patre, nec à ſua ipſius diuinitate, vt quidam ſuſpicati ſunt, tanquam mortem formidans, & propterea à patiente ſeiuncta deſertus eſt, at permiſſionem illam, qua humanam naturam diuinitas pati permiſit, dereliſtione appellauit; aderat enim in patiente forma ſerui diuinitas, & dum ſalutem humano generi compararet, eam perpeti ſinebat. Additum autem eſſe à ſeptuaginta interpretibus, reſpice in me, cum nec D. Hieronymus ex Hebr. nec ceteri interpretes legant, et Chriſtus in Euangelio omittat, maioris declarationis cauſa opinor. Dicit igitur, Deus Deus meus miſerere mei, ex affectu geminans, quare me paſſioni addixiſti; apparet enim quis deſeri, cum Deus ei non adeſt, ſicut ei preſto eſſe videtur, cum petitionem eius exequitur, atq; implet.

Longe à ſalute mea verba delictorum meorum.

D. Hieronymus, verba rugitus mei, Theodotio, clamoris mei, legunt, quia voce magna clamauit, Eli; populum enim ſatiuentem, & Iudam ruentem lamentabatur: Symmachus, verba luctuum meorum;

rum; soli septuaginta verbi, delictorum, meminerunt; fortasse prouidentes Ioannem dicentem, ecce agnus Dei, ecce, qui tollit peccata mundi, & Paullum inquietem, eum qui peccatum non nouit, & existentem scilicet ipsammet iustitiam, pro nobis peccatum fecit, vt nos in illo Dei iustitia efficiamur, idest quasi peccatorem condemnari permisit, & quasi maledictum mori: nostra ergo in se delicta suscepit Christus, vt iustitiam suam faceret nostram, sic vt ait Augustinus. Ecce ideo verba delictorum meorum longe sunt à salute mei corporis scilicet, quia sunt in causa, vt patiar. Vel quare me dereliquisti longe à salute mea idest non exaudiendo à salute huius vite presentis longe absuisti? & hæc verba, quæ dixi, sunt delictorum meorum, idest fidelium pro quorum delictis pœnas do; loquitur enim Christus, corporis sui, quod est ecclesia, & peccantium, qui quandoq; pro peccatis à Deo deferuntur, personam agens.

Deus meus clamabo per diem, & nō
exaudies; & nocte non ad insipientiam mihi.

Deus meus die, ac nocte continenter clamabo, & si fieri potest, nunquam silebo, vt transeat à me calix iste, & non exaudies; tu enim abnuis, & hoc non ad insipientiam; noui enim te propter humani generis salutē hoc permittere; humanæ tamen naturæ imbecillitatem affero. Vel per diem, idest in rebus prosperis vitæ huius, vt non mutentur; non exaudies, ac nocte
in

in aduersis, vt prospera euadant, & similiter me nō audies, neque facies hoc ad insipientiam mihi; sed potius vt sciam, quid desiderare, quid poscere, quid expectare debeam. Hæc autem infirmitatem in se nostram ostendens, & pro his, qui mortem adhuc timent, dicebat Iesus. Nec Paullus cum clamaret, vt ab eo auferretur carnis stimulus, exauditus fuit, vt intelligeret Deum existere medicum, & afflictionem medicamentum ad salutem, non ad damnationem pœnam esse: Cum enim pro bonis terrenis, aut adipiscendis, aut retinendis Deū precamur, nec nobis aures eius patent, relinquit nos ille, sed ad potiora quæ vult, vt concupiscamus, nos inuitat. Ecclesia autem in prosperitate non auditur, ne se extollat, nec in aduersitate, vt amplius expietur, quia non ad voluntatem, sed ad salutem respiciens aures præbet. Hieronymus & nocte, nec est silentium mihi, legit idest non cesso clamare, nec orare intermitto; infirma enim humanitas mea perpeffionem horret.

Tu autem in sancto habitas
laus Israel.

IN sancto, inquit, quia in Christo Deus erat, mundū sibi reconcilians. Cū igitur in sanctis tuis, vel quos sanctos efficies, domicilium habeas, semperq; cum illis permanear, qui mentem in te fixerunt, multo magis in vnigenito tuo habitas, & eum magis exaudies, laus Israel, vt qui à fidelibus populis tuis cultoribus lauderis, & decanteris; vel quorum laus, & gloria factus

es; quòd habeant ij Dominum Deum suum in seipsis habitantem, qui eos custodiat.

In te sperauerunt patres nostri, & liberaſti eos, ad te clamauerunt, & salui facti sunt, in te sperauerunt, & non sunt confusi.

L Vtrum spei ostendit, & ait, aperte noui, cum omnes patres iusti scilicet, & qui Patriarchæ, ac Prophetæ fuerunt, laudem suam non quærentes, sed tuam sibi multum de tuo auxilio polliciti essent, eos spe sua minime frustratos fuisse, & cum opem tuam implorassent, fructus providentiæ tuæ vberes percepisse; eos. n. ab Aegypto, à camino pueros, à lacu leonum Danielem, à falso crimine Susannam, & innumerabiles alios liberaſti; ad te clamauerunt, non verbis delictorum, à quibus longe salus est, verum magno animi affectu, & saluati sunt, In te spem collocauerunt, (repetit enim, vt intensius mentem suam declaret) claritatem scilicet meam expectantes, & confusi non sunt, quia spes ipsa eos non fraudauit, cum per me à morte atque à Dæmone erepti fuerint, & quia promissa seruaſti.

Ego autem sum vermis, & non homo
opprobrium hominum, &
abiectio plebis.

I Dest tanquam vilis conculcor erinde, ac vere vermis essem, & non homo; vilissimum enim omnium animalium

animaliū vermem esse nemo est, qui ignoret, cum ex corruptione corporum nascatur is, & ex ligno; ac ligna, fanum, stipulasq; rodatur; Vnde vilitatem, ac despectum suæ mortis ostendit, cum alioqui aduersarias potestates deleuerit. Vel ego sum vermis, quia mortalis, sine tamen concupiscentia natus ut vermis, & non homo tantum scilicet, quia Deus: Est enim, & homo vermis, ut Adam, sed ille vermis, & non homo, quia verbum in principio apud Deum. Secundum Augustinum, per hominem homo vetus, scilicet Adam, qui sic homo fuit, ut non filius hominis; per vermem Christus intelligitur, qui sic homo fuit, ut filius hominis, id est virginis esset; ideo dicitur vermis, & non homo. J. terrenis rebus gaudens, sed hominis filius celestibus latans; tanquam si diceret, ego sum Christus in quo omnes viui efficiuntur, non Adam in quo omnes morti addicti sunt: At notandum est, quod Christus peccatoribus nobis vermis efficitur, cum nostram conscientiam arguit & rodit. Opprobrium hominum, quod eum conuiuijs insectarentur, Tu discipulus illius sis, & huiusmodi, atque eum conspuerent, colaphosque illi infringerent, abiectiono plebis, quod pro eo Homicidam Barabbam elegerint.

Omnes videntes me deriserunt me,
locuti sunt labijs, & moue-
runt caput.

Hæc impleta sunt Matthæi c. 27. deriserunt me
sicut abiectum, labris locuti sunt me execrantes,
ac mouentes capita sua, et inquentes, vah qui destruis;
principes

principes autem aiebant, alios saluos fecit, seipsum non potest, & alia multa iridentes.

Sperauit in Domino, eripiat eum,
saluum faciat eum: quoniam
vult eum.

Quoniam spem posuit in Domino, eripiat eum de manibus nostris, vel si non eruit, illum suscitet, quia, ut ipse ait, eum vult, id est ab eo diligitur, & charus habetur.

Quoniam tu es, qui extraxisti
me de ventre.

Ostendit se non iuxta ordinem nature, neque per inde, ac reliquos homines ortum fuisse, sed excel-
lentius quid supra communem nascendi conditionem habuisse. Tu enim me de vtero matris meæ virginis claustris nullo modo reuulsis eduxisti, ut progressio fœtus, ipsa scilicet diuina vi eum extrahente supra naturam extiterit; verbum illud autem, quod in principio, nullo modo extractum est de ventre, nisi quia caro factum est.

Spes mea ab vberibus matris meæ.

ENos cepit inuocare Dominum, sed non ab vberibus matris; ceteriq; cum adulti fuerint, sperare incipiunt; at incorrupta virginis infans ab vberibus,

*Et incunabulis perfectionem assequi sperat; nam ab
vberibus inquit spes mea es; addit D. Aug. non ex quo
lactens esse capi ex matris mamma, nam et ante utiq;;
sed à Synagogæ mamma sicut de vëtre dixi, me extra-
xisti, ne carnis consuetudinem sugerem.*

In te proiectus sum ex vtero.

Idest procuratione tua proiectus sum ex vtero; velu-
ti qui patrem in terra nullum habui, ut mihi solus
spes esses, abiectus inquam iam tanquàm homo, et infir-
mus. Iste est vterus Synagoge, qui me non pertulit.
ab eo autem iactatus sum, et non cecidi, quia me reti-
nuisti.

**De ventre matris meæ, Deus meus
es tu, ne discefferis à me.**

Idest statim te Deum cognoui ab ipsa diuinitate edo-
ctus, ex quo enim tempore in vtero virginis carnẽ
jumpsi, Deus meus es tu, ante enim pater, nunc Deus.
Itaque cum à mamma spes mea, et Deus meus existas,
ne à me recedas obsecro.

**Quoniam tribulatio proxima est,
quoniam non est qui adiuuet.**

Nam est in corpore, nec est qui mihi opem ferat; di-
scipulorum enim chorus me reliquit, et quis est,
qui adiuuet, nisi tu decertantibus adsis, viresq; et ani-
mum addas? certe non angelus non homo nisi tu pater.
Cum enim Deus nobis præsto est, dum affligimur, tole-
randi nobis robur afferre potest, ut in perturbatione
constanti,

constanti, ac forti simus animo: at eo deferente grauique nos omnia circumstant, vnde nos docet, ne in Deum talia flagitia admittamus, ob quæ ipse à nobis recedat; nam nullus nobis adiutor erit.

Circundederunt me vituli multi, tauri pingues obfederunt me.

STiparunt me gladijs, & fustibus vituli, idest multitudo populi, ac plebis nullam regulam nullumque ordinem seruans; Tauri, idest sacerdotes, scribæ, pharisei, quibus principatus erat commissus; ij enim, quod præsidebant, pingues erant, quia multis Dei donis fruebantur, me oppugnarunt.

Aperuerunt super me os suum tanquam leo rapiens, & rugiens.

Aperuerunt, idest magna audacia clamauerunt, & execrati sunt, tolle tolle crucifige eum, & sanguis eius super nos, & filios nostros existat, sicut leo rapiens me stiparunt, ac circumierunt; vt rugiens, ac frendens, odium patefecerunt.

Sicut aqua effusus sum, & dispersa sunt ossa mea.

INquit, ego effusus sum quasi aqua, quæ fusa dissipatur, & bene aquam posuit, quia nihil nouit corpus Christi nisi peccata lauare; & ossa mea dispersa sunt, idest quicquid in me erat, dissolutum est (robore enim corporis

corporis ossa sunt;) atque defecit. Secundum Allegor. ossa illius Apostoli sunt, quod reliqua ecclesie Christi membra contineant, & propter firmitatem asperissima quæq; superauerint, qui tamen omnes tanquam aqua dissipati sunt, & relicto eo fugerunt, cum is cruce afficeretur; & per effusionem digressum illorum ac fugam significat. Notandum autem, quod sicut aqua quando effunditur; aut irrigat, aut abluit, sic quando Christus effusus est, abluti sunt, qui in sordibus iacebant, ac rigatae sunt mentes.

Factum est cor meum tanquam cera
liquefscens in medio ventris mei.

Doloris hoc est proprium, scriptum est enim cepit pauere, miro namq; Christus propter Iudeorum, & Iudæ prodicionem dolore, ac miseratione affectus est, & cor eius tanquam cera igni admota euauit, et afflictionum igne defecit, ac debilitatum est; Et quamuis hoc ei congruere non videatur, qui ponendi potestatem habebat, infirmorum tamen suorum causam in se suscepit, & transtulit, In medio ventris, totam corporis concauitatem ventrem appellans, id est infirmos in ecclesia. Mystice, cor Christi scriptura est, quæ illo in crucem acto liquefacta est, quemadmodum cera, ut omnes infirmi intelligerent: Nam inde velum templi scissum est, & apertum quod velatum, ac tectum erat; Et sapientia Christi, ac voluntas, quæ prius non percipiebatur, ab ecclesia cognita est.

Aruit tanquàm testa virtus mea, &
lingua adhæsit faucibus meis, &
in puluerem mortis deduxisti me.

Virtus idest fortitudo mea in huius vitæ fornacem immissa perinde ac testa exaruit; robur. n. meum vt ante, miracula non edit; Christus enim antequam pateretur, & miraculis, & eloquentia, nec non fama, gloriaq; florebat. Vel exaruit virtus mea non velut sænum; sed vt testa, quæ igne durior fit, ac firmitior; nomen enim meum ante contemnebatur, post perpeffionem magis honorabitur, & laudibus, ac gloria afficietur. Et lingua, &c. cum interrogantibus præsertim Herodi licet quæsitus, & falsis testibus accusantibus non respondit; atque etiam cum sitiuit. Et in puluerem, &c. idest ad sepulcrum propter salutem hominum, quòd qui in sepulcro iacent terra, & puluere cooperti sint. non dixit in mortem, sed in puluerem mortis Christum esse deductum, quia illius anima in inferno relicta non est, nec caro corruptionem gustauit. Vel in impios morti destinatos, quos tanquàm puluerẽ proijcit ventus, deduxisti me, idest in impiorum manus me tradidisti.

Quoniam circundederunt me canes
multi, concilium malignan-
tium obsedit me.

Postquam de Iudeis mentionem fecit, militum quoque meminit, quibus Iudæi Iesum tradiderunt.

ut seruatus sit rerum ordo; Ceterum tauros illos, Iudeos ante merito vocauit, quia sub legis iugo erant, licet palam transgrederentur eam, & non seruarent, hos vero canes appellauit; nam gentes contra legem impurissimi, tum etiam moribus impudentes me circumdederunt eorum more latrantes, Concilium idest cœtus mala cogitantium me oppugnavit.

**Foderūt manus meas, & pedes meos,
& dinumerauerunt omnia
ossa mea.**

D*Einde narrat, quæ ab ipsis militibus audacter patrata sunt. Quid dicent Iudæi, non enim talia vnquam Dauid rex perpeffus est. Foderunt, idest clauis perforarunt manus & pedes, & facta sunt vulnera, quorum cicatrices postea dubitans discipulus attrectauit. Dinumerauerunt, non potuit melius extensum corpus in ligno describi; nam cum me nudum in crucem egerunt, ita me extenderunt, vt cuilibet ossa mea numerare facillimum esset.*

**Ipsi vero considerauerunt, &
inspexerunt me.**

A*ttrectantes præter honestum corpus meum, & vnum quodq; os dimetientes, vt viderent vbi clauos figere oporteret. considerauerunt, idest curiose de me tunc cruci suffixo disquisuerunt, nunquid filius Dei essem, ad spectaculum conuenientes, vt irriderent me,*

me, & inspexerunt, quid de me eueniret. Vel considerauerunt, & non intellexerunt, inspexerunt, & non viderunt; nam vsque ad carnem tantum corporis oculi non ad verbum vsque cordis oculi peruenerunt.

Diuiserunt sibi vestimenta mea, &
super vestem mea miserunt sortem.

ET fecerunt quatuor partes, quæ quatuor militibus obtigerunt, qui Christum cruce affecerunt, vt ait D. Ioannes, diuisione, qui ad vnum non tendunt, scripturas diuidunt; & sacramenta quidem ab hæreticis diuidi potuerunt; vestis vero, vel tunica inconsutilis à nemine diuiditur, ad sortem reuocatur, quæ cui sorte obtingit, is securus est, & eum nemo à catholica ecclesia dimouet. Quæ autem illa est, nisi charitas, aut vnitas, quæ diuidi nequit?

Tu autem ne elongaueris auxilium
tuum à me, ad defensionem
meam conspice.

N Arratis his, quæ Iudei & milites egerunt, ad orationem confugit inquit, Domine ne differas mihi opem ferre, sed statim me suscita, & ita factum est, vt post triduum ipse surrexerit: aspice autem ne vlla in re aduersarij mihi noceant; ad hoc enim defensio tua mihi necessaria est, quare ad auxilium meum festina.

Erue à framea Deus animam meam.

Framea gladius est, qua mortem intelligi voluit, libera igitur à gladio animam meam, eamq; à terrore immunem custodi, aut à morte, & hostium lingua eripe. Vel à Demone, ac suis illius ministris, qui per allegor. framea vocari potest, quòd cuilibet animæ insidias struat, & ei vulnus infligat.

Et de manu canis vnicam meam.

ET de potestate populi Iudeorum ex consuetudine canino more latrantium vnicam scilicet animam meam, quæ à peccatis sola immunis fuit; vel vnicam meam sponsam ecclesiam erue.

Salua me ex ore leonis, & à cornibus vnicornium humilitatem meam.

EX ore demonis, qui vt leo querit, quem deuoret, vel regni secularis, vt ad Pylatum referatur, eripe me, & à cornibus vnicornium, id est superborum se erigentium sacerdotum Iudeorum, ac scribarum, nec consortes ferentium, atque in vno tantum Deo se credere gloriantium. humilitatem meam libera, qua patri obediens ad mortem vsque me denisi; vnicorni autem Iudei comparantur, qui adeo superbus est, vt se subijci minime patiatur. Itaque captus statim perit. Vel leo, canis & vnicornis Demon appellatur, quòd in mortem imperium teneat.

Narrabo

Narrabo nomen tuū fratribus meis,
in medio ecclesiæ laudabo te.

Nomen tuum pater Apostolis, quos more humano fratres vocat, & humilibus, ac se inuicem diligētibus manifestum reddam, quod ab eo factum est, postquam surrexit, vt inquit Ioannes, & quotidie fit, cum euangelium recitatur. Sed plenissime tunc eum in iudicio diuinitatem suam patefaciet. In medio ecclesię propter quam passus sum, idest in medio credentium populorum te prædicabo, hymnosq; etiam per eos tibi decantabo.

Qui timetis Dominū, laudate eum,
vniuersum semen Iacob
glorificate eum.

Velut iam exauditus ceteros fideles ad gratias Deo agendas hortatur, quos ob summam virtutem timentes Deum appellat; nolite, inquit, laudem vestram querere, nec vos ipsos, sed ipsum laudibus efferte; Nam vbicunq; timetur Deus, etiam laudatur; illic enim est ecclesia Christi. Vniuersum semen Iacob, cui maior seruiet, idest ex omni gente fideles, populo indeo posterius posito idest post eos, qui ex gentibus crediderunt, magna ipsum gloria afficite.

R 3 Timeat

Timeat eum omne semen Israel, quoniam non spreuit, neque despectit deprecationem pauperis.

Vtrumque genus Deum metuat, gentes scilicet, et Iudei fideles, omnes inquam ad visionem Dei destinati, timore qui cum dilectione coniunctus est; omnis enim, qui Christum cognoscit, Israel vere appellatur, id est mens Deum videns, quia non spreuit licet altus humilem, neque neglexit preces, & humilitatem mei pauperis, qui inops factus sum, ut vos diuites eua-deretis; vel pauperis cuiusq; se non erigentis, & populi fidelis molesta sibi non fuit deprecatio.

Nec auertit faciem suam à me.

Vt ab illo qui supra dicebat, clamabo, nec ex audies: tria enim se perpeffum fuisse aiebat, videlicet esse abiectum, derelictum, & non exauditum. Hic postquam surrexit, opposita refert, quod non neglexit eum; nec ab illo faciem auertit, & eum exaudiuit; faciem, id est potentiam illam, qua nos aspicit, custodit, et beneficijs ornat, tunc auertit, quando nos protectione sua indignos iudicat.

Et cū clamarē ad eum, exaudiuit me.

Immo facies illa multo illustrior, & clarior facta est, me orante, vnde & clamorē meum accepit, nec a precibus, quas pro meis fudi, abhorruit, quin eas exaudiuit, & me surgente fidelium salutem procurauit.

Apud

Apud te laus mea magna in ecclesia.

Scilicet est, idest te laudo, non enim meam laudem quero, quia tu es mihi laus; nam quemadmodum apud omnes homines te illustrem, & clarum reddo, sic tu apud eosdem mihi honorem haberi doces, cum dicas, filius meus dilectus, in quo mihi bene complacui. In Ecclesia magna, idest vniuersali, quæ ad extremos orbis terræ terminos penetrans doctrinam suscepit.

Vota mea reddam in conspectu
timentium eum.

Secūdum Græcos vota, idest promissiones exoluam coram metuentibus eum; precatio enim siue votū est promissio alicuius eorum, quæ religioni consecrantur: Deprecatio vero est supplex à Deo bonorum petitio: Docet autem sermo ne prius quicquam à Deo petamus, quàm donum pro gratia impetranda offeramus; precari enim oportet ante quàm deprecari, sicut satisfactio fructuum eorum collectioni ante cedit. Vel vota, idest sacrificium; quod obtulit Christus Deo, & norunt fideles, idest corporis & sanguinis Domini coram ijs faciam, qui eum formidant, vt illi verum esse corpus, & per illud se saluari intelligant.

Edent pauperes, & saturabuntur, &
laudabunt Dominum, qui
requirunt eum.

Pauperes qui ex gentibus ad fidem accedunt, quique diuini amoris igne inflammati fuerint, idest be-

ius sæculi contemptores, & humiles comedent, & saturabuntur, non autem diuites, quia non esuriunt; satiantur autem, qui patiendo imitantur, Et postquam comederint, ac saturati fuerint Christum quærentes, laudibus eum afficient. Sed quis ex comestione fructus?

viuent corda eorum in sæculū sæculi.

A Nimæ eorum in aeternum viuent, & si corpora moriuntur, quia ad regnum caeleste surgent. Nā panis ab illo tributus immortalitatem parit, & vitam æternam.

Reminiscentur, & conuertentur ad dominum vniuersi fines terræ.

Post cognitionem sequitur obliuio, & post obliuionem memoria: nam cum à Deo acceperint, quòd sunt, idest cum lux salutaris illis illuxerit, opificis tunc recordabuntur, qui omnium rerum effector est, & recordantes, quòd Deus eis exciderat, se conuertent omnes fines terræ, idest ex toto orbe terrarum fidelium cætus, & ecclesia.

Et adorabunt in conspectu eius
vniuersæ familiæ gentium.

In conspectu eius idest in conscientijs suis non in cōspectu hominum Dominum venerabuntur, ex omnibus

bus gentibus, & familijs plerique. Iudæi quidem cum iudæam incoherent terram, coram Deo preces fundere arbitrabantur templum adeuntes; huiusmodi vero templum gentes, quæ in extremis orbis terræ finibus habitabant, visere non valentes, secundum Deum, & legem vinere incipientes, ex animo & vere illum summa veneratione prosequi didicerunt vniuersæ gentium cognationes, vt ait Hieronymus.

Quoniam Domini est regnum, &
ipse dominabitur gentium.

DEbet magnopere coli dominus, quoniam ipsius est regnum, non hominum superborum; nam demones, qui olim maxime infesti erant, omnesq; obsidebant, destructi sunt, & solum Dei regnum in omnibus potestatem habet. Sermo ergo rerum ordinem sequitur, primum reminiscuntur, deinde se conuertent, deum venerabuntur, & hæc omnia euenient, quoniam ipse gentium, non solum iudæorum dominatum habebit, propterea quod eas ab errore demonum ad fidem in eum traducet.

Manducauerunt, & adorauerunt
omnes pingues terræ.

Pingues terræ secundū græcos intelliguntur, qui animas celesti cibo nutrierunt, & facti sunt robustiores;

res ; nam passim cernere licet eos, qui Die Pascatis dominico corpus Domini sacrosanctum sumunt, postquã comederint, eum, qui cibi huius largiter est vitam afferentis, magnopere venerari, & effectum admirari, qui nudis, & apertis verbis reipsa perficitur. Aliter ait D. Augustinus etiam diuites terræ comederunt corpus humilitatis Christi, nec sicut pauperes vsque ad imitationem satiati sunt ; attamen adorauerunt, vt inter pauperes supra, & pingues hic discrimen existat.

In conspectu eius cadent omnes, qui
descendunt in terram.

D. Augustinus exponit, solus Deus videt quomodo cadant, qui caelestia deferentes in terra eligunt hominibus beati apparere, qui ruinam eorum non intuentur. Sed Græcorum mihi magis arridet opinio, quæ aiunt, quoniam necesse est, vt omne genu illi flectatur, merito addidisse, In conspectu eius cadent, præsertim cum hoc clarius explicauerit ex Hebr. D. Hieronymus legens, ante faciem eius genu curuabunt vniversi, qui descendunt in puluerem, quibus verbis genua flectentes in ecclesia descripsit, in qua demissa in terram fronte Deum colere consueuerunt. Atque vbi Christus se à mortuis excitauit, alij sponte, & amoris ardore, non nulli metu Deum cultu hoc venerati sunt, vt genua flecterent ; at multo magis adueniente ipso ad iudicium, alij libenti animo, alij inuiti, & cum timore magno minus hoc obibunt.

Et

Et anima mea illi viuet, & semen
meum seruiet ipsi.

ET anima mea inquit Christus, quæ in conspectu
mundi hominibus mori videbatur, Deo non sibi vi
uet, & semen meum, id est credentes, qui spiritus sancti
dono rursus geniti, filij Dei facti sunt, patri meo ser
uiunt, ac sempiternam atque beatam vitam consequen
tur.

Annuntiabitur Domino Generatio
ventura.

QUODNAM semen sit, declarat, cum populum ori
turum nominauit, non enim de hoc sæculo intelli
gitur, sed de futuro, annuntiabitur Domino, id est in
honorem Domini generatio ventura scilicet noui testa
menti, id est populus gentium baptismo iterum gene
ratus, ab angelis qui pro ministerio hominum preces
Deo offerunt. Vel annuntiabitur, id est cognoscetur a
Deo fidelium ex gentibus generatio.

Et annuntiabunt cæli Iustitiam eius
populo, qui nascetur, quem fe
cit dominus.

ET cæli, id est apostoli, & euangelistæ, atque hi, qui
per fidem generati sunt, Iustitiam eius, id est filij
Dei, siue mandata eius, & Tyranni interitum popu
lo

lo prædicabunt, qui ex fide, & ex aqua, & spiritu de-
nuo nascetur, & ille deinceps posteris omnia exponet,
quem sibi populum creauit, siue constituit Dominus
Deus, qui uiuit sempiternis sæculis gloriosus. Amen.

APPENDIX.

EGO Psalmum hunc quoad potui, diligenter inter-
pretatus sum, reliquum est, ut præcipua quæ-
dam de passione D. N. Iesu Christi pro ingenij
mei captu breuiter dicam, quæ ad maiorem illius de-
clarationem maxime pertinebunt. Atque imprimis
scire nos oportet, quod cum Adam, quem Dominus
Deus ad imaginem, & similitudinem suam creauerat,
atque in paradiso collocarat, ut illum custodiret, man-
datum præterisset, præceptoq; non paruisset, quod de-
derat ei, ne ex ligno prohibito quicquam carperet siue
pomum, siue ficum, & comederet, qua re effectum est,
ut ille sanctitatem, & iustitiam amiserit, qua prædi-
tus erat, & ob hanc offensionem in iram Dei incurre-
rit, Animaduertens Dominus Deus ruinam illam ma-
ximam, peccatum uidelicet per Adami præuaria-
tionem mundum intrasse, ac mortem esse secutam; ne-
minemq; à Damonis dominatu liberum fore, atque
captiuum à seruitute redemptum non iri, nisi consilium
suum executus fuisset, quod nemo scrutari poterat,
filium suum mittere statuit, qui sibi equalis, & co-
æuus carnem indueret, ac filius hominis esse uellet, &
ueniens

veniens quæreretur id quod perierat, atque saluaret; Duplex autem aduentus Christi causa extitit, altera quidem, quia Deus ab omnibus intelligi, ac sciri voluit, quanto hominem amore à se creatum prosequeretur; inquit enim D. Paullus, propter nimiam caritatem, qua nos dilexit, filium suum misit; altera vero, ut sententiam quam iuste tulerat, iustius abroga-
ret, atque deleret. Et quauis verbum caro extremis temporibus factum sit (cur enim tarde, scrutari, atque inuestigare humani non est ingenij) ideo tamen partum virginis huic tantum saeculo salutarem, non autem saeculis prioribus fuisse arbitrari debemus; omnis enim antiquitas Deum prorsus colens, omnisque sanctorum numerus, qui fide vixerunt in Christum venturum, salutem gustarunt, nec Patriarcha, nec Prophe-
ta, neque ex sanctis quisquam nisi in redemptione Christi omnino saluus, & iustus effectus fuit, quod multis oraculis, ac prodigijs promissum cum ab eis expectaretur, munere diuino tandem exolutum fuit. Venit igitur Dei filius sic homo factus, ut idem filius maneret, qui nisi carnem sumpsisset humanam, hominem non liberasset; Talibus enim vinculis astringebamur, ut nisi eius aduentu ab eis solui non potuissemus. Diuinitatis namque humilitas nos in altum prouexit; nam ab impietate ad iustitiam, à miseria ad beatitudinem reditus nobis non fuisset, nisi Iustus ad nos impios, & beatus ad miseros inclinasset: ijs vero qui interrogant, an alius Deo modus defuit, quo hominem à miseria mortalitatis huius erueret, respondetur aliam Deo, qui omnia efficere po-
test,

test, viam ac rationem ad nos liberandos aptissimam fuisse, ac diuinæ dignitati congruam, sed sanandæ miseriæ nostræ modum magis conuenientem non fuisse, nec esse oportuisse; potuit quidem ipse sine sanguinis effusione, ac pietatis instinctu etiam tunc saluare, sed noluit, quia sanctionem decreti sui violare aequitas non sinebat. Itaque post diuinam illam doctrinam, qua nos instruxit Dominus Iesus, dum in terra versatus est hic atque illuc pergens; post tot ac tanta præcepta nobis tradita, quæ aditum ad caelestem patriam nobis aperiebant; post innumerabilia ab eo edita miracula, quæ tamen omnia ita improbabant perfidi Iudæi, vt summo illum odio prosequerentur, eiq; conuitia facerent. Ac postquam canatus ipse illustre, & maximum illud humilitatis exemplum Apostolis demonstrauit, cum cinxit se, & eorum pedes lauit, à Iuda incipiens, vt proditorem suum honore afficeret, & ad Petrum obstupescentem veniens, qui omnino recusabat, eosq; admonuit, quoniam in honore alij maiore, alij minore futuri erant, ne inter se dissiderent; nec superbia efferrentur, sed eum imitarentur magistrum, & quæ didicerant, efficere non intermitterent; Cum patiendi tempus appropinquaret, ac mæstus Iesus esse incipiens, vt veritatem assumpti hominis indicaret, non patiendi timore, qui ad hoc peragendum venerat, at propter infelicem Iudam atque Apostolorum scandalum, Iudæorum eiectione, & ipsius Hierusalem futuram euersionem angeretur, ter patrem rogasset, semel quidem inquiring, transeat à me calix iste, idest poculum mortis, videlicet vt me non moriente mors moriatur, Iterum & tertio si non potest

test transire, nisi bibam illum, fiat voluntas tua, ut humana nostræ voluntati diuinam anteponendam esse doceat, ad discipulos suos dormientes rursus venit, qui bus ait, dormite iam, ecce præsto est, qui me proder: Nā Daemon in mentem Iudæ immiserat eum prodendi, qui cum Principibus sacerdotum pactus triginta argenteis, siue denarijs, vnā cum ijs, qui fustibus, & hastis armati erant, ad eum se ultro offerentem profectus est comprehendendum, qui tunc diuina prouidentia non casu in horto erat, ut sicut in paradiso, idest deliciarum horto à serpente Adamo decepto mundi ruina caput, sic in horto mundi salus prodito Christo initium faceret. Verum quideis euenerit, audire nobis licet Ioan nem inquentem, Iesum ad turbas venientes hæc verba fecisse. Quem queritis? respondisse eos, Iesum Nazarenum; ipsi enim se hominem purum adoriri arbitrabantur, illum dixisse, Ego sum; quod verbum ita eos perculit, ut abeuntes retro omnes, & Iudas, ut potè in terrenam labem ab illa celesti gratia decedentes in terram corruerint. Quòd si humilitas iudicanda efficere valuit, quid iudicatura maiestas poterit? Vnde ex hoc conijcere debemus, quòd licet ob infirmitatem perpeßus sit Dominus Iesus, & contumelijs innumera bilibus vexatus, aliqua tamen diuinæ suæ virtutis semina spargere non omisit. Verum ipse sciens mysterium, quid magis requireret, insectatores ad vomitum reuerti permisit, mandans eis, ut suos abire sinerent, qui omnes relicto eo fugerunt: Cui enim fuisset salus, si se comprehendi non permisisset, qui pro redemptione nostra mori decreuerat: nam dilato crucis triumpho,

& *Demonis dominatio longe fuisset progressa, & captiuitas nostra diuturnior euasisset. Et Iudas quidem Iesum osculatus est, sicut eis signum dederat, ne Iacobum qui ei similis valde fuit, in tenebris Christi loco caperent; Qui dixit illi, osculo filium hominis prodis? (ex quo docemur ininimicos omnes, eosq; quos sanitiā in nos adbituros esse non ignoramus, diligere, Dominus enim osculum eius non respuit, non quod simulare nos doceret, sed ne proditionem fugere videretur;)* Et charitatis insigne indicium, ad proditionis atque infidelis animi signum conuertis? Illi vero eum ligatum tanquā agnum innocentem ad victimam duxerunt, quia erat eorum hora, & potestas tenebrarum, idest dēmonis; simul enim illum afflictionibus cruciandi, & morti addicendi vim, & facultatem acceperant, vt perficeretur carnis sumptæ salutaris dispensatio; In quo strepitu Petrus in amore Christi errans seruo Principis Malcho aurem amputauit, quam tamen Christus sanauit Dei filius, mandans ei, vt gladium in vaginam recondideret. Ac primum Annæ ipsum offerunt, qui Iesum de discipulis suis, & de doctrina interrogauit, ipse autem respondit, quid me percunctaris? exquire ab eis qui me audierunt; ego enim palam non in occulto, locutus sum, non quod intelligentia occulta non esset, sed quod coram tot hominibus sermonem habuerat; contra hæreticos congregationes occultas facientes: Et vnus in nō strorum quem ingratum Malchum fuisse multi opinantur colaphum ei infregit audacissimus inquires, sic pontifici respondes? cui ipse dixit, vt mansuetus ac patiens, qui pœnam percutienti irrogare poterat, si male locutus

locutus sum, perhibe de malo, idest mendacem me argue; non enim de sacerdotis honore detraxerat, sed innocentiam suam ostendebat, atque asserebat. Annas autem illum ad Caypham misit, aduersus quem falsos testes quærebant, vt à falso testimonio condemnatio Christi inceperit, ipse vero tacebat, primum vt mansuetudinis, & patientiæ exemplum præberet; deinde quia accusationes allatæ responso dignæ non erant: false enim. Nam Christus dixit, soluete templum hoc de corpore suo intelligens, & in triduo suscitabo illud, illi autem verba commutantes de templo Dei exposuerunt, quòd id post triduum reedificaret, cum edificare & suscitare diuersa sint. Demum quia cognouit, quicquid ab eo responsum foret, illos calumniaturos esse; Verum Cayphæ furenti quia Christus responsum non dat, & dicenti, adiuro te per Deum viuum, si tu es filius Dei, vt dicas; respondit Christus, tu dixisti; attamen filium hominis, quem nunc parui penditis, in Dextera Dei sedentem videbitis, & per totum orbem patri æqualem prædicari, sed & in fine sæculi eum vestri, ac cæterorum adesse iudicem. Tunc Cayphas, vt sermonis inuidiam magis exaggeraret, vestimenta sua scidit certe admodum stultus, qui seipsum sacrato amictu spoliauit, & pontificis honore se priuauit, ac finem veteris instituti fore diuinavit, sicut vnum pro populo mortem obiturum esse vaticinatus erat, postquam manibus suis vestes pontificias discerpserat. Et eum execratum esse dixit, nec amplius testibus opus esse; Quid de execratione hac sentitis vos? illi reum mortis esse inquirunt. Tunc Iesus illuditur, velatur, arundi-

ne ceditur, consputatur, & innumerabilibus contumelijs afficitur. Dum hæc coram Caypha geruntur. Petrus cum ad ignem accessisset, frigus enim non temporis solum, sed fidei etiam patiebatur, interrogatus à ministris illis, qui erant ibi, an ex illis esset, timore ac trepidatione perterritus ter negavit, non sum, & non novi hominem, non solum negans Christum, sed etiam se illum non sequi, sicut antequàm gallus caneret, facturum illum dixit ei Dominus: Vt hinc discamus nullo modo hominis voluntatem sufficere, nisi auxilio divino ea roboretur. At Iesus eum respiciens diuino oculo suo in eius mentem influxit, interioriq; gratia eum visitavit, quem ante labi permisit, ut is ex infirmitate sua subiectorum fragilitatem metiretur: Recordatus vero Petrus verbi Domini exiit foras, & fleuit amare, quæ illius lacrymæ bona fuerunt, quia peccatum abluerunt; quam negationem tres primi Euangelistæ in domo Cayphæ, Ioannes in domo Annæ contigisse aiunt; non nulli in domo Annæ captam, & Cayphæ perfectam fuisse; alij in Domo Annæ accidisse, sed Cayphæ tribui, quia pontifex esset; Verum Euthymius nullam esse discrepantiam inquit; vna enim erat domus, idemq; atrium, habitationes duas segregatas habens, in qua vterq; habitabat. Et Iudas audiens Christum condemnatum fuisse, peccavi, inquit, sanguinem iustum prodens; & proiectis denarijs abiit; principes vero pro sepultura peregrinorum agrum emerunt, quia Iudeis, qui filij erant foras expulsis ad usum, & utilitatem gentium, quæ à Deo longe aberant, pretium sanguinis Christi relatum est. Ex quo coniecturam nobis

facere

facere licet Iudam non credidisse Christum vere Deum esse, cuius misericordiam captasset, si eius diuinitatē atque potentiam non fuisset inficiatus; de quo Hieremias c. 17. inquit quod eius peccatum stylo ferreo scriptum erat, & non poterat deleri, licet de vniuersa gente iudæa dictum illud intelligi queat; nec se laqueo fortasse suspendisset. Transacta hac nocte vinctum Iesum principes Pylato tradiderunt dicentes, nobis non licet interficere quenquam, vt sermo Iesu impleretur, cum à terra in altum sublatus fuero, omnia ad me ipsum traham, genus mortis indicans, cum tamen lingua hoc exequerentur. Et vere traxit, cum maiestatem suam confitendi sensum totus mundus accepit, & execrantia Iudæorum scelus elementa omnia sententiam vnā tulerunt. Ac Pylatus quidem semel eum examinauit, & cum nullum crimen reperisset, ad Iudæos exiuit, vt ab eis de causa vinculorum sciscitaretur, & in quo eum accusarent, cui responderunt ipsi; commouit populum docens, a Galilea exorsus, & se Regem dicens; ideo nisi maleficus esset, tibi ipsum non tradidissemus. Pylatus itaque audiens Galileam, ad Hærodem eum misit, qui gaudio valde exultauit Iesum videns, quem conspiciere optabat, sperans aliquod ab eo signum factum iri; varie autem eum interrogabat, at ille responsum non dabat ea, opinor, causa, quod ille Ioannem occiderat, & quia eius impietas, vt diuina cerneret, digna non erat, ac principibus eum ipsi accusantibus nō respondit, ne crimina diluens crucis vtilitatem differret, sed Pylato, qui sententiam inuitus ferebat. Quare ex hoc disci potest, vbi pro grege immolandus ipse

nihil ait, patientiam Iesum ostendisse; ubi respondet, quasi pastorem contra lupos, & latrones pugnasse. Herodes autem illum veste alba indutum spreuit, & ad Pylatum remisit, & eodie reconciliatio gratiæ facta est, cum antea inter eos inimicitia intercederet; quod argumentum fuit utriusque populi per Christi perpeffionem concordiam fore, ita tamen ut populus gentium Dei regnum prius possideat. Iterum vocavit Iesum Pylatus, & ei dixit, Tu es rex Iudeorum? ac nihil aliud criminis exquirens, nisi an Rex sit, impietatis Iudeos arguit, quod ne falsum quidem inuenire potuerint, quod Saluatori obijcerent, nisi duntaxat hoc vnum, quod se Regem diceret; eosque deridet, quod tam pauperem, tam vilem, tam necessario destitutum auxilio regnum ambire velint. Respondit Iesus, a temetipso hoc ais, an alij tibi dixerunt; Pylatus inquit, Pontifices tui tradiderunt te mihi, quid commisisti? ait Christus, regnum meum non est de hoc mundo, in eum scilicet credentes; ergo Rex es tu, inquit Pylatus, replicat Iesus, tu dicis quia Rex sum, ego in hoc natus sum, ut & rex sim quippe de Rege ortus, & ut veritati dem testimonium. Ait praeses. Quid est veritas? nec responso expectato. Iterum ille ad Iudeos accessit inquiring se nullam mortis causam in eo inuenire, consuetudinem vero esse, ut in Pascatis festo, in quo a seruitute Aegypti liberati fuerunt, illis liberet vnum ac dimittat, an velint Iesum, non opinans eos homicidam ipsi praeposuros esse; Sciebat enim, quod inuidia ducti eum insectarentur; at illi Barabbam flagitarunt, & Christum in crucem tolli. Verum ille manus lauit dicens se a sanguine

guine Iusti huius immunem esse; Beatus ille, si in hac sententia perseverasset, & uxori etiam fidem habuisset; Et illi responderunt, sanguis eius super nos, & super filios nostros, qui pretiosissimus Iudaeorum immanitatem arguit, atque ingratitudinem; mundum tamen à peccato redemit, cuius gratia effusus est. Tunc Pylatus Iesum apprehendit, & ad satietatem flagellis cecidit, vel ut quo quo modo seuientium Iudaeorum iram mitigaret, vel, ut quidam aiunt, quod moris erat, ut damnati prius virgis caderentur. Ecce quam iniuriosa ipse, & milites Christo intulerunt, quæ tamen idem patienter tulit, ut à vulneribus quæ peccatis nostris debentur, nos liberaret; & Illuserunt ei, ut nos illufori Sathana illudere possemus; omnia enim nostra causa suscepit Iesus, quibus omnia aduersa, omnesq; Dæmonis insidias à nobis repelleremus; Ac milites corronam spineam capiti eius imposuerunt, ut eum victorem indicarent licet deridentes; ac pro sceptro dederunt ei arundinem in dexteram eius, siue calamus, ut Iudaeorum sacrilegium scriberet; & veste purpurea eum induerunt illudentes ei, Ave Rex Iudaeorum, sputo eum consputantes, & faciem eius percutientes; siue à Iudæis pecunia corrupti, siue præsidis mandato, ut odium Iudaeorum mitigaretur, aut sedaretur; His gestis exiit foras Iesus, Et Pylatus ait eis, ecce homo, eum miserans, & ut ipsi misericordia commouerentur, quia non erat ei spesies neque decor, quem cum aspexissent, in crucem eum age, inquiunt, Et Pylatus respondit, accipite eum vos, irridens eos, quibus iudicandi facultas non esset, quia nihil causæ reperio; & ipsi dixe-

runt cum debere mori, quia filium Dei se fecit. Hoc autem Pylatus formidavit an verum esset; Iudæi autem cum id re, & verbis intelligerent, non sunt perterriti, sed interimunt, quem valde venerari debuissent. Pylatus denique cum eum sciscitatus esset, unde es tu? cui Iesus responsum non dedit, nescis, inquit illi, quia te cruce afficiendi, atque absoluendi potestatem habeo. Et quare innocentem non absoluis? respondit quidam, at nisi à Deo tibi ea data fuisset, dixit Iesus, nullam haberes. Unde voluisset eum liberare Pylatus illius sermonibus deterritus; illi vero hoc perspicientes dixerunt, si hunc dimittis, te Cæsaris amicum non fore, Tunc arbitratus ille se Cæsarem offensurum, foras duxit Iesum, inquit, ecce Rex vester; sed illi cum clamassent: tolle tolle, atque ille dixisset, tali ignominia Regem vestrum afficiam? deludens Christum, ut Iudæorum feritatem curaret, ac respondissent se Regem nisi Cæsarem non habere; morti eum adiudicavit, quasi potestatem Cæsaris usurpantem, et regnum affectantem, & permisit eis, ut illum in crucem tollerent. Illi autem veste purpurea exuentes eum, & vestimentis eius iterum induentes crucem humeris ipsius Iesu imposuerunt, quam is strenue gerebat, quoad Dei providentia, ac voluntate negligentibus Iudæis Christum sequi, crucemque; terræ, dignus inuentus est Simon Cireneus, qui id efficeret, scilicet gentium populus. Quem Iudæi coegere illam sumere, veriti ne oneri succumberet Iesus, ac mortem obiret; Et venerunt ad Golgota Calvariae locum propè Hierusalem, in quo caluities hominum, vel suspensorum, vel alio mortis genere occisorum passim, & cir-

ca patibula iacebant, & ubi quidam aiunt Adamum perisse atque iacere. Et in crucem eum ibi egerunt hora sexta, qua Adam in peccatum lapsus est, licet Marcus tertia dicat indicans illa hora eum Rem mortis iudicatum fuisse, ac pati coepisse, & latrones duos alterum à dextris, à sinistris alterum, ut prædictio compleretur, & cum iniquis deputatus est. Qui in perpeffione manus suas extendit, orbemq; dimensus est, ut iam tunc ostenderet ab ortu solis vsque ad occasum magnū populum ex omnibus linguis, & tribubus congregatū sub alas suas esse venturum, atque illud signum sublimē, & maximum frontibus suis suscepturum. Milites autem vestimenta diuiserunt in quatuor partes, erant enim quatuor, quorum unicuiq; pars obtigit, qui regni diuisionem futuram esse indicarunt. Pylatus vero diuinitus titulum scripsit, Iesus Nazarenus Rex Iudeorum, quem reprehenderunt Pontifices dicentes noli scribere, rex Iudeorum, sed quia dixit ipse, Rex sum; quibus ille. Quod scripsi, scripsi, quasi dicat, veritatem nō corrumpo, sed vos falsitatem diligitis, ex quo titulo à Pylato conscripto Hebræam linguam primam fuisse apparet. Cur autem in cruce pati elegit, ratio triplex affertur, prima ut Christus pro peccato mundi pretium, ac redemptio daretur, & antiquus hostis cruce velut homo caperetur, ut quos absorbuerat, euomeret, non potentia, sed iustitia victus; altera, ut imitatoribus vitæ exemplum praberet, ad hoc enim cruci affixus est, ut quid tolerare, & quam spem surgendi habere debeamus, doceret; postrema, ut superbia mundi, & sapientia inflata per crucis stultam, ut putabatur, præ-

dicationem corrueret. Illa quoque causa præcipua
 fuit, eum Deus crucem maluerit, quòd illa eum in altu
 efferri necesse fuit, & omnibus gentibus Dei perpeffio-
 nem innotescere; nam quoniam is qui patibulo suspen-
 ditur, & clarus & ceteris altior est, crux potius ele-
 cta est, quæ significaret illum tam illustrem atque subli-
 mem fore, ut ad eum cognoscendum pariterq; colendu
 cunctæ nationes ex toto orbe concurrerent. In die au-
 tem Pascatis Iudæos furorem suum exercere permisit
 Christus, quia oportebat, ut perficerentur, quæ figura-
 to mysterio diu promissa fuerunt, ut ouem significan-
 tem vera ouis abrogaret ac tolleretur, & vno sacrificio
 variarum discrimen victimarum exprimeretur; Nam
 omnia illa de immolatione agni, quæ à Moysè instituta
 fuere, Christum prædicebant, eiusq; occisionem nuncia-
 bant. Et sic umbram veritatis Iudæi sequebantur, et
 ab eisdem umbra veritas implebatur, quia ut verum
 Pasqua celebraretur, Christus velut ouis immolaba-
 tur. Noluit autem de monte præcipitari; ipse enim
 transiens per medium illorum ibat, nec lapidibus appe-
 ti, ac percuti; se enim occultauit, nec gladio interfici
 nostræ utiq; salutis causa; Nam lapides, aut ferrum
 semper gerere non valemus, quibus defendamur; Cru-
 cem vero elegit, quæ leui manus motu exprimitur, quæ
 & contra inimici versutias munimur; hoc enim signo
 omnia cum inuocatione nominis Christi consecrantur.
 Cruci ergo suffixus est, ut à Damnatione ligni vitæ
 nos erueret, & à morte liberaret; Extensio autem in li-
 gno crucis manuum sacrarum Adami & Eux manus
 ad prohibitum lignum porrectas condemnabat. Qua-

re extra ciuitatem, & non in templo? vt impleretur;
 quod supra de latronibus dictum est; & quam ob cau-
 sam in excelsa ligno, & non in ipso tecto, vt ipsa etiam
 aeris natura à tetra odore munda redderetur; & terra
 ex sanguinis stilla de latere beneficium acciperet; Et
 ideo foris, ne pro illa tantum plebe se obtulisse pute-
 mus, sed vt sacrificium commune fuisse intelligamus;
 nec aberrauerit quis à vero, si Christi perpeffionem
 etiam actionem vocauerit; nam opus illud ingens atq;
 admirandum confecit, quò mortem ac Dæmonem deu-
 tit, ac reliqua omnia peregit. Ceterum in cruce pen-
 dens dicebat, Pater ignosce illis, quia nesciunt quid
 faciunt, non excusantur tamen cum scire nolunt, quod
 cognoscere debuerunt, orans tanquàm homo, vt miseri-
 cordiæ formam demonstraret; at quidam aiunt non
 pro Iudeis, sed pro militibus Romanis, & pro idiotis
 ex gentibus legem ac prophetas ignorantibus eum pre-
 catum fuisse: à prætereuntibus autem Iudeis illudeba-
 tur, & conuiuijs iactabatur Iesus; si filius Dei es, de-
 scende de cruce; verum descendere noluit, quia vsque
 ad mortem patiens esse voluit. Idipsum, & duo latro-
 nes exprobrabant ei, vt Matthæus & Marcus aiunt;
 vt vero Lucas inquit, unus tantum illum uexabat; al-
 ter enim socium increpabat dicens ab eo Deum non ti-
 meri, & nos quidem factis digna pati, hunc uero nihil
 mali gessisse: Et Christo Iesu aiebat ab eodem edoctus;
 Domine memento mei cum in regnum tuum ueneris, cui
 respondit ipse, Hodie mecum eris in paradiso: Vita
 enim est esse cum Christo, quia ubi Christus est, ibi re-
 gnum existit, ut non tanquàm homo, sed tanquàm Deus

hoc dixisse intelligatur. Homo enim Christus secundum carnem in sepulcro, secundum animam in inferno futurus erat, ut subueniret quibus oportebat; Deus vero Christus ubiq; semper est. ubicunque ergo paradysus sit, quisquis beatorum ibi est, cum illo existit, qui ubiq; est. Dominus autem latroni cito ignouit, quia cito ille se conuertit, quæ admiranda fuit eius conuersio, & plus tribuit quàm rogatus fuit; non enim cuiquam ante latronem paradysum pollicitus fuerat. Quidam aiunt latrones duos vtrunque scilicet populum iudeorum, & gentium indicare; & ambos primùm fuisse Dominum execratos, deinde alterum signorum magnitudine perterritum valde pœnituisse, & iudeos vsque hodie increpare. Vnde latro dubitantibus ap stolis, mirum in modum laudatur, Christum confitens, & ipsius magnanimitas præcipue, qui populi multitudinem opprobria, contumeliasq; & conuitia in eum iactantem non attendit, sed fidei oculis Regem cali cognouit, & confessus est. & quod caput est, paradysum hodie nobis ante quinque millia vel amplius annos ferè, clausum aperuit; in hac enim die & hora latronem introducens Iesus duplex in nos beneficium contulit. Itaque laudabilius fuit latroni imminente passione quam inter virtutum opera Christum fateri. Nam Petrus passionis tempore Christum negauit, quem nouerat, latro quem non cognorat, nec miracula edentem aspexerat non est inficiatus. A sexta autem hora vsque ad nonam magnis, & crassis tenebris toti orbi offusus, cum iudeis salutare lumen illuxisset, ipsiq; potius tenebras sibi offudissent, quàm lumen recepissent; De quibus

Diony-

Dionysius Areopagita dixit, aut Deum naturæ pati, aut mundi machinam dissolutam iri; miserata sunt enim conditorem suum elementa, & sol ipse se occultavit, ne dominum suum pendentem videret, & impij sua luce fruerentur; Exclamavit Eli Eli lamazababani, idest (verbum secundum latinos quartum) humana enim natura derelicta erat, at non Dei filius; unde verborum humilitatem non miremur, nèque derelicti querimonias, cum formam serui scientes crucis scandalum videamus. Hoc enim dixit confirmans, quod sicut vere humanam, sumpsit naturam, se vere quoque cruce affectum fuisse; vel pro genere humano morientem clamasse; figuravit enim, quod nostrum est in se, si quidem primum relictus, & spreto, eramus, nunc illius afflictionibus assumpti, ac seruati sumus, quæ de re nonnulla in Psalmo supra diximus. Verum quidam illic stantes, opinor, milites Romani sermonem non intelligentes dicebant, Heliam vocat, ceteri dicebant, videamus an Helias veniat; At Iesus iterum clamavit voce magna. Pater in manus tuas commendo spiritum meum (verbum, ut latini aiunt, septimum & ultimum) patrem vocans, ut se filium declaret, & spiritum commendans non defectum virtutis, sed fiduciam eiusdem cum patre potestatis insinuandi gratia, tunc eum mori permisit; sed variant textus græci, quidam, commendo, quidam commendabo, habent; ac futurum magis probatur, quod paulo post spiritum emisit; Nam sequitur post hanc vocem, quod stabat iuxta crucem mater eius, ut ait Ioannes, qui & ipse aderam cui dixit Iesus, Mulier, ecce filius tuus (verbum, ut sentiunt

tiunt latini, tertium moriens enim matrem discipulo commendat, valde dilectam admodum dilecto, virginē virgini, nos instruens, vt ad extremum vsque spiritum parentum curam habeamus, & discipulo, ecce mater tua; quam loco matris semper duxit, sicut illa habuit ipsum loco filij, & quicquid ei necessarium fuit, diligenter curauit, Mulieris autem nomine quidam mouetur; at ad sexum retulit; non enim corruptela, sed sexus vocabulum est, cum vsus vulgi veritati non aduersetur, quo nomine primum Eua adhuc virgo appellata est. Caterum sciens Iesus, quia omnia iam perfecta erant, vt compleretur scriptura, sitio dixit, fidem gentis minime credulae concupiscens, illi vero acetum cum felle mixtum arundine hyssopi, quae ad eorum manus peruenit, ei praeuere, vt ait David, quo epoto dixit, consummatum est, id est omnia perfecta sunt, vt nihil eorum desit, quae ante mortem fieri opus est; non enim mors corpus eius ante inuasit, quam ipse voluit, Et inclinato capite tradidit spiritum, vt potē qui deponendi animā suam potestatem habebat, & iterum eam sumendi, completis tringita tribus annis, & mensibus tribus, à natali, à carne vero ab eo sumpta triginta quatuor annis integris; non postquam spiritum emisit, quod in nobis accidit, sed vbi inclinauit, tunc spiritum edidit, vt discamus eum mortuum fuisse, quando voluit. Obijt ergo secundum carnem filius Dei, & mori voluit, vt per mortem eum, qui mortis potestatem habebat, demonem destrueret, & eos qui timore mortis Rei erant, prorsus liberaret: Qua crucis morte nihil tunc magis ignominiosum fuit. Quare autem cum interimi procurauerint

curauerint Iudæi, causa hæc extitit, quia dicebant, si eum dimiserimus, Romani venient, & auferent locum nostrum; Christum occiderunt, & tamen locum, & gentem perdiderunt; si enim vicerunt, quomodo regnum amiserunt; non igitur victores fuerunt, ut arbitrati sunt; immo Christus iudicatus est & vicit, ut ait Dauid, & vincas cum iudicaris, quia sine peccato iudicatus est; ideo iudicium suslinere patientiæ fuit, & vulnere pati ad humilitatem pertinuit. Signa autem in morte Iesu multa extiterunt, primum templi velum scissum est, scilicet velum inter sanctuarium, & sancta sanctorum, quod summa templi mysteria tegebat, ut veteris testamenti arcana omnia, & mysteria prius abstrusa Christi morte manifesta esse facta indicet, & ad populum gentium transiisse: Deinde terra terremotu contremuit, & petre scisse sunt, Denique ut addit D. Mattheus, monumenta aperta sunt significantia Dominum se excitaturum, & multa corpora surrexerunt eorum scilicet, qui credendi sunt cum Domino ascendente simul ascendisse, non tamen antequam Christusurgeret, ut ipse ex multis fratribus primogenitus esset; & exeuntes de monumentis, postquam ipse se suscitauit, in sanctam ciuitatem uenerunt, & multis apparuerunt. Quæ omnia signa Centurio uidens filium Dei fuisse confessus est. Verum mos erat, ne remanerent corpora in cruce sabato, crura suffringere, ut ait D. Ioannes ostendens in huiusmodi officiis, quæ mortuis præstamus, morem cuiusque gentis seruandum esse, & ita utriusque latronis crura fregerunt; Iesu uero iam mortui minime; sed unus militum, quem Longinus fuisse

fuisse quidam existimant, hasta latus eius perforauit, ex quo exiuit sanguis ad pretium, & aqua ad ablutionem pertinens: aqua enim nos abluit, sanguis uero redemit, Et sic corpus integrum patibulo detractum est, & in sepulcro à Iosepho, qui à Pylato illud impetrauerat, quiq; quanuis in duodecim numero repositus non fuerit, discipulus tamen Domini nuncupabatur, diligenter inclusum. Et unguentis à Nicodeno, cum forte surrecturum non credente unctum. Iacuit autem corpus Christi in sepulcro uno die, & noctibus duabus; quia uidelicet unam suam carnis mortem obtulit, & mortem nostram duplicem carnis & spiritus, quibus detinebamur, soluit; ac sepultus est, ut ad consolationem eorum, qui iam in sepulcro conditi fuerunt, benedictionem corporis eius terra acciperet, ibiq; ad sepulchrum Maria Magdalene, & altera, idest Dei genitrix precipue, & aliae astiterunt. Adiungit solus Mattheus iudeos à Pylato petisse, ut iuberet muniri sepulcrum, ne discipuli corpus furarentur, & cum à mortuis surrexisse dicerent, sic enim ultimus error priore peior esset, ut ignorantes uerum dicant, quod pœnitentie contemptus ignorantie errore multo peior est; & sic custodia adhibita fuit, ac diligentia, quæ nostræ fidei profuit, nam quanto diligentius seruatur, tanto magis Domini surgentis uirtus ostenditur; Ex quorum uerbis patet eum mortuum esse; aiunt enim illum seductorem adhuc uiuentem dixisse, post triduum surgam, ac sepultum esse, munientes sepulcrum, quo obsignato cum locus furto non relinquatur, quin ipse surrexerit, contra dici non potest: corruerunt tamen pecunia milites, ut
ipsis

ipsis dormientibus discipulos corpus abstulisse in uul-
 gus spargerent, & hanc famam suo tempore apud iu-
 dæos fuisse ait Augustinus. Quis ergo tam durus est,
 qui considerans totum Saluatoris corpus uarijs iniurijs
 affectum, caput corona spinea, & arundinis percussio-
 ne, sputis faciem, os felle & aceto, aures execratio-
 nibus, dorsum & pectus uerberibus manus, & pedes
 clauis, latus hasta perforatum, lacrymas continere
 queat? Et quicquid illusionis, & contumeliæ, quicquid
 uexationis, & pænæ intulit impiorum furor, non ne-
 cessario toleratum ab eo fuisse, sed ex uoluntate susce-
 ptum cognoscens, incredibilem mansuetudinem miseri-
 cordiamque non admiretur, benignitatem atque chari-
 tatem non suspiciat? Venit enim filius hominis, ut
 nos saluaret, & sic ad omnium redemptionem, insectan-
 tium malitia usus est; ut tamen si crediderint eum obijss-
 se, & surrexisse salui esse possint ij, qui eum in crucem
 egerunt. Cum ergo nos contumelijs affici mur, mentis
 ad Christum confugiamus, qui tot ac tanta pro salute
 nostra pertulit, hoc maxime perpendentes, quod ipse
 Deus erat, nos serui, ipse sine peccato, nos autem pec-
 catores, & quod à seruis afflictiones patiebatur, nos
 autem à conseruis, & ipse propter nos, ac spectanti-
 bus iudæis grecis & latinis, nos propter nos ipsos, et co-
 ram paucis mala, & calamitates sustinemus: ac sæpe
 hæc commemoremus, & omnem tumorem atque super-
 biam abijciamus; humilitatemque maxime diligamus,
 & amplectamur, cuius admirabilia exempla ipse no-
 bis edidit, virtutemque crucis noscamus, qua parady-
 sum aperuit, & illam in fronte geramus, ne erubescamus;

mus; ea enim in animis nostris figenda est; Et omnibus
actionibus nostris anteeat, ut nisi per invocationem,
& crucem Christi saluari nos credamus: ideo ubiq;
& semper signo crucis armare nos decet; & cum dor-
mitum accedimus, & de lecto surgimus: Hoc etiam
memoria teneamus solis illis, qui mandata Christi ser-
uant, eam prodesse, cuius proprietates quinquaginta
recitat D. Chrysostomus. Quare in hac quotidie cogita-
tione, ac meditatione versemur, quemadmodum Chri-
stus incredibili patientia propter nostram salutem
usus fuerit, & quantum erga nos amorem demonstra-
vit; fortasse enim à flagitijs multis, ac sceleribus ab-
stinebimus; tanta est autem conscientiae vis, in vtran-
que partem, ut neque timeant, qui nihil commiserint;
timor enim ex conscientia peccatorum exoritur, &
pœnam semper ante oculos versari putent, qui peccave-
runt. Ex quorum numero nolimus esse, sed dominum
Iesum Christum toto corde colentes, atque venerantes
semper eius beneficia recolamus, conemurq; mun-
dum, ac vitia omnia fugere, crucemq; no-
stram ferre, quo ei valde grati simus;
ipse enim sicut latroni, ita &
nobis paradysum patefa-
ciet, & in patriam
caelestem nos
intro-
ducet, qui vivit & regnat aeternis
saeculis benedictus, & glo-
riosus, Amen.

IN PSALMVM XXII.
DOMINVS REGIT.

Psalms hic, vt non nulli aiunt, nomine redeuntium à seruitute Babylonis canitur, qui à Cyro dimissi magna cum latitia, & rerum copia ad suos reuersi sunt, & hoc videtur prædicere Dauid, vel vt alij inquit, fidelium ex gentibus exultantium, propterea quòd Dominus ad Pascha eos ducat: Et decem in se Dei beneficia continet, quæ ordine numerabimus.

Dominus regit me, & nihil
mihi deerit.

Dominus Iesus Christus pastor, cum primo fideles ex gentibus quasi oues in præruptis locis errantes reperisset, illos ad stabulum ouium suarum duxit, pro quo beneficio eorum vnusquisq; à propheta introducitur pro gratiarum actione canens, Dominus regit me; Vel ecclesia sic Christum per fidem alloquitur, quia ante aduentum eius Demon mundum regebat; sed modo Christus ecclesiam suam regit, id est pascit, vt legit Hieronymus. Et nihil mihi ex necessarijs, & opportunis deerit; qui enim Deo adheret, nihil boni ei deest. Ouium autem status inter scelestissimos, & perfectos medius est; perfecti enim sunt, qui animam virtutibus insignitam habent; oues vero Dei nunc cupantur, quæ à ferinis moribus se ad meliorem cultum

transferunt, & ubi ad perfectionis statum perveniunt, non amplius oves, sed homines appellantur, verum, quādiu oves sunt, à Christo aet̃e dicere docentur. Dominus regit me; quemadmodum enim bues herba, & aqua nutriuntur, sic & homo aet̃ione, & cognitione alitur.

In loco Pascuæ me collocavit.

Primum beneficium, in abundantia, & Pascuis herbarum me collocavit nutriendum scilicet non dixit, me habitare fecit; nam quādiu homo proficit, eum pabulo illo vti vult, sacris scilicet scripturæ diuinæ documentis; locus enim Pascuæ est sermo diuinus, quæ meditantes saginantur, & pingues fiunt.

Super aquam refectiōnis
educavit me.

Idest aqua baptismatis, quo reficiuntur, qui integritatem, viresq; amiserunt, educavit, idest enutriuit me; nam qui abluitur, veteribus peccati spolijs exutus, tunc requiescit; vel aqua sapientiæ, & sacrę doctrinæ, quia refrigerat: Morum etiam disciplina non animi solum medicina est, sed peccatis etiam curationem adhibet.

Animam meam conuertit.

Conuertit me ab idolorum errore atque cultu tanquā à morte ad vitam renocatus. Et quoniam non eram onis, cum longe à Pascuis aberrarem, pastor me reduxit; sed quibusdam videtur ordo præpositus; nam prius animam conuertit, quā refecit.

Dedu-

Deduxit me super semitas Iustitiæ
propter nomen suum .

4 **I**ustitia hic vniuersalis virtus accipitur, semita,
singula virtutes existunt; idest in præceptis cha-
ritatis me perseuerare fecit, vel ad hoc scientiæ me per
duxit, vt eius præcepta doceam propter nomen suum,
non meritum meum, idest propter gloriam nominis sui,
vel ne nomen suum ob mala nostra opera infideles exe-
crarentur.

Nam si ambulauero in medio vmbre
mortis, non timebo mala,
quoniam tu mecum es.

5 **I**dest si in medio vitæ huius præsentis, quæ mortis
est vmbra, ambulauero, non formidabo mala, id
est molestias, egestatem, & morbos, quia tu domine per
fidem mecum habitas; nam nunc mecum existis, vt post
mortis vmbra tecum sim. Ac si afflictionem, & la-
borem magnum, ac periculosum, aut tentationem pas-
sus fuero, quæ omnia ob doloris acerbicatem vmbra
mortis dici queunt, calamitates, atque ærumnas non
metuam, quia cum mecum dominus erit, nulla me no-
xa ledere poterit. Diuersum est autem in vmbra mor-
tis sedere, & in ea ambulare, quia qui sedet, in malo
firmus pergit, & obstinatus in peccato perseuerat,
ideo misericordia eget. Qui vero transit, non incedit
solus, sed Dominus cum eo existit.

Virga tua, & baculus tuus ipsa me
consolata sunt.

6 **T**Am virga quàm baculus ad flagitia, & sup-
plicia referuntur; si fueris ovis errans, virga
vapulabis, si homo peccator, baculo verberaberis. Sed
virga in viam rectam deduxit, & peccantem corre-
xit, baculus imbecillitatem fulciuit, & labantem sta-
biluit: ergo disciplina tua me erudiendo non afflixit,
sed admonuit atque consolata est. Ecclesia quoque vir-
gam habet, qua minetur delinquenti, baculum, quo
peccatori subueniat. Quidam crucem intellexerunt,
quæ ex duabus partibus componitur, quarum rectam
baculum appellant, à quo erecti sumus, cum in errore
uersaremur; transuersam vero uirgam, qua Daemon
confractus est; sed uirgam præponi, quia primo Tyrā-
num destruxit Christus, Et post modum nos redemit.

Paraſti in conſpectu meo menſam
aduerſus eos, qui tribulant me.

7 **D**iximus eum, qui adhuc proficit tanquam ouē
in Pascuo loco manere, postquàm is profecerit,
& ad finem percucurrerit, eum non amplius ouem,
nec Pascuis indigentem, sed hominem rationalem men-
sam cibis rationalibus instructam habere. Hic gra-
tias agens ait, paraſti non morum instructionem sicut
prius, sed arcanam ueritatis doctrinam coram me, nō
in conſpectu impiorum, ac scripturam diuinam, seu al-
taris

tari mensam, & corporis Christi communionem; ac ut iam non lacte alar, sicut paruulus, sed solidiore cibo me firmasti contra eos, qui me affligunt, Demones, libidines, & seculi honores; Vel spiritus oblectamenti me donasti.

Impinguasti in oleo caput meum.

3 **I**dest mentem meam unguento sacrato perfudisti, cuius Aaron figura fuit, atque gratia spiritus me hilarem reddidisti. & hoc est letitiæ oleum, quo a patre unctus est Christus, ut inter omnes consortes suos emineret.

Et calix meus vel tuus inebrians
quàm præclarus est.

Tuus idest poculum diuinæ cognitionis aduersus inimicos valde potens, siue poculum incruenti sacrificij, & sanguinis Christi, quod me sic ebrium facit, ut sobrium reddat, quàm præclarum est, varias delectationes in obliuionem adducens, & claritatem vitæ æternæ præbens.

Et misericordia tua subsequitur me
omnibus Diebus vitæ meæ.

10 **E**t misericordia tua ac benignitas omnium bonorum conciliatrix subsequetur me, quoad hic viuo, idest sequetur, ac comitabitur; aliàs enim potius, ut præueniat, quòd vtraque necessaria sit; & præueniens, ut animum munere diuino afflet, & subsequens, ut ad efficiendum inuet.

Et vt in habitem in Domo Domini
in longitudine Dierum.

Non hoc tantum flagitavi, sed vt in habitem, id est
domicilium habeam in domo domini in æternum,
& in gloria tua, vel vt in ecclesia toto vitæ tempore
semper per gratiam habitem, & in caelesti per gloriam
sempiternis sæculis. Restat igitur, cum in hoc Psalmo
innumerabilia in nos beneficia commemorentur, Et
Deus benignissimus nihil deesse nobis patiatur, quod sa-
luti nostræ vtile existat, & nos in Pascuis vberrimis
constituat, & aqua sapientiæ potet, quæ à spiritu san-
cto fluit, nec in periculis deserat, disciplinam nobis
virga, & baculo paternam tradat; Et quod caput est,
ad semitas iustitiæ nos deducat, quæ licet angustæ
sint, ac non planæ nec amplæ existant, vt pro inimicis
orare, eos alere, nulli malum pro malo reddere; iniuriã
pati, & huiusmodi, semitæ tamen sunt, quæ ad patriã
caelestem nos ducant, vt eas diligentissime teneamus,
atque in eis versantes elaboremus. Ipse enim Domi-
nus Iesus Christus in hac præsentī vitæ adiuvabit nos
ac proteget, ac misericordiam semper impartiet, men-
temq; nostram sui desiderio afficiet. Tandem clemen-
tissimus nos in caelesti regno secum domicilium habere
volet, qui vivit in æternum, ac regnat, Amen.

IN PSALMV MXXIII.

DOMINI EST TERRA.

*Inscribitur Psalmus hic. In finem Psal.
ipsi Dauid prima Sabati.*

Prima Sabati, quo die Dominus surrexit, eo enim die quo mūdus conditus est, & facta lux, Christus se suscitauit, & hominem restituit. Dauid etiam Christi ascensum ad cælum prædicit. Ex Hebr. Hieronymus, Psalmus Dauid, tantum legit.

Domini est terra, & plenitudo eius
orbis terrarum, & vniuersi, qui
habitant in eo.

Sciendum quòd notus solum in Iudæa Deus erat; & considerans Dauid, quòd est totius orbis terræ dominus, & iure eius dominatum habet, quem de nihilo in rerum naturam deduxit, & spiritu afflatus fore perspiciebat, & in toto orbe coleretur, ait, Domini est terra, elementum scilicet, & plenitudo eius, id est homines, qui eam incolunt. Orbis ter. Superioris dicti est declaratio. Allegor. Domini est terra, id est ecclesia, & plenitudo eius, id est omnes fideles, ac sancti; siue enim morimur, siue viuimus, Domini sumus, ait D. Paullus. Clarificato namq; Iesu omnium gentium si-

des vna fit ecclesia, quæ bona terra est multum fructum afferens.

Ipsè super Maria fundauit eam, & super flumina præparauit eam.

His verbis prouidentiam Dei ostendit; nam cum terra arida esset, temperatus in ea infusus est humor, siquidem illam mari circuncinxit Dominus Deus, & mediterraneas regiones pelago interiecto distinxit, & flumina plurima, nec non fontes, qui per medium continentem erumpebant, illa perpetuo delabi, hos scaturire fecit. Quidam dicunt pro terræ fundamento solum esse Domini imperium non aquam, neq; aliud quid; quomodo enim tanta moles terræ super naturā liquidam constitisset, nisi omni virtute præpotens Dei verbum orbem terræ cum ijs, quæ in eo sunt, continuisset? alij autem dictum hoc aiunt illud potissimum ostendere, quod aquæ toti terræ fundamenti instar subiaceant, sicut de fluminibus apertissimum est, Et nihil mirum; ipse enim Deus est, qui hanc à principio fundauit, & super flumina præparauit, idest vt legit Hieronymus, eam stabilinuit. Allegor. Ecclesiam, idest fidelium catum super Maria, idest afflictiones, & omnes fluctus sæculi fundauit, vt eos superet, & super flumina, idest cupiditates huius sæculi eam constituit, vt esset superior, quibus denictis se ad adipiscendam immortalitatem pararet.

Quis

Quis ascendet in montem Domini,
aut quis stabit in loco sancto eius.

Ostendit modum & viam, quæ ad Deum perdu-
cit inquit, quis in montem Domini non terre-
num sed celeste, vel ad montem, idest iustitiam Domi-
ni altam, siue diuinæ Iustitiæ altitudinem ascendet &
aut in eo loco supra Maria fundato, & super flumina
stabilito, loco videlicet gloriæ sancto permanebit: nam
multi ascendunt, qui non permanent. Qui enim profi-
cit, montem domini conscendit; qui vero perfectus est,
non ulterius progredi valens in loco Dei sancto, & in
fine ipso immotus, & in habitaculo, quod iustis prepa-
ratum est, consistit.

Innocens manibus, & mūdo corde.

Qui est actione, & operibus purus, corde autem,
& cogitatione mundus, & integer, atque ab om-
ni rerum cupiditate terrenarum, atque appetitu into-
riore alienus, idest qui actione, & contemplatione pre-
stat.

Qui non accepit in vano animam
suam.

Et qui montem Dei conscensurus est, oportet ve-
res fluxas omnes atque caducas negligat, neque vl-
lo earum desiderio angatur; ergo qui vitam suam ter-
renis addictam non habuit; non enim viuit, qui in eis
occupatus

occupatus est, In vanum animum non accepit; qui vero ratione, & discernendi munere cum valeat inter bonum, & malum discrimen ponere, in fugiendis malis, & sequendis bonis eo non utitur; vel qui anima preeditus ad omnem scientiam, & virtutem apta, ea non sequitur ad que percipienda natus est; quin potius voluptatibus, & perturbationibus distrahitur, is ad res vanas animum applicavit. Hieronymus legit, non exaltauit frustra, id est qui sibi non arrogavit; aliqui enim se corde mundos esse sibi persuadent.

Nec iuravit in dolo proximo suo.

Idest qui se proximo suo simplicem prebuit, & dictum Christi est, est, non, non, observavit, nam qui peccerat dolo agit, vel, ut liberetur, cum debeat, vel, ut accipiat, quod ei non debetur: Et quoniam fraus, & per iurium avaritię coniuncta sunt, qui talia exercent, non obtinebunt, quod sequitur.

Hic accipiet benedictionem à Domino, & misericordiam à Deo salutari suo.

Sane recto iudicio misericordiam cum benedictione coniunxit; nam que remunerationes, ac premia esse iudicantur, sola Dei benignitate impenduntur, nam quot quot hominum iustitię sunt, si cum donis nobis à Deo collatis comparentur, nullius sunt momenti; Quid si ad futuram beatitudinem referantur, que supra humanę captum mentis eximium donum est? Qualiscunq; ergo homo fuerit, misericordia Dei indiget. At igitur

Hic

Hic gratiam, & bona à Domino Deo accipiet, qui ascendit, & misericordiam à Deo eius benignitate salutem donante non illius meritis captabit.

Hęc est generatio quærentium Dominum, quærentium faciem Dei Iacob.

Idest hic est populus fidelis Christum sequens, idest omnes prædictis moribus, & virtutibus exculi, qui quærunť Dominum etiam in hac vita, quem intueri, & contemplari cupiunt, ut ex huiusmodi contemplatione splendidiorez fiant, & qui quærunť faciem Dei, qui quondam ipsum Iacob conspectu suo honorare voluit, & ipsi posterius nato principatum dedit.

Attollite portas principes vestras, & eleuamini portę æternales, & introbit rex Glorię.

Dlapsalma. Hic David spiritu afflatus Saluatoris in celum prædicit ascensum, & angelos qui ei in terra ministrabant, cum eo ascendere introducit, præireq; ut aditus celorum aperiatur, ac dicere, ò Principes tollite portas, non, aperite, maiestatem illius incomprehensam significantes, qui est ingressurus: Iubent autem portas omnes aperiri, propter eos, qui cum ipso regni celorum hereditatem adituri erant: In iubilo. n. Deus ascendit. Et eleuamini portę æternales, quoniam nunquam ab æterno patefactę fuerunt, & per illas nemo transiit; Et introibit Rex Glorię, ab omnibus gloriosus

gloriosus predicatus, & gloriam dignis impertiens. Verum quia non solus Deus verbum ascendit, sed & carnem quam sumpserat, animę rationali coniunctā secum tulit, Cęlestes potestates tanquam aduenam in-
tuentes interrogauerunt. Quis est Rex Glorię, my-
steria carnis assumptę non ignorantes, vt ait Dyoni-
sius, sed admirantes; angeli vero qui precurrerunt di-
cebant, Dominus fortis, & potens, Dominus po-
tens in pręlio, qui hostiles vires superauit, & potēs
in pręlio contra mortem, ac Dęmonis Tyranidem du-
ram, quam euerit. Hunc honorifice exceperunt non
solum secundi cęli, idest firmamenti Principes summo
gaudio affecti; verum etiam sublimioribus potesta-
tibus primi cęli dixerunt. attollite, &c.

Quis est iste rex Glorię, Dominus
virtutum ipse est Rex Glorię.

Respondent, Christus, qui post passionis triumphū
ad cęlos victor ascendit, ac Dominus virtutum,
qui potestatibus, & uirtutibus imperat, ipse est Rex
glorię, cuius gloria omni cogitationi anteit. D. autem
Augustinus, ait Dauidem Angelos bonos ad partes in-
fernales pręeuntes introducere qui dicunt, ò Principes
tenebrarum auferre potestatem vestram, portas mor-
tis, quę a Dęmone occupatę sunt, auferre, & introibit
Rex glorię, in quo sine superbia gloriamur, Quis est
iste Rex Glorię, inquit maiores Dęmones, aut pa-
uet natura mortalis admirans, et querit, respondent
Angeli

Angeli boni, Dominus fortis & potens, quem uos infirmum atque oppressum putastis, potens in bello, qui morte deuicta immortalitatem infirmitati humana restituit; Virtutes etiam, quæ Domino ministrabāt antecedentes Christum in ascensu ad caelestes alias fortitudines clamabant, Pandite ianuas, & aperite viā. Et eleuamini portæ æternales, iustitiæ, charitatis, & castitatis. Quibus anima vnum verum Deum colit, Et introibit Rex Gloriæ, vt apud patrem aduocatus nobis sit; quæ nouo carne induti mysterio, sciscitantur, Quis est iste Rex gloriæ, Dominus virtutum, idest gratiarum qui omnia omnibus bona tribuit, vel qui caelestium virtutum, & angelorum dominus est. Hieronymus legit ex Hebræis Leuate portæ capita vestra, nec Principum mentio fit, sed ad ianuas sermo dirigitur, vnde Eleuamini, superioris dicti erit expositio. Dauid. n. caelestis Regni portas alloquitur, vt sese erigant, atque victori Domino aperiant. Cū igitur Dauid nos doceat, quomodo ad montem sanctum Domini, & ad caelestem patriam accedere valeamus, erimus ne tam ignaui atque socordes, & huius mundi amore adeo capti, & illecebris voluptatis sic deliniti, vt ad illam iter discere recusemus? certe cum Deus nobis adiutor sit, facilis erit introitus, si periuria, & vitia omnia fugere velimus, atque innocentiam amare; Inquiet aliquis, recte dixisti, si vnusquisq; velit, fore nihil difficile; at rari sunt, qui velint, ac Deo placere studeant; non immerito igitur isti pœnas luent, & maximas, qui Christi præceptis parere, & Dauidem audire nolunt. Nos vero ab omnibus sceleribus, ac flagi

ijis abstinere nitamur, & moribus sanctis præditi esse; Innocentia & castitate fulti simus; cum proximo sincere agamus, munera omnino repudiemus. Nam in loco sancto commorabimur, & patefactis portis in regnum caeleste intrabimus Domini N. Iesu Christi gratia, & misericordia adiuti, qui vivit & regnat sempiternis sæculis gloriosus amen.

IN PSALMVM XXIV.

AD TE LEVAVI.

Titulus secundum grecos duntaxat est, Psalmus ipsi David, Et secundum Hieronymum, Ps. David, Latini vero, in finem, addunt, ex quorum sententia pro peccatore iam flagellis emendato, atque correcto ecclesia Deum precatur; Quare dicemus eum etiã omnibus congruere, qui dum calamitatibus, & angustijs opprimuntur, & demonum tentationibus cruciantur, Deum innocant. Ac nihil vetat, quin dicamus Davidem pro seipso ipsum conscripsisse, cum is ab inimicis admodum oppugnaretur; Nam de veteribus & recentibus delictis mentionem facit, doctrinam utilem, atque ad sanandam ægrotantem animam valde accommodatam tradens. Dupliciter autem quis ad orandum se preparat, vel dum mentem ad Deum erigit; oratio enim est ipsius intellectus in eum ascensus, vel dum fidem ex corde Deo habet. ait igitur.

Ad

Ad te leuauī animam meam.

Idest ad te contemplandum erexi animam meam nimirum à terrenis rebus eam auocans, in quibus nulla salus est; vel ipsam tibi dicani.

Deus meus in te confido, non erubescam.

Deus meus in te non in me fiduciam meam colloco, non erubescam, ne pudorem rubor consequatur, at oro te, ac supplex obsecro, ne inhonoratus continenter degam: Ac sanè, qui omnia terrena contemnit, atque ad Deum, qui est illius possessio, animum extollit, is eum inuocare audet, ac dicere, in te confido.

Neque irrideant me inimici mei, etenim vniuersi, qui te sustinent non confundentur.

Neque risui, atque ludibrio sim hostibus meis tam ijs, qui videntur, quàm qui non cernuntur, quiq; mihi struentes insidias, ad hæc mala me adegerunt; Tolle enim ad te animam, propositi & electionis est, liberari autem, tue virtutis existit; nam qui te adiutorem expectant, non perturbabuntur; sed in proposito manebunt, nec à fide recedent.

Confundantur omnes inique agentes superuacue.

Idest perturbentur, qui iniusta efficiunt, vt acquirant ea, quæ cito euanescent, superuacue, id est stulte atque

que inaniter ; non enim omnes eque peccant, quia sunt aliqui ob calamitatem, ac necessitatem, qui labuntur; Qui vero in criminibus, & maleficijs animum oblectantes, ijs qui non meruerunt, infecti sunt, & alia quoque perpetrare audent, confusionem in eos conuerte, vt magna vitæ perturbatio sequatur, quia in innocentes iniquitatem exercent, & contra eos sine causa pugnant, qui nullam alicui iniuriam inferunt. Aliqui hoc non optando, sed prædicendo dictum esse sentiunt.

Vias tuas demonstra mihi, & semitas tuas edoce me.

D Auid personam etiam ecclesiæ agens ait, demonstra vias tuas, idest nota mihi fac euangelicæ dogmata, ac præcepta; Sed qui vias domini nosse cupit, mitis fiat oportet: Docebit enim mites vias suas. Et hi sunt qui pugnam assiduam iracundiæ, libidinis & affectuum in anima sedant, ac placant; Et semitas quæ latæ non sunt, scilicet consilij præcepta, nec ad iteritum multitudinem ducunt; Seo angustas, & paucis notas edoce, & instrue me, vt antecedentium vestigia persequens contra errorem iter conficiam.

Dirige me in veritate tua, & doce me, quia tu es saluator meus.

D Trige me errores fugientem ad veritatem, ne falsis opinionibus imbutus corruam, & quoniam non est satis via ad perfectam salutem consequendam, quæ ad actiones pertinet; in dogmata recta me ducito; vt contemplationem cum actione quoque coniungam

Etiam sequar, ex utrisque enim salus perficitur. Et doce me. quia per me ipsum non novi nisi mendaciū; & instrue me virtutū perfectionem, quia tu es Deus salutem mihi dans, qui vulnera peccatorum meorum sanasti (sic enim edoctus sum) & ab inimicis me liberaſti. Dux autem res bonos nos reddunt, ut Deum Salvatorem vere credamus, & patienter eius remunerationem expectemus, interim opera bona navantes.

Et te sustinui tota die.

I*dest te adiutorem tota die, idest semper, vel tota vita mea expectavi, & nō sum deceptus: sustinemus enim quando non deficimus, sed proficimus. quando non perturbamur, sed confirmamur, quando tentationum impetus toleramus; & adversas tempestates experimur, sed naufragium non facimus.*

*Reminiscere miserationum tuarum,
& misericordiarum tuarum,
quæ à seculo sunt.*

R*eminiscere operum misericordiæ tuæ, quia tanquam oblitum te homines arbitrantur, dum tardas, & filiorum tuorum: nam licet ijs subiratus sis, quia deliquerunt, iram tamen compesce obsecro; & benignitatis tuæ recordare, & quod misericordiarum, quæ tibi insitæ sunt, pater sis, à seculo enim, & semper ac natura misericors es.*

Delicta iuventutis meæ, & ignorantias meas ne memineris Domine.

Neminem delictorum, quæ adhuc perpetrantur, sed præteritorum, & quæ amplius non committuntur, pœnitet, ideo ait. Delicta, quæ in adolescentia mea, & ignorans feci, vel errata præcipitis audacia meæ ita tibi excidant, ut ea memoriæ nunquam mandes, nec ultionem reſerues. Quæ enim in iuventute admittuntur, facilius ignoscuntur, quam quæ in ſenectute, quod homo ratione tunc magis præditus ſit, & ideo gravius peccet; ea enim ſervida oratione delentur. hæc vero requirunt ut re, ac factis eum magno opere pœniteat, atque Deum tantopere offendiſſe pigeat. Nonnulli iuventutis, id eſt populi ſlagitia, quæ in Aegypto commiſit, Davidem innuere putant, ſi quidem ibi idolis ipſe ſervivit.

Secundum miſericordiam tuamemento mei tu propter bonitatem tuam Domine.

Quæ te digna eſt, non ſecundum iram, qua ego dignus ſum, mei ſis memor, qui natura fragilis ſum. tibi enim miſereri proprium exiſtit: nam iuxta miſericordiam recordatur Deus, cum ſclerum non reminiſcitur, propter bonitatem tuam innatam, qua cuncta creaſti, non propter meritum meum.

Dulcis

Dulcis, & rectus Dominus.

D Auid ad homines se conuertens etiam Ecclesiæ nomine ait, hac fiducia pecto, quia dulcis est. quādoquidem peccantes, & impios ita miseratus est, vt priora omnia delicta ignosceret: rectus qui post misericordiam, & veniam merito in iudicio exquirat. Vel dulcis, quia bonus, & misericors, & pramiam pollicetur. rectus, quia corrigit, & pœnas flagitiorum exigit, & vnicuique reddit, vt opera eorum postulant.

Propter hoc legem dabit delinquentibus in via.

L Egem charitatis per quam offensiones dimittentes Deo nos reconciliemus, qui in via, id est in hac vita delinquimus, aut tanquam benignus egrotantium magis quam valentium curam habens vias præscribet, quæ ad salutem illis conducere videantur, aut peccatores legi subiiciet, & errantes in via fidei puniet in hac vita, vt lege à peccatis si coerceantur, illi salutis semitas teneant. Hieronymus legit: propterea docebit peccatores in via, id est viam peccantibus ostēdet, aut à statu peccandi ad pietatem eos traducet.

Diriget mansuetos in iudicio, docebit mites vias suas.

M Ansuetos, & contendere nescientes diriget in discretionem recti, ne ob simplicitatem decipiantur, nec eos perturbabit in iudicio, qui eius voluntati obsequuntur; nec resistentes suam anteponunt. Sed

caussa eorum iudicata præstantiori eos beatitudine dignos reddet. Mites, ut se toto corde inuicem diligant, sicut Christus discipulos suos, cum ait: Discite à me, quia mitis sum, & corde humilis, qui à cervicibus leue iugum sibi impositum non repellunt. At multi inter mansuetum, & mitem nullum discrimen ponunt; non nulli tamen arbitrantur eum dici mansuetum, qui à feritate ad pietatem, atque humilitatem traductus fuerit. mitem vero qui natura talis exstiterit.

Vniuersæ viæ misericordia, & Veritas requirentibus, testamentum eius, & testimonia eius.

Multæ sunt diuinæ prouidentie viæ. verum illis omnibus misericordia Dei anteit, cuius comes est veritas; misericordia videlicet, qua is peccata ignoscit, & veritas, qua incorruptus est, & merita dydi-
cat. Quæ viæ non considerantur nisi à quærentibus testamentum eius, idest omnem in vniuersum scripturam sacram, & testimonia eius, quæ de ipso in diuinis litteris conscripta sunt, in quorum peruestigationem incumbentibus Dominus veritatem quæditorum aperit. Vnde duo aduentus filij Dei, vnus miserantis, iudicantis alter innuuntur. Perueniunt autem ad eum seruantes vias eius, qui nullis meritis suis se liberatos perspicientes, at misericordiam experti, superbiam penitus deponunt, atque seueritatem iudicis cauent. Intelligunt vero dominum primo aduentu misericordem, & secundo iudicem, qui mites, & mansueti testamentum eius, cum nos sanguine suo redemit, in nouam vi-

tant

tam inducens, & in prophetis, & Euangelistis testimonio inquirunt, vel vt ait Hieronymus pactum eius, et testificationes eius custodiunt.

Propter nomen tuum propitiaberis peccato meo: multum est enim.

EGo, vt peccato meo propitius sis obsecro, atque iniquitati, non quod mihi pœnitenti accurate prorsus satisfecerim. sed propter nomen tuum benignum, quod est Iesus, namq; in eo spem collocaui. multum est enim non magnitudine tantum, sed illorum multitudine, & præ illa integritate, quæ mihi adesse deberet. Vel sacrificio compuncti cordis propter nomen tuum, idest gloriam tuam propitius eris, postquam peccata condonasti, quæ antequam crederem, admisi. Sed & peccato, quod multum est, post fidem scilicet, quia in via fidei non deest offensio, non irasceris.

Quis est homo, qui timet Dominum, legem statuit, alias statuet ei in via, quam elegit.

Hortatur hic & admonet, ac timenti Deum ex animo, quisquis ille est, omnis generis operam pollicetur: & quoniam plures, ac diuersæ sunt viuendi rationes, communes scilicet, priuatæ, urbanae, publicæ, militares, & huiusmodi, omnes ad Deum perducetes: Et vitæ rationi, inquit Dauid, quam quisque elegerit, vt tutam, ac liber apprehenderit, edoctus flagellis ab ea non esse declinandum, vtiles, ac congruentes leges imponentur à Deo, ne impune iam peccet. Sicut

Io. Baptista interrogantibus respondit militibus, stipendijs vestris contenti estote, Hieronymus legit, quis est vir timens Deum, quem docebit in via, quam elegit, id est instruet.

Anima eius in bonis demorabitur,
& semen eius hæreditabit
terram.

VT ad virtutem Iudeos alliciat, quibus erat pergrata liberorum procreatio, & reliquis optatissima est, qui vitam communem amplectuntur, cum nihil dulcius hominum generi à natura datum sit, quàm sui cuiq; liberi. pollicetur ijs, qui Deum formidauerint, in bonorum affluentia versaturos esse, & qui filios habuerint, illius terræ heredes fore, quam ipsi possederint. vel potius, quod anima à corpore soluta perpetuis bonis in tabernaculis Dei pfruatur, quæ nec oculus vidit, nec auris audiuit. Et semen id est legitimi filij, ac discipuli, qui eadem morum, & spiritus ratione præditi fuerint, cælestis chori hæreditatem adibunt.

Firmamentum est omnibus timentibus eum, & testamentum ipsius ut manifestetur illis.

DOminus est robur, & murus metuentibus eum, & nomen eius, quod toto orbe terrarum gloriosum effectum est, firmat eum timentes, & facit, ut testamentum illis reddatur manifestum, quia Christi hæreditas gentes sunt, & termini terræ; vel testamen-
tum.

tum, idest lex Domini eis declaret, quid agendum sit, siue mysteria, quę in testamento eius, idest in scriptura diuina continentur, nota efficiat, Hieronymus legit: Secretum Domini rimentibus eum. Scilicet manifestum erit. Et pactum suum ostendet eis, idest pactum suum docebit eos, ac promissa, & precepta sua vt intelligant, curabit.

Oculi mei semper ad Dominum, quoniam ipse euellet de laqueo pedes meos.

Oculos mentis in Deum semper coniicio, vt potest, qui noui eum, quem intueor, me protegentem, & laqueo seu reti pedes meos educturum esse, & ab insidijs inimicorum me liberatum, & ad terrena eos non adiicio. Qui enim omnia dicit, & agit, vt Deum cognoscat, illum is ante oculos animę sibi ponit.

Respice in me, & miserere mei: quia vnicus, & pauper sum ego.

Intuere queso me ait te aspicientem non propter facta mea, & misericordiam mihi tribue, quę cum sim miser, reliqua ad salutem assequendam mihi spes est, quoniam vnicus, idest solus sum, & omni ope destitutus, & pauper nullum ab homine auxilium expectans, & cognitionis diuitijs priuatus.

Tribulationes cordis mei multiplicatæ sunt, de necessitatibus meis erue me.

Idest afflictiones, & perturbatę cogitationes iniquitate affluente, & refrigercente charitate, factę sunt multę, & me circumsteterunt, & quoniam hæc tolerare mihi necesse est, vt ad finem vsque perseuerans saluus sim, de necessitatibus idest angustijs meis eripe me, & vitę huius calamitates, & æumnas transiens dicere valeam, transiimus per ignem, & nos in refrigerationem eduxisti, vel à circumstantibus erue me, qui mihi vim afferunt, vt ab instituto meo, atque proposito me auertant.

Vide humilitatem meam, & laborem meum, & dimitte vniuersa delicta mea.

Cum quisquam delictorum suorum gravitatem cognoscit, seque propterea demittit, & amissa loquendi libertate propter comparandam sibi salutem pœnitens laborat, dicere valet. Vide humilitatem, & condona mihi omnia peccata mea præterita, scilicet à quibus postea abstinui, vt non solum cohibere se à vitijs, ac flagitijs, sed multa etiam humilitate opus sit, & labore ad hoc obtinendum, vt peccata remittantur, nec omnis labor à delictis eximit, nisi qui propter Deū
in

in agendo impenditur. Hæc duo filios nequam à via vitæ, ac disciplina deterret, humilitas & labor, sicut filios Dei interim exercent. Non nulli hic humilitatem pro corporis, & virium imbecillitate, vel si ad animam referatur, pro cordis compunctione exponunt, & laborem pro corporis defatigatione, vel pro illo, quem ex abstinentia, & terreno accubitu, ceterisq; virtutibus tolerabat David, Vel vide humilitatem, quam me nunquam ob iactantiam iustitiæ ab unitate segre-go, et laborem quo mala disciplina deprauatos suffero, & ignosce mihi omnia peccata his sacrificijs placatus, nõ ea tantum, quæ iuuenis antequam crederem, sed etiam ista, quæ iam ex fide viuens propter infirmitatem committo.

Respice inimicos meos, quoniam multiplicati sunt, & odio iniquo oderunt me.

V*bi quis à facinoribus destiterit, quæ prius committere solebat, ei erunt inimici peccatorum auctores Demones. Tunc & perditii homines insidijs appetentes eum iniquo odio insectantur, quod in eos exercetur, qui odio dignum nihil efficiunt; cum alioqui iuste odio mali habentur. Ait igitur, intueri iniustas hostium non solum foris, sed etiam intus, qui multi facti sunt, inimicitias, qui cum me arguere nequeant, non enim eos iniuria affeci, dolos mihi struunt, & iniustum bellum mouent. Nonnulli quatuor versus superiores ad Christum per Alleg. referunt, & aiunt,*
quod

quod vnicus fuit sine peccato, vt ait propheta, qui peccatum non fecit, & pauper cum diues esset, vt illius inopia quemadmodum ait D. Paullus, diuites essemus, & afflictiones ab passionem multiplices fuisse. De necessitatibus, vt ego homo pro hominibus moriar. ideo eripe me, vt surgam. Vide humilitatem per quam carnem suscepi, & laborem quo morti addicor, & demitte delicta mea, id est populi mei, quæ in me suscepi, respice inimicos meos iudeos, qui me inique oderunt; si enim odio me persecuti non fuissent, non vtique morte affecissent. Et hæc hætenus.

Custodi animam meam, & erue me,
non erubescam, quoniam
speraui in te.

Idest vitam meam ne incidam in eos, qui me in potestate sua habere perquirunt, nec ab illis capiar, aut eis subiiciar, conserva illam obsecro, & ab ipsorum laqueis eripe. Non erubescam, id est non confundam me sciens, quod qui sperant in te, spe non frustantur, & si forte hostes in me insultant, non perturbabunt, quoniam non in me, sed in te spem posui.

Innocentes, & recti adhæserunt mihi,
quoniam sustinui te.

Innocentes, probi, & integri, qui à malo declinant, vel qui vitam puram à natali seruauerunt, & Recti, qui opera bona nauant, non corpore tantum, sed & animo consentientes se mihi adiunxerunt, & non alia
ratione

ratione me illorum consuetudine dignum iudicarunt, quam quod constanter, & forti animo recte sentiens omnia tuli. Hieronymus, simplicitas, & equitas seruabunt me; quæ sententia veritatem continet: Nam saluantur propter innocentiam, & iustitiam iusti, impij vero propter iniquitates suas damnantur.

Libera Deus Israel ex omnibus tribulationibus suis.

Digna Rege precatio: namq; cum imperio existentem rebus subiectorum prouidere decet, ideo David non pro se tantum, sed pro commissi fidei suæ vniuersi populi vtilitate precatur, ut potè qui edoctus est non se solum custodire, neque sibi ipsi studere, & supplicat inquiring, quemadmodum me cælesti auxilio, ut ex omnibus afflictionibus eriperes, dignum censuisti, ita ipsum populum Israel, sic mystice appellatum (Israel enim dicitur, qui per fidem Deum videt) ex omnibus angustiis liberare, sicuti potes, ita tibi libeat; vel populum tuum, quem ad visionem tuam præparasti, ex omnibus calamitatibus redime, non quas tantum foris, sed quas etiam domi tolerat. Quam utilis ad Deum placandum, ac nobis prospectum reddendum sit hic Psalmus, in quo homo fidelis, & ob fiduciam, ac spem, quam in Deo collocat, ab inimicis, & hostibus, qui cum in multas angustias coniungere conantur, diuinitus liberari petit, atque ut id impetret, flagitat sibi vias, & semitas demonstrari, quas persequatur, atque ab eo se dirigi, ut nullam salutis iacturam faciat, ex eo patet, quod ecclesia non modo pro toto fidelium cætu, sed

sed pro ijs etiam, qui non hesitantes in fide ex hac vita decesserunt, & ad illas quoque partes inferas accesserunt, ubi scelera, & flagitia ad tempus expiantur, cani illum iubet. Erigamus ergo nos ad Deum animos nostros, & supplicemus illi hymnum hunc concinentes, ut is iter nobis notum faciat, quod capere debeamus, quo flagitiorum nostrorum obliuiscatur, nostriq; memor sit, ac propter immensam bonitatem suam ab omnibus afflictionibus, & calamitatibus nos eripiat: nos enim in eum oculos semper conuicemus, ut potè ex eorum numero esse exoptantes, quibus valde timentibus eum normam viuendi præscribat; ac nos respiciat, atque misericordiam nobis tribuat: Præterea humiles esse conabimur, & laborabimus in eo, ut à vitijs, atque delictis abstineamus, illaq; fugiamus, ac mites, mansuetiq; exemplo eius simus, qui terram viuentium possidere valeamus; quod si tales nos esse studuerimus, ut innocentes etiam se nobiscum coniungere velint, non solum ab afflictionibus, & angustijs, quæ & multæ, & graues sunt, eruet nos Deus clementissimus, ac benignissimus, sed & animas nostras ad bonorum celestium hæreditatem adeundam in regnum celeste introducet, ut nos impetraturos esse speramus in Domino nostro Iesu Christo, qui uiuit, & regnat sempiternis sæculis. Amen.

IN PSALMVM XXV.

IUDICA ME DOMINE.

Psalmus ipsi David.

Psalmm hunc ante superiorem editum fuisse arbitror hac ratione motus, quod hic David virtutes percurrat, quibus decoratus erat, mansuetudine præsertim, quia Saulem crudeliter eum vexantem, et innumerabilia in se machinantem mansuete, ac patienter sustinuit, supra petat, ut Deus suo peccato graui propitius sit: Illum autem conscripsit David, cum Saul ipsum insectaretur, et pulsus commoraretur apud Palæstinos, atque diuersaretur, quos cum impietati, et superstitioni addictos cerneret, cæcus illorum, et epulas quas Demonibus consecrabant, execrabatur. Canere etiam illum potest quilibet fidelis, qui cum Davide vere dicere queat, se omnia æquo animo tulisse, et cum is iniuria affectus fuisset, neminem ex illis, qui sibi insecti erant, vuquam læsisse.

Iudica me Domine.

Hoc perfectò, et iusto uero tribuitur, qui se cum iniquis non communicare ait, et ab eis discerni petit. Et secundum aliquos vox ecclesiæ ad Christum esse potest. Iudica, idest discerne me à malis, qui simul mecum sunt Domine, et hoc optat David, ut causa iudex

dex Dominus sit, cum nihil is contra Saulem, ac suos molitus sit.

Quoniam innocentia mea ingressus sum.

Quia post misericordiam, qua me fouisti, innocentia præditus sum, qualis est hominum, non Angelorum, cuius viam custodiui sicut et meorum; et in qua ambulavi: Mansuetudinem autem, et humilitatem, ac tolerantiam innocentis nomine appellauit. Verum notandum est neminem, qui peccat, iudicari de his, quæ gessit desiderare, præsertim ab eo, qui occulta videt; Qui vero in innocentiam ingressus est, id est in ea profecit, Deum iudicem optare: nouit enim ille mercedem se percepturum esse.

Et in Domino sperans non infirmabor.

Quia de se ipso, et innocentia sua, siue egregia simplicitate, ut legit Hieronymus gloriari videbatur Dauid, addit et in Domino sperans: aliter enim si opem in Domino non poneret, inter malos titubaret. Ideo ait, nec tamen mihi ipsi, aut alteri confidens, sed Deo inter peccatores spe corroboratus non infirmabor, id est non deficiam, ut ait Hieronymus.

Proba me, & tenta me.

Non arroganter, nec superbe se effert hoc professens, sed hortatur, ut de illa virtute periculum fiat, in qua ipse supra laudabiliter se vixisse ostendit,
dum

dum non sibi consideret, sed Dei misericordia fretus esset. Ac patet Psalmum hunc superiore priorem esse: nam hic tamquam simplex, et innocens, ac peccati immunis periculosa certamina offerri sibi cupit. Proba, quoniam non qui se ipsum commendat, sed quem Dominus commendat, ille probatus est. Proba inquit id est mentis meae interiora perquire, et me tibi soli confidere inuenies. Et tenta me, ut cum tolerantiae specimen dederò, laudem ex eo reportem, ac mihi, et alijs probatus appaream.

Vre renes meos, & cor meum.

Idest examina intimas animi mei cogitationes, et perscrutare, num ita me habeo, vel *Renes meos*, ique verbi tui, ne quid me delectet, et cor meum spiritus tui calore, ne quid mali cogitem, ut renes pro delectationibus, cor pro cogitationibus acceperit. Tentatio autem, et probatio differunt: quia probatio est eius, quod scit virtutis declaratio; Tentatio vero est experimenti acceptio de eo, quod quis nescit.

Quoniam misericordia tua ante oculos meos est.

Qua confido: ea enim ultra vires me tentari non sinet; quod te semper tuamque misericordiam ante oculos habens omnem vitam meam, & vniuersas actiones ita moderabar, ut tibi placere possem.

Et complacui in veritate tua.

Deus veritas est, in veritate autem David placuit, ergo Deo; propterea dicit in veritate tua placere

placere studui, idest tibi: nam per circumscriptionem Deum appellavit Dei veritatem, si quidem misericordia Dei secundum veritatem, & non secundum fucum ut Deo placeamus, efficit. Est etiam Ecclesia vox veritatem contemplantis, atque speculantis. Et com- placui, idest propter sermones tuos, qui fallere neque- unt, quæ tibi placuerunt, feci: in lege enim tua pollici- tus es eorum te miserturum esse, qui tibi grati essent; vel si tibi intus placui, ubi tu vides, non timeo, si ubi homines cernunt, displiceam. Hieronymus legit: *Ambulabo in veritate; alij ambulavi.*

Non fedi cum concilio vanitatis, &
cum iniqua gerentibus non
introibo.

Nunc virtutes suas commemorat. Conuenticula eorum, & noxias consuetudines fugi, & in idolorum celebritatibus nunquam. Cum impijs communicari, nec consensu, si forte intraui; apud iniquos. n. diuersari David cogebatur. Sed in illa consuetudine, quæ cum ipsis intercessit inuito mihi, pietas, & humilitas affuit. Per concilium vanitatis iniqua agentes, & peccatores intellexit, quorum iniquitatis particeps non ero, inquit, nec commercium cum eis habebo, ne illorum vanitate implicer. Hieronymus legit, & cum superbis non ingrediar, alij cum occultis, qui habent aliud in ore, aliud in corde, vel qui se occultant, ut alij noceant.

Odiui

Odiui Ecclesiam malignantium,
& cum impijs sedebo.

Qui proximo malum inferunt, atque arrident sibi in doctrinis falsis, atque peruersis, eos odio habui, atque cum impijs, qui Deum non cognoscentes in idolorum cultu, & errore continenter assidueq; versantur, ne simul quidem sedere, vel modicum commorari mihi placebit, ne aliquam impietatis partem attingam.

Lauabo inter innocentes manus
meas.

David tanquam innocens, & nihil commune cum illis habens, sed confidens ait, lauabo, manus enim animæ facultates, quas ille lauat, qui non perperam, sed quod iustum est, & æquum agit. Vel lauat, id est manus abstergit, qui turpibus, ac nefarijs actionibus illas scdauit. Vel munda inter innocentes faciam opera mea; & manus quibus sublimia amplector.

Et circundabo altare tuum Domine.

Ego qui sum innocens, & prædictorum scelerum immunis altare tuum circūstabo, et hymnos pro sacris sacrificiis fundam, & vota offeram. Est & altare celeste, quo ingressus est sacerdos, qui primus se obtulit, quod non circundatur nisi ab ijs, qui inter innocentes

manus lauant. Vt audiam vocem laudis, & enar-
rem vniuersa mirabilia tua, idest discam quomodo
te laudem, vel spiritus sancti vocem audiam, qui me
laudare te doceat, & de ipso bono meo mihi non arro-
gem; & exponam non mea, sed tua, quæ admirabilia
facis.

Domine dilexi decorem domus tuæ,
& locum habitationis
gloriæ tuæ.

Decorem vocat ordinem illum tabernaculi à Moy-
se constructi admirabilem, nondum enim sacræ
templum edificatum fuerat, habitaculum legit Hiero-
nymus, vt intelligat in quo, vt in domo habitas, ergo
decorem domus tuæ dilexi, neque mundum, neque quic-
quam in Mundo, sed te solum amari, vel Allegorice
animam meam affectibus haud contaminatam serua-
ui, vt esset tibi commoratio digna, in qua domicilium
collocans gloria me gloriosum reddas: Domus enim Do-
mini ecclesia est, sacerdotes in cultu Dei perseuerantes,
& in Domino gloriantes sunt habitatio gloriæ tuæ Do-
mine Deus.

Ne perdas cū impijs animam meā,
& cum viris sanguinum vitam
meam.

TAnquam iustus cum impijs etiam perdi queat,
ait, ne des mihi cum impijs alienigenis partem,
cum quibus versatus sum, vt cum eis perdur. si hic af-
fligor,

fligor, & terrena mala cum sceleratis patior, ne cum eis animam meam deperdas, quæ decorem adamavit, neque sicarijs, qui proximum quocunq; modo offendunt & carni penitus dediti sunt, vitam prodas.

In quorû manibus iniquitates sunt,
dextera eorum repleta est
muneribus.

Quibus in promptu, & in manibus est iniquitas, quòd illi ad nocendum prompti, ac parati sint, quorumq; opera iniqua sunt; ac munerum corruptione, atque dulcedine depravati, quod iustum est pervertunt, & iustitiam donis produnt.

Ego autem in innocentia mea ingressus sum, redime me, & miserere mei.

Non ego sic ago; nam oblitus iniuriarum, & clemens in eos, qui contra me insidias struxerunt, innocentia, & simplicitatis diuitias appetiui; & licet egregiorum facinorum mihi sim conscius, non tamen iustus effectus sum, sed cum in occulto delicta saepe lateant, redime me, idest eripe ab iniusto exilio, & misericordia tua in vitæ huius periculis me deferere noli.

Pes meus stetit in directo.

Idest dilectio mea non recessit à iustitia tua; vel affectio mea contra omnia scandala immobilis stetit in directo, aut in recto, ut legit Hieronymus, idest in re-

Et a via, & nulla vita mea instituta prorsus obliqua fuerunt.

In Ecclesijs benedicam te Domine.

Pollicetur in omnibus ecclesijs totius orbis Psalmo-
rum cantu se dominum laudaturum, ut potè qui
conuersionem totius orbis prouideret, & sic illius va-
cicinium finem consecutum est, si quidem terra mariq;
magnus Dauid Deum beneficij auctorem decantat.
Nos autem qui tantis sceleribus, ac flagitijs, peccato-
rumq; sordibus inquinati sumus, audebimus ne dice-
re: iudica, & ure? quis enim nostrum adeo amens est,
ut se huic periculo committere velit? hoc enim viri per-
fecti, & iusti, qualis tunc erat Dauid, existit, qui nul-
lius sibi criminis conscius est, & cum iniquis non com-
municauit, se inter innocentes manus lauit, & mune-
ribus corruptus non est; at nostrum vnumquemq; de-
lictorum suorum valde pœnitere primum oportet; Dein
de ad misericordiam Dei confugere, eumq; & oratio-
ne, & ieiunitate placare, promissa facientes, quod
posthac ipso adiutore à vitijs abstinebimus, & enite-
mur ea præstare, quæ ad ignoscendum nobis eum alli-
ciunt, et quòd in posterum odio malitiosos habebimus,
impiorum consortium fugiemus, & talia conuersi in
eum animi nostri indicia ostendemus, ut ei placere
nos valde cupere, perspiciat Dominus Deus; Nam si
à via praua declinauerimus, & innocentiae semitam
persequamur, nemo nostrum ambigat, quin misericor-
diam à Deo consecuturus sit, qui benignus est & cle-
mens;

mens; atque totam spem suam in eo ponens, qua non decidet sibi bonorum celestium premia tributum iri cōfidat à Domino nostro Iesu Christo, qui viuit, & regnat eternis sæculis. Amen.

IN PSALMVM XXXI.

Beati quorum, &c.

INscriptio Psalmi huius est secundum aliquorum opinionem: Intellectus David, vel ipsi David intelligentia, secundum alios David eruditio, aut quia is intelligentia multum abundabat, quando Psalmum composuit, aut quia ob grauissimas illius sententias, letori magna est opus scientia, quem pœnitentem se peccatorem intelligere, & nosse decet: vel quod is eruditur, ne meritis suis, sed diuina gratia confitens peccata sua se liberari putet: Qui enim de iustitia sua sibi arrogauerit, & infirmitatem suam perpendens, & misericordiae Dei confidens, crimina diluere neglexerit, & Dei ipsius gratia, atque iustitia excidere certò sciat. Hunc autem Psalmum post adulterium ac cadem scripsit, quem D. Paullus ad Roma. iustitiam, quæ ex fide est, aduersus eos, qui de operibus gloriantur, commendare volens, & ostendere nos fide, quæ salutis humanæ initium est, ac fundamentum, & radix, non legis operibus iustos fieri, testem producit; nec D. Iacobo aduersatur; is enim contra eos, qui sibi de sola fide arrogantes opera bona nauare volebant, egregia Abrahæ facta

laudauit, cuius fidem Paullus. At opera nulla præponere fidei debemus, nec arbitrari quæquam ante fidem boni quid effecisse, quod opera illa, quamuis laudabilia videantur, inania tamen sunt. Ergo si Abraam fide iustus factus est cum opera non præierint, secuta tamen statim sunt, quod eius fides sine dilectione non existeret, ut ex obedientia, & promptissima ipsius ad imolandum filium voluntate apparuit. Atque in priorum Psalmo Dauidem de corde compuncto egisse, hic verò de confessione tractare sciendum est, ubi non suam tantum, sed cuiuscunque peccatoris personam agens, inquit. Beati, quorum remissæ sunt iniquitates, & quorum tecta sunt peccata.

Beatos illos esse ait, nunc quidem certa specie, postea re ipsa, quibus absque labore contigit propria peccata ablueri, nimirum illos significans, qui sacro baptismo hoc fuerint remissionis donum consecuti: per illud enim iniquitates remittuntur, cum per amaram peccata poenitentiam occultentur. Verum nonnulli quidem iniquitates, gratiæ, & uoluntas ad gentes referunt, quæ lege carebant; ad Iudæos autem peccata, quia peccatum est legis contemptio. Alij verò iniquitates, peccati fomitem intelligunt, quod ante baptismum, & abluitionem culpa, & poena est, originalis scilicet, post abluitionem poena non culpa existit. Tecta dixit, quia per plenam remissionem ita operata sunt, ut ea amplius non aspiciat Deus; vel sic per confessionem, & poenitentiam velata, ut in iudicio apparitura non sint. peccata enim tegimus, si caritate, ac præclaris factis prauas actiones

actiones nostras obruimus. Animadvertere autem licet in peccato tria inesse, Dei offensam, maculam, & pœnam; & contra hæc etiam tria ordinari, quod benignus Deus offensionem condonat, maculam operit, & pœnæ obligationem tollit, quia hoc ei non attribuitur peccatum; Et ideo sequitur.

Beatus vir, cui non imputauit Dominus peccatum.

Cui ea ratione peccatum non ascripsit, quod iam illud per ablutionem penitus deletum sit; pro culpa enim secundum nonnullos peccatum sumpsit, sed de pœnæ obligatione propriè intelligitur, quia pro peccato pœna ei non reservatur.

Nec est in spiritu eius dolus.

Nec est in animo eius mendacium, pro quo dolus hoc loco exponitur, quod ille post sacram ablutionem mentitus non sit, & passionem, quam cum Deo fecit mandatis eius parendi, seruauerit, vel [ut legunt Græci, & D. Augustinus] non est in ore eius dolus; licet idem sensus sit, iustitia videlicet ostentatio, & meritorum iactatio, sicut nec in Nathanaelis ore, qui se peccatorem ita confitebatur, ut audire meruerit Christum dicentem, ecce verè Israelita, in quo dolus non est, nec in Publicani spiritu, qui longè stabat, qui se accusabat, nec oculos in cælum tollebat. Qui verò peccata sua confiteri nolunt, & in eorum defensione laborant, iactantes aliqua ipsorum opera bona, hi Pharisæo similes existunt, qui se extollebat, ac de bonis ipsis

glorians, ceteros spernebat. Nos autem Nathanaelem, & Publicanum imitari studeamus, & Domino nostro Iesu Christo animum nostrum prorsus aperiamus, & ipse omnia nobis delicta, ac scelera condonabit.

Quoniam tacui inueterauerunt ossa mea, dum clamarem tota die.

Cum graue illud scelus fecisset David, non statim ad pœnitentiæ remedium confugit, ideò secum de hoc expostulat, quòd accepto vulnere continuò Med. cū non accersierit, & ait, cum facinus ab initio manifestū non reddiderim, & confessionem tacuerim, præclamore, & luctu debilitata est virtus mea. Verū is contraria dicere videtur; At siluit id, quod sibi prodesse putabat, culpam scilicet, clamauit de pœna, & se iustū esse, quod non oportuit, Et ideò illi contigit, vt ossa eius inueterauerint, id est, interior fortitudo defecerit eius, qui fatendo, nonitatem amare noluit, dum tota die clamaret, assiduè videlicet in peccatorum suorum defensione perseuerans, sed resipiscere cœpit, postquam à Nathan admonitus, atque reprehensus fuit, tunc namq; peccati veniam, & impunitatem petijt, & in accusando illud consenuit.

Quoniam die, ac nocte grauata est super me manus tua, cōuersus sum in ærūna mea, dū cōfigitur spina.

Quia scelus meum tacueram Domine, quid fecisti manum tuam, id est, potentiam in me die, ac nocte

nocte exercuisti, assidue videlicet, meq; castigans acriter puniisti, qui me ita erigebam, vt humilitatis essem oblitus. Itaque in miseriam, & arumnam conuersus sum, incidiq; ; & qui gloriabar, tanquam omnium ditissimus, ad me rediens infelicem me agnouit, dum spina, id est, peccatum, quod quasi morsu quodam conscientiam meam pungit, vt stimulus quidam, in corde meo extra penetrando figitur; Et nempe magnum est misericordia, quam nobis impertit Deus, argumentum, dum nos in hoc seculo peccatores affligit; ostendit enim si nosmetipsos ipsi nouerimus, se nolle vt aeterno tempore pereamus.

Delictum meum cognitum tibi feci.

AC ne murmurare videatur, mutat sermonem, & quomodo misericordiam Dei affecutus sit, deinceps declarat, inquit, cum Nathan crimen meum aliam personam agens confinxisset, ac me illum esse ad didisset, de quo ei sermo erat, patefeci continuo scelus meum, nec inficiatus sum: Quando enim homo peccatum recognoscit, vult certe illud à Deo cognosci, vt libenter is ignoscat.

Et iniustitiam meam non abscondi.

OPerire nolui, qui enim peccata tegunt, nudare postea coguntur; At contra Dauid ea nudauit, vt ipse operiretur: Et quamuis hæc particulatim ad Dauidem pertineant; ad cunctos tamen nos generatim spectat Deo cognita facere delicta nostra, quo ad ignoscendum nobis eum pronocemus.

Dixi,

Dixi, confitebor aduersum me iniustitiam meam Domino.

IN animo proposui confiteri, promittit ergo se hoc facturum, & iam Deus ei peccatum condonauit; ostendit autem animo pronunciaſſe, non verbo, & aduersum se, non contra Deum, cum alij eum redarguant, alij fato, aut stellis ascribant.

Et tu remisisti impietatem peccati mei.

Non me iuxta criminis grauitatem supplicio affe-
cisti: sed moderatè me corripuisti: Alij legunt,
impietatem cordis, quia nullas de adulterio, & homici-
dio leges formidauerat. Nonnulli dubitant, si con-
donatum est ei peccatum, cur Dominus illum afflixit? &
respondetur, postquam Dauid à Nathan rem resciiuit,
se ipsum iudicasse reum; ideò ob humilem mentis confes-
sionem morte, seu damnatione à Deo liberatum fuisse;
pœnas tamen acceptis calamitatibus sustinuisse, ne tan-
ti beneficii immemor esset. At si est tanta confessionis
efficacitas coram Deo, ut si re ipsa statim non confitea-
tur, inducat tamen in animum id facere, veniam ante
consequatur, quid prodest postea confessio? An remis-
sionem peccati non meretur in conspectu Dei confessio,
nisi nota ei existat confitendi sacerdoti firma illius vo-
luntas? In qua peccatorum confessione, & virtute cla-
uium absolutione, quia de pœna detrahatur, & gratia
confer-

confertur, idcirco in proposito perseuerare necesse est, *ut*
tandem effectus hic consistendi consequatur, cum adesse
facultas.

Pro hac orabit ad te omnis sanctus
in tempore opportuno.

Pro hac impietate, vel remissione, vel potius pro hac
remissa impietate, ubi cunctis constabit, statim *ut*
confessus sum, Deum mihi pepercisse, pii omnes in tem-
pore opportuno, pœnitentiæ scilicet, orabunt, meq; imi-
tabuntur, ut & ipsi veniam assequantur. Hæc enim
vita præsens opportunum est tempus, in quo omnis san-
ctus oret; quod nemo, dum in hoc mundo vitam de-
git, à peccato immunis existat, quamuis excellat san-
ctitate. Nam quandoque in leuibus, & quotidianis
peccatis labitur, non desinit tamen esse iustus: Vel in
tempore opportuno, cum Euangelium Christi publica-
bitur; unde quia delictorum veniam dedisti, te orabit
sanctus, cum Davidis Psalmos cecinerit, tibiq; maxi-
masaget gratias, habebitq;.

Verum tamen in diluuiò aquarum
multarum ad eum non ap-
proximabunt.

At tamen dum aquæ multæ, id est, tentationes, &
calamitates mundum affligent, & obruent, ad
illum sanctum, cui hac ratione, quod se peccatorem pro-
nunciauerit, peccata ignouit benigniss. Deus, non ap-
propinquabunt, nec ipsum ledent, aut omnino attin-
gent, sicut nec ipsum Noe laeserunt. Vel in baptismo,
cuius

cuius aquas habita potentia spiritus sancti ratione potius quam vndarum quantitate multas appellat, delicta ad illud bonum virum illic nimirum obruta, atque expiata non appropinquabunt: Nonnulli personam mutant; interpretantur enim, qui in aquis multis, id est, in varijs doctrinis natant, se aduersus Deum extol lentes, cum vna tantum sit Dei, siue sacrae ablutionis, siue doctrine salutaris aqua, quæ Domino confiteri docet, & aduersum se iniustitiam pronunciare, atque humilitatem amare imprimis, nec sibi arrogare, tales non appropinquabunt ad Deum. In libris enim alienigenarum, siue Platonis, siue Aristotelis, & similium, licet optima morum, ac disciplinarum præcepta inueniantur; humilitas tamen non reperitur, quæ aliunde, quam à Domino Iesu Christo non manat, qui cum altissimus esset, humilis tamen ad nos venire voluit. In hac verò qui versantur, facile ad Dominum Iesum Christum non accedunt solum, sed cum eo etiam coniunguntur.

Tu es refugium meum à tribulatione,
quæ circundedit me: exultatio
mea erue me à circundantibus me.

AB hac afflictione, qua circundor, & opprimor, ut me tuearis, quod non pateat, ab aliqua parte auxilium, ad te confugio Deus meus [ut Ecclesiæ etiã vox sit) tanquam ad summum bonum meum, Exultatio, & perfugium meum eripe me ab insidijs inimicorum,

rum, qui me circundant, siue ij videantur, siue non.
Ego enim gaudeo spe me sustentans, re ipsa adhuc gemo.

Intellectum tibi dabo, & instruam te
in via hac, qua gradieris.

D Auidi respondet Dominus: Ego te adeò prudentem reddam dono intellectus ornans, vt ab inimicis tuis victor iam reportes, ac simul in itinere tecum gradiar, quo ad bellum proficisci cogitas; vnde pollicetur se illi ducem in via recta futurum esse; Et sermo Christi etiam est ad sponsam suam Ecclesiam inquiens: Intellectum tibi tribuam, vt te semper agnoscas, & post confessionem tuam in via mandatorum te erudiam, vt ab ea non recedas, nec aberres; immo gaudeas in spe existens fore, vt tandem ad illam patriam peruenias, vbi non spei, sed rei locus erit, ac diuina contemplationi.

Firmabo super te oculos meos.

N Ec simpliciter te aspiciam, sed assidue observabo, eorum instar, qui alicuius in bello curam gerunt, suscipiuntq; & eum oculis continenter intuentur, vt in periculo versanti ipsi praesto sint, atque subueniant; nec vnquam oculos à te deiciam, quòd in me tuos conijcias.

Nolite fieri sicut equus, & mulus,
quibus non est intellectus.

D Einde ad defendentes scelera sua se conuertit, & eos admonet exemplo suo inquiring: Nolite mulierum

lierum amore ardere, furereq; sicut equi sine fræno, & muli minime fructuosi, ignorantes quid bonum, ac malum, quid honestum, ac turpe sit, quoniam ratione, ut vos, donati non sunt; Vel non scitis sicut equi, qui inter sessores non discernunt, an Christus, an Dæmon existat; nec sicut mulus, qui quodlibet onus, pectatum scilicet, sine discrimine portat. Equus quidem superbum animal est, cui similes sunt ij, qui se extollunt. Mulus autem pigrum, cuius personam gerunt illi, qui ad cognoscendam veritatem tardi accedunt, nec bouem illi imitantur, qui possessorem suum; nec asinum, qui pre sepe domini sui agnouit. Peccantes igitur ne se efferrant, hortatur, & ne belluarum mores factis expriment.

In chamo, & fræno maxillas eorum
constringe, qui non approxi-
ximant ad te.

IN translatione pergit etiam David, & ait, queso, ut angas, premasq; eorum maxillas, qui ad te per virtutum semitam non veniunt, quiq; merita sua iactant, ac peccata silent, & loquacitatem eorum deprimendo, & cibos eis subtrahendo; utrique enim locutioni scilicet, ac gustui, maxilla seruit; nam si parcum eis victum prabueris, necessitate coacti ad te redibunt. Chamus autem, & frænum idem significant, & secundum Græcorum notationem alterum dicitur, quod cervicem flectat, alterum, quod in os mittatur. Talibus igitur David malè ominatur, quod eos minime dignos

excusatione censeat, qui exemplum illius ante oculos sibi proponere potuerunt.

Multa flagella peccatoris, sperantem autem in domino misericordia circundabit.

Non mirum si adhibito freno flagella sequantur; multa enim castigationum genera peccatoribus meo exemplo imminet; quod si quis post flagella totā suam spem in Deo collocauerit, ac se ad eum tota mente conuerterit, an ille ambigere poterit, ne misericordiam impetret, atque custodiatur diuina gratia, & protegatur?

Letamini in Domino, & exultate iusti.

Supra infirmiores, nunc fortiores admonet, quos iustos vocat, quia iuste uiuant, letamini, ait, non in vobis; non enim meritis vestris, nec recte factis, & virtutibus vestris, sed gratia Dei iusti, quia vos iustos effecit ipse; verum in domino, & exultate, quod amplius est, ex eoq; magnam voluptatem capite: Nam ego virtuti, constantieq; meae confidens lapsus sum.

Et gloriamini omnes recti corde.

Recti corde, qui Deo non resistitis, quiq; omnia Dei iudicia maxime probatis, nec cur hunc flagellis verberet, illi parcat Deus, queritis, sicut prauis, & impij faciunt, qui Deum negant; aut vocant iniustum; atque vos peccatorum vestrorum ipsos accusatis, & gaudetis,

gaudetis, iure in Domino gloriamini, ut hic etiam Psalmus in latitia compleatur. Restat, ut eundem Dominum nostrum Iesum Christum supplices precemur, ut quoniam delicta nostra confiteri statuimus, aut iam confessi sumus, ijs testis ob veniam ab eo nobis datam, & nos ille diuina sua benignitate adiutos ad cœlestem patriam peruenire, & exultationis sanctorum particeps esse velit; Quod, qui me audient, & consilio meo parebunt, ex animo, & ardenti studio præstare conabuntur.

IN PSALMVM XXXVII.

Domine ne in furore, &c. 2.

Titulus Psalmi huius secundum Græcos, & Hebræ. nec non secundum Hieronymum huiusmodi est: Psalmus ipsi David in commemoratione. In quo ipse David cum de peccatis, & facinoribus suis, tum de vulneribus ad expiandum peccatum sibi inflictis mentionem facit; nam multas ille calamitates accepit, à quibus se liberari petit: Eo autem tempore Psalmum hunc composuit, quo persequabatur eum Absalon, cum scelera à se commissa, & afflictationes memoria repeteret. Secundum Latinos hæc est inscriptio: Psalmus ipsi David in commemoratione Sabbati: orat enim ille in eo pro requiete, & illius cum gemitu recordatur, in quo versans, & inde lugens [ut felix sit, qui sic miser est, infelix verè futurus, si non lugeret] Sabbati

bati eterni memoriam tenet, quo priuari formidat delictorum conscius, frui autem desiderat graviter afflictus. In quemlibet propria iſtum conscientia Psalmus hic quadrat, qui lacrymas profundat, & misericordiam petat. Porro mihi videtur David, cū vario modo, ac multis in locis de flagitijs admissis confessus fuerit; quæ frequens criminum confessio accuratam ipsius pœnitentiam prædicat, præcipuè tamen hunc sibi Psalmum ad habendam eorum recordationē secreuisse, quem semper in ore habeat, quoq; tanquā cantu animæ suæ medicinam faciente assidue utatur: In eo enim se, & quemlibet pœnitentem multifariam cruciatum, ac misericordiam flagitantem introducit, inquiens.

Domine ne in furore tuo arguas me,
neque in ira tua corripas me.

Domine ne me cum animi exardescencia coarctas; in furore .n. Deus arguit, quando non cōdonat, quòd furiosus minimè parcat, nec in eorum numerum ascribar, quibus dices: Ite maledicti; neque in ira tua me graui pœna emendes, aut in eorum numero esse velis, qui per ignem emendati salui erunt; at hic emendator existe.

Quoniā sagittæ tuæ infixæ sunt mihi.

Sagittas, supplicia dicit, & dolores, quia a calamitatibus proficiſcuntur, & sagittarum instar animū pungunt, & in eum penetrant; quique merito sagittæ Dei: atque vindictæ, quòd illius permissu

Y

nobis

nobis infiguntur, appellari queunt; aut sagittas am-
torios affectus significat, qui cum in apertum Betsa-
bea inflammarunt; vel iuxta translationem, sagittas
intelligit verba Dei, de quibus eum admonuit Na-
than: ea enim ita in animo eius inhaeserunt, ut ipse
sabbati, & requietis in memoriam gemens rediret;
aut leges aduersus adulteros, & homicidas innuit,
quae in illius mente ita insederunt, ut eum assidue sti-
mularent, ac molestia afficerent.

Et confirmasti super me manum
tuam.

Grauem scilicet fecisti in me manus tuae ictum,
dum assiduus me flagellis cadis, quae ferre nequeat:
manus enim potestatem castigandi hoc loco significat,
quae domum Davidis à fundamentis, concussit.

Non est sanitas in carne mea à facie
irae tuae.

Non est liberatio ab illo malo, quod mihi intuli,
propter iram tuam, ac minas, quas mihi nomi-
ne tuo nunciauit Nathan; vel propter iram, quam mihi
legibus tuis minaris; vel à facie irae. i. indignationis
tuae consideratione, quia per verba tua animaduertitur
iudicii ira futuri; idcirco caro mea putida fit: Ego ta-
men anteuertens non expectaui, ut plagam vehementiorem,
insanabilemque corpori meo imponas sed de carne mea
supplicium sumpsisti omni cruciatus genere illam affligens.

Non

Non est pax ossibus meis à facie
peccatorum meorum.

Quoniam agitor intus, non est, inquit, in ossibus constantia, quod ob dilecta mea contremiscat illa, adeò concussa sunt; unde interiorē miseriam, id est, peccatum declarat, propter quod afflictionem patitur: Per faciem enim peccatorum in mentem venire, & recognosci ea solent, quæ commissa sunt; cum autem ante oculos posuerimus illa, & agnoscentes erubescimus, factiq; nos pœnitet, tunc conturbati, & exterriti à facie peccatorum meritò in ossibus nos pacem non habere dicimus, quia patefactis illis restat adhuc timor, ne adsint, & eorum facies in futurum etiam appareat. Vel non est pax ossibus, id est, spiritui meo, quia præ multitudinē scelerum, & gravitate mentis compos esse non possum, sicut nec rationi pax est, quam caro inpugnat.

Quoniam iniquitates meæ supergressæ sunt caput meum.

Et quoniam pax non est, auctæ sunt nimirum, & adeo in altum sublatae sunt iniquitates, ut super caput ascenderint præcipuam, & ductricem animæ facultatem. Magnitudinem quippe illarum his verbis significat, quæ proferunt ij, qui propria peccata sentiunt; nam quos delicta sua non premunt, nec propterea piget, huiusmodi ex eorū ore verba non exeunt; unde mala nō occultanda esse, & peccata supprimenda,

nec conscientia nigrorem, ac maculam inurendā esse docet hic sermo. Per iniquitates multitudo etiam peccatorum declaratur, quia sicut aqua hominem obruit, nec aliter tamen, quā illa tantum crescat, ut caput superet, ita scelera, et flagitia eundē mergūt, si lōgius serpant, & excedāt extra. Verūm nos oēs peccatores notare debemus hominē tripliciter in peccato se habere, quandoq; in appetitu tantum esse, et mentem ita consistere, ut peccatum non attingat caput, quandoq; ex affectione consentire, ac licet illud ad caput perveniat, non tamen supra ascēdat; quandoq; eum lætari cū malefecerit, atque in rebus pessimis sic exultare, ut iniquitates capus superent, tunc hominem ita deprimi, ut is à Deo longissimē absit.

Et sicut onus graue grauatae sunt
super me.

Morētis, & dolētis est dicere, graues, & molestae mihi erant, nec illarum memoriam tolerare queo, quod instar oneris me inflectant; solēt enim moesti in terram proni aspicere, quemadmodū qui pondus ferunt; premebant enim eius conscientiam illa, quae patrare ausus fuerat, ut ab eo ob animi candorē sustineri non possent. Qui autem in peccatis proprijs gloriantur, quod libenter ea ferant, graua illis non videntur.

Putruerunt, & corruptæ sunt cicatrices meæ à facie insipientiæ
meæ.

Cicatrices, inquit, meæ, quæ ex vulneribus reliquæ erant, non in superficie tantum, sed intus putruerunt; quibus verbis magnam animi offensionem indicat: Hoc autem ob insipientiam contigit: nõ enim hoc ascribo Deo, quia si sapientiam non amisissem, hoc pacto vulneratus non fuisset: insipientia namq; omne peccatum committitur; prudentia enim cum virtus sit, quacunque ex ea profiscuntur, laude digna sunt. Cicatrix verò vulnus ante fuisse ostendit: Quando ergò quis peccauit, & ei peccatum cõdonatum est, pronus tamen existit, cicatrix tantum est; at cum dilectum à pænitentia non curatur, ipsa refricatur, & interius putrida fit, peccati enim sequitur delectatio; subsequitur postea corruptio, cum iam re ipsa scelus editur, vel ita exhalat, vt ad alios infamia perueniat. Nos igitur peccatores, qui quotidie labimur, attentè consideremus, quomodo Rex tantus augeat scelera sua, & magno cum ardore animi illa fateatur. Ac profectò pænitiæ argumentum vel maximum est, cum quis peccatum putrescere sentit; quia tunc ab eo vehementer abhorret, & illud perinde ac immanem, ac perniciosam bestiam, pestemq; fugit. Itaq; nos quoq; in satore nostro iacere nolumus, atq; imitationem exempli Regis maximi nostram omnibus prodamus.

Miser factus sum, & curuatus sum
vsque in finem.

Miser ex hoc, quòd auersus est à me propter pec-
cata Dominus Deus; Et secundum Diuum
Hieronymum afflētus sum, & incuruatus ob ea, quæ
commemorauī; vel, dum corpus meum grauius af-
fectum sanare cupio, vsq; in finem, id est, prorsus,
vel nimis, aut vsq; in mortē debilitatus sum. Vnde in-
curuatus ē ab elatione; elatus. n. eram: qui autē fue-
rit humilis, erigetur. At illē verē incuruatus est, qui
erigere se non potest; ac tales sunt, qui animum suū
penitus in terra figunt, terrenaq; tantū meditantur.

Tota die contristatus ingrediebar.

Atque tota die, id est, sine intermissione ac sem-
per, quamuis Rex essem, in tristitia versans
ambulabam, velut qui à conscientia teste pungebar,
& nulla perfundi letitia poterant.

Quoniam lumbi mei impleti sunt
illusionibus.

Tristitia causa hæc est, quòd Dæmon carnis dele-
ctatione, vt instrumento vtens me admodū illu-
sit, iniquos, turpesq; libidinis appetitus mihi exci-
tans, irritāsq;: non enim appetitus est voluptas, sed
voluptatis vmbra. Quò fit, vt lumbi mei, vel late-
ra mea aut illa sic repleta sint ignominia, vt ignomi-
nosæ recordatio facti sequatur: nec non illusionibus,
quæ

que importuno tempore ita se intrudunt in orationibus,
vix vt aliquando orare permittat.

Et non est sanitas in carne mea.

Tunc me illuso nulla carni meae requies est, nulla
sanatio; eam enim castigo, vt dictum est, & de
illa ob illicitam voluptatem supplicium sumo: vel non
est sanitas, quia nulla pars corporis non tentata va-
cat, quam peccati desiderium non titillet.

Afflictus sum, & humiliatus sum
nimis.

Magnitudinem tristitiae ostendit inquiens. Af-
flictus fame, siti, ac vigilijs, & humi iacen-
do humilis factus sum, ac demissus; vel affligens con-
scientiam meam hoc effeci, vt cor gemitus ederet pro-
pter magni boni amissionem, & optimi status muta-
tionem; quod quantis peccatis meis, vitijsq; venerit,
sine molestia cogitare non possum, praesertim cum ma-
gnam infelicitatis genus sit, felicem fuisse.

Rugiebam à gemitu cordis mei.

Sicut Leo frendebam, tanta erat cordis acerbitas,
qua cruciabar, & fletus vehementia; amare .n.
admodum flebam; dicit autem (cordis) quia si quā-
do homines gemitum auscultant, carnis plerunque, non
cordis audiunt; occultus enim gemitus à Deo nō ab ho-
mine auditur. His profecto verbis rectam erga Deū
voluntatem, animumq; praesert: Nam peccator
in profundo existens contemnere solet; iustus autē mi-
nima quaq; peccata metuit.

Y 4 Domine

Domine ante te omne desiderium
meum, & gemitus meus à te
non est absconditus.

Domine nihil desidero, nisi esse ante te, non ante
homines, qui cor intueri nequeunt; nosse enim,
quòd salutem, atque à præsentiis angustiis atq; do-
loribus liberationem impetrare concupisco, & gemitum
meum velut vocem de profundo editam auibus
percipis, qui satis esse potest; ac lacrymas meas vides.
Cor meum conturbatum est, dere-
linquit me virtus mea.

Cur conturbatum? quoniam propter peccatum in-
illud horror, & perturbatio inuasit; Et quoni-
à virtute prudentiæ excidi, insipientiæ opera effeci.
Itaque qui olim fortis eram, modo corruì, & virtus
infirmum me reliquit, fortitudoq; omni cruciatus ge-
nere afflictum deseruit: non enim queo nunc dicere,
omnia possum in eo, qui me corroborat, utpote ab af-
fectu victus, & viribus destitutus; verum & aliud
quiddam mihi graue accidit.

Et lumen oculorum meorum &
ipsum non est mecum.

Nam lumen oculorum, id est mens, & ratio me-
cum non est, quòd propter duram, & acerbam
viam meam, & assiduas lacrymas in quandam quasi
sacita-

cecitatem veni: vel spiritus prophetia, & predictio
nis, anima mea visum illuminans aufugit.

Amici mei, & proximi mei aduersū
me appropinquauerunt, &
steterunt.

DEinceps recenset, quæ postquam eum pœnitere
cepit, sibi euenerunt, quos inquit, amicos, &
commilitones turpiter viuens habebam; Achitophe-
lem autem & alios multos indicat, quorum mentes
vni sibi infensæ, atq; aduersæ fuerunt, Deo scilicet ob
peccata permittente illa, ij mihi aduersarij fuerunt,
neq; eos qui mihi proximi erant, vt primum à malis
faciendis abstinui, quò rectè viuere, amplius ami-
cos, experiri licuit.

Et qui iuxta me erant, de longe
steterunt.

DE eisdem loquitur inimicis, qui odio ei appropi-
quauerunt, vt persecutores, & à veteri amici-
tia, ac benivolentia discedentes, ab eo se abalienarūt,
longeq; steterunt; vel de bonis angelis intelligendum
est, vt Græci nonnulli exponunt. Qui mihi, inquit
Dauid, prius amici erant, & omni tempore familia-
res, ij me relicto longè steterunt, & cū peccanti, re-
cesserunt; addunt tamen, atque afferunt de suo præ-
dicti, quod non penitus eum relinquebant Angeli; ve-
rūm ciuius stantes lugebant, qui cū procul abesset,
alii

alij quidam, qui in peccatis quotidie versantur, propius accedentes, & vim mihi faciebant.

Et vim faciebant, qui quærebant animam meam.

ET torquebant me, inquit, qui animam meam, id est me ipsum quærebant, & molestiam mihi exhibebant, occasionem nacti, quod oculorum lumen me defecisset; vel eam quærebant, ut auferrent. Hac ad caput nostrum Iesum (Christum aptè referri possunt, ut ipsius voces sint inquentis: Amici mei, & proximi Iudæi, quia cognati erant, appropinquant, quando me cruce affecerunt, proximi, & Apostoli longè steterunt, ne mecum paterentur, & me relicto fugerunt: vel qui se amicos simularunt, cum dicerent, scimus, quia verè Dei viam doces, appropinquauerunt corpore, quia in crucem me suslulerunt, sed corde longè steterunt ij, qui maledicta in me cogerant, quiq; me occidere quærebant. Possunt hæc quoque ad penitentem quemlibet applicari, cui in hoc sæculo, quando in sceleribus ipse versatus est, amici extiterunt peccatores, deserenti autem mundum, & fugienti peccatum aduersati sunt.

Et qui inquirebant mihi mala, locuti sunt vanitates, & dolos tota die meditabantur.

ET qui de pernicie mea cogitabant, proferebant petulantia verba, mihiq; conuitia grandia faciebant:

bant :vanitates, dixit, velut mendacia quadam, ac falsa : & dolos, idest infidias mihi tendebant, vt me deciperent, ac laqueis me irretire conabantur. Sic de Iesu Christo, quia non reperiabant, quę dicerent, Iudei mendacia excogitabant: Perspicuum est enim quāta in eum dicta fuerint testimonia falsa, vanaq; ; sic pœnitenti quoque accidit, vt si publicè illum pœnituerit, ab alijs, qui perseuerant in peccatis, is maxime derideatur, contumeliosasq; in ipsum voces emissas audiatur.

Ego autem, tanquam surdus non audiebam, & sicut mutus non aperiens os suum.

Hic ostendit patientiam suam David : homines. nisi patienter ferant, quando affliguntur, primo bili mouentur, deinde aspera, & odiosa verba ex eorum ore excidunt. At ne sibi hoc eueniret, quando Semei contumelijs, atque conuitijs eum insectatus est, David inquit, reuera audiebam, sed auscultare simulabam, & non aperiens os scilicet eram, idest, tacebam. Hoc autem maxime Dominus noster Iesus Christus executus est, qui sicut mutus os suum non aperuit, ita vt miraretur praeses.

Et factus sum sicut homo non audiens.

Superiorum declaratio est, & effectus patientia apparet, contra malorum opinionem, qui hoc ignauia,

nia, non virtuti ascribunt: unde Christo ait praeses
mihi non loqueris.

Et non habens in ore suo redargu-
tiones.

Idest, contradictiones, quibus eos coarguere pos-
sem, qui male loquebantur, quasi ad respondendum
promptus non essem, quemadmodum Christo illudit
Herodes, cumq; spreuit, quod sibi interroganti de nō
nullis rebus minime responderet; verū oportebat, ut
Christus ipse sileret, dum patiebatur, in iudicio postea
non taciturus; qui iudicium subiturus ad nos vene-
rat cum magna humilitate, maxima deinde cum pote-
state iudicaturus.

Quoniam in te speravi domine tu
exaudies me Domine Deus
meus.

Causam patientiae affert, inquiens, ideo me mu-
tum praeui, & filui; quia te mihi iudicem, &
ultorem esse speravi, mihi enim vindictam, ais; nam
nisi collocassem ego spem in te, ultus me fuisset, verū
illud tantum quaesui, ne in manus hostium inciderem;
Et quoniam eos, Semei praesertim, perspicis me pro-
bis, ac maledictis vexare, tu domine preces meas
exaudies. Tantum praeclara fidelem quemlibet con-
scientia se sustentare oportet, & integra mente pra-
ditum esse, quae nullius sibi criminis conscia sit, & re
Et.

Et, ac tutò ille dicere poterit : quoniam spes mihi in te posui Domine.

Quia dixi, ne quando supergaudeāt
mihi inimici mei, & dum com-
mouentur pedes mei, super
me magna locuti sunt.

Dixi enim hoc mihi in optatis esse, vt oratio mea in conspectum tuum veniat, ne aliquando super gaudeant, vel (vt ait D. Hieronymus) in me insultent inimici mei; Quod planè perficient, nisi misericordiā tuam ero consecutus, Et dum cōmouentur pedes mei, humana infirmitate, aut Absalonis causa de ciuitate regia fugiendo, vel (vt idem ait Hieronymus) cum vacillauerint pedes mei, idest, cum auersum fuerit pa- rumper à via diuinorum mandatorum iter meum, libere illi se mihi mortem offerre velle gloriati sunt. Per translationem Christus ait: dum commouentur pedes mei. Apostoli, qui nimirum vacillarunt, cū illum, quem pati ipsis videre licuit, an Dei filius esset, dubitauerunt. Itaque de ipso Christo magna, & impia locuti sunt inimici, quia illis conturbatis, & fugientibus reum mortis eum indicauerunt.

Quoniā ego in flagella paratus sum,
& dolor meus in conspectu
meo semper.

Ego ad correctionem, & emendationem tuam pa-
ratus sum, quam ego ob peccata mea libens, ac
promptus

promptus accipiam; & dolor, quem ex commissis à me sceleribus capio, semper mihi ante oculos versatur, virgens me, ac stimulans, ne illorum memoriam deponam. Ac certè Rex ille tantus, ac generosus flagella viriliter pertulit, ac secutas calamitates magno animo perpeffus est; nota enim fuit ei sententia illa; Deum virgis filium omnem, quem amat, & amplexatur, cedere, atque corripere, quòd talibus post verbera paretur vita sempiterna: Peccatores verò in hoc mundo non verberari ab eo, aut minus, quòd illorum salus iam desperata sit; vt quem Deus nullis verberibus excruciat, eum à se reprobari, non modicum sit argumentum: Doloze igitur non flagellorum, sed peccatorum David ardebat, què vinam imitari vellemus, fortasse ad mala tam facile procliues non essemus.

Quoniam iniquitatem meam annūciabo, & cōgitabo pro peccato meo.

Hic tres pœnitentiæ partes patent, dolor ad compunctum cor, iniquitatum pronuntiatio ad confessionem, anxia de peccato cura ad satisfaciendum pertinet: dicit ergò, annuncio, vel vt ait Hieronymus, annuncio, id est, confiteor iniquitatem, & cogitabo, id est, sollicitus ero, vt idem ait, de peccato, id est, medicina peccati, curabo enim, vt illud sanem.

Inimici

Inimici autem mei viuunt, & confirmati sunt super me.

INimici permissione tua ad probandum me infelicē, & de me periculum faciendum missi, viuunt, & fortes sunt, atque potentes, ij scilicet, qui cum Absalone militant, & in me persequendo roborati sunt.

Et multiplicati sunt, qui oderunt me inique.

ET multiplicati non pauci, quod est grauissimum, viribusq; aucti, mala pro bonis reddentes me iniuste oderunt, quia nihil habent, in quo me accusare possint, aut odio dicere dignum: Et bonam erga se voluntatem respuerunt, & pro nihilo putarunt. Itaque seculi felicitate gaudent illi, dum ego angor: Tales aduersus Iesum Christum Iudaei fuerunt.

Qui retribuunt mala pro bonis, detrahebant mihi, quoniam sequebar bonitatem.

Detrahebant mihi, qui malum pro bonis rependebant, quoniam viam bonam, & salutarem persequebar, ac bonitatem, innocentiamq; seruabam, atq; iniurias obliuione debebam. Hoc propter Absalonem dicit, qui benignitati, atque amoris paterno inuidia, atque insidijs obsistebat, eumq; tanquam iniustum Regem calumniabatur, hoc pacto ad conspirationem eos alliciens,

alliciens, qui ad iudicium accedebant, cum eum commendare debuisset, quod iustitia præditus esset. Verò in hoc mundo dum versamur, nullo modo odio carere possumus; cum & Dominus Iesus Christus Iudæis odiosus fuerit, qui erga eum ingrati, ac tantorum beneficiorum immemores fuerunt. Sed beatus est ille, qui se iniuste odio haberi conscius existit; cum enim detrectatio triplex sit, mala quidem, cum homo hominem verè peccati arguit; peior quando falso, certe pessima est illa, cum non de homine, sed de virtute derogatur, quod ipsi Dauidi evenit.

Ne derelinquas me Domine Deus meus, ne discesseris à me.

Confugit nunc ad Deum, & petit se ab eo liberari, quod formidat, & præstari sibi, quod amat, inquiens, auxilio priuatus sum, & te solum adiutorem habeo, ne me deseras, nec à me abeas, nam solus nullo pacto tot inimicis resistere potero, neque me tueri præmittas, in cuius potestate vita mea sita est.

Intende in adiutorium meum Domine Deus salutis meæ.

Sed esto mihi adiutor, dum contra hostem pugno, hostes uè, & adiuna me, ut proficiam, qui salutis meæ custos es, & salutem regibus das. Quo versiculo in ordiendis precibus Ecclesia libèter utitur, quod contra Daemonum insidias, atque calumnias plurimè ille polleat. Ecce quàm præclare Psalmus hic eum instruit, quem peccatorum suorum verè, & sincerè peniteat,

pœniteat, videlicet, ut is acriter cor suum compungat, delicta q̃; sua mirifice exaggeret, humiliter q̃ ea fateatur, atque ipsorum pœnas sufferre paratus sit. Omnes ergo fideles, qui propter facinora in arumnas inciderunt, sibi q̃; à Deo condonari peccata, & opem ferri petunt, imitatione ipsum Davidem sequi studeant, nec alicui dent aures, aut eum colloquio dignum iudicent, qui se ipsos assiduis molestiis affligere, ob suam q̃; ipsorum pœnitentiam calumniari, ac tanquam peccatores infamare conetur. Sed aduocantes sibi Deum adiutorem, illi hæreant, à quo in discessu ab hac vita salutem sempiternam se accepturos esse sperant, ac requie illa tantopere exoptata non carituros, ubi & gloriam Dei contemplari, & eius faciem sine fine intueri licebit.

IN PSALMV M XXXXII.

IUDICA ME DEVS.

Psalms hic apud Hebr. & interpretes sine titulo est, superioris autem pars esse videtur, ut potè qui eandem cum eo sententiam, & similia verba habeat. David siue aliquis inter populum Iudaorum, qui fidelis, & iustus inuentus fuerit, sicuti Hieremias, aut ei similis, hæc pro populo verba profert, qui eius causam, & afflictiones suscepit; nam cū ille populus nefarijs gētibz Babylonijs ipsis, qui multa immanitate vsi sunt contra eos, traditus fuisset, rogat atque Deum obsecrat, ut iudex sit, & gentes pœ-

Miser factus sum, & curuatus sum
vsque in finem.

Miser ex hoc, quòd auersus est à me propter pec-
cata Dominus Deus; Et secundum Diuum
Hieronymum affl. ctus sum, & incuruatus ob ea, quæ
commemorauì; vel, dum corpus meum grauiter af-
fectum sanare cupio, vsq; in finem, id est, prorsus,
vel nimis, aut vsq; in mortē debilitatus sum. Vnde in-
curuatus ē ab elatione; elatus. n. eram: qui autē fue-
rit humilis, erigetur. At illē verē incuruatus est, qui
erigere se non potest; ac tales sunt, qui animum suū
penitus in terra figunt, terrenaq; tantū meditantur.

Tota die contristatus ingrediebar.

Atque tota die, id est, sine intermissione ac sem-
per, quamuis Rex essem, in tristitia versans
ambulabam, velut qui à conscientia teste pungebar,
& nulla perfundi lætitia poteram.

Quoniam lumbi mei impleti sunt
illusionibus.

Tristitia caussa hæc est, quòd Dæmon carnis dele-
ctatione, vt instrumento vtens me admodū illu-
sit, iniquos, turpesq; libidinis appetitus mihi exci-
tans, irritāsq;: non enim appetitus est voluptas, sed
voluptatis vmbra. Quò sit, vt lumbi mei, vel late-
ra mea aut illa sic repleta sint ignominia, vt ignomi-
nosæ recordatio facti sequatur: nec non illusionibus,

quæ

que importuno tempore ita se intrudunt in orationibus,
vix ut aliquando orare permittat.

Et non est sanitas in carne mea.

Tunc me illuso nulla carni meae requies est, nulla
sanatio; eam enim castigo, ut dictum est, & de
illa ob illicitam voluptatem supplicium sumo: vel non
est sanitas, quia nulla pars corporis non tentata va-
cat, quam peccati desiderium non titillet.

Afflictus sum, & humiliatus sum
nimis.

Magnitudinem tristitiae ostendit inquiens. Af-
flictus fame, siti, ac vigilijs, & humi iacen-
do humilis factus sum, ac demissus; vel affligens con-
scientiam meam hoc effeci, ut cor gemitus ederet pro-
pter magni boni amissionem, & optimi status muta-
tionem; quod quantis peccatis meis, vitijsq; venerit,
sine molestia cogitare non possum, praesertim cum ma-
gnum infelicitatis genus sit, felicem fuisse.

Rugiebam à gemitu cordis mei.

Sicut Leo frendebar, tanta erat cordis acerbitas,
qua cruebar, & fletus vehementia; amare n.
admodum flebam; dicit autem (cordis) quia si quā-
do homines gemitum auscultant, carnis plerunque, non
cordis audiunt; occultus enim gemitus à Deo nō ab ho-
mine auditur. His profecto verbis rectam erga Deū
voluntatem, animumq; praefert: Nam peccator
in profundo existens contemnere solet; iustus autē mi-
nima quaeq; peccata metuit.

Domine ante te omne desiderium
meum, & gemitus meus à te
non est absconditus.

Domine nihil desidero, nisi esse ante te, non ante
homines, qui cor intueri nequeunt; nosti enim,
quòd salutem, atque à præsensibus angustiis atq; do-
loribus liberationem impetrare concupisco, & gemitum
meum velut vocem de profundo editam auibus
percipis, qui satis esse potest; ac lacrymas meas vides.
Cor meum conturbatum est, dere-
linquit me virtus mea.

Cor conturbatum? quoniam propter peccatum in
illud horror, & perturbatio inuasit; Et quoni-
à virtute prudentiæ excidi, insipientiæ opera effeci:
Itaque qui olim fortis eram, modo corruui, & virtus
infirmum me reliquit, fortitudoq; omni cruciatus ge-
nere afflictum deseruit: non enim queo nunc dicere,
omnia possum in eo, qui me corroborat, utpote ab af-
fectu victus, & viribus destitutus; verum & aliud
quiddam mihi graue accidit.

Et lumen oculorum meorum &
ipsum non est mecum.

Nam lumen oculorum, id est mens, & ratio me-
cum non est, quòd propter duram, & acerbam
viam meam, & assiduas lacrymas in quandam quasi
sacita-

cecitatem veni: vel spiritus prophetia, & predictio-
nis, anima mea visum illuminans auferit.

Amici mei, & proximi mei aduersū
me appropinquauerunt, &
steterunt.

DEinceps recenset, quæ postquam eum pœnitere
cœpit, sibi euenerunt, quos inquit, amicos, &
commilitones turpiter viuens habebam; Achitophe-
lem autem & alios multos indicat, quorum mentes
vni sibi infensa, atq; aduersa fuerunt, Deo scilicet ob
peccata permittente illa, ij mihi aduersarij fuerunt,
neq; eos qui mihi proximi erant, vt primum à malis
faciendis abstinui, quò restè viverem, amplius ami-
cos, experiri licuit.

Et qui iuxta me erant, de longe
steterunt.

DEiisdem loquitur inimicis, qui odio ei appropi-
quauerunt, vt persecutores, & à veteri amici-
tia, ac beneuolentia discedentes, ab eo se abalienarūt,
longeq; steterunt; vel de bonis angelis intelligendum
est, vt Græci nonnulli exponunt. Qui mihi, inquit
Dauid, prius amici erant, & omni tempore familia-
res, ij me relicto longè steterunt, & cū peccati, re-
cesserunt; addunt tamen, atque asserunt de suo præ-
dicti, quod non penitus eum relinquebant Angeli; ve-
rū eminus stantes lugebant, qui cū procul abesset.

aliū quidam, qui in peccatis quotidie versantur, propius accedentes, & vim mihi faciebant.

Et vim faciebant, qui quærebant animam meam.

ET torquebant me, inquit, qui animam meam, id est me ipsum quærebant, & molistiam mihi exhibebant, occasionem nacti, quod oculorum lumen me defecisset; vel eam quærebant, ut auferrent. Hæc ad caput nostrum Iesum (Christum aptè referri possunt, ut ipsius voces sint inquentis: Amici mei, & proximi Iudæi, quia cognati erant, appropinquauerunt, quando me cruce affecerunt, proximi, & Apostoli longè steterunt, ne metum paterentur, & me relicto fugerunt: vel qui se amicos simularunt, cum dicerent, scimus, quia verè Dei viam doces, appropinquauerunt corpore, quia in crucem me suslulerunt, sed corde longè steterunt ipsi, qui maledicta in me cōgerebant, quiq; me occidere quærebant. Possunt hæc quoque ad pœnitentem quemlibet applicari, cui in hoc sæculo, quandiu in sceleribus ipse versatus est, amici extiterunt peccatores, deserenti autem mundum, & fugienti peccatum aduersati sunt.

Et qui inquirebant mihi mala, locuti sunt vanitates, & dolos tota die meditabantur.

ET qui de pernicie mea cogitabant, proferebant petulantia verba, mihiq; conuitia grandia faciebant:

bant :vanitates, dixit, velut mendacia quadam, ac falsa : & dolos, idest infidias mihi tendebant, vt me deciperent, ac laqueis me irretire conabantur. Sic de Iesu Christo, quia non reperiabant, quę dicerent, Iudæi mendacia excogitabant: Perspicuum est enim quanta in eum dicta fuerint testimonia falsa, vanaq; ; sic pœnitenti quoque accidit, vt si publicè illum pœnituerit, ab alijs, qui perseuerant in peccatis, is maxime de rideatur, contumeliosasq; in ipsum voces emissas audiat.

Ego autem, tanquam surdus non audiebam, & sicut mutus non aperiens os suum.

Hic ostendit patientiam suam David: homines. nisi patienter ferant, quando affliguntur, primo bili mouentur, deinde aspera, & odiosa verba ex eorum ore excidunt. At ne sibi hoc eueniret, quando Semei contumelijs, atque conuitijs eum insectatus est, David inquit, reuera audiebam, sed auscultare simulabam, & non aperiens os scilicet eram, idest, tacebam. Hoc autem maxime Dominus noster Iesus Christus executus est, qui sicut mutus os suum non aperuit, ita vt miraretur præsens.

Et factus sum sicut homo non audiens.

Superiorum declaratio est, & effectus patientia apparet, contra malorum opinionem, qui hoc igno-
uia,

nie, non virtuti ascribunt: vnde Christo ait præsēs
mihi non loqueris.

Et non habens in ore suo redargu-
tiones.

Idest, contradictiones, quibus eos coarguere pos-
sem, qui male loquebantur, quasi ad respondendum
promptus non essem, quemadmodum Christo illisit
Herodes, eumq; spreuit, quod sibi interroganti de nō
nullis rebus minime responderet; verū oportebat, vt
Christus ipse sileret, dum patiebatur, in iudicio postea
non taciturus; qui iudicium subiturus ad nos vene-
rat cum magna humilitate, maxima deinde cum pote-
state indicaturus.

Quoniam in te speravi domine tu
exaudies me Domine Deus
meus.

Causam patientiæ affert, inquiens, ideo me mu-
tum præbui, & filui; quia te mihi iudicem, &
ultorem esse speravi, mihi enim vindictam, ais; nam
nisi collocassem ego spem in te, ultus me fuisset, verū
illud tantum quaestui, ne in manus hostium inciderem;
Et quoniam eos, Semei præsertim, perspicis me pro-
bris, ac maledictis vexare, tu domine preces meas
exaudies. Tantum præclara fidelem quemlibet con-
scientia se sustentare oportet, & integra mente præ-
ditum esse, quæ nullius sibi criminis conscia sit, & re
fere.

Et, ac tutò ille dicere poterit : quoniam spero mihi in te posui Domine.

Quia dixi, ne quando supergaudeat mihi inimici mei, & dum commouentur pedes mei, super me magna locuti sunt.

Dixi enim hoc mihi in optatis esse, vt oratio mea in conspectum tuum veniat, ne aliquando supergaudeant, vel (vt ait D. Hieronymus) in me insultent inimici mei; Quod planè perficiens, nisi misericordiã tuam ero consecutus, Et dum commouentur pedes mei, humana infirmitate, aut Absalonis caussa de ciuitate regia fugiendo, vel (vt idem ait Hieronymus) cum vacillauerint pedes mei, idest, cum auersum fuerit pa- rumper à via diuinorum mandatorum iter meum, libere illi se mihi mortem offerre velle gloriati sunt. Per translationem Christus ait: dum commouentur pedes mei. Apostoli, qui nimirum vacillarunt, cū illum, quem pati ipsis videre licuit, an Dei filius esset, dubitauerunt. Itaque de ipso Christo magna, & impia locuti sunt inimici, quia illis conturbatis, & fugientibus reum mortis eum iudicauerunt.

Quoniã ego in flagella paratus sum, & dolor meus in conspectu meo semper.

Ego ad correctionem, & emendationem tuam paratus sum, quam ego ob peccata mea libens, ac promptus

promptus accipiam; & dolor, quem ex commissis à me sceleribus capio, semper mihi ante oculos versatur, vrgens me, ac stimulans, ne illorum memoriam deponam. Ac certè Rex ille tantus, ac generosus flagella viriliter pertulit, ac secutas calamitates magno animo perpeffus est; nota enim fuit ei sententia illa; Deum virgis filium omnem, quem amat, & amplexatur, cedere, atque corripere, quòd talibus post verbera paretur vita sempiterna: Peccatores verò in hoc mundo non verberari ab eo, aut minus, quòd illorum salus iam desperata sit; vt quem Deus nullis verberibus excruciat, eum à se reprobari, non modicum sit argumentum: Doloze igitur non flagellorum, sed peccatorum David ardebat, què vinam imitari vellemus, fortasse ad mala tam facile proclines non essemus.

Quoniam iniquitatem meam annūciabo, & cōgitabo pro peccato meo.

Hic tres pœnitentiæ partes patent, dolor ad compunctum cor, iniquitatum pronuntiatio ad confessionem, anxia de peccato cura ad satisfaciendum pertinet: dicit ergò, annuncio, vel vt ait Hieronymus, annuncio, id est, confiteor iniquitatem, & cogitabo, id est, sollicitus ero, vt idem ait, de peccato, id est, medicina peccati, curabo enim, vt illud sanem.

Inimici

Inimici autem mei viuunt, & confirmati sunt super me.

INimici permissione tua ad probandum me infeliciter, & de me periculum faciendum missi, viuunt, & fortes sunt, atque potentes, ij scilicet, qui cum Absalone militant, & in me persequendo roborati sunt.

Et multiplicati sunt, qui oderunt me inique.

ET multiplicati non pauci, quod est grauissimum, viribusq; aucti, mala pro bonis reddentes me iniuste oderunt, quia nihil habent, in quo me accusare possint, aut odio dicere dignum: Et bonam erga se voluntatem respuerunt, & pro nihilo putarunt. Itaque seculi felicitate gaudent illi, dum ego angor: Tales aduersus Iesum Christum Iudei fuerunt.

Qui retribuunt mala pro bonis, detrahebant mihi, quoniam sequebar bonitatem.

Detrahebant mihi, qui malum pro bonis rependebant, quoniam viam bonam, & salutarem persequebar, ac bonitatem, innocentiamq; seruabam, atq; iniurias obliuione debebam. Hoc propter Absalonem dicit, qui benignitati, atque amoris paterno inuidia, atque insidijs obfistebat, eumq; tanquam iniustum Regem calumniabatur, hoc pacto ad conspirationem eos alliciens,

alliciens, qui ad iudicium accedebant, cum eum commendare debuisset, quod iustitia praditus esset. Verum in hoc mundo dum versamur, nullo modo odio carere possumus; cum & Dominus Iesus Christus Iudaeis odiosus fuerit, qui erga eum ingrati, ac tantorum beneficiorum immemores fuerunt. Sed beatus est ille, qui se iniuste odio haberi conscius existit; cum enim detrectatio triplex sit, mala quidem, cum homo hominem verè peccati arguit; peior quando falso, certe pessima est illa, cum non de homine, sed de virtute derogatur, quod ipsi Dauidi evenit.

Ne derelinquas me Domine Deus meus, ne discefferis à me.

Confugit nunc ad Deum, & petit se ab eo liberari, quod formidat, & praestari sibi, quod amat, inquiens, auxilio privatus sum, & te solum adiutorem habeo, ne me deferas, nec à me abeas, nam solus nullo pacto tot inimicis resistere potero, neque me tueri permittas, in cuius potestate vita mea sita est.

Intende in adiutorium meum Domine Deus salutis meae.

Sed esto mihi adiutor, dum contra hostem pugno, hostes uè, & adiuvam me, ut proficiam, qui salutis meae custos es, & salutem regibus das. Quo versiculo in ordiendis precibus Ecclesia libèter utitur, quod contra Daemonum insidias, atque calumnias plurimùm ille polleat. Ecce quàm praeclare Psalmus hic eum instruit, quem peccatorum suorum verè, & sincerè peniteat,

pœniteat, videlicet, ut is acriter cor suum compungat, delictaq; sua mirifice exaggeret, humiliterq; ea fateatur, atque ipsorum pœnas sufferre paratus sit. Omnes ergo fideles, qui propter facinora in ærumnas inciderunt, sibiq; à Deo condonari peccata, & opem ferri perunt, imitatione ipsum Davidem sequi studeant, nec alicui dent aures, aut cum colloquio dignum iudicent, qui se ipsos assiduus molestijs affligere, ob suamq; ipsorum pœnitentiam calumniari, ac tanquam peccatores infamare conetur. Sed advocantes sibi Deum adiutorem, illi hæreant, à quo in discessu ab hac vita salutem sempiternam se accepturos esse sperant, ac requie illa tantopere exoptata non carituros, ubi & gloriam Dei contemplari, & eius faciem sine fine intueri licebit.

IN PSALMVM XXXXII.

IUDICA ME DEVS.

Psalms hic apud Hebr. & interpretes sine titulo est, superioris autem pars esse videtur, ut potè qui eandem cum eo sententiam, & similia verba habeat. David siue aliquis inter populum Iudaorum, qui fidelis, & iustus inuentus fuerit, sicuti Hieremias, aut ei similis, hæc pro populo verba profert, qui eius causam, & afflictiones suscepit; nam cū ille populus nefarijs gētibus Babylonijs ipsis, qui multa immanitate vsi sunt contra eos, traditus fuisset, rogat atque Deum obsecrat, ut iudex sit, & gentes pœ-

nis, & supplicio mulctet, & populus ab hostium manibus liberetur. Vel propheta nomine suo hoc dicere potest, confidens & sibi persuadens nunquam fore, ut sibi in iudicio imponatur iniuria, cum nemini is iniuriam fecerit, & locum iræ non dederit. Allegor. Christus hoc fari videtur, ut se à Deo iudicari postulet ad quem illud pertinet, & vincas cum iudicaris, ac populum Iudeorum gentem non sanctam vocat, hominem vero dolosum Iudam.

Iudica me Deus, & discerne causam meam de gente non sancta, ab homine iniquo, & doloso erue me.

I Desi, Iudex esto; iudicium autem duplex est, alterum in quo merita discutiuntur, & hoc non petit, ut intret iudicium cum seruo suo; periculosum enim est; alterum discretionis siue separationis à malis, ac pravis; & hoc flagitat; scilicet se ab eis segregari, ut ipse cum electis existat; & ideo addit, discerne, id est diiudica, & inspicere causam, quantum ad presentem statum attinet, si non locum; & quid inter eum distet qui in te credit, & illum qui minime, de gente non sancta, cum qua est mihi par infirmitas, sed conscientia, & desiderium dispar. Et iudica queso; non enim iudicium tuum formido, quia misericordiam tuam novi; Gentem autem non sanctam, Babylonios, & Reges eorum dolosum, & impium vocat. Vel cætum sacri legorum, & impiorum, ac multo magis demonum appellat;

pellat; ab iniquo ergo vel Dæmone, vel homine scelerato, & iniquo, qui aperte iniustitiam patefacit, & dolo so, id est occulte fraudolento erue me, ac libera, ne ab illis corrumpar.

Quia tu es fortitudo mea.

VT potè qui aliunde non habeat, quo se firmum, & fortem sentiat, Deum fortitudinem suam vocat, inquit, tu es firmitas mea, & stabilitas, qua inter hæc scadala opus est: non enim mihi arrogo eam, sed abs te implorare Debeo, qui iussisti, ut fortes consistamus; nam nisi tu fortes reddideris, non erimus.

Quare me repulisti, & quare tristis incedo dum affligit me inimicus.

MIratur cum Deus fortitudo eius existat, quare modo repelli videatur; in desiderio enim existens is, quia non statim obtinet, quod optat, se repulsum esse arbitratur. Quare me repulisti, in medio populi me relinquens? propter peccatum scilicet. Et quare tristis per viam vitæ huius incedo, qui si non vincor, periculum tamen adeo, dum id est quia inimicus, qui dictus est iniquus, varijs me tentationibus torquet? propter peccata tua, respondet, quibus locum dedisti; Et quia tristitiæ tuæ causa peccatum est, iustitiæ letitiæ tuæ causa existat. Vel cum inimici vrgerent, & fortiores essent, iustus animo suspensus propter sceleratorum felicitatem cruciabatur, quare simpliciter petit inquit, cur cum te tuos tueri deceat,

& hostibus letitiam non asserre, hoc non perficis, & eos de manibus inimicorum non liberas?

Emitte lucem tuam, & veritatem
tuam.

ET quia peccata me conturbant, & angunt, ideo ad te, qui lux es, supplex confugio; mitte igitur lucem, & protectionem tuam, atque custodiam; quæ summum quoddam letitiæ lumen secum asserunt, cuius splendore omnes afflictionum tenebræ repellantur; & veritatem, idest verum auxilium. Iuxta Anagog. Lucem, & veritatem Christum intelligit David, is. n. inquit, Ego sum lux mundi, & rursum, ego sum veritas; hanc lucem mitti precatur, Deum verbum scilicet, & hanc veritatem, ut spiritus eius adueniat. Lucem etiam, & veritatem, iustum & salutarem aduentum dicit, nam sicut tenebrarum nomine calamitates, ita lucem ab ijs liberationem appellavit. Ceterum lux, & veritas re idem sunt, vtraq; enim est Dei filius, sed ratione differunt; quatenus enim ab umbris, & mendacio liberat, veritas est, quatenus ab errore & ignorantia lux existit.

Ipsa me deduxerunt, & adduxerunt
in montem sanctum tuum, &
in tabernacula tua.

Illa me deduxerunt per viam, & duces fuerunt,
vel à malis abstraxerunt, & adduxerunt, idest in-
troduserunt in montem sanctum tuum Syon, & in ta-
bernacula

bernacula tua, idest in templum tuum. Septuaginta interpretes tempus mutarunt, & tanquàm facta futura pronunciarunt. Sed D. Hieronymus, & alij legunt ducent & introducent in montem Syon, ad quem accedere postulat, vt lætitiā consequi valeat. Mystic. montem ecclesiam dicit quasi in sublime sitam, in qua positi hoc speramus, & Tabernacula, quæ sunt peregrinantium, & militantium; vel ecclesiam scilicet cælestem, & tabernacula, quæ illic sunt, scilicet māsiones intelligit. Christus ergo qui lux est, & veritas ducet in cælum, & fideles omnes in cælestia tabernacula introducet.

Et introibo ad altare Dei.

Cum vero in templo ero, ad altare Dei, idest in cōspectum diuinæ maiestatis intrabo, vbi non vitulos, sed me ipsum hostiam viuam illi placentem exhibebo illum vere colens, & ei sacra faciens; vel ad altare illud sublime atque cæleste, quo non accedit iniustus.

Ad Deum, qui lætificat iuuentutem meam.

Idest ad Deum ingrediar, qui iuuentutem meam lætitia afficit, quam vigens animi propositum vocauit. Hieronymus legit, ad Deum lætitiæ, & exultationis meæ, idest ad Deum, qui est in causa, vt læter & gaudio exultem. lux. Anagog. Iuuentus renouatio illa intelligitur, cum veteri homine exuto nouum induimus.

Confitebor tibi in Cythara Deus Deus meus.

Cum primum in patriam rediero, ubi tuum maxime desideratum altare videre cupio, ibique te Deum meum intueri, qui mihi omnis latitiae, ac gaudij author es, confitebor tibi, idest gratias agam in instrumentis musicis, quae ab eo tempore, quo in Babylone captiui fuimus, in salicibus suspendimus, quia nullus nos vsus Musices tunc decebat. Cytharæ additamento hilaritatem, acclamatione geminata Deus Deus, dilectionem significauit; Discrimen autem ponit D. Augustinus inter Cytharam, & psalterium, quia illud à superiori parte resonat, illa vero ab inferiori. Qui erga præcepta Dei seruat, & non perpetitur, is in psalterio; qui vero custodit ea, & patitur, in Cythara confitetur.

Quare tristis es anima mea, & quare
conturbas me?

Vult eam ad meliora aspirare, quæ forsitan metuit, quia peccata omnia vitare non potest, quid mærore conficeris? cur luges? & quare conturbas me, idest rationem? adest enim tranquillitas, & gaudiū.

Spera in Deo quoniam adhuc
confitebor illi.

Spera in Deo, non in te colloca, inquit, & eum expecta, à quo tibi salutem dandam esse sine ulla dubitatione

bitatione credas, quoniam confitebor ei, idest gratias agam, cum domum reuersus fuero; Vel est consolatio nis admonitio; nam & si ob res presentes mœrore affici mur, in posterum tamen gratias agemus, nobis inte rim per tolerantiam præstolantibus, ut Deus qui est hominum salus, ab ijs, qui ad Deum confugiunt, mœ rorem expellat. Nam ubi confessio est, magna fami liaritatis cum Deo ineunda spes est.

Salutare vultus mei, & Deus meus.

Idest, ò salus mea, & ò Deus meus, vel vultus mei, idest pulcritudinis meæ; nam in credentibus in Chri stum diuinus decor elucet. Hieronymus legit, saluti bus vultus mei, Symmach. vertit, expecta Deum; per petuo namq; confitebor illi saluti conspectus mei, & Deo meo; simul atque Dei tabernaculum ingressus fuero, & à sanctis angelis in sublimem, & caelestem altitudinem abstractus fuero, vt coram Deo astem, & eum intuear, atque contempler, tunc confitebor illi, vt saluti meæ, & Deo meo, idest gratiarum actionem illi debitam continenter persoluam. Nitamur ergo tales nos præstare, quo flagitare tuto possimus, vt nos Deus clementissimus iudicio suo à prauis secernat, & impertiat libenter nobis lucem suam, quæ nos illumi net, vt ea perficiamus, quibus ipse motus, non solum misericordia sua nos foueat, & letitia iuuentutem nostram cumulet, sed in tabernacula etiam sua intro ducat; Nam si ad altare Dei accedere cupimus, sicut in more positum est, vt ad impetrandam huiusmodi gratiam Psalmum hunc nos sacerdotes præmittamus;

vbi sacrum celebraturi diuinum auxilium imploramus, & aduersus affligentes nos iudicium fieri petimus, quo digne sacrificij fructum percipere valeamus, docet nos profecto non modo culpa vacare, & crimine, Verum etiam omnibus virtutibus ornatos incedere, & interim assidue Deo gratias agere, qui tali nos desiderio affecit, vt calum anhelemus, & ad eum contemplandum aspiciamus. Tristes igitur ac mæsti animo non erimus, sed magnam in Domino nostro Iesu Christo spem habentes expectabimus, quoniam suo tempore is salutem nobis dabit, & in regnum suum cæleste transferet, qui viuit, & regnat semper gloriosus. Amen.

IN PSALMV M XXXXIV.

ERVCTAVIT.

INscribitur in finem, pro ijs, qui commutabuntur filijs Chore ad intellectum, canticum pro dilecto. In finem Christum, quoniam hæc post longa tempora futura erant, vel victori, vt Hieronimus, post victorias de hostibus animi reportatas, pro ijs vero qui commutabuntur, cum de dilecto Propheta sit annunciaturus, qui curam impertienda nobis salutis in carne accepit, non sit autem cuiuslibet dilectum cognoscere, sed eius qui veterem hominem exuerit, immutatio enim est, cum interior homo singulis diebus renouatur, pro ijs qui hoc beneficio digni sunt, & pro ijs qui per diuinum baptisma, seu ablutionem mutantur, vel pro ijs qui mutationem hanc de infidelitatis statu ad Christum

fecerunt

fecerūt, quique, cū idolis dediti essent, sinceri Christi cultores facti sunt, & ex prauis boni, hoc se Chore filijs cantoribus, qui vniuersum ludgorum populum innuebant; ad intellectum videlicet tanti mysterij tantique decoris. s. coniunctionis Christi & ecclesie; vel quia ad reconditos sensus cantici huius percipiendos multa lectori intelligentia opus sit, se tradidisse canticum ait, quia humana tantum voce canebatur, pro .i. de dilecto Christo, quia nimirum de eo tractatur, de quo pater, hic est filius meus dilectus, & à nobis pariter amatus ac veneratus, quia nostrum pater est studiosissimus; Hieronymus legit pro lilij filiorum Chore eruditionis canticum amantiissimi, pro floribus Symmachus, pro lilij & floribus, quod hic psalmus de delitijs sponsi & sponsæ agit, vel qui mutati sunt, suauem odorem proferentes, ecclesieq; verni flores facti hoc pacto nominentur. Psalmus ergo sponsalia Christi & ecclesie continet, quæ quidem ab eo tempore initium duxerunt, quo filius Dei in ventre virginis naturam sibi humanam sociauit, huius autem coniunctionis nuptialis carnis & verbi uterus virginis Thalamus fuit.

Eruſtauit cor meum verbū bonum.

D Auid spiritus sancti vim sentiens, & illius suauissimo Epulo refertus, magnaq; sibi de Christo prædicenda esse cernens hoc exordio utitur. Eructauit, id est edidit cor meum verbum bonum; Cum enim vir bonus de cordis boni thesauro bonum proferat, necesse est, quoniam alimentum bonum erat, ut bonum verbum eructauerit; nam quemadmodū quis

eum pomum comederit, ruſtum emittit, qui pomum redolet, ſic qui bona comedit, & animam ſuam bonis alit, ſermonem bonum proferat, & conſolabilem, opus eſt; Et quia ruſtamus non quando volumus, oſtendēs ea, quæ dicuntur, non eſſe humani ſtudiij; at diuini ſpiritus, qui eum incitabat, ruſtum vaticinium vocauit Chriſti autem, & eccleſiæ myſteria ſiue arcana loquitur. Nonnulli patrem ſic locutum eſſe ſentiunt, quoniam ſolus bonus ſum, conſequitur neceſſario, vt verbum meum ex mea ſubſtantia genitum bonum ſit, quod ex plenitudine mea genui, nec ex coniugio, ſed de corde, ſicut homo conſilium generat de corde, antequam quicquàm faſturus ſit. Sed nec Baſilio, nec multis alijs expoſitio hæc placet, quia quæ ſequuntur, patri non conueniunt.

Dico ego opera mea regi.

Ideſt veritatem ſermonis qui futura prædicit, regi profero, non dixit, cui nam Regi ſignificans ſe Chriſto vniuerſorum Deo dicere; & ſpiritu afflatus de eo pronuncio, vel opera mea ideſt iuſtitias meas, vt Aquila, & Symmachus interpretantur, annuncio. Vel Regi, quem inſcriptio Dilectum vocauit, quemq; laudaturus ſum, opera mea conſiteor, vt ſi bona ſint ſuſcipiat, ſi praua, ea munda reddat.

Lingua mea calamus ſcribæ velociter ſcribentis.

David linguam ſuam oſtendit calamum, & inſtrumentum alterius fuiſſe, ideſt ſpiritus ſancti
ca

ea utentis, qui scriba est, & sapiens, omniumq; doctor, atque velociter scribens, cuius stylus, & calamus prophetarum lingua erat, qui & verba vite aeternae credentibus imprimit. Notandum autē Davidem dicere velociter scribentis, quia qui ex se loquitur differt, & cunctatur meditans, & multa velocitatem sermonis sui turbant, & quando spiritus mentē mouet, nihil est quod impediat, sed tanquā torrens, gratia sancti spiritus magna celeritate progreditur. Vnde ait ipse David, ex me nihil loquor, neque mentis meae partus ullos afferō, sed alterius virtutis lingua mea ministra est.

Speciosus forma prae filiis hominū.

Nunc praedictinē aggredditur, & ad Christum sermonē dirigit, cuius humanas res demonstrat, inquit speciosus scilicet es forma, id est, ut Hieronymus ait, filiis hominum decore pulchriores, quod ad pulchritudinem animae referendum est, quoniam solus a peccato immunis fuit, quod non solum quatenus Deus, sed etiam quatenus homo ab omni macula carnem mundam habuit; Dicens autem Isaias, non eris spesies, neque decor, de corpore intellexit, quod praeviderat talem futurum esse Christum eo tempore, quo ipse pateretur; nec est discrepantia, quia ibi ignobilitas corporis propter flagella atque contemptus, hic in sacro, ac venerando corpore virtutum pulchritudo commemoratur, sed absque perpeffionibus crucis, de virgine virgo vniuersis pulchrior est; nisi enim in vultu oculisq; eius quiddam diuinum splendidius apparuisset.

paruisset, nunquam apostoli eum secuti fuissent, nec qui ad comprehendendum illum venerant, corruissent. Præ filijs hominum, cum ipse homo sit, non est tamen ut quilibet homo, ideo ut eum commendaret in genere suo, hic, præ angelis, non ait.

Diffusa est gratia in labijs tuis.

Omnis gratiæ multitudo, quæ breui tempore totum orbem repleuit, abunde in labris tuis, idest in sermonibus tuis consedit: Ait enim Euangelista, quod turba mirabantur super verbis gratiæ, quæ de ore eius exhibant: Qui enim sermones Iesu audiebant, ij gratia repleti huiusmodi verba dicebant, Postea Christi labra fuerunt apostoli, in quos affluens gratia spiritus effusa est; illi etiam appellari labra queunt; qui cælesti verbo inserviunt.

Propterea benedixit te Deus
in æternum.

Idest propter has virtutes tuas Deus pater te ut hominem benedixit, idest laudari perpetuo fecit, ut vis maledicti, quæ illi primæ radici humanitatis Adamo irrogata fuerat, tolleretur. Et quoniam Iesus, inquit Lucas, & ætate & gratia, sapientiâq; apud Deum, & homines proficiebat, idcirco illi virilium factorum gratiam scilicet, ac laudem, & honorem præmium tributum esse intelligimus.

Accin-

Accingere gladio tuo super femur
tuum potentissime.

Cum speciosum forma Christum dixerit, nunc mi-
litem strenuum demonstrat; David enim ad cer-
tamen eum aduocat, ut nos peccato iandiu captiuos li-
beret, atque ut eum magis formidolosum reddat, ar-
mis eum munit, inquiens, Accingere more praelian-
tium, gladio super femur, id est verbo illo efficaci, &
penetrante magis omni gladio acuto, ac secante illam
animæ partem, quæ affectibus subiecta est, scilicet
predicationis, quo inimicos prostrauisti, & filium a
patre, & à matre filiam segregasti, fortior enim est gla-
dus spiritus separans, quam natura humana copulans.
Vel verbum carni coniunge, id est indue carnem, ac vin-
dicem sume in virtute tua potentiâ, ac diabolum eiusq;
Tyrannidem deijce, ut per gladium verbû, per femur
carnis sumptio intelligatur; nam quod femur sit eo-
rum, quæ ad generandum pertinent, & opera nuptia-
rum significet, patet Abraham seruo suo dicere, pone
manum super femur meum: potentissime ait, nam ma-
ximæ potentiæ est Deum in humana esse natura posse;
vel potentissime, quia coniunctam diuinitatem habe-
bat. Notandum autem est, ut virginitatem pudici-
tiæ gladium habere omnibus pateret, gentes idolis ser-
uientes Deas virgines armatas finxisse.

Spetie tua, & pulchritudine tua,
intende prospere procede,
& regna .

Accingere videlicet spetie, & pulchritudine tua. i. diuinitate tua, & super omnes excellentia, vel Iustitia, qua pulcher & formosus es, vt pro eodem accipiantur: non nulli tamen spetiem, & pulchritudinē, vt diuersa exponunt, quòd speties ad caloris vigorem & membrorum proportionem, pulchritudo ad perfectionem quantitatis debitam pertineat: Et secundum alios speties ad humanitatem, pulchritudo ad diuinitatem referatur; quæ sola mente percipi potest: Intende scilicet arcum & impetum tuum, vt Dæmonem longe propulses, & hominum procurationem intentā habe, prospere procede, idest ad omne opus bonum fideles directē currere Iube, & in ijs regna qui prospere incedunt; vel virtute perfice quodcunq; cupis, & regna, idest dominare ijs, qui tibi obstiterunt; vel intende idest pereuntem hominem miseratus respice, prospere procede liberans homines, & per fidem in gentibus regna, quod iam factum est. Hieronymus legit, & decore tuo prospere ascende, idest feliciter progredere ad opus, ad quod te pater tuus mittet. Nec moueatur quisquam, quòd imperando dicat Dauid, intende; Scripturæ enim mos est optādi modos sic formare, vt sanctificetur, idest vtinam, & adueniat, idest utinam adueniat.

Propter

Propter veritatem, & mansuetudinem, & Iustitiam.

Idest propterea, quòd verax es promissiones exequendo, mitis & Iustus; nam propter veritatem Iudeorum simulationem arguebat, propter mansuetudinem omnia probra tolerabat, propter iustitiam, cum peccatores seruabat, & Demonem damnabat; regna inquam, vt exemplo tuo omnes ad veritatem mansuetudinemq; & æquitatem perducantur, easq; discant, qui sub tuo dominatu degunt.

Et deducet te mirabiliter dextera tua.

Idest ad recti facta deducet te dextera, idest virtus tua nullius externæ opis indigens, ipsa enim sibi ipsi natura sufficit, neque consultoris ad procurandam salutem orbis; nam satis est ad hoc præstandum potentia tua, & ad videndum ea, quæ agenda sunt, finemq; his imponendum; admirabile vero est, quòd morte mortem destruxisti, paradysum aperuisti, spem surgendi dedisti nobis, et immortales nos reddendi. Qui etiam ex præscripto Dei agit, à potentia eius mire ducitur, eaq; tanquam itineris duce ad Saluatorem vtitur.

Sagittæ

Sagittæ tuæ acutæ populi sub te cadent, in corda inimicorum Regis.

P Repotentes sermones tui tanquam tela per acuta in corda inimicorum Regis, id est tuorum, o Christe, qui sunt peccatores omnes, vulnera influxerunt, ut per hyperbaton, id est transgressionem legatur, qui bus vulnerati omnia quæ sibi impedimento erant abijcientes, te sequi decens esse iudicarunt, & sic ab inimicitia discesserunt: Ac populi qui se erigebant his telis transfuerberati ceciderunt, & se tibi subiecerant, sicut Saulus Christum execrabatur, & erectus erat, in terram corruit, & occisus est inimicus Christi, ut ex hoste factus amicus, eius discipulus viuat. Vel sagittæ, id est apostoli per totum orbem ad euangelium peruulgandum missi, iustitiæ operibus corruscantes hostes prostertere, & populos pedibus Christi subigere potuerunt, in eorum animos penetrantes, quibus sagittis animæ illæ quæ fidem susceperunt, confixæ summo in Deum amore exarserunt. Sagittæ quoque virtutes Christi sunt. Et iustitia quidem Christus iniustum ferit, prudentia imprudentem, patientia iracundum; ante omnes autem fidei sagitta emitti debet; primum enim esse Deum credere oportet. Aliqui sic legunt, Populi sub te cadent, propterea quod sagittæ tuæ in eorum corda penetrarunt.

Sedes

Sedes tua in sæculum sæculi virga
directionis, virga regni tui.

Quoniam Christus Deus, & homo est, ideo cum de
humana eius natura differuerit, nunc de diui-
na, ac de sublimi eius potestate sermonem habet. Se-
des tua, ò Deus Christe; filium enim alloquitur, idest
regnum tuum ultra omnia sæcula, & omni intelligen-
tia antiquius est; probe vero post populorum subie-
ctionem Dei magnificentiam commendat, Virga re-
gni tui est virga directionis, quia homines dirigit; cur-
ui enim erant; & distortos ad rectam virtutum se-
mitam huiusmodi exemplis perducit, iudiciariaq; po-
testas; correctrix enim, & iudex in castigando recta,
& non obliqua est, nec prauitatis quid habet; Inquit
namq; David, si filij mei legem meam dereliquerint,
in virga eos visitabo; Virga autem, & sceptrum re-
gnantis insigne est; nam in iustitia Christus regnat.

Dilexisti iustitiam, & odisti
iniquitatem.

Iterum ad humanitatem respiciens ait, Dilexisti iu-
stitiam, idest mandata patris implesti; in te enim
non iustus solum, sed & in alijs iustitiam diligis, &
odio habuisti iniquitatem, idest iniustitiam non homi-
nes, quos creasti, quasi dicat, ceteri homines exercita-
tione, labore, ac studio ad bonum sæpe afficiuntur, &
à malo se auertunt; at tibi natura, hæc ad bonum pro-
prietas insita est, & à malo segregatio. Sed nec no-
bis hoc erit difficile, si velimus, ac nobis Deus propi-

tius sit, & amorem iustitiæ, & iniquitatis odium cōcipere. Nam omnem facultatem animæ rationali ad perfectionem Dedit Deus sicut dilectionis ita, & odij, vt à verbo, & ratione directi virtutem amplectamur, & vitium fugiamus.

Propterea vnxit te Deus oleo lætitię
præ consortibus tuis.

I Deo d̄ Deus fili, Deus pater te vt hominem pro puritate conscientię, & gratiæ plenitudine vnxit regem, ac sacerdotem oleo lætitiæ, idest spiritus sancti, qui nos ad lætitiā atque exultationem adducit; Nā Christus natura vnctus, nos per gratiam, quia in illo plenissime fuit diuinitas, sanctis vero ex parte gratia tribuitur. præ consortibus, idest præ participibus tuis, vt legit Hieronymus, apostolis scilicet, & alijs in quos gratiæ vnctio influxit; vel super homines vniversos qui Christi participes sunt; cum Christo autē in nomine cuncti reges communicant, qui omnes Christi, idest vncti appellantur.

Myrrha, & gutta, & casia à domibus
eburneis ex quibus delectauerunt te filiæ Regum in
honore tuo.

MYrrha pars crassior appellatur, & sepultura symbolum est siue nota, qua cum Ioseph Iesum sepeliuit; gutta siue stacte illius tenuissima pars est, quæ quatenus fluida est, in guttam se vertit, quarū altera

altera pars crucem, altera ad inferas partes descendit; omnis enim gutta deorsum fertur; casu vero odoratissimus quidam cortex est: Hi igitur odores à vestimentis tuis fluxerunt, idest ab assumpta carne, qua velut vestitu se induit diuinitas; siue à corpore, & anima eius, vt corporis mortem absq; corruptione, & animæ ad inferos profectiorem significet. His etiam odoratiōibus boni virtutum odores innuntur; myrrha enim carnis cruciatus, gutta humilitas, casia fides intelliguntur, qui odores à vestimentis, idest à sanctis tuis electis afflantur, necnon ab ecclesia tota, quam sicut vestem tibi copulas sine macula & ruga; Et à domibus eburneis, idest pretiosis ornatisq; , ac templis magnifice extructis, ex quibus, idest propter quos odores fideles illi, qui egregia in te fide ducti magna adificarunt templa, te delectauerunt in honore tuo, idest honorare ceperunt; & filia regum terrenorum, sicut Catherina, latitia affecerunt, diuinitatem tuam fide, & charitate perfecta gloriosam reddentes, quia patrum honorem non aestimarunt, sed tuum domine; Vel iuxta Anagog. à domibus eburneis, idest sanctorum cordibus, quia inde filia Regum, idest apostolorum anima videlicet sancta credentes te delectatione perfuderunt, qua sacra ablutione rursus genita non ficto animo te colunt, Ciuitates etiam intelligi queunt à Regibus condita, qua in Christum crediderunt.

Astitit Regina à Dextris tuis in vesti
tu deaurato , circumdata
varietate .

Hic à sponsa sponsum laudat inquiring , Regina,
idest ecclesia, quia cum sponso suo regnat , quæ
iam supra firmam petram fundata est, astitit semper
Deo inhærens à dextris, vt honorem significet , quem
consequetur tanquàm illius sponsa existens , nam quæ
à sinistris ancilla dicitur, cuius filias in communi cre-
dentium animas, aut proprie virginum choros intelli-
gere possumus ; In vestitu deaurato , idest doctrina
sapientiæ, fulgentis quæ vna est . Circundata va-
rietate omnium scilicet linguarum , quæ ad vnam fi-
dem spectant, aut vario sapientiæ Dei ornatu, & cul-
tu, aut vestitu splendido idest sacri baptismatis , quo
Christum induimus, & veste spiritus sancti varijs or-
nata virtutibus . Hieronymus tantum legit , stetit
coniunx in dextera tua in diademate aureo .

Audi filia, & inclina aurem tuam.

Hætenus propheta , nunc persona patris intro-
ducitur ad filij sui sponsam sermonem habent-
is , ac monet ipsam , vt in contemplatione mentem
exerceat ; vel eam alloquitur propheta tâquàm è pa-
tribus vnus , & ait, audi filia, vt potè ex aqua, & spi-
ritu sancto rursus genita, scilicet euangelium, & vi-
de, idest considera Deum ipsum, & quæcunq; pro te tu
lit

lit sponsus tuus, & mirabilia quæ fecit; & quia audire parum est, erectam arrogantia cervicem inflectēs aurem tuam inclina, ne ad fabulas externas decurras, sed humiliter sermonem euangelij ausculta, & ad hanc doctrinam aures admoue.

Et obliuiscere populum tuum,
& domum patris tui.

ET quia ecclesia gentium parentes, & maiores idolorum cultores habuit, ei consilium dat, ne prauæ consuetudinis paternæ vestigium ullum persequatur, inquiens, obliuiscere, id est prauos illos mores, & dogmata patria obliuione dele, & Domum, id est templum Dæmonis patris tui; omnis enim, qui peccatum committit, ex dæmone natus est; Hoc ad cuiusq; animam credentis etiam referri potest, quod prioribus vitijs relictis in filiam adoptetur, Et aurem inclinet, veterisq; consuetudinis amplius non recordetur: Quid ad hoc Iudæi respondebunt? Non dubium est quin filiam istam Synagogam dicant, & quomodo ei dicitur, dimitte populum, & domum patris tui? nunquid derelinquent hebræam gentem, & Abraam antiquum patrem? minime, ergo de ea non loquitur, cum lege cautum esset, ne à patrijs moribus recederent.

Et concupiscet Rex decorem tuum,
quia ipse est Dñs Deus tuus.

Quem in te fecit, id est animæ pulchritudinem, nō qualiscunq; Rex, ne vnum de turba existimes, non prior pater Dæmon, non angelus, sed Dominus.

Deus Rex tuus, non modo sponsus, à quo decorata, redempta, & sanata es. Et Adorabunt eum. Hieronymus legit, Et adora eum, idest eum debes adorare, ac venerari, quæ sponso tuo placere cupis. Septuaginta dixerunt, & adorabunt, vt sensus sit, iste qui te amaturus est, qui pulchritudinem tuam dilecturus, Deus est ab omnibus populis de quibus facta es, adorandus & venerandus.

Et filiæ Tyri in muneribus.

I*dest filię gentium venient aliquādo cum muneribus, offerentq; dona, & se subiicient, eleemosinasq; largientur, quia vult Dominus, vt in celo Thesauros condamus. Tyrus enim Chananitidis regionis metropolis est, in qua idolorum cultus maxime vigeat. Hieronymus legit, filia fortis, vt idipsum ad Deum referat, idest vt fortissimi filia nuncupetur, vel ipsa fortis, quia fortem patrem imitatur. Græci quoque filia Tyri, quæ antea superstitionibus imbuta, nunc filia Dei vocata est, & Christi sponsa.*

Vultum tuum deprecabuntur oēs diuites plebis.

I*dest caput tuum Christum omnes diuites plebis, quæ filiæ Tyri sunt, deprecabuntur, idest venerabuntur, atque ei supplicabunt; Deinceps vultum, id est faciem ecclesiæ sacerdotes videlicet, quos ipsi Reges honorabunt, vt potè illorum salutis deprecatores, Et qui diuites existimantur in hoc seculo, sapientes mundi huius, & philosophorum disciplinis eruditi.*

Vel

Vel qui antea diuites erant de populo Israel testamenta, & prophetas habentes conspectui tuo preces fundent, quod consors regis facta es; ut enim ante Saluatoris aduentum ij, qui de Tyro erant, idest ex populo gentium Israel populum diuitem precabantur, ut ab eo introducerentur in templum, sic post eius aduentum quicumque ex Israel quondam familiaritate Dei diuites fuerunt, ad filiam Tyri nunc gentium ecclesiā confugient, & offerentes dona varia obsecrabunt eā, ut salutem quam in Iudæa amiserunt, inter gentes recuperent.

Omnis gloria eius filiæ regis ab intus in fimbriis aureis circumamicta varietatibus.

DEcor eius scilicet filiæ Regis idest sponsæ Christi, quæ in posterum per adoptionem filia Regis facta est, ab intus est, idest ornatus eius in anima est, & in conscientia, in menteq; conspicitur. In fimbriis, quæ à vestitu pendent, & finem hominis, vel mundi significant, non deauratis, sed aureis, quia in fine tota perfectio est, ubi charitas plena inuenitur, idest in doctrina sapientiæ, in multiplicibus virtutibus circumamicta, quæ est regina extrinsecus varietatibus linguarum, siue gentium, ac diuinorum donorum. Hieronymus legit, fasciis aureis vestita est, & idem significat, quod supra, omnis gloria ab intus, fasciis enim diuinorum sensuum interiora ecclesiæ membra obuoluuntur, nec harum fasciarum sponsa obliuisci potest; pro-

Circumamicta varietatibus, in scutulatis inquit, Hieronymus cum sequenti versu copulans quod his ornata sponso suo Regina coniungitur. Scutulatas autem vestes eas vocat, quæ araneorum retibus similes esse perhibentur.

Adducētur Regi Virgines post eā,
proximę eius afferentur tibi in
lætitia, & exultatione, ad-
ducentur in tēplum
Regis.

Virginitatem introducendam prædicit, post ecclesiam constitutam, stabilitamq; ; apostolorum enim doctrinæ amore captæ multæ postea virgines Christo se dicarunt, inquit igitur, adducentur Dei gratia virgines post eam non omnes, sed quę in vasis suis oleum habuerunt, & quot quot cum castitate elemosinam, & alias virtutes coniunxerunt; Et sponsam adolescentulæ tanquā ancillæ sequentur, & eius opera in familiaritatem Regis venient; Et proximę eius idest ab illa non alię, sed ad eam pertinentes, siue quę in moribus, & fide vna conveniunt cum ipsa ecclesia, sicut pudicę mentes, quę proximum virginibus locum obtinent, & continent tibi ò Rex ministro angelorum afferentur, afferentur autem in lætitia interiori scilicet, & exultatione exteriori ob recte factum, & honestum institutum, & duplici gaudio efficiuntur, cum duplicem quoque corporis nimirum, &

animæ

anime sanctitatem prestiterint. Adducentur in templum Regis siue in ecclesiam presentem, siue in domum regiam ducentur, regno celorum dignę factę, quoniā proprium earum templum purum, & integrum Regi conseruauerunt.

Pro patribus tuis nati sunt tibi filij,
constitues eos principes super
omnem terram.

Quoniam supra ecclesię preceptum est, ut patris, ac populi sui obliuiscatur, quod vbedientia compensetur, tunc ipsa pro patribus filios accipit tot, ac tantis dignitatibus excellentes, ut eos super omnem terram, non enim vno loco continetur ecclesia, principes constituat. Ex persona igitur patris ad filiam sermo intelligi potest, idest filij qui à te orti sunt, pro patribus tibi existant; eos namq; patres habebis, quos ipsa genuisti, quia eos principes creabis; antò ecclesia filij tui à te geniti in patres tuos vertentur, cum ex discipulis eos magistros effeceris. Sed qui sunt ecclesię filij qui vniuerso orbi imperarunt, nisi apostoli, & consequenter, qui eos postea imitati sunt episcopi, & doctores? Dicant nunc Iudei, quos filios habuerint, qui totius orbis terre principes constituti fuerint, cum ipsi vniuerso seruiant. Vel ad Christum, & Saluatorem patris siue prophetarum sermo est: inquit enim pro ijs, quos secundum carnem patres habuisti, & pro stirpe Iudeorum, qui te reliquerunt, nati tibi sunt filij, apostoli scilicet euangelij sermonem

sermonem audientes, & ex nationibus credentes, quos principes elegisti dicens illis, Euntes docete, quia primi donis sancti spiritus affecti sunt, vel quia primi ecclesias rexerunt, & doctores nostri fuerunt.

Memores erunt nominis tui domine in omni generatione, & generatione, propterea populi confitebuntur tibi in æternum, & in sæculum sæculi.

Qui nominis tui recordabuntur, illudq; vniuerso mundo annunciabunt, quiq; postea vsque ad extremos terræ fines tuorum mirabilium gestorum testes facti sunt, & successores eorum concionatores singulis ætatibus perseuerant; sed aliter à Græcis omnibus, & latinis multis legitur (memor ero) vt ecclesia Dominum suum alloquatur, inquiring, in omni ætate nominis tui memoriam tenebo; prædicta enim filia Regis ecclesia hæc militans promissis fidem habens, gaudio, & exultatione plena hymnum magno Domino, qui hoc eam munere affecit, pro agendis gratijs canit, & pollicetur se nominis sponsi recordationem habituram, quod ipsum quoq; præstat, & promissum exoluit, cum Christiana nuncupetur, & hac Christi appellatione gloriatur ornata. Et quoniam ego filia tua nominis tui memoriam nunquam intermitto, ideo non ab re populi, quos dicto audientes habeo. singuli congregati in æternum, idest in presenti sæculo, & in sæculum

culum saculi, idest in futuro confitebuntur tibi, idest gratias agent; & dum carminibus à me editis utetur, salutem ipsis concessam, & multo ante illis promissam discentes te authorem beneficij, ac largitorem celebrabunt. Psalmus hic suauissimus est, cum in eo David nuptiarum Christi cum ecclesia, copulam illam scilicet felicissimam filij Dei cum humana natura concinat. Ex quo multa in precibus natalis Domini, & beatae Mariae Virginis, & sanctarum Virginum, ac beatorum apostolorum ab ecclesia usurpantur, quae quanquam aliter in interpretando psalmo à nobis exposita fuerunt, pia tamen intelligentia supradictis diebus festis accommodari queunt. Ac nempe notandum est, quae hic de ecclesia sancta dicuntur, ad Diuinam Virginem Mariam optime referri; Quid enim ea excellentius cogitari potest, quae & virgo, & mater fuit, & sine macula vixit? Virginibus vero congruunt ea verba, adducuntur, & apostolis illa, pro patribus nati sunt tibi filij. Quare canticum hoc in ore nostro assidue versari debet, cum sponsi, & sponsae laudes recitemus. Sed cauendum est, ne nobis obijciatur, quod ait David, quare assumis testamentum meum, per os tuum, tu vero odisti disciplinam. Nitamur ergo, & ore, & mente sinceri, ac puri esse, ut digne Dominum Iesum Christum, ac beatissimam eius matrem debitis, ac miris laudibus celebrare valeamus. Nosq; non pigeat laborare, ut tales euadamus, qui ecclesiae filij boni nominemur; quod impetrabimus, si omnia fugere vitia, & humilitatem maxime amplecti statuerimus, totamq; nostram cogitationem in contemplanda Iesu Christi boni

tate,

tate, ac mansuetudine, nec non eius misericordia fixerimus, atque in perpendendis tot illius erga nos beneficijs, ac præsertim in consideranda ipsius incredibili humilitate, cum pro nobis serui formam suscepit, meditatione assidue versabimur; quod ut nobis pro sua immensa benignitate præstare velit Dominus Iesus Christus, cum orare; & obsecrare non intermittemus; qui vivit, & regnat aternis sæculis gloriosus amen.

IN PSALMVM L.

MISERERE MEI. ETC.

ANtequam ad titulum Psalmi huius veniam, historia breuiter mihi attingenda est. David cum ex pastore ouium creatus, atque vnctus fuisset Rex, ac postea in periculum capitis, ac vitæ discrimen à Saule sapè vocatus, & tandem eo mortuo, & Ionatha filio eius à Deo liberatus, regnum Iudæ obtinisset, quadam die ociosus inambulans in penetralibus domus superioribus, mulierem honesta facie, ac liberali, Bersabeam nominatam, e regione vidit, cuius amore captus eam accersitam prægnantem effecit; cumq; ipse dubitaret, ne sibi ignominia in promptu esset, Uriam eius virum hostibus prodendum, atque interficiendum curauit, ipsamq; in uxorem duxit. Itaque non ferens hanc iniquitatem Deus misit Nathan, qui Dauidi denuntiaret, se stupri cadisq; ultorem fore. At ille sub exemplo diuitis, ac pauperis, & sub similitudine ouis perditæ officio functus est.

Tunc

Tunc ad se redijt David; non enim magnitudinem, ac delicti sui gravitatem perpenderat; & statim confessus est, & peccatum ei condonatum fuit. Quæ illius confessio ad omnes peccatores accommodatur; est enim cuiuslibet etiam infimi, nedum Regis hæc oratio verè pœnitentis, ac deuotè veniam petentis; & ideo ea plus etiam in Ecclesia frequentatur, quoniam magna ostenditur humilitas. Ac Psalmi huius materia hæc est, peccati remissio; tres quidem superiores ad illas pœnitentiæ partes spectant; quartus verò hic ad illius effectum pertinet, in quo ostenditur, quomodo pœnitentia ipsa in perfectionem pristinam hominem restituit. Verum sciendum est diuina permissum esse prouidentia, vt sanctis viris oblata fuerit occasio peccati, vt quemadmodum illi virtutis, ita pœnitentiæ magistri fiant: atque hæc vna est causa, cur sanctòrum facinora in sacris litteris describantur: altera est, vt tum ipsi, tum alij nec efferri doceantur, si non delinquant, quasi virtutibus suis, non diuino auxilio id ascribere debeant: deserit enim illos interdum gratia diuina, ne propriæ virtuti, constantiæq; confidant; at vbi lapsi fuerint ij, naturæ suæ imbecillitatem agnoscant, & ad Deum liberatorem confugiant. Quinquagesimus autem hic ponitur Psalmus; in quo de peccatorum remissione agitur, quia hic quinquagenarius numerus misericordiæ admodum conuenit: Nam si Spiritus Sanctus, qui hos digessit, historię ordinem obseruasset, quinquagesimum primum, & tertium prætulisset. Cæterum inscribitur, In finem Psalmus ipsi David, quando venit ad eum Nathan, cum ad Betsabeam

Betsabeam intrauit . In finem quidem vt declaret prophetiam, & prædictionem suam finem habituram : prædixit enim ipsius Hierusalem instaurationem; gratia enim Sancti Spiritus eum prorsus non deseruerat. Illud verò, quando, tempus aliquanto post futurum significat : non enim statim, vt ipse Dauid ad Betsabeam ingressus est, sed paulò post Nathan venit . Vtilis est Psalmus hic, & iustis, & peccatoribus . Iustis quidem, ne cadant, nec per negligentiam, atque desidiam obtorpescant, peccatoribus verò, ne desperent ipsi, seque despreciant . Itaque acius contra felicitatem inuigilandum est; Nam si magnum animaduertimus lapsum esse, parui an non metuere debeant? Diuiditur autem in duas partes, primum enim misericordiam implorat Dauid; deinde se abunde satisfacturum pollicetur inquiringens .

Miserere mei Deus secundum magnam misericordiam tuam.

Domine Deus, qui comprehendere nequis, quiq; ipsa es bonitas, & sapientia, miserere mei peccatoris; inexplicabile namq; illud est facinus, quod ego commisi, secundum magnam misericordiam tuam, & vulnere meo graui magnam medicinam adhibe . Cur autem totum in se misericordiae fontem petit Dauid effundi, nisi cum ei condonatum fuerit peccatum, vt cicatrix deleatur, & ipse pristinam pulcritudinem recipiat, atque recuperet? Et ideo ad communem peccantium portum, atque consolationem confugit dicens, incredibilem miseriam meam confiteor, & propterea ingentem

ingentem misericordiam tuam requiro, quæ diffiniri non potest, quanta sit, est enim infinita, nec potest percipi, omnem superans sermonem; eamq; toto animi affectu imploro.

Et secundum multitudinem miserationum tuarum dele iniquitatem meam.

EUndem sensum repetit supplicantium more in-
quiens, cum peccata mea multa, & maxima existant, & ad ea abstergenda miserationibus multis opus sit, tu Domine secundum earum multitudinem, quæ à mundi initio abs te exhibitæ fuerunt, iussis quidem, ut innocentiam seruarent, peccatoribus verò, ut se ad iustitiam conuerterent, dele iniquitatem, ut vestigium nullum reliquum sit, quæ græcè ἀνομία, cum legis transgressionem significet, illius se peruaricatorems fuisse fatetur. Dele, inquam, & pœnam, nec eam mihi ascribe: At nonnulli videntur inter misericordiam, & miserationem, seu miserationes discrimen ponere, quòd misericordia vna sit, miserationes multe, quasi ipsius opera; sed cum alicubi dicatur, misericordię tuę multe Domine, & misericordias Domini cantabo: Item alibi: miserationum Domini recordabor, & in miserationibus tuis prosternimus, idem opinor esse misericordiam, miserationemq; , & earum effectus numero, & multitudine plures, atque adeo infinitos esse, & appellari; quam meam sententiam cum plerique alij, tum præcipuè D. Augustinus inquitens:

Et

Et secundum multitudinem miserationum tuarum : id est, secundum magnam misericordiam tuam probare videtur.

Amplius laua me ab iniquitate mea,
& à peccato meo munda me.

D Elikti quidem venia iam tributa erat, sicut ei Nathan dixit; verum præ maximo mentis ardo re amplius se lauari cupit, vt omnes iniquitatis macule deleantur, eluanturq; : spiritu enim baptisma, & ablutionem præuidebat. Idcirco ait, rursus ablue me Domine ab iniquitate mea, quæ cede admissa est iustitiæ contraria, & ab adulterio, quod commisi, mundi tiæ prorsus oppositum, me mundum redde; promiscuè autem eandem actionem appellat iniquitatem & peccatum, cum tamen ea differre supra dixerimus.

Quoniam iniquitatem meam ego
cognosco.

Quid fecisti dignum, vt hoc assequare Dauid, & hanc perfectam ablutionem impetres? Quoniã sceleris à me editi nunquã memoriam deposui, nec velut de regia dignitate glorians illud contempsi; Nam quam uis id homines lateat, illius tamen grauitatem perpendo, & animi, conscientieq; meæ peracerbè animam meam cruciantis oculis die, noctuq; cerno.

Et peccatum meum contra me est
semper.

Quia singulis diebus delicta mea putrida magis fieri perspicio : Nam etsi aliqui agnoscunt ea , non detestantur tamen , aut certe brevi tempore odio habent . Sed vicissitudinem hanc consideremus : Dominus Deus Davidi misericordiam suam impertivit , is autem criminum suorum confessionem detulit , etsi parum , quicquid tamen habuit . O mentis integritatem , peccati sui obliuio eum non cepit , licet sibi indultum fuerit , quod in conscientia sua tanquam in imagine homicidium adulteriumq; depictum ferebat : peccatum tamen adhuc contra illum non erat , neque ab eo animaduvertebatur , quando tam seueram de ore sententiam tulit ; cum autem Nathan venit , & ob oculos eius peccatum posuit , tunc contra se dictum fuisse sensit , & fatendo statim vehementer ingenuit : simile de adultera aduersum Iudeos fecit Iesus . Verum sunt non pauci , qui tribus de causis peccata non recognoscunt ; primum quod delicti gravitate opprimitur ratio , deinde quia non recordantur illi ; denique quod ab adulatoribus laudantur . Vnde ille valde felix est , qui errata sua agnoscit sicut David fecit , cuius confessionem ex animo , vt apparuit , proficiscentem , si nos quoque scelerum nostrorum abluionem assequi velimus , & à Deo misericordiam impetrare , imitari totis viribus enitamur .

Tibi soli peccavi, & malum coram
te feci.

Cum te solum factorum à me scelerum iudicem
habeam, tibi soli, qui sine peccato es, & punire
vales, peccasse me fateor, & subiectum esse, quòd leges
tuas transgressus sum, & malum coram te, prauumq;
gessi, omnia enim vides, quæ aguntur, quæq; agenda
sunt, quod addidit, Deum à se tantum admitti facinus
videntem non formidasse erubescens.

Vt iustificeris in sermonibus tuis, &
vincas, cum iudicaris.

Partacula, vt, secundum Græcos non reddit caus-
sam, sed consecutionem significat; inquit enim sce-
lus ἐνώπιον, id est, in conspectu tuo magna mea cum
pernicie edidi, vt quotiens tu mecum iudicaris, pro, iu-
dicaberis, vel iudicatus fueris (vtrouque enim modo ex
Hebr. legit D. Hieronymus) & inter nos causæ fiet dis-
quisitio, tu quidem iustus, & irreprehensibilis appa-
reas, ego autem reus, ac damnatus, tanquam in benefa-
ctorem ingratus; vult enim Deus frequenter ad ostē-
dendam iustitiam suam nobiscum iudicari. Ac certè
cum nota populo esset erga Dauidem Dei beneuolen-
tia; quòd aduersa multa deinceps eueniebant, plebs ip-
sa mutationem mirari capit, ac in iudicium vocare
Deum; Nonnulli autem huiusce rei rationem redde-
bant, quòd Dauid Deum deseruisset, vt ex hoc iustus
ipse

ipse Deus apparet, & in iudicio victor fieret: Quare David honorem Dei sibi anteponebat, ait: Tibi soli peccaui, & hoc testor palam me grauissimè peccasse, vt omnes intelligant iustè quidem me supplicio propter scelera mea affectum iri, vt sermones tui, quibus tot ærumnas, & calamitates mihi minatus es, iusti, & veraces existant, & vincas, cum iudicatus fueris, nihilominus tamen perspiciant te verè, & non fictè pœnitentibus veniam pollicitum esse, atque promissu mihi de stabiliendo regno meo seruaturum. Aliqui, vt iustificeris, ad verba, tibi soli peccaui, adiungunt inquiringes, præ te, qui solus iustus es, & præterea sermones tui iusti sunt, & sic particula, vt, causam reddit, quasi dicat; tu adeo iustus es, vt iustificeris, vel si ad Christum referatur, tibi soli Christo peccaui, quia iustus es, & vinces omnes homines, cum iudicaris, id est, iudicaberis. Sed prior opinio à D. Paulo ad Rom. cap. 3. confirmatur, qui citans locum hunc, vt iustificeris, vbi, vt, euentum rei cum dicat, David ait, propterea factum est, vt dum mihi peccanti promissa seruas, veracior appareres, ac iustior, vinceret; illorum impietatem, qui te ob peccata mea, promissis non statum mentiebantur, probat ipsius exemplo nequaquam ob peccatum, & populum Dei non credentem fidem, & promissionem irritam fieri, sed veracem illam semper remanere.

Ecce enim in iniquitatibus conceptus sum, & in peccatis concepit me mater mea.

Cum nuptie nunc ob filiorum procreationem in honore habeantur; honoratum enim ob sacramentum est connubium ipsum; natura tamen ex peccato profisciscuntur. Dicit igitur David, ut magis admisceridiam Deum prouocet: Ecce in iniquitatibus conceptus sum; vel ut legit D. Hieronymus in iniquitate conceptus sum, & in peccato peperit me, quod dubitationem quibusdam tollat, cum originale peccatum origine vnum sit, & propagatione, & unicuique proprium insit, quod merito Iesu Christi aufertur, cur dixerit: in iniquitatibus conceptus sum, & in peccatis concepit; quia virtute, ac potentia infideant in eo peccata multa: Non enim David ex adulterio, & incestu natus est, sed quia ex Adam trahitur iniquitas, vnusquisque originali macula aspergitur, ob quam ad alia delicta pronus existit: Nam cum Dei mandatum in Paradiso praterisset primus homo, ac statim sanctitatem, atque iustitiam, sibi, & eius posteris, nobis scilicet amisset, & per offensam preuarcationis, ob quam & corpore, & anima factus est deterior, non sibi soli, sed omnibus nobis prorsus obfuisse, inquinatus ille abiecta obedientia in omne genus humanum non modo penas corporis, & mortem, verum etiam peccatum, quod anime mors est, transfudit, *verissime*

verissimè dicat Diuus Paullus, peccatum per vnum hominè mundum intrasse. Itaque non est magnum, inquit ipse David, si qua ratus sum conditione viuēs peccaui domine; Non tamen idcirco nobis affirmandū est efficacitatem peccati à natura insitam esse, alioquin à pœna liberi essemus; at naturam ad facienda scelera procliuem esse cum ipsa affectionibus perturbetur; Et ideo vincit ratio, & voluntas, cum laborum auxilijs adiutore Deo vtitur. Non damnat igitur nuptias Dauid, & matrimonij coniunctionem, vt aliqui opinati sunt; non enim cum coniugibus misceri peccatum est; hoc namque opus castum in eis culpam non habet, quod Deus huiusmodi copulationem statuerit, sed parentes primos haud obedientes fluctuum originem fuisse dicit; Nam si non peccassent illi, delicto locus non relinqueretur; At quia peccauerunt, mortales effecti mortales filios procrearunt, & sic origo peccati debitam pœnam expetit, ac secum trahit; Non enim maritus, quia maritus mortalis non est, aut aliunde, nisi peccato mortalis est; merito ergo in Adam omnes moriuntur. Verum si Adam ipse non peccasset, num eum cum Eva se coniungere, atque in Paradiso filios procreare oportuisset? Græci sentiunt nullum ibi futurum esse coitum; Latini verò contra aiunt filios sine vllò libidinis ardore nascituros fuisse, si postea illi in Paradiso in conditoris obedientia perseuerassent, vbi Diuus Augustinus copiose, & D. Thomas probant.

Ecce enim veritatem dilexisti, incerta, & occulta sapientiæ tuæ manifestasti mihi.

Ego quæ vera sunt, me scilicet deliquisse fateor, & non nego, quia veritatem dilexisti, & multa, atque impunita eorum peccata, etiam quibus ignoscis, non dimisisti, & ita misericordiam impertisti, ut veritatem servares; sic enim misericordia, & veritas custoditur; misericordia quidem, quia liberatur homo; veritas verò, quia peccatum punitur. Quæ incerta, & occulta, quòd parcat Deus, vel, ut legit D. Hieron. absconditum, & arcanum remissionis peccatorum meorum, & cognitionis tuæ à sapientia tua mihi aperta manifestum, atque conspicuum reddidisti. Ac certè docentis est, quòd omnia futura, quæ Deus in sapientia sua posuit, illi à Spiritu Sancto patefacta sint; didicit enim David, quòd pater filium haberet, ac licet in sua sede sit, futurus esset homo; denunciavit quoque eius aduentum, & quòd pro salute generis humani pati, & in crucem tolli deberet, atque à mortuis excitari, surgereq; , ut ex illius Psalmis constat; Hoc autem dicit, quasi se ipsum erubescens, quòd cum eum Deus tanto sit amore persecutus, ut arcana ipsi aperuerit, is tamen in illum ingratus valdè apparuerit.

Asperges

Asperges me Domine hyfopo, &
mundabor, lauabis me, &
super niuem dealbabor.

Alludit ad veteris testamenti ritum, hyfopo. n. & aqua, cinereq; vitulae aspersio perficiebatur, per quam sanguine Christi peccatorum maculas eluendas esse significabatur. Hyfopus enim herba est abstersiva, & humilis; iuxta igitur illius translationem ait David, cum veritatem diligas, velisq; me in veritate ambulare, illa me aspersione asperges, quae perfectius omnes maculas abstergit, ut à vetustate peccati mundus efficiar: expiatio autem mihi per hyfopum fiet, cui Spiritus Sancti efficacitatem tanquā calorem inducentem, & sordes omnes delentem comparat; lauabis me, quemadmodum nos, aqua baptismatis; sola enim me illius gratia perfecte abluerè potest, quam nobis Deus per Isaiam daturum pollicitus est, inquiens, lauamini, & mundi estote. Et super niuem dealbabor, ut intellectuāli candore, ac splendissimo eluceam, sicut vestis Christi in transfiguratione alba facta est.

Auditui meo dabis gaudiū, & letitiā,
& exultabunt ossa humiliata.

Quid mihi auditu incundius erit, quā cum te pereperisse mihi instillaueris, & te regnum esse futurum? ex absolutione enim ac remissione peccato-

rum gaudio me afficies, & ex promissione bonorum perfundes letitia, & exultabunt ossa, idest, interiora mea humiliata, idest, ad terram inclinata, vel ut legit D. Hieronymus, quæ confregisti, & facultates animæ meæ rationalis per peccatum confractæ, vel vigor mentis, & firmitas gaudium consequentur. Aliqui ad Christum hæc verba spectare arbitrantur, ut David inquit: annuntiabis mihi gaudium, illud nimirum inexplicabile carnis à te sumptæ mysterium, & ossa mea, quæ nunc prostrata sunt; præ summa voluptate exultabunt.

Auerte faciem tuā à peccatis meis.

A Moue Domine non à me aspectum tuum, sed à sceleribus meis, quæ in tuo conspectu feci, cum tu omnia conspicias: Nam scit ipse David, à quibus delictis Deus non se abducit, ea advertere, & demum animadvertere, atque mulctare. Si verò is illi perpendat, tunc Deum faciem, idest cognitionem abstrahere ab eis, ne puniat, perinde, ac si dicat, noli peccata mea ita cognoscere, ut ea mihi ad pœnam ascribas: Super enim beatus, cui non imputavit Dominus peccatum; nam nisi in eis conniveas, minime servari poterō. Quomodo autem ab intuitu delictorum nostrorum Deum auertere possumus? nempe hoc pacto, si tot bona opera nauare, & virtutibus ita præstare conemur. ut a nobis nusquam Iudex oculos deiciat.

Et

Et omnes iniquitates meas dele.

I Dest, commissa à me flagitia de libro tuo dele, vnde innocentie recuperationem petit, & non vnā tantum, sed omnes iniquitates elui; namq; vna ad trūdē dum nos ad partes infernas idonea est; ne minimum ergo peccatum negligamus; si enim vel leui macula aspersi fuerimus, nec Regis basilicam, nec aulam ingredi valebimus.

Cor mundum crea in me Deus.

Rogat, vt gratia innouetur, quia se docturum iniquos vias eius infra promittit; Et cum cor vltra propriam verbi significationem, intellectum aliquando, sententiam etiam, & aliquando, vt hoc loco, animam significet, non requiro, inquit, vt in me aliam animam crees; sed vt illa pristino candore fulgeat, quod mihi succedet, si sordes, in quibus ipsa hactenus iacuit, penitus eluantur; crea igitur, siue restitue cor tale gratia tua, vt illud de te semper cogitet, tibi gratias agat, te demum videat; hæc enim forma mundi cordis omnia expellit vitia, omnes ad se virtutes alliciens.

Et spiritum rectum innoua in visceribus meis.

Denuò immitte rectum, id est firmum, quasi dicat fulcias, ac sanes mentem meam, ne aniplius ea prona sit, ad & peccandum procliuis, sed vt viam Dei perficere

perficere queat : vel spiritum rectum, idest perfectum fac in me esse ; is enim incuruus erat, cum in rebus terrenis totus erat defixus ; rectus autem efficietur, cum ad alta erigetur, ut Deus illi fautor sit . Aliqui non vitalem in nobis spiritum, sed Dei spiritum exponunt, ut alibi spiritus tuus bonus : in visceribus meis. intimas animæ partes, & occultas cogitationes significat, ut cor meum ad cognoscendum rectum sit.

Ne proijcias me à facie tua .

Restitutionem gratiæ petit, ne me quasi indignum custodia, atque diuina gubernatione tua abstrahas, atque auellas : cum enim Deus à nobis faciem auertit, statim spiritum sanctum amittimus, in quo omnis bonorum nostrorum prouentus iacturam facit.

Et spiritum sanctum ne auferas me .

Scilicet prædicendi, qui mihi omnibus rebus est preciosior, ob flagitia, quæ admissi, ut calamitatem suam perspicue ostendat : Et quoniam, qui mandata Dei custodiunt, sancti spiritus efficacitatem semel experti sunt, quæ ante præuaricationem, adæ nobis inerat, merito petit eam à se non tolli, ne illius iactura iniquo animo sibi ferenda sit : vnde discimus Dauidem à spiritus sancti gratia penitus desertum non fuisse, quod eius donum in consistente ipso habitauerit.

Redde mihi lætitiā salutaris tui .

Postulat sibi reddi, quod iam amiserat, idest, gaudium, quo ego afficiebar, cum à te conseruarer ; gaudium enim quàm suavis sit Dominus, inquit . Ante
namque

namque edita ab eo scelera letam, atque hilarem vitam degebat, quod tantum custodem esset consecutus; & sepe dicebat, ego autem in domino gaudebo, & exultabo in Deo Iesu meo: sic quoque ait D. Hieron. Iesu tui, quis enim sine illo vnquam sanari potuit? Itaque in eodem perstat, vt firmitatem, ac stabilitatem rectæ voluntatis, ac sanctorum operum à Deo impetret.

Et spiritu principali confirma me.

Pincipem illam animi partem, rationem scilicet imperantem intelligit, & ait, illa me gratia principali roborat, quæ animæ affectionibus imperat, ac ad meliora dirigit, vt nullis perturbationibus à Christo separari valeam. Nonnulli volunt hic intelligi Trinitatem, quod de triplici spiritu, recto, sancto, & principali hoc loco mentio fiat, vnde Spiritus dicitur Pater, & Filius, & Spiritus sanctus. Sed satius est, vt personæ tantum Spiritus sancti interpretatio fiat, qui primum in homine rectam mentem gignit; deinde eam sanctam reddit; denique ipsum nobile, ac principem efficit. Igitur illo me muni, vt in tuo obsequio perseverare queam.

Docebo iniquos vias tuas, & impij
ad te conuertentur.

Quia ignouisti mihi, & securum me prestitisti non ascriptum iri mihi, quod condonasti, cum me penitus solutum, liberumque dimiseris, ac reddideris mihi letitiam, ac spiritu me corroboraueris, quid agam, ne sim ingratus? Docebo iniquos, eos videlicet, qui per seuerantes in fide peccant tamen, vias tuas, misericordiam

diam scilicet, ac veritatem, præcipuè ne proximum la-
dant, & vt eas maximè persequantur, hortabor, ero-
que illis patientiæ, atque conuersionis exemplar, vt sit
supradictorum confirmatio, quòd Deus probos, & bo-
nos interdum errare permittat, vt ipsi re ipsa pæniten-
tes, ceteros ad pænitentiam erudiant. Ac certè præ-
clarum est opus in via mandatorum errantes institue-
re: immo omnium diuinarum perfectionum hæc est po-
tissima in reducendis ad Deum æternum animabus
vnuinquenque ministrum ipsius existere. Et D. Iaco-
bus ait, qui peccatori autor fuerit, vt ipse se ad Deum
conuertat, erroremque viæ suæ omnino deponat, illius
animam seruabit: & multitudinem peccatorum operiet.
Et impij ad te conuertentur. Impij, id est, in fide-
les, qui non colunt Deum, nec vnquam coluerunt, in-
quit Dauid, tanta misericordia abundas, atque affluis,
vt impijs, si ex animo ad te confugiant ipsi, & vias
tuas discant, haud sit desperandum, ne miserationum
tuarum potiantur, quibus te ipsum prædicare, & quis
Beate vitæ propositus sit fructus, ac paratus, eos doce-
re non desistam.

Libera me de sanguinibus Deus,
Deus salutis meæ.

Nonnulli de sanguinibus, id est, de sacrificijs cruen-
tis interpretantur, prout consequentia verba decla-
rare videtur, holocaustis non delectaberis; sed præstat dice-
re libera me à delictis, carne, & sanguine mihi uim facien-
te commissis; Et aiunt aliqui Dauidem iniquam Viri-
cadem innuere; Is enim maximam adulterij, ac cædis

culpam sustinebat, quorum alterum ex sanguinis fervore prodit, altero sanguis effunditur, ideo opinantur illum de sanguinibus dixisse multitudinis numero, quod in multis sanguinibus tanquam in origine carnis peccati multa scelera intelligi voluerit, perinde ac si diceret, ab iniquitatibus meis libera me: caro. n. & sanguis regnum Dei non possidebunt.

Et exultabit lingua mea iustitiam tuam.

Laudabit, atque narrabit cum summa delectatione, & interiori gaudio iustitiam tuam, qua me iustum effeceris, liberationem culpæ, & erratorum veniam mihi tribuens.

Domine labia mea aperies, & os meum annuntiabit laudem tuam.

In ore aperiendo ubique in scriptura significatur profunda doctrina, ut Iesus aperiens os suum docebat, ait ergo David monitus ante a Spiritu sancto, non ui, quod tu labia mea aperies, ut hymnos, & laudes tibi concinam, sicut ante admissa à me flagitia aperta erant; nam impresentiarum ob damnationem occlusa sunt. Et os meum laudem tuam, quod sanctus, pius, & misericors es, & quod peccantem me non reliquisti, mundumque reddidisti, semper annuntiabit.

Quoniam si voluisses, sacrificium de
dissem vtique, holocaustis non
delectaberis.

His verbis perspicuè demonstratur, sacrificium nul-
lo pœnitentię tempore ab eo oblatum fuisse, nec
in libro Regum constat, quare? quia etsi tempore suo
victimarum sacrificia immolabantur, spiritu tamen
præuidens futura David, Deum huiusmodi sacrificijs
minimè delectari perspexerat: non enim illa ad expian-
da cædis & adulteriij crimina satis idonea erant; sed is
acriora omninò supplicia perferre statuerat, vt quo ad
eius fieri posset, iram Dei in eo puniendo mitigaret,
ac prohiberet. Inquit igitur, si sacrificia illa, quæ lex
iubet, accipere tibi libuisset, obtulissem vtique; sed tu
ὁλοκαυστα licèt omnibus alijs honoratiora sint, non susci-
pis, immo respuis, inquiens, nunquid carnes taurorum
edam, aut hircorum sanguinem potabo? At cur in le-
ge veteri hæc fieri mandauit, & eorum odorem sibi
suauissimum esse testatus est? duplici nimirum ratione;
primum, quòd interius illud sacrificium designabant,
quo Christus se obtulit; & quatenus homo Deo animã
suam offert; Deinde propter rudes, qui Deum non no-
uerunt, ne hostias idolis immolarent, ad quod facinus
valde proni erant. Ac postea quamuis David sacra
peregisse arguatur, non consultò, & cogitato fecit, sed
non seruanda legis occasionem populo ne præberet, &
quia sacrificij noui dies nondum aduenerat.

Sacrificium Deo spiritus contribu-
lutus, cor contritum, & humi-
liatum Deus non de-
spicies.

Quid igitur offert David? nempe spiritus compun-
cti, & nimio mœrore, ac dolore scelerum suorum
fracti, atque deiecti sacrificium: Nam animus sic vo-
luntariè demissus, & humilis gratissimum, & Deo val-
dè acceptum reddit sacrificium: Atque humilitatem
illam Anima, vt maximum pote sacrificium [dixit. n.
cor pro anima, quia illius sedes est] à qua subigitur
spiritus noster, cum rectè factis non extollimur, atque
gloriamur, memoriam verò facinorum nostrorum per-
petuam retinemus, non despicias, nec spernes Domine
propter bonitatem tuam, neque procul aspectum tuum
à me amovebis, sed me lachrimis confectum, ac pœni-
tentia contusum graui, consolabere clementia, ac mise-
ricordia tua.

Benigne fac Domine in bona volun-
tate tua Syon, vt ædificentur
muri Hierusalem.

Hic vaticinium, & prædictio patet: supplicat
enim pro noua ipsius Hierusalem ædificatione,
qua post reditum è Babilone futura erat, & ait: beni-
gne fac Sion, id est, ipsi Sion bona facito in bona vo-
luntate tua, in auxilio videlicet, & ope tua, vt muri
eius

eius extruantur, & templū adificetur, sicut Salomoni filio meo pollicitus es.

Tunc acceptabis sacrificium iustitiæ, oblationes, & holocausta, tunc imponēt super altare tuum vitulos.

Nam tunc accipies sacrificium iustitiæ, id est, quicquid iustè tibi offeretur, oblationes siue donaria sacrificia illa, quorum pars aliqua offerebatur, & ὁλοκαύστα, quæ tota incendebantur. Tunc imponent ministri templi super altare tuum vitulos, qui sacrificijs ferè perpetuo destinabantur, quod pro sacrificio, aut hostia qualibet apud veteres sumerentur: non enim alibi, quàm in Hierusalem sacrificia tibi ritè sunt, cum ea tantūmodo in templo illo fieri lex iusserit. Doctores versus hos duos ἀντιρροπῶς siue ἀντιρροπῶς interpretantur dicentes, benignitatem hanc tuam ostende non propter merita nostra, sed propter bonam tuam voluntatem, quæ nobis in filio tuo ostensa est, Sion, id est, fidelium congregationi, ut ædificentur muri Hierusalem triumphantis, qui sunt eternitatis, & immortalitatis munimenta, quam Sancti per Christum consecuti sunt, aut Angeli eam custodientes; vel militantis Ecclesiæ, qui sunt Episcopi, doctores, ac sacerdotes; Tunc sacrificium accipies, quo Christus se obtulit, vel laudis, & gratiarum actionis, siue vniuersæ virtutis oblationes, sanctos confessores, qui ex parte se obtulisse videntur,

tur, & ἑλοκυσσᾶ martyres, qui animam, & corpus Deo penitus deuouerunt; Nam oblatio, id est, ipsa offerendi actio virtutem ex parte imminutam, ὁλοκυσσῶν perfectam significat. Et eodem tempore angeli, siue sacerdotes imponent super altare celeste, vel super ecclesiam, & fidei confessionem vitulos, innocentes scilicet, eosq; qui virtutum ministerio pasti sunt, & sancti Spiritus gratia pingues effecti, quiq; demones fortium vitulorum instar cornibus petunt, denique eos omnes, qui omnibus suis numeris, & partibus perfecti, expletiq; sunt. Quos utinam factis imitari, ac representare valeamus, ut Deo nostro adherere, & tanto bono frui nobis liceat. Sed ab eodem Domino Deo auxilium nobis expetendum est, & lacrymis profusis enitendum, ut eum commoueamus, atque illius clementiam ad ignoscendum nobis, iuuandumque atrahamus: quod impetrare nobis non erit difficile, si Psalmum hunc planè diuinum, & sententiarum, ac verborum grauitate refertum in ore assidue habebimus, atque illius scriptorem sequi studebimus, qui tantis donis iuuenis affectus, & Spiritus sancti domicilium exiens cum grauitate ceciderit senex, tanto in mœnore, ac dolore iacuit post commissa flagitia, ut posteris exemplum fuerit, quomodo eos admodum pœnitere oporteat, qui similia scelera fecerint; adeoq; humilis, atq; demissus esse perseuerauerit, sciens totam disciplinam Christianæ sapientiam in vera, & voluntaria humilitate consistere, ut omnes stupor premeret, cum singuli tanti Regis demissionem animaduernerent. quo factum est, ut pristinam perfectionem consecutus sit, et maiorem etiā.

quàm antea gratiam a Deo inierit. Quæ res cùm ita sese habeant, non desperemus nos quoq; , cùm vel demonis suasu, vel imbecillitate, ac naturæ fragilitate, vel mala nostra voluntate in aliquod graue crimen inciderimus, si resipiscamus, & Davidis pœnitentiam ad memoriã reuocemus, ne non ipse Deus nobis sit propitijs, ac misericordiam suam tribuat. Sed meum consilium ẽ, fratres carissimi, vt totis viribus adiutore potissimũ Deo, cauere conemur, ne illum offendamus oïno, nec iritemus, quod haud difficulter assequemur, si in exequendis illius mandatis totã cogitationem nostrã, industriam, mentem deniq; oẽm locabimus, quod vt si ne impedimẽto conficiamus, animos nostros ab istis terrenis, ac fallacibus bonis auocabimus, & ad caelestia, ac vera traducemus.

IN PSALMVM CI.

DOMINE EXAUDI, ETC. I.

Psalms hic sic inscribitur: Oratio ipsi pauperi, siue pauperis, cùm anxietur, & in conspectu Domini effundit preces suas. Cum David omnes Psalmos secundum Græcorum opinionem, ac D. Augustini, multorumq; Latinorum composuerit, licet D. Hieronymus oppositum sentire videatur, & secundum Hebraeos huius Psalmi scriptor incognitus sit, dicimus ipsum imprimis hunc conscripsisse, vt se consolaretur, eo præsertim tempore, quo inimici eum insectabantur;

tunc

tunc enim pauper, & miser, mæstusq; Deum rogauit, vt eum adiuuaret. Deinde pro quolibet paupere pœnitente, qui diuino indiget auxilio, quotiescunq; ob hostes sibi infestos, siue illi videantur, siue non, in anxietate collocatus fuerit, orationē ad dominum feruidam habet, vt misericordiam, & à molestijs præsentibus liberationem consequatur. Demum secundum aliquorum sententiam David loquitur totius humani generis personam gerens, quod in ea est miseria, in quam ante Christi aduentum inciderat: siue introducit Adam de calamitate sua conquerens, ac veniam petens. Non nulli autem altius perspicientes ἀλλυγοῦντες de Christo omnia ferè explicant inquietes, ne forte ille sit, qui cū diues esset, propter nos pauper factus est, qui secundum serui speciem in se, & in membris suis, inter quos pœnitentes sunt, cū propter peccatum primi hominis anxietate, & miserijs angeretur, in conspectu domini, per quem solum liberari potest, preces fundit pro pœnitente dilectionem suam, & dilectionis causam cognoscente, & à peccatis absolui, & in pristinum petente statum restitui. Sed animaduertendum est, si quid capiti non congruat, de infirmitate corporis intelligi, & membrorum vocem in capite agnoscere debere. At igitur.

Domine exaudi orationē meam, & clamor meus ad te veniat.

Domine Deus misericors, cū me valde afflictum intueare, exaudi, obsecro, preces meas, & clamor meus ad te perueniat; in verborum geminatione petentis patet affectus, licet per orationem aliqui ver

ba or s exponant, per clamorem mentis propositum: clamor autem ad Deum venire dicatur, cum ab eo auditus fuerit.

Non auertas faciem tuam à me, in quacunque die tribulor.

Non amoveas à me benignissimum aspectum tuum, nec me ut indignum vultu tuo negligas, in quacunque die crucior, non tantum tunc, sed donec vitæ superstes sim; vel in quacunque die angor, ait, quia caput cum corpore torquetur, tanquam vnitas, si enim membrum vnum patitur, cetera condolent, hodie enim tu, cras alius cruciatur, & sic pro fidelibus cunctis, & omni tempore inuocat.

Inclina ad me aurem tuam.

Vt illi faciunt, qui lenis hominem vocis cum audire diligentius cupiunt, vnà cum capite aures demittunt; Et tu domine tanquam excelsus humili, & sicut medicus infirmo, aures mihi tuas prabe. At sciendum est, quod visus in Deo est simplicior quedam rerum cognitio, auditus verò exactior, & perfectior scientia, quæ visus ratione materiæ crassiora cernat, subtiliora percipiat auditus, propheta autem, ut supra diximus, ab humanis operibus diuina explicant.

In quacunque die inuocauero te, velociter exaudi me.

Repetit idem, quia in repetitione affectus accenditur, & ait, quocunque tempore auxilium tuum

implorauero, citò audi me; peto .n. id, quod mihi te daturum pollicitus es: non ad terrena quasi terrenus, sed tanquam captiuus à te dudum redemptus ad celorum regnum aspiro; huic ergò desiderio meo morem gerere, quaeso; dixisti .n. adhuc loquente te adsum, non enim infelicitas mea moram patitur. Nec ignorabat ipse David vim orationis in eo esse, vt quæ ad veram salutem spectant, flagitemus, ideò se velociter exaudiri postulat.

Quia defecerunt sicut fumus dies mei.

EXaudi me domine velociter, quia præterierunt dies mei, anni mei, ac tempora mea fumum in aerem propter relationem, & superbiam, ac sine fructu, & bonis operibus consumpta sunt, & quia anima mea contabuit, vt alibi, exaudi me, quia defecit spiritus meus: Ac certè nihil humanæ vita fragilius, & magis caducum est, quæ dum diuturna existimatur, sicut opinatur ij, qui se sempiternos esse putant, & in peccatis perseuerant, statim aufertur, & effluit, non secus ac fumus globus ingens, qui paulatim, ac breuissimo momento euanesceat: Et quanquam generatim hoc de cunctis, qui vitam viuunt, dici queat verè dies ipsos euanesce-re, atq; euolare, præcipuè tamen ad malos pertinere videtur, cum à pœnitente psalmus pronuncietur, qui se dies suos consumpsisse fatetur; Illos autè minime consumptos esse dicimus, qui bonis in operibus nauandis ponuntur; non .n. id ad nihilum recidit, quod cum tam solida beatæ vitæ aternitate commutatur; Nam eorū

qui maculis carent, dies nouit dominus.

Et ossa mea sicut cremium aruerunt.

ET ossa mea sicut cremium, id est, vt caro cremata, seu frixa contabuerunt, legit D. Hieronymus. At possunt intelligi & corporis ossa, & animæ, seu spiritus, corporis quidem instar torris exiccata, & arida facta sunt, vt significet præ dolore animi macie corpus valdè confectum fuisse; animæ verò ossa, id est, fortitudo vel recordatione peccatorum, vel iudicii timore, quasi frixa contrahuntur: Et sanctiores illæ cogitationes, quæ animam fortem reddunt, & regunt, si temptationum igne accensæ sint, debiles fiunt; vel ossa, id est, fortes, ac fideles, & boni prædicatores verbi intelliguntur, quia sicut per ossa corpus nostrum vegetum est, ita per illos ecclesia sustentatur, ac regitur, quæ cum abundet infirmis virtutum fortitudine carentibus, perfectorum subsidio, indiget, qui, sicut Paullus, cum infirmis infirmi fiant.

Percussus sum vt foenum, & aruit cor meum, quia oblitus sum comedere panem meum.

Percussus sum in Adam, à quo miseria humani generis propagata est, & in nos deriuauit, & exsiccatus, atque aridus factus sum, quia præ mortificatiua omnem cibi appetitum ita abieci, vt me ieiunitate exaurierim, antiqui enim, sicut Græci referunt, appetitum cibi memoriam, & illius priuationem eius obliuionem vocabant: vel, quemadmodum herba Solis ardore exarescit,

scit, ita me flagellis caſo cor, id eſt, anima extabit,
 nulla mihi conſolatione adhibita, quòd flammam meã
 vitali rore rigaret, ac refrigerando mitigaret. Vel ver-
 bum Dei, qui eſt panis animæ cuſtodire non ſum recor-
 datus; Primus enim homo, qui panem in Paradifo
 habuit, viſionis ſcilicet diuinæ delectationem, præcepti
 oblitus, & demonis ſuaſioni aſſentiens eum amiſit, ve-
 nenumq; bibit; ſed nunc domino cruci affixo panem de
 calo comedendi, vt viuatur, poſt obliuionem à me ha-
 bebatur recordatio; ſicut enim vigor corporis pane cor-
 poreo alitur, atque fouetur, ſic anima celeſti pane adeò
 indiget, vt ſine eo firma conſiſtere nequeat.

A voce gemitus mei adhæſit os me-
 um carni meæ.

A Verogemitu tollitur, & auſertur omnis ille ad-
 eps, qui inter carnem, & oſſa medius eſt; pleri-
 que enim carnem pro cute exponunt, perinde, ac ſi dica-
 tur, præ mærore conſumpta omni carne oſſibus cutis
 coniuncta eſt; Diſcant igitur pœnitentes, ſiue à tanto
 Rege, ſiue ab alio pœnitente vero, qui propter gemitũ,
 quem fletibus teſtabatur, & propter nimium dolorem,
 adeò ſe exſiccavit, vt pellis oſſibus cohareret. Quapro-
 pter quia oblitus ſum, inquit ille pauper, non pro ter-
 renis. ſed pro æternis nunc gemo, & pro alijs, qui ob
 hæc caduca gemunt.

Similis factus sum pelicano solitudinis, factus sum sicut Nycticorax in domicilio, vigilaui, & factus sum sicut passer solitarius in tecto.

Sicut homines amaro animo, & afflicto affectu facere solent, ut solitudinem querant, ac se ab hominum consuetudine abducant, sic pauper hic: Pelicanus est animal, quod solitudine admodum delectatur, ac velut Nycticorax, quem Hieronymus bubonem solitudinum, alij noctuam, siue coruum nocturnum appellant: quod est animal timidissimum à græcis ita vocatum, quia nocte clamat, ut innuat se quoque nocte clamare, nec à fletibus abstinere; & sicut passer, qui præ formidine vigilat, & solus in tecto degit, vel in tectis manet. Vigilaui enim, cum me summus mæror somno priuaret, & manens in solitudine expectaui eum, qui me saluum præstaret. His etiam Christus se consimilem à Iudeis habitum esse ait, quia ab illis contemneretur, & eisdem odio esset. Diuus Augustin. loca tria, & tres aues notat, easque prædicatori verbi Dei similes facit, qui si ad eos accedat, qui Christum nunquam secuti sunt, est tanquam pelicanus: si ad eos, qui se Christo dederunt, sæpè tamen lapsi sunt, sicut Nycticorax: si ad illos, qui in eo, quod credunt modico tempore ambulant, velut passer existat. Alij cum Pelicano eos conferunt, qui in eremo carnem suam macerant, cum Nycticorace, illos qui aspectum hominum fugientes animo compuncti, & in humilitate versantes,
domi

domi se continent, ac sedent: cum passere autem, qui claustra ingrediuntur.

Tota die exprobrabant mihi inimi-
ci mei, & qui laudabant me, ad
uersum me iurabant.

Cum me isti lugentem conspicerent, timorem, ac
misericordiam mihi obijciebant omnes, qui me perse-
quebantur, & qui prius me admirabantur, ac laudi-
bus efferebant palam ore, fictè autem, vt mihi illude-
rent, postea aduersum me iuramento conspirationem
confirmabant, atque insidias in me moliebantur, vt
quacunque ratione me à pœnitentiâ proposito dimoue-
rent; Quidam verba hæc à persona Christi dicta esse
sentiant, quòd exprobrabant hi mihi, quia veni, vt pec-
catores facerem membra mea, qui pœnitentiam agen-
tes in corpore meo existant; Inde persequebantur,
dicentes, quare cum peccatoribus comedit Magister ve-
ster? Et vt sit prædictio, ac de Petro vaticinatio, qui
se hominem non nouisse iurauit.

Quia cinerem tanquam panem man-
ducabam, & poculum meum
cum fletu miscebam.

Per cinerem, & fletum pœnitentes significantur,
quorum arma sunt cinis, & cilicium, per hoc enim
conuiuium ad mensam Dei peruenire poterunt. Inquit
ergò, si aliquando mihi cibi in mentem veniebat, panẽ
cinere aspergebam, vel cinerem pro pane, vel cū pane
cinerem

cinerem edebam, & fletum, lacrymas scilicet cum potu miscebam eorum more, qui maximis calamitatibus acceptis valde mæsti, nec cibum sibi afferri patiuntur, nedum an ille mundus sit, curiosè perquirant; hoc autem efficiebam, cum alij, dum cibum sumerent, hilares essent; nihil enim mihi suaue, neque potus, neque panis erat. Huiusmodi verò verbis vitam suam summam mæstitia plenam esse indicauit pauper iste, ut nihil eam consolari posset.

A facie iræ indignationis tuæ, quia eleuans allisisti me.

Hæc mihi euenerunt ob iram, & indignationem tuam, quam merui, quòd te peccatis irritauerim; nam olim me in celum sustulisti, sed postea allisisti & confregisti, à pristino statu me decidere permittens, vel extulisti, & postea humilem me reddidisti, sicut alibi, exaltatus humiliatus sum; quod de toto genere humano perspicere facile est: in sublime enim latum miserabiliter lapsum est. Sed & singularibus hominibus hoc accidit quotidie, qui amplis honoribus decorati, & diuitijs affluentes, quod omnia suæ virtuti tribuerunt, nec Dei benignitatem, ac beneuolentiam erga se agnouerunt, in magnam miseriam, & calamitatem inciderunt, & qui beatam vitam non bene vixerunt, ex hoc mundo miseri, & infelices abierunt, quia non audierunt Paullum admonentem, ut, qui stat, videat, ne cadat.

Dies mei sicut umbra declinauerūt,
& ego sicut fœnum arui.

Cito præterierunt, alibi, dies eius sicut umbra prætereunt, quæ breui extinguitur; uel dies mei quasi inutiles perierunt, & ego sicut fœnum sine rore gratiæ celestis exsiccatus sum; supra, cor suum aridum factum est, hoc autem loco se totum exaruisse ait. Ac primus homo diem sicut umbram profecto habuit, cum Dei conspectum fugit. Quid ergo superbia nobis prodest, ac diuitiarum ostentatio, cum brevis tanquam umbra vita nostra existat, quam facile amittimus? Itaque qui in acquirendis agris, ac fundis comparandis tota cogitatione versantur, in memoria si versum hunc assidue haberent, ij forsitan sententiam mutarent.

Tu autem Domine in æternum per-
manes, & memoriale tuum in
generatione, & gene-
rationem.

Humana omnia huiusmodi mutabilia sunt, sed tu domine immutabilis, & æternus es; dixit autē, permanes, non, uiuis, quia homo longum tempus uiuere potest, diem vero vnum permanere, minimè, quia fragilis naturæ nostræ conditio perpetuam hanc secum mutationem coniunctam habet, sicut Iob ait, qui ut flos egreditur, & nunquam in eodem statu permanet, & tui memoria tibi constat æterna, quam & omnia futura secula celebrabunt, & priora magnificerunt; Nam
opera

opera tua Domine admirabilia adeò sunt, vt tui recor-
datio nunquam ex animo nostro elabi queat. Vel me-
moriale tuum, quia nec in seculo presenti, nec in futu-
ro te nostri capiet obliuio, presentis enim vita, ac fu-
ture promissionem habemus.

Tu exurgens Domine misereberis
Syon quia, tempus miserendi
eius, quia venit tempus.

Predictit David, siue iste pauper, quod completo se-
ptuaginta annorum tempore, qui à Deo captiuis
Iudæis præfiniti fuerant, ipse rursus Syon, & Hierusa-
lem miserebitur, quando tempus illud venerit prædi-
ctum, quo Deus populum suum protegat, ac liberet.
Vel de noua Syon, idest, fidelium Ecclesia, ac cætu præ-
dictio est, quòd tu à mortuis surgens ad regnandum,
misereberis eam, scilicet Iudæam, vnde Apostoli, &
alii fratres originem habuerunt, quia tempus illud ac-
ceptum venit misericordia vtendi, & requirentibus
auxilium ferendi, cum omnes ferè aduersum Ecclesiam
bellum moueant; appropinquauit. n. tempus ab ater-
no diffinitum, gratiæ scilicet; nam cum affuit eius pleni-
tudo, Deus filium suum misit; confidat ergò pœnitens,
quia seruandi eum occasio sese offeret; Dominus enina
misericors p̄stō est.

Quoniam placuerunt seruis tuis lapides: eius, & terræ eius miserentur.

Supra dictum est secundum historiam Deum post septuaginta annos terrestri Hierusalem misericordiam impertiturum esse, nunc ostendit lapides eius Cyro scilicet, et Dario placuisse, & ipsam instaurari, quos seruos suos vocat, quod ad adificationem, & ad alia administranda eorum opera usus sit: sic. n. ut Isaias ait, Dominus Cyrum seruum suum vocat. Sed secundum ἀλλήγορίαν dicamus, verè Domine Syon misereberis, quia seruis tuis Apostolis placuerunt lapides Ecclesiæ sanctæ, propheta scilicet firmi, & qui ad augendam religionem stabiliores, & ad virtutem probatiores fuere, quorumq; conuenientia Ecclesiæ constructionem effecit; ibi enim præmissa est prædicatio; inde manauit euangelium. Quomodo autem ab Apostolis Syon Ecclesiæ videlicet edificata sit, & quomodo lapides eius, id est fideles sui diligebantur, ex eorum actis, & scriptis perspicere licet, Et terræ, vel pulueri, ut legunt Hieronymus, ac Græci, misericordiam tribuent Apostoli, ac studio, & cura puluerem ipsius Hierusalem digniorem reddent, quippe qui vilissimos homines, ac magis terrenos suo fovebunt auxilio, quos etiā Deus gratiæ tempore miseratus est.

Et timebunt gentes nomen tuū Do-
mine, & omnes reges terræ glo-
riam tuam.

ET gentes, quæ prius idola metuebant, & demonum nomina inuocabant, propter signa, & miracula, quæ ex inuocato solo nomine tuo edentur, & fideles, qui ex gentibus credituri sunt, timebunt non tantum in Syon nomen tuum, sed & alibi, modo formidare nescientes. Et omnes Reges ipsius orbis terrarum gloriam tuam sua maiorem agnoscent, id est, de omni Regum genere, qui fideles futuri sunt, maiestatem tuam venerabuntur, & in Ecclesia nomen tuum magnopere colent, quod prædixit Isaias; Et meo quidem iudicio Constantini tempore hoc contigisse constat.

Quia ædificauit Dominus Syon, &
videbitur in gloria sua.

Quoniam ædificauit, id est ædificabit verè Syon, Ecclesiam scilicet, ex lapidibus viuis, id est, populis fidelibus, & videbitur tãdem Dominus (quod non contingit modo) in gloria sua, gloriosus enim apparebit, & in omnibus terrarum finibus celebre futurum est nomen eius, qui prius infirmam gestare carnem visus est, quando cum summa potentia, & maiestate magna veniet vt in Euangelio.

Respe-

Respexit in orationem humilium, &
& non spreuit preces eorum.

Non refutauit eorum preces, qui humiles sunt, & veram animi humilitatem profitentur, quique spiritu pleni orabant, vt veniret, nec eos neglexit. Hoc autem modo in ædificatione agitur, ædificantes orant, genunt, qui sunt pauper vnus, & multi. ob pacem Ecclesiæ, & ob charitatem vnus, propter latitudinem multi. Nunc igitur oratur.

Scribantur hæc in generatione altera.

Idest, firme teneantur hæc, & digna habeantur, quæ scriptis mandentur, & à posteris, nouisque populis obliuioni non tradantur, postquam antiquus prophetarum verbis, quæ de Christo prædicta fuerant, credere noluit, quòd is, quæ Adam destruxerat, illa reparauerit immensam misericordiam impertiens.

Et populus, qui creabitur, laudabit Dominum.

Hæc legens Christum summis laudibus efferebat, quòd sibi subuenerit, & cum gratiarum actione pro accepto tanto beneficio gloria, & honore afficiet; non dixit autem creatus est, sed qui creabitur nouus populus propter credentium accessionem, quæ vsque ad sæculi finem persenerabit.

Quo.

Quoniam prospexit de excelso sancto suo.

IN Cælo manens prospexit, ut ad humiles veniret, atque infernis in partibus videretur, ex alto humilis factus, ut eius imitatores, atque æmulos in altum tolleret. Ut præterita explicat, quæ futura erant. Per excelsum sanctum, cælum ipsum, vel ipsam diuinitatis celsissimam sedem intelligit.

Dominus de cælo in terram aspexit,

Idest descendit, ut exponunt Græci, aspectum enim illius aduentum significauit, ad quid autem prospexit?

Vt audiret gemitus compeditorum.

Eorum gemitum inquit, qui peccatorum suorum catenis constricti erant, & in compedibus existebant, in quorum numero eos intelligimus, qui mortali tatis vinculis se astrictos esse intuentur, vel qui timore Dei gemunt, ad impetrandam misericordiam aspirantes, vel humana miseria afflicti assidue ingemiscunt.

Vt solueret filios interemptorum.

Ademonum seruitute, & à peccati vinculis filios eorum, qui in peccatis perierant, vel ut legit D. Hieronymus, solueret filios mortis, id est, morti destinatos, atque addictos, quemadmodum erant omnes filij hominum, & à mortis iugo liberaret.

Vt annuncient in Syon nomen Dñi
& laudem eius in Hierusalem.

VT ipsi à vinculis soluti prædicent nomen Christi, & quòd Dominus Deus eius pater sit, & verus, & laudem illam, qua ipse Christus semper patrem extollebat, omnino illi ascribens se ab eo missum esse, quod eis, qui in compedibus erant, dum interficerentur, minimè licuit; Et Dei misericordiam populis etiam annuncient: Duplici autem nomine, Syon, & Hierusalem, diuersas ob causas vsus est, Syon, ecclesiam nominans, vtpote, quæ ad altum erigitur, & speculatio dicitur; Hierusalem verò, tanquam hostibus morte affectis veram in se pacem intuens.

In conueniendo populos in vnum,
& reges vt seruiant Domino.

Secundum Hieronymum, Cùm congregati fuerint populi simul; vnde autem hoc factum est, nisi eorum sanguine, qui morti addicti fuerunt, & eorum gemitibus, qui in compedibus erant? auditi enim fuerunt, & in causa extiterunt, vt Ecclesia hætenus gloria admodum floruerit, & adhuc, licet permulti de via deflexerint, valde eniteat; & Reges, qui persequebantur, in ea Domino seruiant, Verùm regna pro Regibus posuit Hieronymus, vt sub Regibus populos simul, qui bus præsumunt, comprehendendi indicet; vel, vt Græci aiunt, cum Reges, & populi coirent, vt per fidem obsequerentur, & illi seruirent, qui secundum diuinitatem verè,

ac proprie Dominus est, per Reges, id est Apostolos exponentes, quod ij affectiones animi regerent, & demonibus dominarentur, ac magis quam Reges honorati essent.

Respondit ei in via virtutis sue, paucitatem dierum meorum nuncia mihi.

Populus fidelis, & pauper ille respondit, & Domino dixit in via virtutis sue, id est, fortitudinis, tempus illud significans, quo nondum vires eum deficere ceperant, paucitatem, ut alibi, notum fac mihi finem meum; Ego enim perspiciebat inquit, me iam debilitate confectum esse, & grauiori morbo quotidie laborare, vereor ne reliquum vite tempus breue sit, idcirco non mediocri ardeo cupiditate, ut illud mihi nuncies; quod cura, & sollicitudo mea in hoc versetur, quoniam vult animam meam virtutibus ornem. Vel Hierusalem, non illa reproba, sed quae filios parit, dixit Christo, id est vocantem non contempsit, & arctam illam mandatorum viam ingressa Deum orat dicens: paucitatem dierum, non aeternitatem illorum, ubi ero, sed dies illos, quandiu in hoc seculo versabor, significa mihi, id est, hoc breue tempus totius seculi fac me attendere, ut hoc cognito spe immortalitatis futurae suslenter, contra illos, qui iam non esse ecclesiam aiunt; vnde petitio inanis non est: Dixit enim Dominus Iesus Christus, usque ad completum seculum vobiscum sum: Totum igitur tempus illud usque ad finem, illa est dierum exiguitas,

omne

omne enim quod finitur, præ æternitate exiguum est. *Diuus autem Hieronymus legit, afflixit in via fortitudinem meam, id est in via uita huius vires meas cōminuit, quia tunc fortes in fide supra modum affligentur. Abbreniauit dies meos, propter electos, inquit, quia tanta erit afflictio; ut fides omnino deficere aliquibus videatur. quare subiungit inquit.*

Ne reuoces me in dimidio dierum
meorum.

NE me rapias, ut legit Hieronymus, eo tempore, quando me adhuc victurum esse putabam, ut pœnitentia corrigere vitia, & emendare possem; si enim hoc feceris, similis ero dolosis viris, qui dimidios dies suos non faciunt, quod eos euellat dominus, ne scilicet peccent magis; vnde illorum habita ratione diuina castigatio, appellari potius misericordia debet; licet generatim, & vniuersè hoc ita non se habeat, quod nonnullos in vitijs suis consenescere perspiciamus. Vel vsque in finem, non in dimidium seculi me perduc, & exiguos mihi dies comple, ut ego ad perfectum virum perueniens, æternis postea à te doner, ac tecum Domine perennitate temporum perfruar. At cur de exiguitate quæris? quia etiam si dies mei vsque ad finem appellant, ij ad exiguum tempus præ tuis durant; per dimidium dierum imperfectos, & vacuos virtutibus dies illos vocat, qui sibi ad efficienda, & nauanda opera bona præfiniti erant; precatur igitur a Deo duntaxat vitam, ut aliquem fructum afferre queat.

In generatione, & generationem
anni tui.

Qui non transeunt, videlicet in secula seculorum;
sic in scripturis sanctis æternitas significatur,
quæ est Dei substantia, nihil mutabile habens.

Initio tu Domine terram fundasti, &
opera manuum tuarum sunt
cæli.

Initio, quia æternitate omnia præcedis, quæ fecisti;
ante res enim creatas sine initio existis. Terram
fundasti, id est stabilisti, Et manuum tuarum, id est ef-
ficacis potentia, virtutis, ac sapientia tua opera cæli
sunt, verbo enim Domini firmati sunt, per quos aliqui
cælum primum firmamentum scilicet intelligunt.

Ipsi peribunt, tu autem permanes.

Immutabuntur scilicet cæli, ut res creatæ, tu autem
es immutabilis eternitas: ac de propinquis terræ
constat: D. enim Petrus ait, terra, & cæli in die iudi-
cij igni reservati sunt, aerei scilicet; de superioribus
dubitatur; aliqui tamen eos secundum situm mutari
aiunt. Vel ἀλλὰ γοργίως iusti corpore peribunt, quod
anima vestimentum est si sic, quomodo surgemus, cum
Paulus omnes surrecturos esse prædicet: at in maio-
rem gloriam, & meliorem partem mutabuntur.

Et omnes sicut vestimentum veterascent.

VTrunque calum, siue terra simul cum calis vestimentorum instar ob nimiam vetustatem consumuntur, sicut vestes tempore conteruntur, & usu ad nihilum rediguntur.

Et sicut opertorium mutabis eos, & mutabuntur.

ET sicut pallium eos mutabis scilicet calos, qui omnia operient, ii enim mutabuntur, supra peribunt, dixit, quod ipsi celi innouabuntur, & incorrupti euadent, ait enim D. Paulus, quod huius mundi figura preterit. Græci legunt inuolues, & exponunt sicut amictus completo usu, qui ei constitutus, & decretus fuerat, inuoluitur. sic calum, cum mutatio melior aduenierit, in melius, & ipsum conuersum iri.

Tu autem idem ipse es, & anni tui non deficient.

Dixisti enim ego sum, qui sum, idem, immutabilis, nam quemadmodum secundum diuinitatē principio cares ita & fine, & licet omnia ex te, ac per te, & in te existant, non sunt tamen, quod ipse es, & anni tui non deficient, quia sempiternis seculorum ætatibus non mutaberis. Hos tres versus dixit D. Paul. c. I. ad Heb. excellentiam Christi ex ipsius fabrica ostendere volens, qui calos, terramque creauerit, quod ad eius diuinitatem refertur.

Filij seruorum tuorum habitabunt.

ET licet hæc æternitatis immutabilis duratio tibi propria sit, tu tamen ob bonitatem tuam filios seruorum tuorum Apostolorum scilicet nedum ipsos Apostolos facies illius participes; ij autem sunt, quos per euangelium genuerunt fideles omnes, videlicet seruorum tuorum opera, hi enim habitabunt in Syon idest in ecclesia, cuius misertus es, & perpetuo coram te permanebunt. Quare filij seruorum, & non serui? quia filij terram promissam intrauerunt, non patres, quod nos non veteres populos introituros esse indicat, & ad promissam nobis hæreditatem æternam neminem accessurum esse, qui prius in nouitate vitæ ambulare non didicerit: Veteres tamen duo Iosue, & Caleb, ingressi sunt, quia vnus, & vnitas, Christus, & Ecclesia cum omni nouitate filiorum requiem veram intrat.

Et semen eorum in seculum
dirigetur.

Opera electorum intelligi voluit, quia sicut ex semine fructum colligimus, ita operum mercedem expectamus, ergo semen non secundum carnem, sed secundum virtutis, ac pietatis successionem in æternum dirigetur, idest ordinabitur, preparabiturque, vel, vt legit Hieronymus, coram facie tua perseuerabit, vt, alij, stabilietur, vt ex his verbis percipiatur, cū Deus æternus sit, eos qui cum fide, atque recte Deum colere

non cessauerint, ac opera bona pramiserint, ab illo eter-
nitate, immortalitateque donatum iri.

Hic quoque psalmus finem latum habet. Nam pau-
per iste, qui miseriam suam, ac paupertatem, vereque
pœnitentis vocem edidit, ex cordeque in genuit; quiq;
dum fleret, lacrimas cum potu miscuit, nec tamē a lau-
danda Dei maiestate destitit, iure in spem venit se re-
gni celestis consortem fore; misericordiam enim diuinā
non ignorauit tantam esse, et hoc pro certo habere de-
beret. Nos quoque studeamus ea exequi, quæ hac ip-
sa oratione nobis explicantur, atque peccata nostra li-
bere confiteamur, cibo uili contenti simus, nosque ipsos
castigemus, vitia fugiamus, bonitatem, ac mansuetudi-
nem sequamur, atque amemus. Denique ad voluntatē
Domini nostri Iesu Christi, qui nos captiuos ex inferis
locis eripuit, nostram conformemus, dubium
enim nobis esse non debet, quin in patria
celesti summa cum tranquillitate,
ac gaudio incredibili
eo perfrua-
mur.

IN PSALMV M CXXIX.

DE PROFVNDIS.

Cáticum graduum, siue ascensuum,

EX canticis quindecim, quorum eadem est inscriptio, vndecimum hoc est. Porro ea fere omnia predicunt captiuos in Babilone Iudeos in Hierusalem esse ascensuros, & tradunt, quomodo illi in captiuitate positi Deum rogauerint, ac tandē ab eo exauditi patriam recuperauerint: & à clamore, precibusque, quas illi fundebant, cum summis calamitatibus opprimerētur, initium cantica faciunt, finem vero habēt patrię demum restitutionem. αὐτὸ γὰρ ὡς hi psalmi populum Dei à Babilone, id est, seculi huius confusione, ubi diu seruitutem perpeffus est, captiuusque detentus, ad cælestē deducunt Hierusalem. Quicunque ergo intellexerit, quanto populus ille desiderio terrestris Hierusalem teneretur, & quomodo lamentabatur, ipse profecto vehementiori cælestis, ac diuinę ardebit amore. Pręterea notandum est, numerum quintum decimum, qui septenarium & octonarium continet, conuenientiam legis veteris, ac nouę demonstrare, veteris quidem septenarium typum esse propter iudeorum sabbatum, octonarium nouę, eo quod octauo die surrexit Christus, vt supra in psalmo primo dixi; vtranque tamē legem iudem ferē pręceptis nos instruere, atque erudire,

dire, & ad eundem Deum per virtutum gradus ducere. Aliqui aiunt in templi ascensu, qui ex gradibus quindecim constabat, ut cælestis templi descriptio existeret, ad quod illis ascenditur, à sacerdotibus, & leuitis hos psalmos cantatos fuisse, primum in gradu primo, secundum in secundo, & ceteros pariter; nō quos libet autem gradus hic accipimus, sed illos tantum per quos ascendimus, ut Græca vox exprimit, quia corde fit ascensus. verum qui ascendere velle incipit, terrena ut contemnat, oportet, ac solum Deum cogitet; primus enim gradus est à seculi malis, cauere, vniuersamq; vanitatem repudiare, atq; aspernari. carnis autem vitia relinquere, & Domino supplicare proficiendi est initium. Et de titulo hætenus. Ad psalmum veniamus.

De profundis clamaui ad te Dñe,
Domine exaudi vocem meam.

D Auid hunc conscripsit, modum exprimens, quē ipse tenuit, quando tentationibus, & ærumnis pressus Deum orabat, ut eos etiam seipsum imitari doceret, qui ex Babilonis captivitate redituri erant, & hæc oratio in partes duas diuiditur, primum pœnitēs à persona misera sua, & à iudicis clementia misericordiam captat, vnde magna sperat; Deinde veniæ certitudo, & læta conclusio ponitur. Ait igitur peccator, Ex corde valde profundo, ac magno studio, & animi alacritate, atque ex ipsis mentis penetralibus ad te exclamari Domine, tales sunt, qui affliguntur, ut
valde

valde compuncti Deum inuocent, & ideo exaudiantur, non qui ore, aut lingua tantum, aut labijs hoc efficiunt, alter enim clamor ardens est, frigidus alter: Nam huiusmodi preces, quæ ab imo ascendunt, & in profundo radices agunt, licet graues, & innumerabiles in animis nostris versentur cogitationes, minime tamen euertuntur, sicut arbor, quæ altissimis defixa est radicibus, nulla vi, nec ventolabefactari potest, & qui precatur ita, antequam consequatur quod postulat, ex oratione magna tamen bona percipit. vel clamaui de ista mortali vita, vt de ventre cati Ionas ipse: clamor igitur emissam vocem cum interiori affectus intentione significat. Et quid clamaui? vt exaudias vocem serui tui.

Fiant aures tuæ intendentes in vocē deprecationis meæ.

Repetit idem alijs verbis aures dicens pro audiendi facultate, attende Domine preces meas miseris, & luctuosas, quibus te placari sine, de profundo enim, vociferatus sum, quæ spe? quia qui ad condonandum peccata venit, etiam mihi in profundo peccatori posito spem attulit fore, vt deprecationem meam exaudiat, dando quod ego flagito.

Si iniquitates obseruaueris Dñe,
Domine quis sustinebit.

Si obseruaueris, idest, exacta, & iusta lance omnia delicta mea examinaueris, & tantum multa irrogaueris, quantum ipsa mereantur, quis huiusmodi

di inquisitionem, & inuestigationem tuam suscinere, quis & rigidiora tua iudicia sufferre poterit, vel quis inultus, & impunitus relinquetur certe nullus. Nam fieri non potest, ut si ab aliquo rerum à se gestarum ratio summo iure reposcatur, repetaturq; , possit ille unquam misericordiam, & clementiam consequi; Quis enim se à peccato mundum esse gloriabitur nec Paulus ipse audet inquit, nihil mihi conscius sum, sed non in hoc iustus effectus sum. Illud autem Domine Domine; summam Dei benignitatem, & eius infinitam, & immensam maiestatem admirantis est dictum. Et quia peccator ipse pœnitens videt totam naturam humanam ob admissa flagitia vehementer premi, omnium conscientiam accusari, ac non inueniri cor castum, quod sibi de sua iustitia arrogare queat, Quid reliquum est, nisi ut ille benignitati Dei non diffidat, ac miserationi, sed bene speret? Quæ igitur spes est?

Quia apud te propitiatio est.

Quia tu valde misericors es, & vere propitius, si quidem nobis diuina tua humanitate confidentibus supplicium effugere licet: ut iudiciam etiam non subeamus, in clementia tua positum est, quam si non fuerimus consecuti, nostra recte facta, si quæ extant, ad liberandum nos ab ira futura atque supplicio minime idonea sunt, ἀδύνατοι, quæ est ista apud te propitiatio, nisi sacrificium illud, quod pro nobis oblatum est? & sanguis ille innocens, qui omnium peccata deleuit, ac de manibus inimici demonis captiuos cunctos eripuit? Nam si iudex esse tantum velles, misericors

seruicors autem non, quis se ante te sisteret, & se innocentem demonstrare auderet? quis in iudicio tuo staret? ergo vna spes est miseratio tua.

Et propter legem tuam sustinui te Domine.

ET propter legem non eam, qua reos faciente premebar; at misericordia, & charitatis, qua peccatis dat veniam, eaquē delet, & alterum pro altero onera portare docet, te sustinui domine salutem expectās, & vt me ab omni afflictione liberes, in quo vti miseratione tua non omisitū: Nam si ratio operum meorum à me habita fuisset, iam spem omnem abiēcissē, nunc legem tuam attendens spe optima erigor. Graci nonnulli legunt: propter nomen tuum, inquires, nō ob opera mea; peccator enim ipse sum, te mihi seruatore affuturum esse speraui, & hoc euenturum propter nomen tuum, ne illud scilicet ab inimicis contemneretur, quasi qui populum tuum à calamitatibus eripere non valeres.

Sustinuit anima mea in verbo eius.

Expectaui, & spem habui in illo promisso, quod Patriarchis factum est; verbum enim illud non fuit, promissionis terræ hereditatem nobis traditam iri; vel in illo, quod tu omnes saluos prestabis, qui tuæ voluntati morem gerere studuerint, & quos scelerum suorum valde pœnituerit, ac post veniam etiam cœlorum regno eos donabis.

Speraui

Sperauit anima mea in Domino.

IN solo Deo, qui sperantes in ipso, atque se illi totos dedentes neque fallere, neque frustrari potest.

A custodia matutina usque ad
noctem.

NOx in quatuor vigilias, siue custodias diuidebatur apud Romanos, matutina vero inter noctis custodias vltima erat; Itaque dicens Israellem in Domino sperare debere, à custodia matutina usque ad noctem, non sic intelligit, quasi spes nostra diem vñ à mane scilicet ad vesperam duret tantum, sed quia Christus diluculo in vigilia matutina à morte ad immortalitatem surrexit, is à custodia matutina spem habet, qui se quoque ad immortalem vitam suscitandum esse magna spe adducitur non hesitans membra capitis exemplum secutura esse: Sperandum autem est usque ad noctem, quoad vita hæc à nobis deferatur, & in occasu mundi nox totius generis humani adueniat. Admonet igitur populum, vt toto tempore in solo Deo spem ponat, qui solus à periculis liberare potest, vnde fit læta conclusio, Et licet D. Hieronymus hos tres versiculos superiores aliter legat, & alij aliter, eius quidem sententiam ego probans, vulgatam tamen lectionem sequor. Sed quomodo speras o Peccator.

Quia

Quia apud Dominum misericordia,
& copiosa apud eum redemptio.

Quia misericordiae apud eum, & clementiae fons
est perpetuo scaturiens, quae miseratio multis
partibus maior est, quam totius humani generis im-
probitas, ubi autem ipsa est, illic etiam est redemptio
& multa, & copiosa, & clementiae pelagus immen-
sum, sanguis scilicet eius, qui totius mundi peccata
redemit, si ergo captivus es, benignitatem Dei confide-
ter implora, & desperare noli, ubi enim misericordia
est, atque clementia, & non reposcitur acris delictorum
ratio, ibi est facilis erratorum veniae impetratio, &
eo magis quod Deus ipse ad ignoscendum assidue pro-
pensus est, ac proclivis.

Et ipse redimet Israel ab omnibus
iniquitatibus suis.

Idest, populum Israel Deo placere conantem, ut hoc
novo quoque populo precipue congruat. Ideo ante-
cessit ille, qui sine peccato est, ut sequentium peccata
deleat. Redimet, inquit, quia Israel se uendere po-
tuit, non ab omnibus iniquitatibus suis se redimere.
Ille potest, qui à peccato prorsus immunis est. itaque
noli timere peccator, at animo simplici, atque fidenti
ad Deum accede, & desine agere ea, quae te ante sic
stimulabant, ut in odium, ac offensionem divinae maie-
statis incurreris, nec in mentem tuam illabi sine, ut du-
bites, ne illa iniquitas tibi non remittatur; magnam
enim erga te Dei ipsius misericordiam experiere. Si
ergo

ergo ubique illius diffusa est clementiæ magnitudo, clarum, atque perspicuum est eundem Dominum Deum non modo à supplicio populum suum, sed à delictis omnibus liberaturum esse, atque in libertatem vindicturum. Orare igitur perscueremus, & siue obtinuerimus, siue non, nunquam cessemus. Nam cum in potestate illius dare situm sit, & quando uult, tempus autem ipse optime noverit, præstolemur nos supplicantes assidue, atque illius misericordia confidentes, nullo unquam tempore de salute nostra spem deponamus, sed fide, & egregiis factis fulti ad eum confugiamus, & ipse, quippe qui ualde benignus, & misericors, ac pius est, aderit nobis, ualdeq; propitius erit. Et quoniam in hoc psalmo de misericordia crebro fit mentio, ecclesia instituit, ut eo sepe utamur, dum pro defunctis oramus, quos ipsi Deo commendatos esse cupimus, ut pote qui ab eius conspectu adhuc absint, quod in ijs locis detineantur, in quibus fit purgatio: unde cum ipsi nullis operibus sibi opem ferre ualeant, unica illa spes reliqua est Dei misericordiam illis præsto fore, si nos supplices eum inuocemus, quemadmodum amor, & charitas officium hoc quotidie à nobis desiderat, ut eorum uincula relaxare uelit. Nos autem, qui adhuc in uita manemus, & ieiunitate, & mirifica in pauperes liberalitate delictorum nostrorum maculas ita abstergere, ac scelera nostra sic expiare, ut alibi necessaria nobis non existat expiatio, omnibus uiribus enitamur, ijsq; optimis actionibus sic Deo, & iudici nostro placere conemur, ut eum non modo mitigemus, ac propitium nobis reddamus, sed ad complectendum

nos, & eius diuina gratia dignos iudicandum uehementer promouemus.

IN PSALMVM CXXXII.

DOMINE EXAUDI, ETC.

Psalms ipsi Dauid, quando persequebatur eum Absalon filius suus, sic ultimus hic inscribitur. Ac patet patri suo inimicum extitisse Absalonem, & aduersus eum non ciuile bellum modo, sed domesticum etiam gessisse; Dauidem autem humilem percepta à Domino disciplina medicinam accepisse, nemini reddidisse malum pro malo, at promptum ad assentiendum voluntati Dei semper animum habuisse. *αὐτὸς γὰρ ὡς*, vero alius Dauid verè fortis à nobis agnoscendus est, Dominus noster Iesus Christus (præterita enim, ut sæpe diximus, futura significant) quem persecutus est filius suus Iudas, apostoli nanq; ab ipso filij vocabantur in Euangelio: Is enim passionem suam prædicaturus est in hoc psalmo, quandoq; membrorum, quãdoq; capitis, quandoq; capitis, & corporis etiam personam acturus. uerum secundum D. Hier. & Hebr. talis titulus habetur: Psalmus Dauid. cetera alicuius Doctoris additamentum esse nonnulli arbitrantur. Dicit igitur Dauid cuiuslibet peccatoris personam quoque gerens, atque induens.

Domine

Domine exaudi orationem meam,
auribus percipe obsecrationem
meam in veritate tua.

Quoniam exauditurum esse te spopodisti eos, qui recte nomen tuum inuocauerint. quod etiam mihi priuatim pollicitus es, me orationem ad te habentem audi, Et auribus percipe (repetit, & confirmat) idest, gratiam tuam mihi largiendo ostende te preces meas attendere, ac laboranti, & in afflictione versanti mihi succurre queso pro singulari bonitate tua.

Exaudi me in tua Iustitia.

In tua iustitia me audi, non quæ ex lege est, sed quæ ex fide, me ipsum enim cum respicio, nihil aliud reperio meum, quam peccatum, vel, sicut qui iustus es, et minime pateris quenquam ab altero iniuria affici, nec tantum parentes ladi probibes à filiis; sed nec ab extraneo vllum. Græci nonnulli pro veritate misericordiam hoc loco intelligunt, pro iustitia benignitatem, quod solus Deus misereatur, & sola Dei iustitia benignitate permixta sit; humana enim caret miseratione. Aut in veritate, & iustitia, idest secundum veritatem, & iustitiam, qua pœnitentibus, & se accusantibus benigne parcis. si ergo exaudiri querimus, in iustitia Dei gloriemur. Nam haud audiuntur, qui eam ignorantes, & suam statuere volentes, illi diuinæ subiecti non sunt, sed qui nihil aut

Ec parum

parum meritis suis tribuentes iustum esse iudicant
 quicquid aduersi tolerant, αὐτοῦ γοῦν αὐτῶν Christus to-
 tus nobiscum ait, Domine exaudi me in tua iustitia,
 idest, propter tuam iustitiam, quæ in me est; ea enim,
 à te hominì ineſt; orat ergo noſtram infirmitatem in
 ſe transferens, vt qui bona opera nauant, iustitia ro-
 borentur.

Et non intres in iudicium cū ſeruo
 tuo, quia non Iustificabitur in
 conſpectu tuo omnis viuens.

NE mecum iudicio contendere velis, nec in futuro
 ſtriſſe mecum agas, nam ſi me in iudicium vo-
 ces, ac de vita, & moribus quæſtionem, exerceas,
 nulla miſericordia ſeueritatem iuris mitigante, quis
 eſt, qui ſe coram te cauſſam ſuam defendere, ac tueri
 queat, præſertim exigere ſi velis omnia, quæ tibi debē-
 tur? Cur hoc times? inquires: quia non iuſtificabitur,
 idest, nullus apparebit iuſtus, ſi cum tua iuſtitia fiat
 cōparatio: Nam ſi aliqui hominibus ſancti vidētur.
 non tamen Deo, qui interiora intuetur. Quamuis .n.
 opere forſitan non labantur, peruerſa tamen cogitatio-
 ne aliquando labi poſſunt: cuius namque animum ten-
 tationes non vexant? omnis viuens, idest, vitæ par-
 ticeps: non dixit, omnis homo, quia non apoſtolus, nō
 angelus; nō ceteræ virtutes, ſolus .n. Deus eſt, in quem
 peccatum non cadit, in cuius conſpectu aſtra munda
 non ſunt. Quare niſi gratia tua Domine liberari po-
 teſt nemo, nec ſe iuſtum coram te efficere, licet in con-
 ſpectu

ſpectu ſuo ſibi placens, & tibi diſplicens queat. Ergo ad magnam miſericordiam tuam, qua mihi eſt opus, confugio.

Quia perſecutus eſt inimicus animã
meam, humiliavit in terra
vitam meã.

Quia, hoc loco malorũ quæ patitur, narratio eſt, Inimicus Abſalon animam meam, ideſt, me ipſum aperte perſecutus eſt, ac deiecit me, vitamque meam vilem effectam ad terram proſtravit, non ea tantum ratione, quòd calamitatum pondere oppreſſus ſim, ſed quod ipſam humum ſtrati loco habui, velut qui à patria exul ſemper in fuga eram: humilitatis. n. nomen nunc, nõ virtutem ſed demiffionem, atque animi abiectiõnem illam ſignificat, quæ ex peccatis & calamitatibus oritur. vel inimicus demõ me à cæleſtibus ad terrena deflexit, hoc enim agit, quicunq; perſequitur, vt cæleſti ſpe relicta ad terram vergamus, & per ſecutori cedentes terrena diligamus. Hoc autem nobis vtinam non contingat, quibus à D. Paulo denũtiatum eſt, ſi cum Chriſto ſurgere voluerimus, vt quæ ſunt ſurſum quæramus. vel perſecutus eſt Demon animam Chriſti, & Iudas magiſtri, & nunc ad inſidiantum corpori Chriſti promptus ſemper, & paratus eſt. Collocavit me in obſcuris ſicut mortuos ſæculi. Maximas mihi moleſtias exhibuit Demon, & menti meæ tenebras obduxit, quarum magnitudinem vt demonſtraret, ſicut mortuos ſæculi dixit, ideſt, antiquos.

ut legit Diuus Hieronymus, siue antiquitus mortuos, sententiam more tragico augere volens, ij enim in profundissimis tenebris iacent, multa humo obruti; Tales sunt, qui assidue viuunt in peccatis; Nam in tenebris sunt tanquam mortui. Locauit, etiam ex corporis personâ, inquit, me in obscuris, idest, vitiorum tenebris, sicut mortuos ceteros desperatos, & Christus in sepulcro collocatus est.

Et anxius est super me spiritus
meus.

Idest, anima mea maximo dolore affecta est, ob summam afflictionem, & periculi vicinitatem, & certe spiritus pœnitentis anxius est, cum superiora, & cœlestia exoptans carnis corruptione, & naturæ fragilitate deprimatur. Et Christus ait, Tristis est anima mea vsque ad mortem, in me non in alijs, quia omnes me deseruerunt; Et quoniam mori me videbant, aliud suspicati sunt, à latrone victi, qui tunc, cum ipsi deseruerunt, confessus est. In me turbatum est cor meum. Tumultuatum est in me, inquit, cor meum recordatione peccatorum, vel quia non fuit conscientia mea, quia peccaui; Dixit & Christus, nunc anima mea turbata est.

Memor fui dierum antiquorum
meditatus sum in omnibus
operibus tuis.

David loquitur, & membrorum vnusquisq; capitis gratia iustus effectus, illiq; in charitate inherens, Recordatus sum dierum, quibus Adā punitus fuit, & dierum Noe, quibus mundum diluuiο obruisti, vel quibus maiores nostri Abraham, Iosephus, & Moyses secunda utebantur fortuna, virtutibusq; præstabant; nec non in mentem mihi venit eorum dierum, quibus tibi Domino meo gratus eram, et res mihi prospere succedebant, huiusmodi enim memoria non mediocrem afferre consolationem solet, ac meditatus sum mecum mirabilia opera tua cōsiderās, quia tu omnia bona fecisti, & nihil sine te constaret, atq; eos omnes recensui, qui ex miserijs mirabiliter à te crepti sunt.

Et in factis manuum tuarum meditabar.

Et in commemoratione omnium artificiorum tuorum versabar, suauem eorum recordationem habens, illaq; summa tua prudentia plena inueniens; Et quia quicquid boni in illis esset, à te creatum esse intelligerem, spem suscepi bonam fore, vt me tot afflictionibus, atque angustijs oppressum non despicias.

Expandi manus meas ad te anima
mea sicut terra sine aqua tibi.

I Deo ad te fontem beatitudinis meae, ultimumque
finem manus tetendi, ut formam crucis innuat,
quae jalus est; Et anima mea tibi haret non mihi, qui
rigare nequeo, teque; tota respicit non secus auxilium
tuum implorans, ac terra sine aqua, idest sitiens, ut
D. legit Hieronymus, audissime pluuiam expectat.
Tu igitur eam irriga, obsecro; ut fructum ferat, quae
sine rore gratiae tuae arida, & minime fructuosa est.
Velociter exaudi me Domine, de-
fecit spiritus meus.

ET quoniam sic sitio, cito audi me, & velociter,
Hac est causa cur me quam celerrime exaudiri fla-
gitem, quia spiritus meus ita defecit, ut nunquam adeo.
Quae enim est mora ad inflammandum desiderium meum?
Imple me spiritu tuo, quia inimicorum improbitate,
ac peruersitate defecit meus, aut salutare spiritum
tuum mihi praebe, quia meo exanguis iam, & conse-
ctus sum.

Non auertas faciem tuam à me, &
similis ero descendantibus in
lacum.

NE derelinquas me, ut non peream, & non auer-
tas faciem tuam idest, protectionem, immo me
tua

tua custodia septum tene; auertisti enim te olim a superbo, ne te ab humili seruo tuo abducas, quia si te à me abstraxeris, ijs ero similis, qui in lacum, & profundum aqua vel peccatorum delabuntur, sic .n. mortuus videtur, quicumque quantum ad virtutis opera spectat tuo auxilio caret: nam qui in profundum descendit, ille errata sua confiteri prætermittit, & licentiam peccandi, & impunitatem se habere proponit, quòd sibi ignosci debere non speret.

Auditam mihi fac mane misericordiam tuam, quia in te speraui.

FAc me audire, & ostende mihi mane, idest, celeriter misericordiam tuam, vt ante experientiam promissione tua læter, & rationem reddat, quia in te speraui; Deus enim nihil æque requirit, ac cum intueri, qui sperat in ipsum: vel mane, idest, post seculi finem, cum videbimus, quod modo credimus, vt mane astabo; nam in nocte nunc sumus; sed in te mihi spem posui, donec nocturna transeat iniquitas: post noctem vero peccatorum, quia mane peccata relaxantur, quæ nox in expectando patientiam poscit, lætitiæ dies offeret. Hoc autem misericordiæ matutini gaudium alibi monstratur, cum dicitur, ad vesperum demorabitur fletus, & ad matutinum lætitiæ, quæ Dominum nostrum Iesum Christum surrexisse significat: hanc omnes nos expectamus, qua mortalitatem nostram cum immortalitate commutabimus. Mane itaque nouissimas dies est, cum illucescet nobis ille immortalitatis dies, vesperam nullam habiturus; Et electi à Domi-

nō audient, venite benedicti, in illo enim iustorū felicitas, & gloria apparebit.

Notam fac mihi viam, in qua ambulem, quia ad te leuavi animam meam.

Indica mihi queso viam Spiritus sancti lumine, ut ex insidijs inimicorum euadam, & recto itinere ad te perueniam. Atqui lex tam naturalis quàm scripta viam rectam docet, cur ergo dicit hoc? quoniam multa ab hominibus ignorantur; vnde D. Paulus dicebat, quid oremus, & quomodo oportet, nescimus: quia animā meam ad te, non ad mundum transtuli, quòd apud te vitę fons sit, Et à te pendeo, teque contemplor.

Eripe me de inimicis meis, ad te confugi, doce me facere voluntatem tuā, quia Deus meus es tu.

AB inimicis meis, ac Demone & suis quos implet, libera me Domine, multi n. Iudæi sunt, in quibus ipse expugnatur Dæmon, ad te confugi Dominum meum, ac protectorem, qui aliquando à te fugi, sicut & Adam fugit, & cum se occultauit, umbram inuenit. Doce me facere, idest, ut faciam, sic, etiam D. Hieronymus, voluntatem tuam, si enim me non doces, faciam ex mea, & tu me deseres

Deus

Deus meus: Nam beatus non est, qui eam nouit tantū, sed qui voluntati tuæ obsequitur, cognoscere namque facilius est, opera efficere difficilius, his præsertim, qui ope diuina, ac doctrina indigent. Et animaduerte, quod in eius petitione non de potentia, non de gloria agitur, se ut obediat, ac pareat voluntati Dei, quæ actio bonorum omnium thesaurus est, radixq; & felicitatis principium, medium, ac finis: ergo instrue me diuino numine tuo, quia Deus meus: propter liberationem patronus meus: at propter hereditatem pater meus tu es.

Spiritus tuus bonus deducet me in terram rectam propter nomen tuum Domine viuificabis me in æquitate tua.

I*ucunda est conclusio, spiritus tuus diuinus, nō malus meus, qui me in peruersam viam duxit, deducet me in viam rectam, & planam, qualis est virtutis via; rectam quidem, quia sine errore, planam vero tanquam à periculis, & scandalis liberam: id est, per eam viuendi viam, quæ ad te ducit propter nomen tuum quod est Iesus, suscitabis me, quia me occidi, & non ob virtutem meam, sed propterea quod misericors appellaris. Nam si merita mea ostenderem, nihil nisi supplicium promererer in æquitate tua: alias, in iustitia tua, non mea, quia tu misereris: Ecce hic gratia Dei commendatur. qua gratis salui facti sumus.*

mus. quia non propter merita, sed propter nomen illud salutare se recreandum, ac reficiendum, & vere inter viuos numerandum esse inquit. Verum cum hoc gratia equitatis miscetur, quia licet Deus omnia gratis efficiat, ad eius tamen iustitiam pertinet supplices iustos facere, quos à Daemonibus tentari, atque affligi videt.

**Educes de tribulatione animā meā,
Et in misericordia disperdes
omnes inimicos meos.**

E*duces de angustia, & afflictione animam meam, quando data venia me de hoc seculo tanquam de carcere exire iubebis, & misericordia tua adductus, non merito meo inimicos meos exterminabis, & non quoniam dignus sim, sed propter clementiam tuā me liberabis, qui aduersum me bellum gerunt, & mihi insidiantur: qui tamen contra me nihil potuerunt, quod Græci dupliciter intelligunt: vel ut sit prædictio, vel ut optabiliter dictum.*

**Et perdes omnes, qui tribulant
animam meam.**

I*N iudicio futuro Demones cunctos, & omnes obstinatos, & qui spiritum meum torquent, atque cruciant, quique ut in maximis existam molestiis sunt mihi auctores, ad nibulum rediges.*

Quoniam

Quoniam ego seruus tuus sum.

Causam adiungit, quia tibi inservire magnopere cupio, & nihil dulcius, atque suavius esse censeo, quam præcepta, atque iussa tua observare: Nam absolute postulata consequi non valemus; verum oportet uti sic præparemus nos, digni ut simus, qui petitiones nostras assequamur, & cum oratio satis non sit; Iudei enim orabant, & non exaudiebantur, ea nobiscum afferamus, quæ ad clementiam, ac misericordiam diuinam nobis aditum aperiant, taliaque cum precibus facta coniungamus, quæ Deum clementissimum ad nos benignitate sua complectendos inuitent, qui si hanc nobis mentem iniecerit atque cogitationem, sicut nos alia erga eum voluntate esse non licet, vereri profecto non debemus, ne non ab eodem benignissimo Deo præsentia, ac futura bona adipisci mereamur.

Hic est eorum, qui ad penitentiam referuntur, extremus psalmus, in quo maxime apparet penitentem ardentissime precatum fuisse, quippe qui speret se exauditum iri, & fidenter dicat se à spiritu Dei in terram rectam, & beatorum patriam deducendum, & cum cælesti illa Hierusalem, & ecclesia triumphante conglutinandum esse. Nos quoque à peccatis abstinerere conemur, & offensionem Dei effugere; egregia autem opera cum fide, & summa caritate coniuncta, ut exsistent, quæ Dei ipsius erga nos miserationem allicere valeant, curemus. Et ipse magna nos consolatione hic afficiet, & in posterum æterna felicitate donabit, qui sempiternus omnibus sæculis est benedictus.

nedictus. Amen. Tandem horum septem psalmorum, qui pœnitentiam respiciunt, quæ illorum materia est, præcipue commentarium confeci, atque adiuuante me imprimis immortalis, ac præpotente Deo absolui, quantum autem sustinuerim laborem, atque in illum insumpserim, mihi ipsi conscius sum, cum tamen leuauit mirum in modum spes illa quam habui fore, vt hæc mea lucubratio studiosis, & ijs præsertim, qui se Deo gratos præstare cupiunt, utilis, atque iucunda futura sit.

A P P E N D I X.

Restat, vt de pœnitentia ipsa breuiter aliquid attingam, quò superior tractatio magis elucescat, & fiat dilucidior. Ac vt à diffinitione ordiar: Dico primum pœnitentiam esse bonorum, ac fidelium quotidianam pœnam, quam sustinent illi frequentissime peccatus tundentes, atque dicentes, dimitte nobis debita nostra, non quæ in baptismo, sed quæ humana fragilitati quauis parua, crebra tamen vini faciunt, violentiamque: Eam autem veram esse, cum quis non committit ea, quæ illum valde pœnitere cogant, & ad missa deflet, vel ita se conuertit ad Deum, vt ad vomitum non redeat, nec amplius peccet. Atque ex amaro illa animo vera esse cognoscitur, sicut Petri verissima fuit, qui fleuit amare, eademque nocte, qua lapsus est, erectus fuit, vulnusq; , & medicinam accepit, vt quæ vis lacrymarum illius fuerit, rerum exitus comprobauerit. Et ipsius Dauidis, quem supra dicentem

dicentem audiuimus, quod lectum per singulas noctes lauabat; Et Magdalena, quam in euangelio lacrymis pedes Christi rigasse, & capillis tersisse legimus. Hi valde pœnitentes de morte ad vitam excitati sunt: quare? quia nulla est tam grandis culpa, quam, si vere & ex corde te pœniteat, & ad veram pœnitentiam, quod necessarium est, ieiunitas, & eleemosina addatur, non tibi condonet Deus, quod per illam omnia abluantur. Nam ipsa in hoc seculo remissionem ita impetrat, vt in futuro etiam prosit, & hominem peccatorem efficit meliorem, quod sit voluntatis correctio, non malæ naturæ emendatio, dum modo ille in miseratione parcus non sit, quia pœnitentia sine misericordia in pauperes mortua est, nec sine illius plumis volare potest. verum quid eam certam ostendit? peccati odium, & incredibilis erga Deum amor, nam cum sic te piget, vt amarum in animo gustes, quod tibi in vita dulce fuit, & quod te in corpore magnopere oblectabat, id vehementer te cruciet in mente, ac torqueat. Tunc recte ingemiscis, & ais: tibi soli peccaui. At animaduertere nos oportet solam pœnitentiam tot sordes nostras diluere non posse, nisi clementia Dei, ac pietas ei iuncta sit, & inutile esse, nisi fundamento ipsa nixa sit, fide videlicet, & caritate fulta, tunc enim vitia fugat, mentem roborat, virtutes exornat, & homines adducit ad angelos, vt cum D. Chrisostomo exclamare nobis liceat, o pœnitentia misericordiæ mater, & virtutum magistra, magna sunt, & egregia opera tua, quibus reos absoluis, lapsos reficis, & desperatos recreas. Dein-

de

de pœnitentiam erubescere debet nemo, vtpotè donum à cœlo datum, non sacerdos, non è populo quiscquam: non enim commorari debet diem vnum, vt pœnitens non sit, quia quemadmodum nulla dies est, qua homo peccato vacuus sit, sic nulla non die illum ex delictis suis dolorem summum capere decet: Nam non satis est in meliorem partem mores mutasse, ac voluntatem, nisi de erratis, aut magnam animi humilitatem ostendendo, aut cor compungendo, aut magnopere mœrendo, dolendoq; à nobis Deo satisfiat. Quæ satisfactio quid aliud est, quàm imposita nobis à sacerdote, cui omnia, & singula aperimus, delictorum expiatio: quam libenter exequi ostendimus, cum & bonis operibus, & sacris precibus operam nauamus. In sententia hac firma, & constanti fuit magnus ille Augustinus, qui etiam cum ægrotaret, illos supra dictos psalmos recitabat abunde lacrymas effundens; aiebat enim neminem etiam si facinoris aliquis conscius is sibi non esset, committere debere, vt non peracta pœnitentia è vita migraret. Prouidentia ergo diuina, ne desperando crimina augeamus, ante oculos nobis pœnitentiæ portum posuit, ne rursus nimis sperando ad scelera nostra quotidie addamus, diem mortis, exitusq; nostri incertum nobis reliquit. Quæ duo desperatio scilicet, & spes peruersa animas nostras summo opere angunt: De nullo tamen desperandum est, quamdiu patientia Dei ad pœnitendum adducit, quæ tunc valde enituit, cum furentem, & execrantem Saulum differendo sustinuit, vt eum postea pœnitentem ostenderet, nam dilatio illa effecit,

ut ecclesia tam insigni, atque admirabili doctore mirifice gaudeat: Denique hoc menti vestra herere debet, cum vitia multa capitalia existant, quicumque se vnius reum esse cognouerit, si hunc non pœnituerit, ut absque remedio igne se arsurum esse non ambigat. De omnibus dolere necesse est, quia dicere satis non est, peccator sum, sigillatim enim delicta reminisci opus est, & ea sacerdoti narrare, Et potissimum non ignorare pœnitentiam illam fictam esse, & simulatâ, cum ablata non restituntur, & iniuriæ non condonantur, eandemq; in fine vitæ differre, quæ secunda non est ac tuta, sicut quæ ab infirmis petitur, infirma est, nonnullis quasi à fide alienum videri, qui aiunt, quomodo in extremo spiritu constitutus satisfactioni operam dare poterit? multo magis post iudicium in futuro seculo seram esse, & inutilem, nec proficere, cui apud infernas partes locus non sit, omnibus perspicuum est. Verum pœnitens cum ad vitanda futura supplicia incumbere debeat, quem nunquam obliuioni peccata tradere, ac mandare oportet, sed rogare Deum, ne illorum memoriam teneat, quia si non meminerit ipse, eorum non obliuiscetur Dominus Deus, quot ipsi viget, ad obtinendam peccatorum impunitatem pateant, ego commemorabo, ac prima, quæ nobis occurrat, ea est, ut Deo peccasse nos ex animo confiteamur, atque peccata non cœlemus: secunda, cum de peccatis largiter flemus, quod lacrymæ pœnitentiam arment, crimina deleant, nostros langores sanent, tandem nos Deo reconcilient: tertia, cum humilitatem Publicani imitamur, qui iustitia fructum tulit: quarta,

eum bona nostra, superflua presertim in pauperes erogamus, quod misericordia, sine eleemosina virtutum maxima sit atque regina, & aerem praeceat cū Dei donum sit, & magnum bonum: quinta, cum singulis momenti, & sine intermissione multam orationem habemus, & orantes non deficimus; sexta cum nos ieiunio, quod paenitentia saporem esse nobis dubium non est, affligimus: quas vias si paenitens consecuerit, dubitare ne debet, quin à Deo magnam gratiam ineat, nedum ab illo ipsi ignoscatur? certe perfectam illam paenitentiam, quae peccatorem omnia libenter perpeti, etiam percutienti maxillam alteram prebere cogit, factis se executum esse gaudebit. At dicet vnus aliquis, eleemosinis peccata mea expiare nequeo, pauper enim sum, & vix victum, & vestitum habeo, ac ne vix quidem: alter, ego vero ieiunitatem ferre non possum, quod natura, & corporis vires imbecillae sint; sed vix saltem ea, quae in ipsorum potestate, ac voluntate sita sunt, prestare non praetermittant, simpliciter & pure Deo, atque illius sacerdoti fateri peccata; nullus enim excusationi locus est, & lacrymis flagitia delere, nec non humiles esse, atque in assidua oratione versari post dominicam orationem hos superiores psalmos quotidie in ore habendo, sic enim misericordiam consequentur, & salutem, omniumq; delictorum veniam impetrabunt, & ad caelestem patriam aditum sibi patefacient. Ceterum, quod caput est, dñi sani sumus, satisfactionem pro peccatis ante oculos nobis proponamus; vt enim ait D. Paullus, dum tempus habemus, opera bona efficiamus, nec differamus

vnquam,

vnquam, ne, cum mors nobis propter incertos casus immineat, & propter vitæ breuitatem nunquam longe absit, nobis ipsis eam consciuisse videamur. Et cum neminem Deus sincere, & vere pœnitentem spernat, sequitur, si nos eum precibus placare, & egregijs factis ad protegendum nos miseratione sua prouocare non destiterimus, vt vereri non debeamus, ne non cælestis regni sui consortes esse velit benignissimus, & clementissimus Deus, qui viuit, & regnat sempiternis seculorū ætatibus benedictus, & gloriosus. Amē.

IN PSALMVM CXXXVI. Super flumina.

INscriptio Psalmo huic non est apud Hebr. nec apud D. Hieronymū, apud Latinos nōnullos talis est. Psalmus David propter Hieremiam quod additum esse opinor ea ratione, quia sicut David agit de Iudeis qui à Nabucodonosore in Babiloniā captiui ducti sunt; atque vaticinatur, sic Hieremias illorum miseriam luxit, & ruinam Hierusalem lamentatus est, prædicens ea quoque nobis, qui peccato victi detinemur, euentura esse. Supra autem illam, quæ ab Antiocho, in Ps. Deus venerunt; & eam quæ a Romanis effecta est, vastitatem in ps. ut quid repulisti, tractauit. Sed in hoc duæ ciuitates nominantur, Hierusalē & Babylonia, altera, dicta pacis visio; altera uero confusio, quæ corpore coniunctæ sunt, corde, separata, At captiua tenetur Hierusalem, non tota, ciues. n. eius

Ff angeli

angeli sunt, omnis miseriæ expertes; Verum propter homines, qui ob peccata a patria exules ac peregrini sunt; nam & si Syon ipsius & Hierusalem ciues sumus, in ista tamen vita & confusione seculi huius non ciues habitamus, sed captiui detinemur; De captiuis ergo Iudeis sermonem hic facit David eorum autē reditu in Ps. Te decet; Qui & vexationem, quā semper ecclesia passa est, & vsque ad diem iudicii passura, & eorum ultionem, qui ei insultarunt; nec non ipsorum euerisionem pręuidit, quę nobis etiam afflictiones & angustias futuras esse indicabant. Nomine igitur sacerdotum, & leuitarum, atque cantorum, qui vincti in Babylone erant, & totius congregationis psalmus hic conscriptus est.

Super flumina Babylonis illic sedimus, & fleuimus.

Magnos viros hos suę ciuitatis desiderium tenet, magna reditus cupiditas, sed quandiu illi bona habebant in manibus, insolentes, atque arrogantes semper probra, et iniurias inferre nō cessabant; postquam vero eis priuati sunt, maximo tunc desiderio arserunt. Sed quam de causa sedebant super flumina? quod captiui, & regionis hostilis finibus circumscripti essent, extra muros & vrbes habitabant; & ideo prope fluminum ripas incedentes priuatim inter se lamentabantur silentio. Et flumina, Euphrates, multique illius riuus, ac Tygris vocabantur. Ceterum flumina dicuntur omnia, quę hic amantur ac transeunt, fluunt. quę; atque hac attendentes sancti in ea se non immergunt

gunt, sed contemnentes supra sedent ac flent; Vel flumina afflictationes & tyrannorum cruciatus significat. Dum captiui ergo sumus, humiles sedeamus super fluuios, non in illis nos precipitemus, nec in nostro malo erigere nos audeamus, sed humilitas nostra talis sit, ut nos non mergat. Babylonis, inquit, non ciuitatis tantum, sed prouinciæ totius, quæ valde irrigabatur. Et fleuimus, ac plorauimus.

Dum recordaremur tui Syon.

Idest ciuitatis, templi, ac sacrificiorum; non aliarum rerum; & præter te nihil aliud in memoria habere mus, in terra enim hostili dulcis est amor patriæ ac recordatio. Α'α' γο' ρ'ι'ν' ω'ς. Ecclesia super flumina sedet Babylonis semper a prauis & sceleratis, qui sub eius nomine, & Edon comprehenduntur, afflictæ, atque vexatæ; attamen nunquam fidem amisit, quia semper Syon ipsius memoriam tenet, in qua Christus regnat; & hoc per fidem, atque recordatur etiam, quomodo ab illa paradysi sede decedit Adam.

In Salicibus in medio eius suspendimus organa nostra.

IN salicibus, quæ in medio Babylonis & regionis illius propè fluminū littora existerent, affiximus organa nostra, quia nos ab omni lætitiæ carmine subtraximus non ea solum ratione quòd captiui essemus; sed quòd tantis angustijs, & cruciatibus cum prememur, cantica nobis illi exigere. Citharas vocat D. Hieronymus, instrumenta illa videlicet, quibus hym-

nos, & psalmos canere solebant; ea enim ad concinendas laudes diuinas attulerūt. Cur autem illa gestauerant, quibus vsuri non essent? à Deo hoc ita prouisum fuit, quò in aliena regione Syon ipsius monimenta haberent, & angerentur magis, atque acrius ferrent, dum religionis, & cultus Dei signa viderent, atque inuenerent, Anagogice. Habent autem organa sua ciues Hierusalem, videlicet scripturas Dei, eiusque promissa; sed cum in medio Babylonis degunt, in salicibus ea affigunt, Quae sunt arbores non fructuosae; & licet a fluminibus rigentur, nullum tamen fructum ferunt. Itaque sicut sunt homines auari, & in omni opere bono steriles, sic babylonis ciues; Reperiuntur tamen, qui extra eam existunt, idest qui non tanto seculi appetitu, atque oblectationibus obruuntur; qui autem in eius medio sunt, hi valde prauisunt, & ligna sterilia, tanquam Babylonis salices. Nonnulli salicum nomine fideles simplices intelligunt; quemadmodum. n. illa arbores sunt ad nutum flexibiles, ita & fideles prauis semper obediunt, licet affligantur; Et sicut salicis ramus, si iuxta aquas plantetur, statim viret, ac frondescit, sic peccator quauis lapsus fuerit, si legat sacras scripturas, & à viro sancto Dei verbum audit, viret eius anima, & ad poenitentiam conuertitur.

Quoniam illic interrogauerunt nos verba cantionum, & qui abduxerunt nos, hymnum cātate nobis de canticis Syon.

Tripliciter verba hec, serio, & cum irrisione
 & cum quadam miseratione dicta exponi pos-
 sunt; Qui serio opinantur, captiuos non parum lucri,
 ex eo fecisse aiunt, quod Babilonij instarent, vt canti-
 ca illorum audirent; desiderio ardere praeferentes;
 Nam qui legem omnino conculcauerant, in aliena
 terra ita nauiter se gesserunt, vt uel minitantibus bar-
 baris, atq; auscultare cupientibus nec morem gerere
 uellent, at legem anteferrent, eamque diligenter ob-
 seruarent; ex quo uel maxime apparet, quam fortes
 reddat afflictio; flebant enim illi & legi parebant.
 Ex eo etiam misericordia plurimi commouebantur,
 quoniā eos non angere intuebantur, quia captiui essent,
 nec seruitutē deplorare, nec q̄ in aliena regione habita-
 rent, sed quod Dei sui cultu excidissent. At plerique
 cum irrisione interpretantur, quod mihi quoque arri-
 det; Quoniam illic idest in Babylone interrogauerunt
 nos irridentes; qui duxerunt nos scilicet ad has mise-
 rias, uerba cantionum idest canticorum vt responde-
 remus tentantes, atque carmina caneremus. Et qui
 abduxerunt nos, impij Dæmonis satellites scilicet a
 societate angelorū, dicebant, hymnū cantate. Hierony-
 mus legit, & qui affligebāt nos, lati canite nobis de cā-
 ticiis Syon idest qui torquebāt nos prepositi dixerunt
 nobis quasi illudentes: canite lati, uel in letitia con-
 cinite nobis.

Quomodo cantabimus canticum
 Domini in terra aliena.

Cur in terra aliena canere non permittebantur? Quoniam a profanis auribus arcana illa verba audiri non decebat; captivi ergo respondent, nobis cantare non licet; & si. n. à patria exules sumus & vos corporum dominatum habeatis, animum tamen non vincetis. Ex quo perspicitur, animam ab afflictione ad sapientiæ studium fuisse traductam, & ærumnis atque calamitatibus superiorem exstitisse, Quomodo canticum Domini, inquit, ad diuinum cultum spectans in terra idolis seruiente, & in hac confusione & miseria concinemus? Vnde non negat cæterus ille, quin in peregrinatione cum mœstitia tamen ac luctu cantilenas cantaret; at in lætitia, vt in illa Syon, & gaudio, ac felicitate, inficiatur.

Si oblitus fuero tui Hierusalem: obliuioni detur dextera mea.

Vide mutationem magnam. Nunc captiua illa congregatio sibi dira precatur. Si non recordatus fuero tui o Hierusalem, obliuioni mandetur dextera mea, id est arefcat manus mea, & nihil sensus in ea relinquatur, Et vires meæ me deficiant. Sciendum est, quicquid pro adipiscendis æternis rebus laboris suscipimus, dexteram nobis præstare; si vero terrenis animum adiiciamus, sinistram insinuare se, quasi delectemur tanquam dextera, æterna amittimus. Hieronymus legit in obliuione sit dextera mea: Deum autem in

sem in obliuionem illius venire dicitur, si non amplius ei auxilio ipse fit.

Adhæreat lingua mea faucibus meis, si non meminero tui.

I Desi mutus euadam in Dei laudibus propter malorum magnitudinem & obmutescam, si vnquam meam tui memoriam delebit obliuio.

Si non præposuero Hierusalem in principibus lætitiæ meę.

Si non solum alijs in rebus, sed in hymnis etiam & canticis, videlicet in præmio cantici ipsam non posuero, idest si præ ceteris rebus omnibus memoria non tradidero tanquam illam quę inter omnes oblectationes meas primum locum teneat, & omnis lætitiæ meę, gaudiique præcipuum caput sit; Vel si omni gaudio ac lætitiæ, quę mihi euenire posset, pro ciuitate Hierusalem luctum ac fletum non præposuero. Nonnulli tres hos versus ad Christum referunt, qui afflictationis eorum misertus respondeat, ò Hierusalem in hoc statu, in quo captiua es, cruciaris, & pœnitentia adducta reuerti cupis, vt mihi inseruias, polliceor tibi &c. at hæc mihi sententia non arridet, nec in Christum reſte huiusmodi execratio cadit, Vnam animam ex multis sanctam, captiuā tamē hæc effari cum D. Augustino sentio, quę hoc atroci se nexu obligauit. Sed nos discamus, et non obliuiscamur idem euenire nobis posse, ut quęramus ea, à quibus excidimus; Sed illi quidē cum exularent apud Babylonem, spe reditus

ad Hierusalem sustentabantur; nos vero a teſtī illa excidētes de reuerſione nullā habemus; ideo diligētius attēdere nos oportet & in pſenti vita ſic pſtare nos, ut captiui, ac remoti ab illa patria alieni futuri nō ſimus. Memoreſto filiorum Edom Domi-

ne in die Hieruſalem.

Hic propheta nomine cētus illius Sacerdotum & cantorum, cuius hoc de vlciscendis Babylonij & Idumeis, & populo terreno, qui illam afflixit, verbum eſt, deſiderio ciuitatis inflammati, petit a Domino, vt eorum vltor ſit ipſe, & ait: recordare filiorum Edom ſcilicet eorum quæ contra te fecerunt, ſclerū, & de illis ſume pēnas, quibus non ſatis erat ciuitatē capere; ſed inſtabant, vt illa funditus euerteretur, ac ne baſes quidem relinquerentur. Hi autem Arabes erant, qui vna cum Babylonij Iudeos inuaſerant, quos reprehendit propheta, quòd cum intercederet in re eos cognatio, hoſtibus acerbiores fuere. Memoria ergo tene, vt eos dignis ſupplicijs afficias in die Hieruſalem, vel Hieroſolymæ, calamitatis, vel in die reſtitionis & gratiæ. Edom autem dictus fuit Eſau ab illo lenticulæ cibo rubro, qui maior fuit, & carni valde deditus; Iacob vero minor ſpiritui; ergo Eſau omnes ventri deditos, ac voluptati ſignificat; Iacob vero cunctos indicat, qui ſpiritui ſeruiunt. In ſacra autem ſcriptura per Edom non ſolum illa pars Arabiæ intelligitur, quæ vltra Iordanem exiſtit, ſed populus etiam infidelis, qui ſemper populo Dei aduerſabatur, & eius vaſtitatem procurabat. Et hæc exſtitit cauſſa, cur populum ſequentem Chriſtum, ac vene-

rantem, Edom appellarunt, eo quod ex ijs qui se conuerterunt infidelibus ad Christum, is conflatus fuerit, & quia populo Hebreo infestus sit.

Qui dicunt, exinanite, exinanite
vsq; ad fundamentum in ea.

Idest exinguite Christi nomen, & eos, qui illum sequuntur, & ne vnus quidem supersit, Gemina-
tur verbum, vt maior intentio desiderij appareat, & cum hęc dicerēt filij Edom insectantes improbatum sunt, martyres autem coronati. Pœna, quam postea Idu-
mei Cambysis tempore dederunt, qui ipsius Idumœ, Syria, & Aegypti funditus vastationem effecit, ab Abdia pradicatur, cum ad Edom se conuertit: ergo qui vrgebant, vt Hierusalem radicitus euelleretur, & quicquid in ea erat, etiam fundamenta euellerentur, paucis post annis ipsi destructi sunt.

Filia Babylonis misera, beatus qui
retribuet tibi retributionem
qua retribuisti nobis.

Ciuitas ipsa Babylon dicitur, & filia Babylonis, quemadmodum Hierusalem, & filia Hierusa-
lem, succedere namq; filia, anteire mater narratur, vel filia Babylonis p ijs qui in ea sunt. Aliqui more Hebreorū pro filia Babylō filiam Babylonis dictā esse aiunt. O Babylon ob ea, quæ tibi contingent, misera, ruinam enim ciuitatis illi fore pradicat, quam Cyrus postea, & Darius populati sunt, ac vexauerunt, vel
in die

in die iudicii infelix. Beatus, quia Deus, vel si ad homines referatur, Beatus id est laude dignus & celebrandus ille, qui te afflictabit & prosternet, quam retributionem id est afflictationem nobis inflixisti, & quam plagam insanabilem nobis imposuisti. Hæc autem captiuorum verba fuerunt euerisionem inimicorum appetentium.

Beatus qui tenebit, & allidet paruulos suos ad petram.

Idest qui capiet, ac ledet, impingetq. paruulos suos i. eorum ad petram. Hieronymus, & græci legunt, tuos, ac meo iudicio rectius, id est tuos à Babylon infantem cum seuitia occident. Legitur enim à Cyro, & Dario e capitibus puerorum ad petram elisis cerebrum totum emanasse. Iram enim captiuos illos etiam contra immaturam ætatem habuisse constat. Ex quibus patet, quod sicut David captiuorum liberationem e seruitute Babyloniorum, sic Christum ab hoste Damone, & à peccato totum captiuum genus humanum redempturum esse, atque ecclesiam suam à ludæorum afflictione, & Hæreticorum nec non Antichristi tandem erepturum præuidit. Ἀναγορεύσας per filios Edom Demones, qui fideles cuiuscumq. animæ diuitias ad extremum vsq; fundamentum exinanire, & ad nihilum redigere conantur, per Hierusalem vnquamq; fidem animam; per miseram Babylonem, confusionem & impietatem ipsam miseria & arumnis refertam, per paruulos, primos peccati motus, vel nascētes malas cogitationes, atq; cupiditates interpretari

pretari possumus. Qui autem Daemonum tentationibus resisterit, & animam suam, quoad fieri potest, sanctā & purā prestare studuerit, in qua habitare benignus Deus nō recuset; impietatem vero destruxerit, et malas affectiones opprēsserit, antequā ex plus firmitatis, aut roboris habeant, & eas eliserit ad petram Christum, hic certe beatitudinem consequetur; vel qui hortationibus suis eorū filios, ne patrum scelerum imitatores fiant, retinebit, at ut ij peccato moriantur, & Christo viuant, adducet, is profecto beatus erit. Nos igitur Deo cantica canere non cessemus, si Babylonis salices, idest minime fructuosi esse nolimus; & assidue ipsius eterne & celestis Hierusalem memoriam teneamus, atque ad eam aspiramus suspirantes: nam quo prætī spes nostra, sequi debet vita; ibi enim cum Christo erimus, quod nec suspirari auderemus, nisi veritas ipsa nobis promitteret; et rogemus Deum, atque obsecremus, ut a filiis Edom, idest ab ijs qui voluptatibus, ac ventri toti dediti sunt ac Damoni & eius satellitibus subiecti obediunt, qui nos euertere nituntur, nos liberet, & lumine suo illuminet, quo vitia nostra agnoscamus, & illa elidamus, ne vnquam nocere nobis possint; nec captiuos illos, qui ira ducti inimicorum ultionem maxime appetebant, imitari nobis libeat, sed nos qui misericordis domini discipuli fidissimi esse profiteamur, eiusmodi vota non faciamus, sed ei pareamus, qui nos diligere inimicos iubet, & pro ijs, qui nos maledictis insectantur, orare, ut deinceps in terra tanquam in celo habitemus; sic enim contra mundi huius tentationes

armati

456 PAVLLI SACRATI

armati & nostrum hic celestis Hierusalem desiderium augebimus, & illuc cum pervenerimus, summa Domini nostri Iesu Christi benignitate omnem illius expectationem explebimus, ac futura bona assequemur, qui semper est benedictus. Amen.

F I N I S.

Index Psalmorum, qui hisce Sacratibus Commentarijs explicantur.

A d te leuavi animam	24.	Pag.	302.
Appendix in Iesu Christi Passionem.			268.
Appendix in Pœnitentiam.			444.
Beati quorum remissæ.	31		325.
Beatus vir, qui non abiit.	1		5.
Cæli enarrant gloriam.	18		113.
Confitebor tibi in toto.	9		105.
Conserua me Domine.	15		184.
Cum inuocarem, exaudiuit.	4		33.
De profundis clamaui.	129		414.
Deus Deus meus respice.	21		147.
Dixit insipiens in corde.	13		165.
Domine Deus meus in te speraui.	7		75.
Domine Dominus noster.	8		94.
Domine exaudi orationem meam.	101		402.
Domine exaudi orationem.	142		432.
Domine in virtute tua.	20		235.
Domine			

		461
Domine ne in furore tuo,	6	Pag. 61.
Domine ne in furore tuo.	37	336.
Domine quid multiplicari,	3	25.
Domine quis habitabit.	14	176.
Domini est terra,	23	295.
Dominus regit me.	22	289.
Eruclauit cor meum.	44	360.
Exaudiat te Dominus.	19	227.
Exaudi Domine iustitiam,	16	197.
In Domino confido.	10	138.
Iudica me Deus	42	353.
Iudica me Domine.	25	317.
Miserere mei Deus.	50	380.
Quare fremuerunt gentes.	2	13.
Saluum me fac.	11	148.
Super flumina Babylonis.	136	449.
Verba mea auribus percipe.	5	46.
Vtque quo Domine obliuisceris,	12	157.

Errata sic Corrigenda.

Pagina	err.	corr.
Pag. 3. lin. 5.	conscriptas,	conscriptos,
ibid. 9.	tradita,	traditos.
5	24 Et quid diuino	ne quid diuino.
11	7 deiecta	deiecti.
15	21 p nos ipsos effici,	p nos ipsos hoc effici.
18	23 latini hoc verbo,	latini autē hoc verbo.
19	18 honore illum	honore illos.
22	25 seruitutis iugū,	seruitutis, inquit, iugū.
23	3 caritas seruitutis,	caritas et ā seruitutis.
		pag.

pag.		err.	cor.
Ibid.	7	ne hæc lætitia,	ne hac lætitia.
25	28	Absalonem patrē.	Absalon. n. patrem.
26	13	infra dicitur,	infra dicitur.
29	4	celebris factū sit,	celebris factus sit.
37	27	more uotum,	more vatum.
43	16	bene sperare,	bene sperare.
49	vk.	se intueri	se cupere intueri.
51	26	quod non est,	quod non est, idest mendacium declinans.
57	20	alijs iniet,	alijs incutiet.
66	11	id illud,	in illud.
68	21	inuolunt,	inuoluat.
77	20	spem posuit,	spem posui.
81	27	punire est effectus enim ire,	punire enim est effectus ire
83	19	quo ut alij,	quod ut alij.
86	21	ambulat,	ambulet.
89	2	præferre,	perferre.
97	20	interfecis,	interfectis.
100	18	viferi,	viferit.
110	16	sed exurge,	vel exurge.
125	22	illis verbis: immunda existunt: adde, le git Hieronymus: parturient viæ eius in omni tempore idest meditantur, quomodo innocentes opprimant.	
127	6	oro. i.	ero.
128	4	per bona	plena.
130	15	violentia,	violentiæ.
131	1.	resistentibus irrogauerit	resistentibus supplicia irrogauerit.
ibid.	24	tux tuleræ	tux tutelæ.
135	5	alibi videri bona,	alibi credo videre.
136	12	aptissima	aptissime
139	6	volant,	volans.
145	20	perficere nequeāt	perficere queant.
147	20	libentes,	libenter.
155	14	insidiis struunt,	insidias struunt.

pag.		err.	cor.
156	10	scdm altitudinē	vel scdm altitudinem
158	16	patrum vero; conquestio	Patrum ver: testamenti conquestio
p. 162 l. 2		molestiarum molestissimum	molestia- rum mihi molestissimum.
168	20	dedent.	debent.
177	10	ratione cum is	cum ratione
186	19	referantur,	referuntur.
190	5	ostenderem	offenderem:
203	5	inuocauit,	inuocaui.
210	8	in ac præ	in hac præ
223	26	committentur.	committantur.
225		deficit prima linea:	gatum esse agnoscam, angat que & sollicitus sum, vt
230	24	furura sit,	futura sint.
244	14	qui omnia	quia omnia,
245	9	se conuertendo	se conuertendi.
247	29	sciuentem	sciuentem.
251	29	erinde	perinde
266	3	largiter	largitor.
273	25	terræ	ferre
279	14	desunt hæc verba: tunicam inconsutile non diuiserunt, quia charitas diuidi nequit, verum eam ad for- tem reuocarunt.	
281	25	& vos	& nos.
290	12	diuinus, quæ,	diuinus quo
292	11	quo peccatori,	quo pœnitenti.
304	4	infecti,	infecti,
305	29	enim, & semper	idest semper.
311	15	me liberatum	me liberaturum.
312	10	& vitæ	vt vitæ
314	4	ab	ob
318	7	& meorum	& morum.
320	20	nunquam cum impiis.	
321	19	manus enim	manus. i. animæ.
322	ult.	perdor,	perdar.
324	14	scinter	sed inter.

pag.		err.	cor.
341	13	cum dilectum	cum delictum.
350	4	tantus ac generosus	atque generosus.
	cad. 14	vinam	utinam.
363 lin.	15	prædictinnem	prædictionem.
365	13	gladus	gladius.
367	18	ad recti,	ad recte.
371	2	casu,	casia.
391	27	quoam,	quam.
393	ult.	ad & ,	& ad
394	11	atque diuina	ac diuina.
397	26	sicut ante	sicut ea ante.
398	10	perspexerat	perspexerat.
Ibid.	15	prohiberet.	prohiberet.
407	2	quod flammam,	quæ flammam.
409	16	persequebantur,	persequebantur.
Ibid.	18	sit prædictio	sit prædictio.
411	24	qua fragilis,	quia fragilis.
435	20	persecutori, alias,	insecanti.
438	8	audissime,	audissime.
441	6	se ut	sed ut.
448	21	sine eleemosyna,	sive eleemosyna.
Ibid.	7	pœnitentia	pœnitentia.

F I N I S.



PAVLLI SACRATI

CANONICI FERRARIENSIS

IN DOMINICAM

Primam Aduentus Diem,

Homilia, siue Sermo.



Tſi ſcio vos, fratres cariffimi, miraturos eſſe, quo ego ſpiritu adductus ex acta nunc ætate ſacris concionibus vobiſcum agere inceperim, cum nihil vnquam de me tale cogitare in mentem vobis venerit, mihi tamen memoria repetenti, quid ſeruo illi contigerit, qui accepto à Domino ſuo talento vno in terra illud defodit, quòd ab illo ſibi metueret,

A

vt

ut ille postea priuatus eo fuerit, & cupienti illum imitari, qui talentis duobus donatus ita illa exercuit, ut alia duo lucratus fuerit, visum mihi est non cunctandum esse amplius, ut quibus donis benignissimus Deus me affecisset, eodem adiutore ijs uterer, ne deinceps in futuro iudicio difficilis, & magna eorum mihi reddenda esset ratio. Nam præclare mecum actum iri putavi, si tardius & aliquādo, quàm nullo vnquam tempore à me quicquam confectum esset. Itaque licet vobis hoc inauditum, atque insolitum sit, nihilominus orare vos atque obsecrare, sed & exorare me decet, ut hunc nouum hominem de rebus non nouis, at de ijs, quæ à sanctis patribus, atque doctoribus legendo accepit, ac didicit, vobiscum sermonem habiturum libenter, & attente

tente audire velitis; spero enim fore clementissimo Deo mihi propitio, ut ea, quæ maiestati diuinæ maxime consentanea, animabus vestris salutaria, & ad impetrandam à Deo gratiam valde utilia futura sint, intelligatis. Ac vnde nisi ab aduentu Domini nostri Iesu Christi potissimū or diar? Cuius quot modi existant, ut ignari, rudesq; harū rerum facilius hæc percipiant, dicendum est triplicem esse modum, videlicet in carnem primum iam absolutum, perfectumq; , Deinde in mentem quotidie, denique in iudicium posthac; eius autem primum, & secundum modum indicia fuisse amoris plena; tertium timorem incussurum esse; eum vero propter primum, & primum propter secundum celebrari. Ecclesia tamen Domini aduentum in car-

A 2

nem,

nem, consequenter & in mentem celebrans, cuius est primus hodie anniuersarius dies ab ea institutus, in precibus de aduentu ad iudicium meminit Lucæ Euangelium legens, ut illius timore deterriti adducamur ad parandum nos ita, ut magnificentissimo hospitio Christus à nobis accipiatur, & mente verbum conceptum, atque comprehensum retineatur; dicaturq; à nobis cum propheta; à timore tuo spiritum salutis concepimus. Nonnulli etiam quatuor aduentus modos legunt, duos, quorum vnus ante visus fuit, alter post videbitur; duos vero qui videri nequeunt, alterum quidem cum Christus in mentem iusti influit, alterum vero, cum in obitu fidelis cuiusq; adest, eosq; ab ecclesia quatuor dominicis diebus representari aiunt. Verum

rum vt ad primum reuertamur, fratres carissimi, sciendum nobis est, quòd Christus in mundum humilis venit secundum tempus à patre diffinitum, vt peccatores saluos faceret, quæ potissimum caussa exstitit, & vnicum remedium quod posset prostratis opem ferre, venit autem occultus, & nõ manifestus nisi ijs, quos nouerat suos fore: Quin Dæmonem ipsum fefellit, cui cognitus non fuit; non enim interrogatus fuisset, si filius Dei es; Quare autem humilis nos inuisit? propter Adæ, & Eux superbiam; nam illi obedire noluerunt, suæ vero propriæ voluntati morem gerere; inobedientia enim ex superbia emanauit, atque effluxit, non tamen primum ad peccandum impulit eum ligni pulcritudo, & gula, sed serpentis suasio, qui statim vt dixit, aperi-

rientur oculi vestri, & sicut Dijeritis, superbia in animos eorum irrepfit: Quod Augustinus dictum confirmat dicens hominem superbia elatum, & serpenti obedientem Dei præcepta contempsisse. Verum, fratres mei carissimi, animaduertendū est non sic ad nos accessisse Domīnū Iesum Christum, vt angelos deseruerit, cum illis ipse remansit maiestatem suam seruans, atque conseruās; ad nos se contulit, vt carnem fumeret. Ex quo liquido constat, quā excelsū locū obtineat humana natura. An non potuisset ille alio aliquo modo, vt pote æthereo corpore nobis apparere? potuisset certe; sed nisi factus fuisset homo, liberatus homo non fuisset. Ac duæ potissimum causæ afferuntur, cur verbum caro factum fuerit, vt ait D. Ioannes,

primum

primum quidem quatenus homo, ut omnia opprobria pro nobis tolerando nos ex vinculis peccatorum eximeret, & saluos redderet, quem Isaias quoque ait delictorum nostrorum poenas luisse; Deinde ut eos, quos sanguine suo redemerat, non solum doctrina, & fauoris auxilio, sed exemplo etiam suo à vitijs, & criminibus ad sanctitatis, integritatisque ac munditiæ tum corporis, tum animi studium traduceret: tertiam quoque causam reperio, fratres, fuisse, ut, cum summum is amorē erga nos suum demonstrarit, ac nimiam caritatem, ut ait D. Paullus, nos ad redamandum eum prouocaret; Et quomodo sine maxima reprehensione nos recusare possumus, ne mutuo amori respondeamus, cum nos ante magnopere diligi sentiamus? In se-

cundo aduentu manifestus veniet,
& non filebit, ait Daud, & bonis, ac
malis notus erit, atque formidolo-
sus; ignis enim in conspectu eius ex-
ardescet, ac magna cum claritate
venturus est, totum etiam mundum
dijudicaturus; licet. n. quando mori-
tur homo, anima statim ad iudicium
vadat, & Dominus ei retribuatur, se-
cundum illius opera; in Iudicio ta-
men generali etiam corporibus pro
eorum gestis rependet. Igitur non
filebit, quando etiam ij, qui cum mo-
do contemnunt, illius vocem audi-
ent. Signa autem aduentus Domini
ad iudicium recitat D. Lucas in Euā-
gelio, quod audistis, inquit: Erunt
signa in Sole, luna, & stellis, quæ iu-
dicio ante cessura sunt, quo homi-
nes ad illud se præparent signis ad-
moniti, ac se venturo iudici subijci-

oblat,

ant,

ant, qui propter auctoritatem, quæ
iudici debetur, gloriosus apparebit;
& quia ignoratur tempus determi-
natum, dies domini sicut fur venire
dicitur; in primo autem aduentu ea
signa necessaria non fuerunt, quòd à
prophetis tempus præcognitum es-
set, licet ipse D. Iesus Christus ad
nos occultus venerit; Augustinus ta-
men ait signa hæc ad Hierosolymo-
rum euersionem spectare posse. illa
vero quindecim, quæ scholasticæ hi-
storiæ scriptor in annalibus Iudæo-
rum ab Hieronymo inuenta esse scri-
bit, quòd auctoritate non nitantur,
mitto. D. Mattheus addit, quòd sol
obscurabitur, ac luna nõ splēdescet,
ac stellæ de cælo cadent; splendor
enim in Christo adeo enitebit, vt cla-
rissimis luminibus cæli tenebras of-
fundat, & stellæ decident, quando

con-

conspicietur in cælo filij hominis signum, idest crucis, quæ fulgebit, & sola elucebit, quoniam crux luna illustrior, & Sole præclarior diuini luminis illustrata fulgore vtriusq; splendorem superabit. Cur autem ea videbitur in prôptu ratio est, vt Iudæi cōsiliū iniquum suū agnoscant, quòd eum, quem venerari debuerunt, in crucem sustulerunt: hoc enim signū impietatis eos arguet; qui videntes accusatorem sero peccatum suum perspicient: quin & ipsa vulnera patefaciet Dominus Iesus, vt Iudæi ipsi oculis cernant, quem compunxerunt. Quàm terribile Iudicium illud futurum sit, quid opus est commemorare, cum etiam de illo cogitare nemo valeat, qui timore perterritus non contremiscat? Nam si virtutes cælorum commouebuntur, &

angelis

angelis timor iniicietur, quid euenturum nobis putamus, cum consciētia fraudum, & scelerum, quæ infinita in maiestatem diuinam edita sunt à nobis, nos stimulabit? Quæ cum ita sint, fratres mei carissimi, qui aduentum Domini nostri primum non cognouerit, quo modo se ad secundum præparabit? Ergo, vt inquit Paullus, dum tempus opportunum est, opera bona efficiamus, atque nauemus; Nam Dominus Iesus etiā nunc non silet, vt ait Dauid, si exstēt qui audiant; quotidie enim nos inuitat, nosq; appellat, ac prophetarum, & concionatorum vtens opera se redditurum, quod promisit; at requisiturum esse, quod redemit, & quod in primo aduentu dedit, in secundo se exacturum, sæpe prædicit. Quamobrem cum Ecclesia anniuersarium

sarium hoc festum agat, vt primi aduentus D. N. Iesu Christi memoria teneatur, & conseruetur, atque eorum omnium, quæ fecit, & docuit, non iniuria aliqui sancti patres tertium hunc aduentum appellarunt. Si igitur ad celebrandum digne sanctissimum natalis diem Domini nostri Iesu Christi festum, atque ad eius religiosissimum altare accedere volumus, in eoq; sanctissimum Christi corpus mandere, & sanguinem bibere; quid agendum nobis est ante, fratres? peccata nostra agnoscamus, eorumq; maculas poenitentia eluamus, oportet, quoniam hoc optimū est. Qui ergo expetit vitam, eamq; felicem degere cupit, cum virtute illam colat, mores conformet suos, se ipsum exornet: Nam si Rex, aut princeps aliquis ad nos diuertere vellet,

non

non ne domum totam lustraremus,
non ne munditiam omnem adhibe-
remus, ne oculos quicquàm hospitis
offenderet? Item si princeps alius ad
agendum natalem diem suum nos in-
uitaret, quibus vestibus induti, atq;
ornati incederemus quàm pretiosis?
Itaq; conari totis viribus debemus,
vt anima nostra diuersis virtutum or-
namentis castitate præsertim, ac mi-
seratione, & caritate prædita ad colē-
dum natale D. Nostri Iesu Christi
splendida candidaq; tute perueniat,
ac securitatem, in qua vita beata po-
sita est, tandem habeat. Dominus
enim Iesu Christus si nos ita diem
hunc celebrare cognouerit, non so-
lum visere nos, sed etiam nobiscum
commorari non grauabitur, vt scri-
ptum est, ego cum illis ambulabo, &
ecce hostium pulso, si quis aperuerit
michi,

mibi, ad illum ingrediar; & cum illis
cænabo; Quid enim beatius, quid
felicius cogitare possumus, quàm vt
digni reddamur Christum hospitem
recipere? Sicut D. Gregorio summo
Pontifici contigisse fertur, ad cuius
prandium, vt Christus Dominus ha-
bitu peregrinus veniret, dignus ab
eodem iudicatus fuit. Et è contra,
quid anima illa miserius, atque infe-
licius animaduerti potest, quæ tot,
ac tanta scelera commisit atque fla-
gitia, vt ei Dæmon dominari inci-
piat? horreamus igitur horribile il-
lud, ac pertimescendum iudicium,
fratres carissimi, quotidieq; immo
singulis horis de eo cogitemus; nam
cum illius vocem audierint ij, qui
scelerum suorum cōscientia, ex qua
timor exoritur, cruciati erunt, dicen-
tis: ite maledicti in ignem æternum.


quia

quia esuriui, & sitiui, vos nec cibum,
nec potum suppeditastis, vestitu nu-
dum non induistis, & huiusmodi, tunc
flebunt, & plorabunt: quid tum, cum
huic tanto malo remedium nullum
reperiri poterit? sicut contra; cum
boni audient: venite benedicti à pa-
tre meo, & in possessionem regni,
quod vobis paratum est, quia hæc
omnia religiose, ac sancte impleui-
stis, ac perfecistis, qua lætitia afficiẽ-
tur, quo gaudio exultabunt? Ergo,
fratres, in horum numero ut simus,
omnia moliamur, ac memoria tenea-
mus, quod in Euangelio ait Mar-
cus, vigilate, quia nescitis, qua hora
Dominus venturus sit, Iterum dicit,
vigilate. Si enim nos admonet Do-
minus, cur ei non credamus, cur nos
ei totos non dedamus? Quare quo-
ad vita suppetet, nobis ipsis deesse
noli-

nolimus, pauperibus misericordiam
tribuamus, neminem lædamus, nec
cuiquam suum auferamus, ieiunita-
te, ac macie corpus conficiamus,
assidua oratione Deum placemus;
nam si hæc fecerimus, polliceor vo-
bis nos tutos, ac securos iudicio af-
futuros esse, & illam suauissimam
vocem audituros: venite benedi&ti;
Dominum autem Christum nobis
propitium fore, atque in suam clien-
telam, atque in regnum vti fra-
tres, & ipsius coheredes
esse recepturum. Qui
viuit, & regnat in
secula seculo-
rum.

Amen.

EIVSDEM



EIVSDEM
IN DOMINICAM
SECUNDAM
ADVENTVS.



Vperiore sermone, Fratres
carissimi, de aduentu Do
mini, & quot ij sint, copio
se diseruimus, & quomo
do nos præparare oporteat, vt Do
minum nostrum Iesum Christum ho
spitem accipiamus; Et quibus nos
virtutibus ornatos esse deceat, vt il
lius sanctissimum Natale solenne ce
lebremus. Hodie à Ioanne Baptista,
qui videns Iesum ad se venientem ex

B

clama-

clamauit: *ecce agnus Dei, ecce qui tollit peccata mundi: & vocem illam cælestem audiuit; Hic est filius meus dilectus.* quæstio mouetur, vt modo intellexistis, cum Euangelium legeretur, an ille ipse sit, qui venturus est, an alium expectemus; in qua dubitatione tollēda cum doctores inter se dissideant, nosq; varias opiniones allaturi simus, obsecro vos, vt me diligenter attendatis, quò vnà mecum quæ magis sit verisimilis, dijudicare queatis. Inquit ergo D. Matth. *Cum audisset Ioannes in vinculis opera Christi*, à quibus audierit, constat, quòd à discipulis suis, qui omnes Christi actiones ei narrauerunt, non animo sincero, ac puro, sed stimulante inuidia; nam & alibi conqueruntur inquientes: *Rabbi qui tecum trans Iordanem erat, abluit, & om-*

nes ad eum proficiscuntur ; Quòd autem contra Dominum superbe agerent , ex eo patet ; quòd accesserunt ad eum inquentes : *quare nos frequenter ieiunio affligimur , tui vero minime ?* Ac dum Ioannes cum ipsis erat , de Christo illis assidue suadebat ; obiturus autem mortem maiori diligētia utitur ; verebatur enim ne ij aliquid peruersi dogmatis imberent , quod eos à Christo alienaret , cui omnes commēdare studuit ; *Mittens duos de discipulis* , perspicaciores , qui inter ipsum , & Christum discrimē nossent , ait illi , *tu es qui venturus es , an alium expectamus ?* Non nulli arbitrantur Ioannem tanquàm pium vatem , quem venturum esse credidit , non sensisse cum moriturum , non fide igitur , sed pietate dubitasse sicuti & Petrum : Grego-

rius ait Ioannem quidem non dubi-
tasse illum esse Mūdi redemptorem;
sed inquirere, an qui per se in mun-
dum venerat, per se ad inferos descē-
surus sit; Hieronymus vero ait: Ego
ad infernas partes descensurus sum,
manda mihi vtrum ibi aduentum
tuum nunciare debeam, sicut supe-
ris nunciaui; an non deceat filium
Dei, vt is mortem gustet, & ad hoc
alium missurus sis? Sed Cyrillus nus-
quā in sacra scriptura legi ait, quòd
Ioannes Christi aduentum inferis
prædixerit. At considerandum est
eos non ea ratione dixisse Ioannem
inferis Christum venisse prænuntia-
turum, quòd aliqui non credentes
se ad Christum conuertant: ridicu-
lum enim fuisset hoc illum dixisse, vt
illuc abiens prædicaret, cum vita tã-
tum præsens à Christo gratiã ineun-
di

di tempus tribuat, post obitum vero Iudicium futurum sit ac supplicium, nec ibi præcursores opus sit, sed ut Iustis in expectatione existentibus, & vicinum esse aduentum audientibus consolationem non modicam afferret. Cæteri autem inquirunt Ioannem discipulorum suorum ignorantia consuluisset, ut enim ij scirent alium ab eo prædicatum non fuisse, ad intuenda eius opera illos misit, quæ auctoritatem dictis suis afferrét, nec alius expectaretur Christus, quàm cui opera testimonium dedissent, perinde ac si diceret: ite, videte, & credite, quia non est alius quàm ipse, qui venturus fuerit, & hanc veram esse sententiam ex respóso Christi conijci potest, quam ante Hieronymus attingit inquirens, Ioannem ab Herode occidendū ad Chri-

stum discipulos misisse, vt occasione hac virtutes, & signa videntes in eū crederent. *Et respondens Iesus ait illis, renuntiate, quæ vidistis*, sciens Iesus, quó eos animo misisset Ioannes, & causam eorum aduentus, tunc plura miracula edidit; operum enim, ac rerum testimonium verborum testificatione credibilius est; vnde confestim cæcis visum, ac lumen, claudis ingressum rectum, leprosis mundiciam, surdis auditum restituit; præterea pauperes, vel spiritu, vel certe opibus euāgelium audiunt, quibus prædicatur, vt nulla inter nobiles, & ignobiles, diuites, & egenos in prædicatione differētia intercedat. Hæc enim Magistri rigorem, & eum vere præceptorem comprobarunt, quia æqualis est omnis apud eum, qui saluari potest: Et eum vere mundi
di

di Saluatorē esse primo ex Isaia, qui hæc miracula narrat; deinde ex eorum abundantia, denique ex potentia cognoscere licet. *Et beatus, qui non fuerit scandalizatus in me*, Christus percellit Ioannis discipulos, qui erant inuidi, nec credebant, beatus qui in infirmitate, & humanitate mea de diuina potentia mea non dubitauerit, sicut latro, nec deterritus fuerit, ne mihi tanquam saluatori fidem adhibeat, me purum hominem existimans, nec ruinæ occasionem dederit; Mira quidem facio, sed contumeliosa perpeti non recuso, & ego Ioannem moriendo sequar. Cauere igitur homines debēt, ne in memortem despiciant, qui signa venerantur. Attamen cruce potissimum omnes offensi sunt, etiam apostoli; Iudæi vero penitus alienati. *Illis autem*

ab euntibus capit dicere de Ioanne. Qui recesserunt iam per signa, quæ viderant de veritate certiores facti, sed turbas sanari oportebat, quæ mittentis consilium ignorabant, ut illæ Ioannem non sibi, sed discipulis quæsisse scirent, ne eum liuore motum esse suspicarentur. Vnde illum laudare incipiens Christus absentibus discipulis eius, ut adulationis notam fugere nos doceat præsertim in conspectu eorum, quos commedamus, eas alloquitur, *Quid existis videre in desertum?* id est cur dimittentes ipsas ciuitates in solitudinem venistis? non enim plebs tanta ad eam accessisset, nisi magnum quendam, & petra solidiorem videre existimasset; At animaduertendum est, quod tunc non exierunt turbæ, sed Christus præteritum refert, quia frequen

ter

ter è ciuitatibus egressæ fuerant :

Arundinem vento agitatam ? leuitatē à Ioanne remouet ; arūdo enim mox vt aura eam attingit, inflectitur, talis non erat ille, quem nihil inflectebat, nec de statu suo dimouebat :

Hominem mollibus vestitum ? idest pretiosis vestibus indutum ? an is, qui locustis viuit ; & pilis camelorum induitur, gloria inani captus ex prædicatione lucra quærat ? *Ecce qui mollibus vestiuntur in domibus regum sunt*, vt mordeat adulatores, qui hæc venantur. Ex hoc arguitur eos, qui austeram vitam degere cupiunt, vt Deo grati existant, aulas principum, & palatia ampla vitare oportere. *Prophetam* ? à loco, & vestibus, & ab hominum concursu Ioannis moribus descriptis eum etiam prophetā ait, cuius partes sunt futura prædicere,

cere, non etiam demonstrare, sed Dominus Iesus Christus eum etiam plusquam prophetam appellavit, quia præcurrens eum, quem prædixerat, etiam digito monstravit, & cæteris in eo maior, quòd ad illud prædicendi munus priuilegium hoc accessit, vt Dominum suum ablueret. *Hic est enim de quo propheta, Ecce mitto angelum meum, verba patris ad filium ex Malach. angelum officij dignitate non naturæ, idest nuncium, quia venturum esse dominum nunciavit. Ante faciem, idest manifestā cognitionem tuam, Qui praparabit viam meam ante te, idest aperta tibi reddet auditorum corda prædicans, vt eos pœniteat. Amen dico vobis inter natos mulierum, non virginis, non surrexit maior, & si æqualis: nam cæteris Ioannem non prætulit, sed cum alijs*

alijs sanctis eū æquauit; Et sic Christus de illo sententiam suam tulit. Quem imitari certe debemus, quantum possumus; is enim vitam vivebat cælestem, necessitatēq; naturæ superabat, nec timore mortis, nec amore mundi huius formam Iustitię deserebat; vestitu vili utebatur, quo uti ad virtutem si non spectasset, nequaquam eum propter vestimenti sui austeritatem laudasset; Et quantum D. Augustinus de quo legitur, quòd nec nimis nitido, nec nimis abiecto vestitu utebatur, inquit, in huiusmodi rebus non vsum, sed vtentis libidinem in culpa esse, quisquis. n. rebus restricte magis vtitur, quàm mores postulāt eorum, quibus cum viuit, aut intemperantem illum esse, aut superstitiosum; quisquis vero eas sic adhibet, vt consuetudinis bonorum

norum metas transfiliat, quibus cum
versatur, eum aut aliquid significa-
re, aut flagitiosum esse, de ijs tamen
qui cum aliquo religiosorum cœtu
viuunt, non de ijs, qui in solitudine
degunt, loqui videtur; ornatus ergo
& sordes pariter fugere oportet, alte-
rum enim delicias, inanem gloriam
alterum redolet. Nam quàm pericu-
losū sit mollibus vti vestibus, ex hoc
patet, quòd animam illæ rigidam dis-
soluunt; Et tamen sacerdotes nostri
hoc tempore multos in his sumptus
faciunt, qui certe agerent præcla-
rius, si quæ superfluunt, atque redū-
dant, in Pauperes erogarent, ac me-
moria tenerent, quod Christus ait à
diebus Ioannis vsq; nunc cælorū re-
gnum vim pati, atq; à violentis rapi,
qui huius doni factus cū sit minister
præscribendi formam pænitenti-
bus,

bus, prædicare cœpit eos, quos peccatorum suorum valde pœnituerit, regnum cæleste consecuturos, à quo cum alieni ob peccata facti simus, satisfaciētes, & valde nos affligentes, & vehementer peccasse dolentes labore, & violentia illud rapere dicemur. Quis ergo erit tam amens, vt vim sibi modico tempore non adhibeat, vt carnem spiritui subijciat, ac naturæ deliciarum appetitum deneget, & has mundi illecebras fugiat, quò regnum cælorum acquirat, & cælestem patriam perpetuo habitet? & quod natura quis terrenus existens non valet, id virtute assequatur? Certe, fratres carissimi, non me latet sine violentia fieri non posse, vt vnusquisque cum patientia iracundiam, cum paupertate copiam, & rerum affluen-
tiam,

tiam, cum sobrietate vinolentiam, cum castitate luxuriam, cum humilitate superbiam commutet, at ille homo, qui talis euadet, sic regnum cælorum diripiet. Non ergo desides, non delicati, sed violenti rapiunt illud, qui magnam non alijs, sed animæ suæ vim adhibent, omni eam rerum præsentium voluptate fraudantes. Munda ergo corda, & corpora nostra reddamus, vt Christus in nobis nihil sordidum, nihil foedum reperiatur, nihil quod eius oculos offendant, & hoc tempore magis, quàm vnquam antea eleemosinas largiamur, misericordiamq; tribuamus, & castitatem penitus conseruare cogitemus, vt ad sanctissimum natalis D. N. Iesu Christi diem festum celebrandum puri, & nitidi Deo propitio appellamus, & ad altare domini

conscientia

conscientia tuta accedamus ; nam
 cum hora obitus nostri appropin-
 quauerit, ad regnum cæleste vt per-
 ueniamus feliciter, hoc dono
 afficiet nos Iesus Christus,


Qui viuit & regnat

sempiternis


seculis

benedictus,

Amen.



EIVSDEM



E I V S D E M
IN DOMINICAM
T E R T I A M
ADVENTVS.



Agnum Ioānis ingeniū,
magna illius constantia,
fratres carissimi, confide-
randa nobis ante oculos
proponitur, qui cum ab omnibus
haberi potuisset Christus, siue Mes-
sias, summa enim de eo tūc erat opi-
nio, sibi arrogare noluit, quod suum
non erat. ò miram Ioannis pruden-
tiam, atque sapientiam; Sed Iudæi,
quodd humana quadam perturbatio-

ne

ne afficerentur, & mundi gloriam affectarent, cum Christo inferiorē esse indignum arbitrabantur multis rationibus adducti, quæ eius claritatē demonstrabant, primū genus illustre, Principis. n. Sacerdotum filius erat. deinde eius vita penitus solitaria, victus, & vestitus asper: denique humana rerum omnium cōtemptio. contra, Christus obscuro genere natus, quod ei sæpe exprobrarunt: *nonne hic est fabri filius?* cuius vita communis erat, & vestimenta à vulgaribus non differebant; & qui cum omnibus versabatur, ut omnes ad se alliceret; cum ergo Ioannes assidue ad Christum mitteret, longe ut ipsi opinabantur, eo inferiorem, ægre ferebant, atque erubescébāt, quia illum magistrum, quàm Christum habere maluissent, palam tamē id dicere for-

midabant; Quare non quoslibet
ad eum, non seruos, vt ad Christum,
cum in sermone eum deprehendere
cuperent, sed honoratiores, ac maio-
ris nominis miserunt, vt ab eo scirēt,
si esset Christus: auctoritatis. n. eius
præstantia; quia abluere ausus est,
valde mouebantur. Verum, fratres
carissimi ex euangelio habetur, quod
modo audistis, quòd *miserunt Iudei ab
Hierosolymis Sacerdotes & leuitas*, vt in-
terrogarent eum, Iudei vt cognati Ioan-
nis Baptistæ ex Sacerdotum stirpe or-
ti, sacerdotes, & leuitas mittunt tan-
quam proximiores, qui magna cum
veneratione sciscitantur (quo officio
Iudæos cum Christo sanctos esse nō
legitur) *Tu quis es?* sic. n. fide dignum
illum existimauerunt, vt de se dicen-
ti credituri essent; Ioannes vero ex in-
terrogatione sacerdotum, & leuita-
rum

rum timiditatem præferentium suspicionem cognouisse videtur, num ipse Christus est, qui abluit, sed apertius illum nominare cauentium, ne temerarij viderentur; vnde veritatē confessus est, nec negauit vsurpando sibi diuinum nomen, & confessus est quia non sum Christus; negauit planè inquit Gregor. quòd non erat, sed veritatem inficiatus non est, vt eius membrum fieret, cuius sibi nomen fallaciter non vindicaret. *Quid ergo Helias es tu?* mouet quæstionem Gregor. quia hoc videtur Christi dicto aduersari, quam soluit inquiring a Domino Ioānem, quo ad spiritum Heliam vocatum fuisse, ipsum vero se Heliam negare quantum ad personam attinet: nouerant. n. Iudæi Heliam Christo antecessurum esse; non. n. Christi nomen apud eos ignotum erat, sed

illum esse Christum non existimabāt
& cum eum esse vêturum sperarent,
in præsentem inciderunt, *Propheta es
tu?* nō: plusquā. n. propheta erat, quia
non prænuntiabat sed præsentem
ostendebat non sum, ait, vnus ex illis,
ex quibus me arbitramini esse, aut il-
le, de quo scriptura Deutoronomij
loquitur, prophetam suscitabit, quæ
de Christo iuxta litteram exponitur.
*Quis es, vt responsum demus ijs, qui miserunt
nos?* ne absque responso reuertamur,
dic quis sis; nam te de Christo prædi-
care audiuius, quid de te ipso asse-
ris? nihil. n. nobis notum facis. *Ego
vox clamantis in deserto. s. sum, officio
videlicet, vox verbi carne induti, vni
genitus. n. filius verbum patris voca-
tur, & vox primum sonat, vt verbum
audiri queat: Dicit ergo Ioannes se
esse vocem non clamantem, sed cla-*
mantis

mantis videlicet illius, qui stabat, & clamabat, *si quis sitit, ad me veniat*, & vociferatur, ut & qui à dicēte procul absunt, audiant, & qui ad audiendū tardi sunt, earum rerum, quæ dicuntur, magnitudinem intelligant; vel annunciat, quia veritas ab eo manifesta redditur; omnes. n. in lege prophetę obscure loquebantur, quia eorū prædictio erat quasi sonus; vox autē quàm sonus verbo propinquior est, quia is auditur, deinde vox percipitur, denique verbum per vocem, sic ergo Ioannes ceteris prophetis Christo propinquior fuit. Quare cum vox sit animi interpret; animus autem. i: intellectus Dei filius existat, Ioannes vox, & huius animi interpret fuit, & eum mundo ostendit: In deserto autem clamat, quia Iudææ derelictæ salutem, & redemptionis solatium

prædicit. Et quid ait? *Dirigite viam domini*.i.parate in vobis viam per fidē & opera,quam dominus ingrediatur via.n.Domini sic dirigitur,cum veritatis sermo humiliter auditur,& vita ad præcepta præparatur: Ac vocis clamantis opus est, ut anima, quæ à Deo derelicta est, & a veritate declinavit, ad iter rectum faciendum reuocetur, sicut dixit Isaïas, cuius prædictio in Ioanne completa fuit, hoc. n.de eo uaticinatus est. *Et qui misse erant ex phariseis*, aliqui volūt legatos alios fuisse, sed mihi placet Chrysostomi opinio, vt ijdem ipsi sacerdotes, & Leuitæ ex phariseis fuerint, q̄ quoniam eum blandicijs allicere non potuerunt, asperioribus verbis eū provocare conantur, vt respondeat. *Quid ergo baptizas, si tu non es Christus,* qui auctoritatem abluendi habet,

neque

neque Helias, vt cum audaciæ quasi arguere viderentur, vnde inuidia plene patet: *Resp. Ioannes*, nam etiam inuidis veritatem dicit: *Ego baptizo aqua*. i. abluo corpora, *Ioannis. n. baptisma futuri indicium fuit*, nō spiritu, quia peccata condonare, nec relaxare valebat; erat. n. quædam in Christum venturū credendi instructio; cur autem abluat, ratio est, vt præcursoris ordinem seruet, sicut prædicando, & nascendo seruauit; *Medius autem vestrum stetit, quem vos nescitis*. i. inter vos versatus ē, & versatur tanq̃, ex vobis vnus, q̃ carne indutus apparens videri potuit, maiestas tñ, ac diuinitas cōspici nequiuit, qui vbique præsens est; humilis. n. non videbatur; vel medius tanquam Dei, & hominum internuncius existens, illos cum Deo coniungere volens; medius: n. in cor-

dibus eorum erat, sed nesciebant
eum, quia scripturas non callebant,
ergo medius stetit, intelligendum
est de nobis hominibus; cum. n. ra-
tionales simus, in medio nostrum
existit, eo quod cor in medio corpo-
ris principale insitum est: Qui er-
go verbum in medio corde gerunt,
non autem illius naturam cognoscunt
nec de quo fonte manavit, nec quo-
modo in eis exstet, hi verbum in me-
dio obtinentes ignorant, quod Ioan-
nes agnouit, exprobrans eis, quem
vos nescitis, scientiam. n. hic cogni-
tionem certissimam dicit, quia nec
quis est, nec vnde, perceperunt, *Ipse
est qui post me venit.* i. ante tempora dif-
finitum est, ut post me appareat, si-
cut nascendo, ita prædicando, monē-
do, & ad inferos descendendo: Nam
si meum baptisma perfectum esset,


alius

alius post me non appareret, aliam
ablutionem daturus, *Qui ante me fa-*
ctus est. .i. dignitate mihi antepositus
est, mihiq; anteit, post tamen na-
tus. .i. qui me honoratior, atq; clarior
existit *Cuius non sum dignus soluere corri-*
giam calciamenti. volens ostendere in-
ter eos nullam esse comparationem,
nimis. n. præ eo Christus excellebat,
inquit, tantum differimus, vt nec in-
ter vltimos ministrorū numerari me-
rear; Calceos. n. soluere ad vltimum
ministerium spectat; Itaque si se di-
gnum tantummodo dixisset, vt cal-
ceorum corrigiam solueret, sibi ni-
mis persuasisset. *Hæc in Bethania facta*
sunt, ubi erat Ioannes abluens, duæ. n. Be-
thaniæ erant, altera trās flumen, pro-
pe Hierusalem altera. Græci tamen
Bethabara legendum esse admonēt;
Nam Bethania obedientię domus in-

terpretatur, Bethabara autem instructionis Domus exponitur; & est nominis interpretatio baptismati populum Domino instructum præparantis consequens. Quid de Ioanne excogitari potest humilior, fratres carissimi, quo inter natos mulierum non surrexit maior teste D. Iesu Christo? & tamen is se indignum censet, qui inter minimos Christi servos habeatur. cur nos superbi, & arrogantes, ac scelerum pleni tanti nos faciamus? quo nos in loco collocabimus, qui tantum ab eo distamus, quantum à cælo terra? certe superbia nihil est infanior, quæ omnium malorum causa existit, quæ omnem animi virtutem corrumpit, & Deum à nobis penitus abesse cogit. Ac præsertim superbo diuite quid miserius, quid infelicius? exempla multa afferre possemus; sed

ex-

experientia quotidie nos erudit, & ille inuitus è vita migrare repente cogatur, & alijs sua relinquere, quibus noluiſſet. Nos verò, fratres cariffimi, ne tale quid nobis accidat, Ioannem imitemur, quantum poſſumus humilem, bona noſtra ſuperflua præcipue in pauperes erogemus, transferamusque in cæleſtem patriam, ſi quæ nobis ſunt diuitiæ, illius voci credamus, quæ nos hortatur, vt delictorum noſtrorum nos pœniteat, ſi cælorum regnum aſſequi velimus; caſtitatē, munditiāq; adhibeamus, mōſuetudinēq;, & pietatē, ac miſericordiā colamus, quo puri, & nitidi ad nātale celebrandū D. N. Ieſu Xpi perueniamus; deniq; nos ipſos, & actiones noſtras ad p̄cepta ſeruāda dirigamus. Et D. Ieſus iter noſtrū ad cæleſtē patriā diriget. Qui viuit, & regnat æternis ſeculis glorioſus Amē.



E I V S D E M

IN DOMINICAM

Q V A R T A M

ADVENTVS.



Odie dominicum aduētus
Domini diem quartū cele
bramus, in quo Lucæ euā
gelium legitur, qui ea dila
tat, quæ D: Ioannes in superiori con
cione strictim attigit. Cuius opinio
mihi valde arridet, cum ea, quæ à no
stris gesta esse memorantur, quibus
principibus gentium, & Iudeorum
regnātibz acta sint, narrat, vt om
nes cognoscere valeant, nec fictioni,
nec ignorantiz locus relinquatur:

Quo-

Quomodo. n. negari hæc poterunt,
cum principum illorum annalia le-
gentur? Quo pacto Mardocheus ab
illo rege tā honorifice exceptus fuif-
set, nisi in illius annalibus, ipsius ge-
sta cōscripta fuissent? In prophetarū
quidem veterum sermone cum solis
Iudeis habito mentio tantum Iudæo-
rum Regum facta fuit; at in Euange-
lio, quod vniuersis gentibus annun-
tiandum erat, Tyberij Cæsaris à Lu-
ca dominatus describitur, quia to-
tius orbis Dominus videbatur; Ve-
rum quia oportebat & Iudæos crede-
re, hac ratione Iudæorum regna, &
tetrachiae ita vocatae describuntur,
Nec non sacerdotum principes no-
minantur Annas, & Cayphas Ioanne
prædicandī exordium capiente, An-
nas quidem illo anno, Cayphas vero
eo, quo Christus in Crucem actus est
præter-

prætermiſſis alijs tribus, qui inter eòs
interiecti pontificatu perfuncti ſunt,
de quibus Iosephus mētionem facit.
Factum eſt verbū Domini ſuper Ioannē,
i.e. ei mādatum eſt, vt prædicaret, quia
ſponte non venit, ſed eum Deus im-
pulit, vt eccleſia non ab homine, ſed
à verbo initium duxerit; nam ante vſ-
que ad hoc tempus in ſolitudine
Ioannes occultus fuit, vt nulla in ho-
mines cadere poſſit ſuſpicio, quòd af-
finitatis gratia hæc de illo teſtetur;
Verbum ergo factum eſt, vox ſecuta,
verbum inquam, eum ante intus ac-
cendit; vocis deinde officium conſe-
cutum eſt. *Et venit in omnem regionem*
Iordanis, quid ſignificat descendens:
Dei. n. filius descendit, aqua ſalubris;
Quæ. n. alia loca circuire debuit Ioã-
nes, niſi quæ Iordani vicina erant, vt
ij ad lauationem præſto eſſent, quos
pec-

peccatorum suorum uehementer poenit
tuisset. *Prædicans baptismum poenitentiae
in remissionem peccatorum.* i. suadens Iu-
daeis, ut delicta ipsi sua ualde agnosce-
rent, & admissa flerent, quo Christo
credentes, & meliores effecti subse-
quentem veniam facilius impetrarent
ablutio. n. Ioannis ad fidem Christi
præparabat, remittere, & condona-
re peccata non poterat, quia hostia
nondum oblata erat, nec spiritus san-
ctus in discipulos descenderat, sed
ablutione sua illam præcurrebat, qua
peccata condonantur. An autem Ioã-
nē abluere decuerit, S. Thomas qua-
tuor rationibus cōueniens fuisse ait,
primum quidem quia Christum ab
eo ablui opus erat, ut baptismum con-
secraret; deinde ut Christus manife-
stus redderetur; tertio, ut ablutione
sua homines baptismati Christi assue-

faceret; deniq; ad illud digne accipiē-
dum, vt homines poenitentes induce-
ret, *Vox clamantis in deserto.* i. in soli-
tudine, vox dicitur Ioannes uerbi
prænuntius, quia uox præit, uerbum
sequitur, quod antecellit. Qui in so-
litudine clamat, quia ut in antecede-
re concione dictum est, desertæ ac
derelictæ Iudeæ redemptionis con-
solationem annunciat. Quid uox de
uero prædicat, *Parate uiam Domini,*
rectas facite semitas eius. quia uult in no-
bis dominus uiam reperire, ut possit
in animas nostras illabi, & iter suum
conficere, præparate ei semitam. i.
uiam in corde uestro rectam; Magnū
n. est cor & spatiosum, capaxque nō
quantitate, sed uirtute, si tamen mun-
dum fuerit, cum tātā ueritatis sciē-
tiam capiat; Vel præparate uiam in
bonis operibus uersantes, & egre-
gia

gia facta nauantes, vt sine offensa ter-
mo Dei ad vos permanet, & myste-
riorum suorum aduentusque noti-
tiam vobis donet; omnis. n. qui ad fi-
dem rectam, & ad opera bona horta-
tur, quid aliud quàm venienti Domi-
no ad audientium corda viam parat?
Et qui in animo cogitationes mun-
das formatas habet, non ne rectas se-
mitas facit? *Omnis vallis implebitur,*
et) omnis mons et) collis humiliabitur,
quod de Domino saluatore di-
ctum est, neque. n. à Ioanne vallis im-
pleta fuit; ac si dicat, omnis se humi-
lem reddens extolletur, qui vero se
effert, humilis euadet: Elatos. n. &
superbos montis nomine, indicat, &
collis, desperatos, quia collis fru-
ctus nullos producit: Vel intelligē-
dum est, quòd mōtes, & colles, quæ
aduersariæ sunt potestates, Christi

D


aduen-

aduentu prostratæ sunt: Vel vallis impleta crescit, cum in fide Christi gentes edoctræ plenitudinem gratiæ accipiunt, mons, & collis decrescit, cum Iudæi ea, quæ illos superbos gignebant, ob perfidiam amiserunt. Quando ergo venit Iesus, & Spiritum suū misit, operibus bonis, & fructibus spiritus sancti omnis vallis impleta est, quos si perceperis, non solum vallis desines esse, sed & mons Dei existere incipies. *Et erunt praua in directa & aspera in vias planas.* praua recta fiunt, cum malorum corda ab iniustitia detorta ad Iustitiæ regulam diriguntur: & aspera in vias planas, cū immites, & iracundæ mētes per gratiam in eas infusam ad mansuetudinem, ac bonitatem reuertuntur; quod à potentia saluatoris actum est, quondam. n. iter difficile erat, eo quòd mundi voluptates

ptates mentes singulorum oppresse-
rant; vt autem Deus homo factus est,
plana omnia effecta sunt, & ad iter ca-
pescendum facilia; nec collis, nec
mons proficere volentibus impedi-
mento existit. *Et videbit omnis caro sa-
lutare Dei*, ostendens quod vsque ad
finem euangelij virtus longe, lateq;
diffundetur, atque cognitio, ex more
ferino, & obstinata voluntate ad mǎ-
fuetudinem, & lenitatem humanum
genus conuertens; Non solum autē
Iudæi, sed tota humana natura saluta-
re Dei videbit. i. patris, qui filium mi-
sit saluatorem nostrum, ergo omnis
caro. i. omnis homo cōspiciet, quod
in hac vita nisi per fidem non licuit,
in die iudicij, quando omnes hunc
electi, & impij pariter intuebuntur.
Pareamus ergo Ioanni nos hortanti
viam vt Domino præparemus, quo

is in mentes nostras influere queat;
& ut eum digne recipere valeamus,
animos nostros egregios, dignosque
efficiamus; Nam ut in prima Homi-
lia diximus, si princeps ad nos acce-
deret nobiscum hospitaturus, quid
non essemus acturi, ut mūditiā, lauti-
tiāque domum nostram ornaremus?
Ac primum ex corde peccata nostra
confiteamur iam optime compūcti,
& dolore affecti, quòd Dominum Ie-
sum Christum læserimus; satisfactio
quoque non desit, & pœna pro pec-
catis cōmissis luatur, quò ad nutrien-
dum nos Christi corpore sanctissimo
in die Natalis sui festo, quod appro-
pinquat, digne accedamus: Quā.n.
consolationem percipere maiorem
valemus, quā ut ipse libenter in no-
bis domicilium habere velit? instrua-
mus nos quoque, & virtutibus mu-
nia

niamus, actionesque nostras turpes, atque stultas horreamus, easque in optimas, atque constantissimas mutare studeamus, quæ ad fouendum nos Iesum Christum, & lumine claritatis suæ illuminandum alliciant: Elationem imprimis cupiditatēque, atque voluptatum illecebras fugiamus; sic in asperas vias, lenes, & prauas rectas reddemus; & salutarem Deum post obitum nostrum perspicere non solum nobis licebit; sed tuti etiam nos ad Iudicium accedere audebimus, illamque suauitate plenissimam vocē D. N. Iesu Christi, quæ ad eum nos inuitat, audire confidemus. Qui viuit, & regnat semper gloriosus Amē.



E I V S D E M

In Diem Natalem

D.N. IESV CHRISTI.



Odie, Fratres carissimi, In
credibili nos lætitia affici,
summoque cuncti gaudio
exultare debemus, qui
Dei clemētissimi benignitate ad hūc
anniuersarium Diem D.N. Iesu Chri
sti Natalem peruenimus, in quo pro
redemptione mūdi ipse nasci voluit;
Iusti certe, & qui præclara cōscientia
sustentantur, mirum in modū lætari
debent, quòd ad palmam assequen
dā, atque vigiliarum, ac laborum suo
rum præmium ferendum inuitantur:

pecca-

peccatores autē ipsos imprimis gaudere decet, qui ad pœnitentiam vocantur & veniam, quos, inquit Christus, non iustos vocare veni: Infideli animus accedere debet, quia ad vitā accersitur. Et quanuis omnes susceptæ pro nobis humilitatis actiones actæ à Christo, & patiēdo & surgendo ex inimicis triumpho finem habuerint, hodiernum tamē festum nobis nati ex Maria Iesu primordia sacra renouat, & dum ipsius ortum magnopere veneramur, nos nostri initij celebrandi suauem recordationem habemus: Quæ autem aduētus eius causa tunc exstiterit, perpendamus atq; examinemus. Ceterū vos, fratres carissimi, patientissimas mihi præbete aures, atque animum attendite. Ea nempe fuit, quòd Dēmon inuidia flagrans patrem nostrum seduxit, eiq;

vt Dei Opt. Maximi mādatis nō obediret, persuasit : Quare ille statim exul factus est, & stirps eius malitiæ, & omni peccatorum generi addicta radices egit, cui malo ingenti, atque infinito cum Deus immortalis consulere vellet, missis primo prophetis, qui prædicerent; deinde prodigijs & plagis, quæ multæ & maxime varijs temporibus inflictae populis fuerunt, atque impositæ; non tamen ita profecit mundus, quin mala quotidie infinita serperent. Vnde quia Dæmon hominem fraude sua deceptum diuinis caruisse muneribus gloriabatur; oportuit Deum secreti consilij transactionem exequi, vt homo illius uersuti iniquitate ad culpam adactus contra Dei propositum nō periret: Hoc autem vnum necessarium fuit remediū, vt aliquis præuaricationis ipsius

Ada-

Adami, quæ nostrorum exstitit origo
malorum, expers omnino esset, atq;
innocens; Ideo misit Deus filiū suū,
ut is carnem indueret semper qui-
dem existens, vt quatenus homo om-
nia pro nobis patiēdo peccatorum
vinculis nos astrictos liberaret, &
quos sanguine suo redemit, a vitijs
atque criminibus, non doctrinæ so-
lum auxilio, sed exemplo etiam suo
ad sanctitatis studium traduceret. Et
huius splendoris manifesta visio, qua
Christus mundo apparuit, missio vo-
cata est, Nam salua vtriusque naturæ
proprietae, & in vnā conuenien-
te personam, quod nisi fide apprehē-
datur, oratione explicari non potest
a maiestate humilitas suscipitur, ab
æternitate mortalitas, à virtute infir-
mitas; Et sic in carne Deus est, vt
mōrtem in ea delitescētem occidat,

& quemadmodum tenebrę in domo
existentes oblata luce dissoluuntur,
sic mors in humana natura domina-
tionem habens diuinitatis pręsentia
dissipata est; carnem .n. hanc male-
dictam sanctam effici, ac debilem red-
di potentem, de paradiso delapsam,
in cælum reduci opus erat. O inex-
plicabilem caritatem, atque bonita-
tem, quis vnquam talia excogitare
potuisset? Factus est homo, vt homo
fieret Deus; etenim in Dei natura ma-
nens patri ęqualis nunquam cogni-
tus fuisset; & sicut in initio mundi
fecit nos Deus in primo homine ad
imaginem, & similitudinem suam, in
hac die è contra Deus ad imaginem
& similitudinem nostram factus est:
sumpsit .n. humanam naturam nostrā
atque ad homines accessit, vt nos ad
Deum reuerteremur; mundum .n. su-
perio-

perio rem repleri oportebat ; diuinā vero non amisit, vt quos condidit, liberaret; & vt verus Deus remedium mundo afferret, vt verus homo exemplum præberet. Elegit autē ad hoc munus beatissimam Virginem Mariam, quæ grauida futura prius mente diuinam , humanamque prolem quàm corpore concepit, & ne altissimi ignorantia consilij ob inusitados sermones trepidaret, quid in ea à Spiritu Sancto conficiendum erat , ab Angelo didicit, neque detrimentum pudoris fore credidit Dei genitrix mox futura . Pauperem autem matrem sibi asciuit , vt diuinitas orbem terræ commutasse, & ab ipsis primordijs humanam superbiam cōculcas se agnoscat . merito igitur omnes lætitia perfundamur : quia Christus natus est, qui naturam generis huma-

niau-

ni auctori suo reconciliandam sum-
psit, vt inuentor mortis dēmon ab ip-
sa natura humana, quam vicerat, su-
peraretur. In quo conflictu æquita-
te mirabili certatum est, dum Domi-
nus cum sæuissimo hoste manum cō-
seruit, eandem ei formam, eandem-
que naturam ostendens mortalitatis
quidem participem, totius vero pec-
cati expertem; hanc. n. consulendi
rationem iniuit, qua ad destruendū
Dæmonis opus non potentia, sed iu-
stitia vteretur: ipse autem Dēmon
cum similem vniuersis naturam esse
animaduertisset, parem etiam habe-
re causam arbitratus est, quia vagiē-
tem, ac lacrymantem puerum vidit,
cuius astutia tunc illusa fuit; non. n.
cum cognouit, quem, si filius Dei es,
non interrogasset; ergo cum hæc
dies nobis illuxerit, exultemus, & mi-
rabilem

rabilem sacrę Virginis partum admi-
remur, quo vere humanam, vereque
diuinam vna prole naturam edidit.
Et tu ò Sanctissima Virgo Maria cū
lacte ale, qui te talē fecit, vt ipse in te
fieret, in sinu patris manens, quique
tibi fœcunditatem dedit, & virgini-
tatis decus non abstulit. Cum au-
tem Isaias dicit, *Generationem eius quis*
enarrabit? non solum de generatio-
ne diuinitatis exponēdum est, vt ait
D. Hieronymus, sed de hoc etiam or-
tu, quo verbum caro factum est, in-
telligi posse arbitratur D. Leo; quæ
verba non significant naturam Dei
in carnem mutatam esse, sed à verbo
in vnitatem personæ illam esse susce-
ptam, vt Christus Deus, & homo sit.
Et re vera quis illum explicare ora-
tione valet? omnem. n. intelligen-
tiam superat, & omne exemplum trā-
scen-

scendit; Nam ad intelligendum hoc
Natalis Christi mysteriū procul ab
sit, oportet, humana ratiocinatio, &
ab oculo illuminatæ fidei terrenæ sa-
pientiæ fumus, quia diuina est aucto-
ritas, cui credimus, & diuina doctri-
na, quam sequimur. Cur autem non
ab initio vitæ humanæ, sed extremis
tēporibus Dominus apparuit? causam
forte hanc fuisse quispiam arbi-
trabitur, quòd qui malitiam omnē
ablaturus erat, necessario tardauit,
vt omne peccatum ab inimico Dæ-
mone fatum, atque propagatum fur-
culos ferret, ac radices ageret; quæ
mora huius salutaris operis capaces
magis effecit nos ab eo vocatos esse,
vt quod multis signis, & vocibus præ-
nuntiatum fuerat, euangelij tempo-
re ambiguum non foret. Quando igi-
tur de via cuncti declinauerunt, &
inuti-

inutiles facti sunt; & quando iniquitas abundauit, tunc verè lucis radius enituit; tunc in tenebris sedentibus Sol iustitiæ ortus est, tunc carnem humanam indutus multa serpenti capita amputauit, & radici securim admouit; at si expectauit; inquit ille, ut eam auctam, radicibusque cumulatam malitiã euelleret, cur delere cunctam noluit, vt nullæ ipsius reliquię extarent? nã & tanta homicidia fiunt, & committuntur adulteria, vt nullus timori Dei locus relinquatur. Verum qui capita sustulit, reliqua ad exercitationem nostram permisit, fomitem uidelicet illum, atque appetitum, quo ad peccandum proni sumus; qui quanquam à lege Moyſis prohibebatur, non tamen refrēnabatur, immo exardescēbat; cuius rei duplex ratio affertur, altera quidem, quòd

quòd affectiones cum intus retinentur, inflammantur magis, sicut in dolore, & ira patet; cum autem foras prodeunt; eorum virtus imminuitur; altera vero quòd ea apprehédimus, quæ non prohibentur, quasi nobis integra sint, quando cūque libuerit, sed cum prohibita sunt, vt quædam magna appetuntur, quæ in potestate nostra non sint, ideo habita opportunitate ad illa obtinenda sine timore pœnæ promptiores sumus; Vnde data lege vetante, & non mitigante appetitus hominem ad peccádum magis impellebat. At lex noua & fidei, in qua Sãcti Spiritus gratia principalis est, per virtutes infusas appetitum ita mitigat, & vires inferiores adeo frænat, vt nobis illæ non noceant, quãdo eis consensum non adhibemus, & ad Deum confugimus. Nasci au-

tem voluit in Bethleem Iudæ Dauidis ciuitate, multiplici ratione, primum quia ibi Dauid ortus est, cui cū promissum à Deo fuerit ex fructu vētris eius Regem æternum nasciturū esse, illud solutum esse nuntiet; Dein de quia Bethleem domum panis significat, vt se panem viuum esse declaret, sicut D. Ioannes testatur; Denique tunc apparere, quando principes Iudæorum defecerunt, & imperium ad Romanos translatum erat, quibus Iudæi tributa conferebant, vt prædictio Iacob vera euaderet, nō ablatum iri sceptrum de Iuda, nec de sēmore illius ducem defuturum, donec veniat, qui mittendus est. Ibi quoque oriri eo tēpore illi placuit, quo, vt inquit D. Lucas, ab Augusto edictum emanauit, vt vniuersus orbis describeretur, & quilibet profiteretur,

teretur, idest Principi nomen daret
subiectionem ei pollicendo, Et re-
clinari in præsepio, idest poni, sicut
Isaias prædixit dicens: cognouit bos
possessionem suam, & asinus præsepe
Domini sui, Israel autem me non co-
gnouit, quia ei locus in diuersorio
propter gentium multitudinem non
erat. Verum, fratres carissimi, ut scia-
tis non Augusti, sed Christi censum
fuisse; si vniuersus orbis profiteri iu-
betur, quis eius professionem exige-
re poterat, nisi qui totius imperio po-
tiretur? non enim Augusti, sed Domi-
ni est terra, & plenitudo eius. Ac di-
ligētius intuenti mysterium aliquod
indicari videt, quod in totius orbis
professione oportuit describi Chri-
stum, videlicet, ut ipse cū omnibus
scriptus cunctos efficeret sanctos cæ-
lo eos ascribendo, & mundo sui cō-
munionem

munitionem præberet. Illud maximū iudicio meo miraculum reticere nequeo, quòd cum tot bella gererētur, & ingentia, & odio quodam atque dissidio alter ab altero dissideret, orro principe pacis Christo Domino, statim cuncta extincta fuerint, & discordiæ omnes sedatæ, vt vaticinatus est Isaias inquiring: & conflabunt gladios in vomeres, gens contra gentē gladium nō educet, nec vltra ad prælium exercebuntur. Et cum nocte Christus natus fuerit, quemadmodū tradit ecclesia, forte vt scribis, ac phariseis occultus esset, vt pote impijs, & sceleratis, Angelus pastoribus qui in eadem regione vigilabant, sic apparuit, vt ab ijs visus fuerit: nam lux circum eos fulserat, & gloria Domini, vt timuerint. Angelus autem fugato timore gaudium magnum eis


nunciauit, vt in Euangelio habetur, eo quòd illi sinceri efsēt, & antiquos patriarcharum mores colerent (innocentia. n. femita quædam est ad attingendam veram sapiētiam perducēs) videlicet exortū esse in tenebris lumen rectis corde, misericordem, & iustum Dominum. Sed quid est, quòd angelus pastoribus vigilantibus se perspicuum facit? Quia illi præ ceteris sublimia videre merentur, qui fidelibus gregibus sollicite præesse sciunt, dumq; ipsi super grege sic vigilant, illis gratia latius corruscat, vt mystice isti pastores gregum doctores quosq; , ac fidelium animarum rectores significant. Quare in terra canunt exultantes Angeli, Gloria in excelsis, Deo gratias agentes, quòd is suum ad homines aduentum reserauerit. Nos quoq; Angelos ipsos imitan-

imitantes toto corde canamus, ac tantum festum summa obseruantia, ac deuotione colamus, atque celebremus læti; non enim fas est mœstitiæ locum esse, vbi vitę natalis est dies. in qua splendor lucis augetur more diuino, non in comessionibus, & ebrietatibus, sed in omni humilitate, & cum tremore & gaudio; tremore propter peccatũ; gaudio propter spem exulemus: & in hoc pastoribus similes simus, qui vigilant, non enim nisi à vigilantibus Christus inuenitur. Et munditiam cordis concupiscamus; beatus enim ille est, qui Deum videt, eumq; in cōscientia gestat, atque id quod in nobis ipse redemit, ei offeramus, quid? animam nostram videlicet; At si quis interroget, quomodo animam, quam ipse in potestate habet, illi dicabo? nimi-


rum moribus sanctis, castis cogitationibus, operibus fructuosis, odio vitia habendo, Deum incredibiliter amando, proximum diligendo, nostra & superflua præsertim in pauperes erogando, hoc à nobis posse præstari respondebo; Nam qui iniurias propter amorem Domini nostri Iesu Christi dimittit, is votum fecit, & quando aliquem inopem videmus, misericordia nobis in mentem veniat, quando captivum, Domini nostri redemptio; cum autem nos erigit superbia, atque potentia, tunc Christi humilitatem ante oculos maxime ponamus. Scire autem nos decet Dei voluntate aliquem pauperem fuisse, ut breuem inopiam sufferendo vitam æternam adipisceretur; nonnullum autem diuitem, qui dum inopibus, atque egentibus superflua
saltem

saltem daret, præclarum facinoribus
suis remedium adhiberet: nam vni-
uscuiusq; anima non nobilitate sed
opere, non genere, sed actione à Deo
discernitur, quia apud Deum non
est personarum acceptio. Nobis er-
go è paradyfi sedibus exclusis, & in
cinerem dissolutis, quibus viuendi
spes non erat, à verbo carne sumpta
potestas data est, vt ex longinquo lo-
co ad auctore nostrum reuertamur,
parentem agnoscamus, & per gratiã
obtaineamus, quod per naturam con-
sequi non poteramus. Itaque donũ
hoc magni æstimemus, quod omnia
dona superat, vt Deus hominem fi-
lium vocet, & homo Deum patrem
appellet, quo cum pacem habebi-
mus, si quod iubet, voluerimus, &
quod prohibet, respuerimus, & ipse
libenter in nobis domicilium habe-

bit. Demum vt finem faciam, ne
vobis molestus sim, polliceor vobis,
si quem delictorum suorum ex ani-
mo, & vere pœnituerit ad vomitum
amplius non rediturum, quodcunq;
ille petierit in fide penitus non hæsi-
tans, ei datum iri. Hac optima spe
fulti lætemur hoc die natali Christi
canamusq;, & ipsius erga nos
benignitatem immensam
quotidie suspicia-
mus. Qui vi-
uit, &
regnat cum Deo patre
sempiternis secu-
lis. Amen.



EIVSDEM



E I V S D E M

In Circuncisionem

Domini N. Iesu Christi.



Agnus, ac solennis est dies: hic octauus post natalem D. N. Iesu Christi diem festum, in quo admirabile humilitatis exemplum elucet; ideo summa veneratione illum prosequi debemus, fratres charissimi, cuius Diei memoriam sanctam Lucas paucis verbis amplectitur inquiring in Euangelio suo: Et postquam consummati sunt dies octo, ut circumcideretur puer. At cur opus fuerit eum circumcidi, atque illius pretiosissimum sanguinem fundi, qui nullo pollutus

lutus modo, & omnis prorsus labis,
ac maculæ expers in carne apparuit.
Dicam certe non nulla de hoc, quæ
fortasse vobis non displicebunt, sed
obsecro vos, vt attente me, ac beni-
gne audiat: Doctores multiplici ra-
tione à Christo hoc effectum esse sen-
tiunt, primùm vt se verum corpus
habuisse ostenderet ipse, quò hæreti-
corum multorum hoc negantium
ora obstrueretur, & in quo speciem
diuinitatis intueri non valuimus, fa-
ctum ex muliere humano aspectui se
patefaceret hominem verum, quod
maximæ fuit erga nos dilectionis ar-
gumentum; Deinde vt veterem legē
approbaret, eiusq; præceptum com-
mendaret. Tertiò, vt se filiū Abraæ
comprobaret ei promissum, cui ad
iustitiam destinatum fuit, quòd is
Deo credidit, ideo illi iusto effecto
postea

postea imperata est circumcisio, fidei
suae signum, ut cum hæc in filiis vide
retur, omnibus manifestum esset, il
los eius esse, qui Deo credens notam
hanc acceperit. Quartò, ut iudæis
excusationem auferret perfidiæ suæ,
quibus detractiohis, ac maledicti, rui
næq; præbuisset occasionem, nisi ip
sam suscepisset; Denique, ut obedi
tiæ, & humilitatis virtutem præcipuo
demonstraret exemplo, atque ei quod
cerimoniarum ius exigeret, subiectus
esset, licet minimè obligatus; non. n.
ipse legem quicquam debebat, sed ut
qui legi subiecti erant, nec onera fer
re poterant, patiundo liberaret, & ex
seruili conditione ereptos in adoptio
nem filiorum, quæ fit per gratiam,
receptos nos atque ascriptos sua lar
gitate vindicaret. Itaque Christus
in carne, ut lege decretum erat, circum
cidi

Et id se passus est, quod nihil aliud ex-
primebat, quàm vetustæ generatio-
nis exuuias, & spolia, quæ per ablutio-
nem deponuntur, eò quòd membrū
illud circuncidebatur ad gignendū
procreandumq; natura aptum: hoc
autem vt potè signum futuri baptis-
matis tunc à Christo agebatur; sed
posteaquàm cœpit ablutio, nota ces-
savit; vbi namq; tota vetustas à ba-
ptismate tollitur, superuacaneū est,
quod pars secl̃ta significat: Circunci-
sio igitur vetustate exuta naturam re-
nouatam indicabat, quam sancti pa-
tres nostri carnis quidem propter iu-
stitiæ signum, cordis vero propter fi-
dem ipsam gerebant; Et his tribus
præcipuè de causis data fuit, vt fidei
signum esset, ac iustitiæ, quæ est per
fidem; vt Abraæ genus clarum, & il-
lustre redderet; vt & puræ, ac tempe-
ratae

ratæ viuendi rationis indicium esset,
quod ne cum gentibus cōmiseren-
tur, frēnum iniecit. Cur autem octa-
uo die puerum à natali eius circunci-
di mandatum fuit? quia octauus dies,
vt ait D. Augustinus iuxta numerum
dierum post septem quasi post sabba-
thum primus inuenitur, vt iam non
octauus, sed primus habeatur, quia
salus futura per Christum primo die
destinata fuerit, scilicet postridie
diei sabbati, qui dominicus appella-
tur, quòd eodem die Christus surre-
xerit, quo mundus cēperit; Et pro-
pterea salutis illius signum in circun-
cisione datū fuit, vt in eius lege, qua
si renouatio futura dignosceretur;
vel octaua dies ipsi circuncisioni assi-
gnabatur, propter mysterium, quia
octaua etate, quæ surgentium erit,
quasi octauo die per Christum perfici-
citur

cietur spiritus circuncisio, quando non solum culpam, sed pœnam etiã omnem ab electis auferet: sex enim sunt ætates huius seculi (in quibus pro adipiscenda quiete sempiterna laboribus perfungi opus est) septima quiescentium est ætas, vsque ad tempus quo nobis surgendum est, oçtaua vero ipsa dies est, qua surgimus sine vlllo temporis fine beati futuri. Erat autem oçtauus dies de necessitate præcepti, ita quòd eũ omit- tētes peccabāt etiã si sabbatũ fuisset, non tamen ex necessitate sacramēti, quia si aliqui prætermittebant, postea circuncidere poterant. vnde Christus dicebat cum Iudæis disputans, vos mandatum accepistis oçtauo die circuncidendi, & sabbati celebrandi, & ab omni opere vacandi; si oçtaua dies sabbatũ fuerit, quid agētis,

tis, an circuncidere omittetis, vt Sabbathum feruetis; an vero iussum octauidiei exequemini? Sed hominem circunciditis, quare, quia circuncisio ad signum salutis cum pertineat, ille die Sabbato salute priuari nō debet; quare ergo mihi succēsetis, quia hominem sanaui? Nec gladius lapideus necessarius erat, non enim diuino pręcepto statutum erat; nec eo iudæi nunc vtuntur, legitur tamē quosdam gladio lapideo à non nullis circūcisos fuisse, vt à Sephora filium suum, quæ acutissimam petram sumpsit, Et ipsum Iosue fieri gladios lapideos iussisse, & filios Israel circuncidi, quo iussu significabatur Spiritus circuncisionem faciendam esse per Christum, de quo dicitur, petra autē erat Christus. Verum, fratres charissimi, scire nos oportet, quòd eandem
opem

opem contra originis peccatum circuncisio ferebat, quod hoc tempore gratiæ præbet baptisma; hoc excepto quòd regnum cæleste intrare ne quibant, donec Christus adueniret, tantum in sinu Abrahæ beata requie te fruenter post mortem ingressum cæli spe felici expectabant; circuncisio. n. gratiam conferebat, quantum ad omnes gratiæ effectus attinet, aliter tamen ac baptisma, non ex virtute sua, sed quatenus passionis Christi futuræ signum erat; ex quo patet quòd propter fidem, non propter significationem gratiam præstitit; baptisma vero ex virtute sua gratiam tribuit, quatenus passionis Christi iam peractæ instrumentum est. Sed cum circuncisio antiquis patribus baptismatis loco fuisse credatur, quid respõdebitur de ijs qui Deo placuerunt
non

nō tamē sine fide, vt Abele & Enoch,
antequā hoc praeceptum esset? Si-
cut illi, quoniam illud sacramentum
occultum erat, credebant futurum,
vt Christus carnem sumeret, ita nos
hoc factum fuisse non ambigimus.
Sumus ergo non secundum carnem
Iudæi nos, sed secundum spiritum,
quo Deo seruimus, & semen Abrae
secundum fidei spiritum, illi autem
minime. Verum vt recte percipiatis,
quæ vobis dico, quadripertita inter
iudæos & gentes diuisio existit, alij
sunt & carne, & spiritu circumcisi, si-
cut in lege veteri Moyses & Aaron,
in noua, apostoli & discipuli omnes;
alij neutro modo, vt Pharaō, & An-
tiochus, atque cunctorum barbaro-
rum non credentium multitudo; alij
carne tantum, ad quos Hieremias,
Circuncidite vos Deo, non carnem præputij

uestri. Alij & vltimi, vt distinguerentur iudæi illi, qui iam spiritu vivebāt, à D. Paulo gentes in carne Ephesij vocabantur, quia secundum spiritum Israëlita erant, sicut modo nos omnes: Alio autem in loco: videte Israel secundum carnem, quia secundum spiritum non erat. Ideo credētes in Christum gētes iudæis, qui crediderant, anteponebantur, quia apostolorum prædicatione adductæ integra fide Deo confidebant; Iudæi vero qui ad fidem accesserant, circumcisionem & solennitates etiam servabant. Vtrunq; autem populum diversæ legis observatio discriminebat, atq; distinguebat; Sed Christus Dominus aduentu suo priora mandata destruens utroque in se credēte novum, & vnum populum cōstituit, ac mediū maceriæ parietem utrunq;
à se

à se populum diudentem soluit, quē nouum esse ait, quia is quotidie renouatur, & in nouo mundo, quando cælum nouum erit, habitaturus est. Cæterum perfectam non in hoc mūdo nouitatem compleri, sed in altero, cum cælestia, ac terrena in vno spiritu copulata fuerint, complendā esse sciamus. Quapropter, fratres carissimi, si nos ad hanc pulherrimam renouationem, quasi circuncisionē summam peruenire admodum optamus, turpes actiones, quæ à vitijs oriuntur tollamus omnes, ac detrahāmus, atque cunctos sensus nostros circuncisos habere nos ostendamus; Et sicut Christus à mortuis surrexit, sic & nos in vitæ nouitate ambulantes surgemus. Sed vt ad D. Lucam, vnde declinauit reuocetur oratio nostra, Inquit ille: vocatum est nomen


Iesus, quod à Deo iam ante imposi-
tum, ab angelo prænuntiatum est,
priusquam cōciperetur; Dixit enim
Angelus beatissimæ Virgini Mariæ,
*paries filium, & vocabis nomen eius Ie-
sum*; qui totū orbem saluaturus est.
Hoc enim illi nomen ab æterno fuit,
vt mos antiquus retineatur. Cuius
ab Abraam initium ductū fuisse cre-
dimus, quòd is Patriarcha, qui pri-
mus circumcisionis sacramento ini-
tiatus est, suæ magnæ fidei videlicet,
& diuini promissi ei facti testimo-
nio, eodem die suæ suorumq; circun-
cisionis, & nominis amplificatione
simul cum coniuge sua ei à Deo be-
nedici promeritus est, vt qui Abram
pater excelsus dictus est, Abraam de-
inde, idest multarum gentium pater
appellaretur. Qua fidissima promif-
sione tam late per orbem satisfactū
esse

esse à Deo patet, ac perspicuum est,
vt nos etiam ipsi ex gentibus ad fidei
illius imitationem accersiti ipsum
nos patrem potissimum nuncupare
gaudeamus, dicēte etiam nobis apo-
stolo: si autem vos Christi, ergo Ab-
raæ semen secundum promissionem
hæredes estis. Et hic nobis quoque
mos est, vt in baptismo nomen no-
bis imponatur. Cui nomini Iesu,
quod præconium tribui à nobis po-
test satis amplum, cum illud dulce sit
& gloriosum, omniq; cultu, ac vene-
ratione dignissimum, nomen quod
est super omne nomen; hoc enim ei
à natura insitum est, vt sit saluator, &
ita ex ventre virginis vocatus est, qui
secundum diuinitatem talis erat. Sed
si perpendere velimus, quæ sit nomi-
nis huius Iesu dignitas, quod ab æter-
no confectum est, à patriarchis de-

sideratum, à prophetis prædictum, ab apostolis, & illorum varijs successoribus mire celebratum, atque mirificis laudibus affectum nostra nimis vagaretur oratio; quid enim de illo nomine, quod cæcis visum, surdis auditum restituit, & vitam mortuis affert, & dæmones ex obsessis corporibus eijcit, explicare digne valemus? & quod maculas peccati abluit, & culpam, ac pœnam condonat? Hoc tantùm in ore semper habere, & in eo flectere genua statuamus, quia quotienscunque Iesum ex corde inuocauerimus, salui erimus; discrimen autem inter nomē Iesum, & nomen Christum est, quia Iesus est proprium, commune Christus, qui & gratiæ nomen est, gloriæ, Iesus. Et quanta inter gratiam, & gloriam differentia est, tantum inter hæc nomi-


na differt; Quare cum nisi in nomine Iesu salutem impetrare nequeamus, in eo quicquid patrem petierimus, ut Christus, ait, dum modo non contra salutem nostram flagitemus, facile optata consequemur. Vere ergo & proprie Iesus dictus est, qui pro salute nostra tempestive pro nobis pati cæpit, dum se circumcidi, & quo in dolore valde ploravit, sanguinem profundere voluit. Circumcidamus ergo, & nos ipsos, omniaq; vitia, & peccata lacrymis abstergamus, fletuquæ deleamus. At animadvertere oportet ieiunia eleemosynas, aliaq; opera bona parum nobis profutura esse, nisi mens & animus ab iniquitate, & lingua ab obrectatione abhorreat, quæ omnino nobis continenda est, si Dauidi parendum esse nobis arbitrati fuerimus, inquenti: quis est

- qui diligit dies videre bonos? prohi-
- be linguā tuam à malo, & labra tua,
- ne dolose loquantur, declina à mali-
- tia, & fac bonum, quære pacem, &
eam sequere; Qui enim, & vana co-
gitare, & praua efficere non appetit,
ille interius, & exterius se circunci-
sum esse arbitretur. Vt ergo finem
faciam, ne vobis molestus sim, sem-
per hoc nomen Iesu, & singulo quo-
que verbo vsurpemus, in eoq; nos ip-
sos oblectemus, memoriaq; continē-
ter teneamus, cū ipse sanguinē sæpe
fuderit, octo dierum infantem pro sa-
lute nostra, & redēptione illū misisse.
In qua meditatione si assidue versabi-
mur, cogitationes pessimas profectò
dimitemus, omniaq; vitia fugiemus,
& ipsum Iesum Christū certe nobis
propitium valde reddemus. Qui vi-
uit, & regnat sēpitemis sēculis Amē.



E I V S D E M

IN EPIPHANIAM D O M I N I.



Elebrauimus, fratres cha-
 rissimi, tredecim iā dies
 aguntur; sanctissimum
 illum Domini nostri Ie-
 su Christi Natalem diem; maximoq;
 gaudio venerati sumus; Nunc anni-
 uersarium hunc festū diem colimus;
 quo stella ortus sui Magis ipsis nun-
 tium attulit, quos ad venerandum in
 cunabulis Christum perduxit, vt ab
 oriente in occidentem veri Regis na-
 talis dies illucesceret, & yniverso or-
 bi

bi fieret manifestus. Et quamquã hodie à D. N. Iesu Christo multa gesta fuerint, quippe qui Iordanis aquas suscepto à Ioanne baptismo consecrauit, & aquam mutauit in vinum, vt canit ecclesia; nos tamen missis ceteris diem hunc lætitia exultantes solennem agamus, in quo ab omnibus agnosci Christus, qui pro cunctis nasci voluit. Hodie igitur stella noua claritate prædita, cæterisq; fulgentior, in Bethleem ab oriente Magos duxit. D.n. Mattheus ait nato Iesu, ecce, vt nouum quid allaturus Magi ab oriente Hierosolymam venerunt, Magi, inquam, non venefici, vt opinati sunt quidam, sed sapientes; quos. n. Hæbrei scribas, philosophos græci, latini sapientes, Magos Persæ ob sapientiæ, & scientiæ astrorum magnitudinem appellant, qui etiam Reges dicti

dicti sunt, quia illo aureo seculo sapientes, & philosophi regnare consueuerunt, quo tempore gentium illarum summa felicitas erat, quòd inter eas potentior esse non poterat nisi melior; Alij, ac plures sapientes Chaldeorum illos vocant, atque à Baalam, qui stellam ex Iacob orituram esse vaticinatus fuerat, genus & originem duxisse aiunt, qui spiritu sancto afflati stellam illam esse ab eo prædictam intellexerunt; ideo ad proseguendum maximo cultu puerum ab oriente venerunt, & à Persarum, & Chaldeorum confinijs, vt Glo. ait, vbi fuit Saba fluuius, à quo Sabea regio nominata est, iuxta quam Arabia est Palestinæ vicina, vbi Magi Reges esse memorantur: & licet in Euangelio non sic nuncupentur, videtur tamen Dauid hos innuere, cum ait, Reges

ges Arabum, & Saba dona adducēt;
Et tredecim dierum spatio ad Hieru-
salem peruenerunt. Ab oriente igitur,
idest illa parte, quæ ipsis Iudæis
oriens est, Magi discesserunt, vt vnde
dies nascitur, inde fidei initium duce-
retur, & vbi gentiū vocatus exordiū
sumplit; ipsi enim primitiæ fuerunt,
& ex eorum persona in sponsam ec-
clesia recepta est, quia ex gentibus
congregata; An verò tres tantum ex-
stiterint, an plures cum tria tantum
dona obtulerint, & si non aperte cō-
stat, D. tamen Leo semper tres fuisse
ait. Et interrogant: vbi est, qui na-
tus est Rex Iudæorum? An nescie-
bant ibi Herodem regnare? Sed dum
Regem futurum, quem adhuc non
viderant, contemplantur, præsentē
non metuunt: Vere beati, qui in cō-
spectu crudelissimi Regis Christum
confessi

confessi sunt. Vidimus enim stellam eius in oriente, idest propriam; hanc enim creauit ipse, vt ab ea ostenderetur: Qua visa illuminante Spiritu sancto, quid ea significaret, mox cognouerunt, & ad ipsum Dominum eadē stella ducente venerunt, & in Iudæā natum intellexerunt; Ambiguum est autem an in oriente existentes ipsi super Iudæam stellam viderint, an in oriente eam conspexerint, quæ eos in Hierusalem perduxerit; at secundam opinionem cōmuniter probant doctores. Hæc vero stella noua erat, atque ab alijs differebat, quæ creatæ aut penitus immobiles sunt, aut motum continuum habent: vtrunque enim ipsa habuit, & stationem, & motum, ergo ad neutram illorum pertinet; mota est ab oriente in Bethleem, stetit supra locum vbi puer erat, &

adeo

adeo in meridie illuxit stella hæc, quã
lux diurna non impediēbat, vt ipsos
etiam Solis radios proprio fulgore su
peraret; hoc autem non agit syderis
motus, sed virtus quædam rationis
plena. Itaque angelum fuisse, qui pa
storibus apparuerat, & nunc in figu
ram stellę translatus Magis se mōstra
rit, verisimile esse mihi videtur. Se ve
ro occultauit, siue ante ingressum in
Hierusalem, siue post, vt ducem itine
ris amittentes Magi, quoniam huma
num requisiuere auxilium, diuino iu
ste carerent; aut ad ciuitatem Regiã
confugere, ibiq; de Rege nato quæ
rere cogerentur, vt eius natalis dies
publicaretur, atque de loco etiam
vaticinium impleretur; Et Iudæi nō
recipientes Christum minus excusa
rentur, quòd aduentus eius notitiam
non habuerint, cum Magi Iudæis tē
pus,

pus, illis Iudæi ortus locum ostenderint. Quod audiens Hærodes miraculi nouitate valde perturbatus est, & tota simul ciuitas, quæ propter timorem illi fauere simulabat. O res mira, si vagientes cunæ tam superbū terruerunt, quanto cum pudore, quo tremore, & pallore ante Iudicis tribunal ille se sisset? Turbātur autem isti, & ille, quia de aduentu iusti gaudere iniqui non quæunt. Et congregatis populi primarijs interrogabat eos vbi Christus oriretur, vt eam ob causam interrogatis ipsis demonstraretur non ad suam, sed ad gentium salutem, & agnitionem diuina testimonia spectare. Illi vero Micheæ vaticinio admoniti ortus locum docēt, & in Bethleem Iudæ eum nasci respōdent; Et tamen, quod profectò mirā dum est, ad Christum venerandum

non

non accesserunt, immo eum infectati sunt; Et sic ostenso alijs vitę fonte siccitate ipsi perierunt; cognito autę loco, tempus, quādo stella apparuit, à Magis ipsis clam accersitis cognoscere voluit Herodes, quia Iudæis fidem non habebat, cui inquirenti patefecerunt ij, vt ait Augustinus, in cęlo se vidisse stellam ignotam non ante paucos dies, sed fermè ante bien-
nium, atque illis admirātibus ipsam, cuius etiam esset, postea indicatum fuisse, Regis Iudæorum; Chrysostomus quoque inquit ratione colligi, quòd stella ipsa multo ante apparuerit. nam ob longissimum iter non poterant Magi puero nato. assistere, nā si quando is ortus est, stella ab eis visa fuisset, nequaquam illum in fascijs inuenire potuissent; Fulgentius tamen ait stellam hanc nūquā antea apparuisse,

apparuisse, quia eam puer iste creauit, & Magis ad se venientibus eam ducem præeuntem destinauit. Et cū dixisset illis, *Ite & interrogate diligenter de puero, ut ego veniens eum adorem,* falsum obsequium spondet, ut eos decipiat; se. n. cum veneratione profectui velle fingeat, quem interficere cupiebat, sed nesciebat ipse, quòd simulata sanctitas duplex est iniquitas. Itaque Magi cum audissent, ecce stella iterum comparuit, quia auxilium refutantes humanum, ut diuinum recuperarent, digni habiti fuerunt, quæ præiuit, & uiam monstrauit, usque dum supra Pueri caput staret, Et ipsi reppererunt, quem ipsa testabatur, nec loquendo ostendere poterat: & sic magno cum gaudio ad tugurium, ac diuersoriū, in quo ortus est Christus, peruenere, cumque in

Domum ingressi fuissent, puerum cū
eius matre forte tunc sedente & su-
per genua eum habente non in lecto
aureo recumbente inuenerunt, & læ-
titia inexplicabili sunt affecti, quia
desiderio suo fraudati non sunt, nec
inanem laborem illum susceperunt;
Verum Iosephus tunc aberat diuina
voluntate sic iubente, ne pater eius
crederetur, nec aliqua gentibus su-
spitio daretur Deum non esse, qui na-
to statim saluatore, primitias ad reue-
rentiam ei exhibendā miserit. *Et proci-*
dentes, ac proni inclinantes mente, &
corpore humiliter genua puero fle-
ctunt, atque eum Deum magnopere
venerantur, sicut decebat, & Regem
honorant. O Sanctissima Virgo, quo
in mente tua exultabas gaudio, cum
filium tuum nuper à te genitum, ac
vili vestel indutum tanto honore de-
corari,

corari, ac Regem, & Deum verum haberi perspiciebas? licet te solam sine ancilla, sine ornamento aliquo inuentam fuisse cerneres? Quid dicā de mira Magorum fide, an quicquā incredibilius cogitare valemus? Nēpe quòd in eo statu paruulum Deum verum & Regem tātò opere coluerint illi, ac diuinitatē cognouerint, quid nos oportet dicere, nisi quòd diuino numine admodum afflati fuerint, & vere duces ac primitiæ nobis exstiterint? non. n. eorum animus tam humilis, ac demissus fuisset, nisi quid præter hominem maius in eorum cogitationem cecidisset; Nam diadema illi impositum non erat, nō signum aliquod magni Regis eos mouebat, nec deterrebat illos & locus humilis & mater eius vix vnā tunicā habēs, quia nobilitatem in pariētis Virginitate,

tate, & parturientis nobilitatem in nascentis diuinitate intuebātur. Vnde dicere debemus eos & stellæ testimonio contentos, & à Spiritu Sācto edoctos fuisse, ac forte in oculis pueri quandam latentem vim, ac fulgentem maiestatem animaduertisse, vt neque loci, neque habitus, neq; status humilis rationem habuerint. Sed tria singuli puero Iesu obtulerūt, aurum, Thus, & myrrham; nam si aurum dūtaxat detulissent, videri poterant paupertati matris consulere voluisse, vt haberet ipsa vnde puerum alere posset; at hæc tria afferentes mysterij aliquid muneribus illis declararunt.

Tria. n. cognita esse a Magis de Christo opinari debemus, cū in eo Trinitatem maximo cultu venerantes, tūm eum Regem; & Deum sed mortalem significantes; & Christi regiam

pote-

potestatem, ac diuinam maiestatem
reuerentes, humanamque mortalita-
tem colentes; Nam vbi dixerunt: vbi
est qui natus est, ecce humanitas,
Rex Iudeorum, ecce regia potestas,
venimus adorare, ecce diuinitas; per
aurum. n. regia potestas, per Thus
quod in sacrificijs Deo incenditur,
diuina potestas, per myrrham qua
mortuorum corpora condiri solent,
humana mortalitas designatur: Item
aurum quasi magno regi soluitur;
Thus vt Deo offertur, Myrrha tan-
quam pro salute omnium obituro
præbetur: Vnusquisque autem eo-
rum hæc tria largitus est, quod my-
sterio congruit, quia verus imitator
Christi eum & Deum, & Regem, &
passum fuisse confiteri debet; D. tamē
Augustinus inquit ex eo quòd tria
offerunt, Trinitatem intelligi. ex illo

vero quod tres sunt & singuli singula tribuunt in trinitate unitatem declarari. Cur autem Magi primi ut venerarentur, atque puerum Deum colerent, digni iudicati fuerint, eam opinor rationem extitisse, quod testimonijs ab alienigenis, & hostibus datis maior fides adhibeatur; nam si Iudæi priores hoc officio functi fuissent, cognationem suam iactare, atque ostentare reputati fuissent. Tandem Magi reuerentia singulari adhibita, ac peracto omni obsequio cum puero pedes osculati fuissent, magno exilientes gaudio discesserunt; Et cum de reditu deliberarent, à Domino in somnis responsum tulerunt, ne ad Herodem reuerterentur, quòd cognita ueritate retro commeare non liceat; at illi aliud iter capientes in regionem suam profecti sunt, quoniam cum in

fide-

fidelitate Iudæorum miscendi, non erant. Quo documento admonemur nos omnē spem nostram in Deo collocare, ac priora vitæ vestigia prorsus relinquere, aliumque vitæ cursū tenere debere; cum autem domum se recepissent, Deum magis quam antea colere perseuerarūt, & cōcionantes ipsi multos erudierunt; Denique cum S. Thomas ad prouinciam illam accessisset, ei se adiunxerūt, & baptis-
mate abluti in prædicatione facti sūt adiutores. Cæterum huius noui Regis figura fuit Salomon, qui in sede ex ebore candidissimo constituta, & auro purissimo vestita sedebat, quem vniuersi Reges conspiciere cupiebāt, muneraque ei pretiosissima afferebāt nec non Regina Saba talia ei dona dedit, qualia nunquam in Hierusalē visa fuerunt; sedes illa non ne est san-


Ætissima Virgo Maria, in qua de Ebo-
re fabricata candidissimo Virginalis
munditiæ castitatem, & auro puro
charitatem omnium virtutum matrē
designante Iesus Christus vera sapiē-
tia residebat? Maria. n. propter casti-
tatem virginalē, eburnea, & pro-
pter charitatem perfectissimā auro
induta dicitur; Et pulchre cum vir-
ginitate charitas coniungitur, quia
sine ea nihil coram Deo virginitas æ-
stimatur. Quæ Beatissima virgo post
Magorū discessum usque ad quadra-
gesimum diem permanens in diuer-
sorio lactentem puerum summa soli-
citudine, ac diligentia gubernabat,
& in eo incredibili se iucūditate ob-
lectabat, quam D. Augustinus suavi-
ter alloquitur inquiring: lacte mater
ale Christum, & eū qui te talem crea-
uit, vt ipse in te fieret, quique tibi
mu-

munus dedit foecunditatis, cōceptus
& donum virginitatis non abstulit
natus. Et nihilominus tamen Iudæi
nunquam eum ueneratum illuc pro-
fecti sunt. Audistis, fratres charissimi
quemadmodum Magi licet paruulū
in Tugurio male comptum, & veste
matrem vili indutam uiderint, quo
tamen honore eum profecuti sint,
& quæ munera obtulerint, vt constet
aliter de puero illos sensisse, ac con-
spexerunt, quod in eis & stellæ indi-
cium, & splendor quidam diuinus ani-
mas eorum illustrans efficere potuit,
quæ ipsorum illustratio magnū fuit
Iudeorum cæcitatis testimonium: in
terra enim eorum Magi requirebāt,
quod ipsi in sua non agnoscebant;
Qui quidem Christū visuri non erāt
nisi a propria terra lōge recessissent,
vt nos etiam intelligamus, nisi ter-
renis

renis affectibus nos ipsos exuerimus
conspectum eius nō intuituros esse;
Magorum ergo personam eorumq;
fidem imitemur, & tandiu Christum
quæramus, vt eū reperire valeamus,
atque lux fidei nostrę ad hoc assequē
dum velut stella se nobis ducem præ
beat, & Christo fidelem nostram in
eo diuinitatis, & humanitatis confes
sionem offeramus; Hęc autem mune
ra, sapientię scilicet splēdorem auro
designatum, orationem Thure, quod
Deo incenditur expressam, abstinen
tiam a vitijs eximiam myrrha signifi
catam demus; sciamus autem disci
plinam sapientię Christianę in vera
ac voluntaria humilitate consistere,
quā Dominus Iesus Christus ab vte
ro matris ad crucis perpersionem vs
que elegit, & docuit, quamque eius
exemplo seruare pro viribus debe
mus

mus; largiemur etiā dona Deo, aurū,
cum externa fortunæ bona pauperi
bus erogabimus; Thus, cum oratio-
nem fide feruenti mens nostra Deo
fundet, illiq; se deuotam exhibebit;
Myrrham, cum carnem nostram ab-
stinētia & cōtinētia domabimus,
vt in his tribus eleemosyna, oratio, ie-
iunitasque significetur. Qui autem
aurum de cordis Thesauro promit,
is vniuersorum Regem agnoscit, qui
Myrrham defert, vnigenitum Dei fi-
lium sibi hominis naturam coniun-
xisse credit, Qui thure eū veneratur,
nullam re maiestati paternæ imparē
esse confitetur. Denique, fratres cha-
rissimi, hæc tria munera Deo affera-
mus, quæ in nobis existunt, primum
animam nostram, quæ auro designa-
tur; sicut enim eo nihil pulchrius &
pretiosius est, sic anima nostra nihil
nobilius aut pulchrius esse in conspe

ctu Dei reputatur. Deinde corpus nostrum, quod per Myrrham innuitur, quæ cum amara sit, illud quoque cruciatibus, & afflictionibus amarum fieri necesse est; Demum actiones animæ, & corporis simul quæ p̄ Thus significantur; nam sicut id odorem non profert, nisi cremetur, sic actiones vitæ nostræ nisi afflictationum igne torqueantur, Deo afflare suauitatem nequeunt, quas & honestas, & omnino sanctas esse decet: Agnoscamus etiam in ipsis Magis & nos vocatos esse, fideique initia memoria teneamus; Et diem hunc festum sacramentum perpetuo honoremus, ac celebremus, atque præclaris virtutum exercitationibus Iesum Christum in cælo venerantes prouocemus, ut nobis fauere, atq; regni cælestis confortes nos esse velit, qui viuit, & regnat semper gloriosus. Amen.



E I V S D E M

In Conuerfionem

S A N C T I P A V L L I .



Irari uos, fratres charissimi, nō me fugit, cur ego de conuerfione D. Pauli, in qua & mifericordiæ magnitudo, & gratiæ efficacitas commendatur, sermonem habere uelim, cum hodie concio infolita fit: Sed fi quis perpende rit, quàm magna mutatio facta fit, quàm manifesta, ut exagitator eorū, qui Chriftum magna atque fideli deuotione colunt, & uenerantur, atque
in il-

in illos ſequitiam adhibens, ſtatim cō-
cionator ſummus euaserit, & quæ
peccatoribus ſe ad Chriſtum cōuer-
tendi documenta dederit; diem hūc
feſtum cōuerſionis Pavlli, quæ adeo
mirabilis exſtitit, ac miraculi nomi-
ne inſigniter ornanda, vt nemo ſit,
qui digne illam explicare queat, dun-
taxat ab Eccleſia ſolēnem agi, & nul-
lorum aliorum celebrari merito iu-
dicabit; ac me ad tanti viri exemplū,
& ad ſimilem virtutem, ſimileque fa-
ctum vos vna mecum excitare pro vi-
ribus conantem non reprehendet,
opinor, nec vituperabit. Sed impri-
mis vos ſcire decet, vt nonnulli exiſti-
mant doctores, Saulum ante de Ieſu
Chriſto quatuor praua ſenſiſſe, pri-
mum eum non eſſe verum Deum, at
purum hominem; deinde non Salua-
torem Mundi fuiſſe, ſed deceptorem;

tertio

tertio illum à mortuis non surrexisse;
denique non esse malorum, & bono-
rum Iudicem. Qui erroribus his im-
butus cædes, & crudelitatem in disci-
pulos Domini anhelans, vt Lucas ait
& mane rapiens, sicut de illo prædi-
xerat Iacob, inquit: Benjamin lu-
pus rapax mane prædam rapit, & ve-
speri escas diuidet, profectus est ad
Principem sacerdotum sponte, non
vocatus, quodamque animi ardore,
non autem secundum scientiam in-
citatus; ac flagitauit litteras in Da-
mascum ad Synagogas, vt si reperis-
set, qui Christum sequerentur, eius
que auxilium implorarent; (pauci. n.
adhuc erant) eos vinciret, constri-
ngeretque, & in Hyerusalem duceret:
Videte, quo ille munere fungebatur,
vt Satellitum dux esset, nec honoris
rationem sui, cum esset nobilis, habe-
ret,

ret, abundantius, vt ipse ait, paterno-
 rum institutorum suorum defensor
 existens, quàm par erat; Et contigit,
 quod ei bonũ fuit ac salubre, vt Da-
 masco appropinquaret, non in ciui-
 tate, sed ante illam, quia non credi-
 dissent multi, sed potius irrissent; Et
 lux statim fulsit, à qua cæcus factus
 atque prostratus; nam vt interiori lu-
 ce cor eius splenderet, exterior illa
 subtracta est lux; in eo. n. tempore, vt
 ait Augustinus, Deum videbat, cæte-
 ra minime, audiuit vocẽ, *Saule Saule*,
 quid me insectaris. κατ' ἑμφασιν, inquiẽs
 nec fideles suos ait aut membra, &
 increpās interrogat. Qui respondit.
Quis es Domine? (illico dominatum
 confitetur) Deus an Angelus? igno-
 tum. n. exagitabat, ideo misericordiã
 consecutus est. Et ille; *Ego sum Iesus*
Nazarenus, quem tu oppugnas, vt hominẽ,
Durum

Durum est tibi contra stimulum calcitrare; quibus verbis nonnulli sentiunt quatuor errores illos Saulo eripi, eosq; coargui; cum enim inquit, *Ego sum*, diuinitatis nomen esse; Deus namq; proprie ipsum, esse, habet, nostrum autem, esse, à Deo nobis tributum est; dicens, *Iesus*, idest Saluator, ostendit nisi credentem, & obedientem saluari neminem: cū ait, *Nazarenus*, idest florens, indicat corpus suum floruisse surgendo; Denique *stimulus* sententiam illam durum significat, quam in iudicio Iudex bonorum & malorum feret. Et ille fulgore tremens, ac stupens; nō enim in cælo Iesum esse arbitrabatur; ait, Domine quid me vis facere? iam enim se ad obediendum præparat, atque ex lupo ovis formatur; Indica quæso voluntatem tuam, &

H

ego

ego parebo ; nam haud ex necessitate, sed ex animo sincero, atque voluntate bona ad fidem accessit, ut discatur, quod non solus vocatus Saulum adduxit, sed eius etiam voluntas; Deus enim nolentes non cogit, sed volentes trahit. Quancquam secundum Augustinum dicemus contra eos, qui clamare solent, credere vel non credere liberum esse; Saulum in se ipso Christum cogentem, & postea docentem, ferientem prius, & post consolantem agnouisse; nam ipse cæcitate percussus, quæ si poena corporis non fuisset, postea non sanaretur; illustratio enim totius orbis facta est; ad euangelium tractus fuit; qui postea in eo plus omnibus, qui solo verbo vocati fuere, laboravit; Et quem maior timor ad charitatem impulit, bonumque fecit, eius

per-

perfecta charitas deinceps timorem penitus omisit. Et Dominus inquit, ciuitatem intra, vbi quid tibi agendum sit, cognoscēs; iubetur enim ingredi, vt fidem discat, quam oppugnabat, & superbia arguitur, vt nemo alium indignum iudicet, à quo doceatur, quod ignorat; Comites autem eius claro lumine stupidi non ceciderunt, audiebant quidem Sauli vocem, loquētis vero cum eo faciem haud intuebantur. At Saulus exsurrexit, ac spōte se erexit, & apertos habens oculos nihil tamen videbat; in corpore enim experiebatur, quod patiebatur in anima; quia sicut oculus apertus sine videnti actione, sic lex sine fide Christi inutilis est; Vnde eum cæcatum fidei se committere oportuit. Sed socij manus illius sumentes Dama-

scum introduxerunt eum, vbi triduum non vidit ipse, in quo triduo doctores communiter opinantur illum à Deo illustratum cælestia scrutatum esse, quando usque ad tertiū cælum raptus fuit, & illi beatæ curiæ interfuit, vidisseq; Deum sicuti est, ac nouisse secreta, euāgeliumq; didicisse, vt ipsemet Paullus testatur, vbi facta est tanta ab huius vitæ sensibus mentis alienatio, vt siue in corpore siue extra corpus hoc acciderit, idest vtrum in vehementiori stupore mens ab hac vita in aliam manente corporis vinculo translata fuerit, an omnino dissolutio facta, qualis in vera morte contingit, se nescire fateatur; Et quamuis dicat Deus Moyse, nemo potest faciē meam videre, & viuere; potest tamen, vt dixi, mens humana ex hac

vita

vita ad angelicam traduci, antequā mors cōmunis obeatur: Nec comedit, nec bibit, quoniam mæstus Deū precabatur, ut sibi peccata condonaret; ob oppugnatam enim ecclesiam se mirum in modum pœna dignum existimabat; aut illa visione cælesti valde sustētatus, quod mihi verisimilius esse videtur. Cum autem Damasci Ananias, idest gratia Domini existeret, eum nomine vocavit Dominus (quod familiaritatis indicium fuit,) qui promptus existens mandatum ad Saulum oriantē habuit; mitem enim eum fecit Dominus formidandum nemini, qui Ananiam in visione perspexit, (vterque enim alteri ostenditur, ut prius sibi inuicem noti sint, quā se aspiciant) responsum autem Domino dedit Ananias tāquam ouis lupum.

timens se multa de viro hoc facinora ab eo commissa audisse, qui omnes nomen tuum inuocantes vinculis astringendi potestatem habet, nec voluntate caret; nam tristis fama lupo antecesserat, vt ouis audito eius nomine non perturbari non posset; Replicauit Dominus inquit: vade, quoniam vas electionis est mihi iste, vt nomen meum vbiq; diuulget, & in conspectu Regum; demonstrabo enim illi quanta pro nomine meo celebrando, illustrandoq; sustinere, ac tolerare illi opus sit. Et vere vas electum; integer. n. carne & virgo Paullus extitit, ac multis afflictionibus periculum de eo faciendum fuit. Quem Deus ante mundi creationem elegit, vt is sanctus esset per bona opera videlicet, non quia talis futurus erat; &

vt

vt tempore gratiæ in cōspectu eius
 sine macula, & incorruptus existe-
 ret; & quem in adoptionem filiorū
 voluntate. s. gratuita, idest in eum
 credentium per Iesum Christum,
 non per merita, sola gratia ante de-
 stinauit. Nam eliguntur, qui non
 sunt, nec errat elector, vt ait D. Au-
 gustinus, Eligit tamen, & electos
 quos eligendos creaturus est, apud
 semetipsum non in natura sua, sed
 in præsentia sua habet; vel non in
 natura eorum qui nondum erant,
 sed in præscentia sua, quia nouit
 omnes ac si existerent: Et ne forte
 ante constitutionem mundi ex ope-
 ribus præcognitis, vt Pelagiani veri-
 tati aduersantes disputant, electio
 putaretur esse, additum est, si autem
 gratia, iam non ex operibus, alio-
 quin gratia non esset. Et Ananias

ad Saulum adiuit, & mandatum cōfecit inquiēs se à Domino Iesu, qui ei in itinere apparuit, missum fuisse, vt ipse videat, ac spiritu sancto affletur; Et statim cadētibus quasi squamis, quæ vehementem eius cæcitatem præseferebant, visum recuperauit; Et qui non credebat Christum tertio die surgendo mortem deuisse, exemplo suo instructus tenebras tridui luce recepta expulit, atq; dissipauit: Et Isaiaë vaticinium impletum est, quòd lupo cum agno, idest Saulus cum Anania habitabit; Denique baptisinate ablutus, & de lupo factus agnus, ac de Saulo Paulus, duplici cibo sumpto corroboratus est; & continuo in Synagogis prædicare cœpit Iesum Christum filium Dei, & hominem esse, sententiæ mutationem non erubescens,

vbi

ubi patet veritas, ut omnes qui audiebant infideles mysterium ignorantes valde stuperent, quod is, qui omnes nomen Iesu implorantes oppugnabat, nunc illud prædicatione sua omnibus notum faciat. Saulus autem quotidie magis roborabatur, & Iudæos confutabat Iesum Nazarenum vere esse Christum in lege promissum, affirmans: Tale exordium electi vāis extitit. Figura autem huius Saul fuit Dauidem insectās; In Dauide enim Christus erat, & in Saule Saulus effingebatur: Qui certe præcipuo quodam dolore angitur inquires, si sua præeuntia merita examinentur, se apostolorum esse minimum scilicet tempore, non dignitate deinceps ac labore prædicationeq; qui etiam dignus non sit, ut apostolus nuncupetur, quia ecclesiam

clesiam valde infectatus est, (quod
 testimonium ab inimico dictū ma-
 iorem firmitatem habet) se tamen
 gratiā Dei esse id quod est, scilicet
 Apostolus ; ante enim iniquitate
 sua infidelis erat, & gratiam eius in
 se vacuum non extitisse, quia mentē
 postea gratia dignā certe exhibuit ;
 immo eum laborasse, quia ad plu-
 res prouincias, & vrbes penetrauit,
 quā alij apostoli, abundantius,
 quia etiam de lucro manuum suarū
 vixit, nec minus euangelio satisfe-
 cit : addit autem nō se solum, at gra-
 tiam Dei secum, quia cum libero ar-
 bitrio laboribus perfunctum fuisse.
 Et quoniam certū est Christū qua-
 tenus hominem misericordia mo-
 tum nulla alia de causa ad nos venis-
 se, nisi vt peccatores saluos reddat,
 Paullus se illorum primū esse, id est

peiores ijs, qui in lege fatetur, quia
oppugnator fuit, quo prior nō erat;
nemo enim inter insectatores illo
acrior fuit, ergo nec inter peccato-
res peior; Primus igitur non tem-
pore, sed iniquitatis magnitudine,
quia Deum est execratus, & in san-
ctos contumeliosus fuit; sed ideo
misericordiam se consecutum fuis-
se ait, id est remissionem non ob me-
rita sua, at ut in se primo, id est sum-
mo peccatore; vel in se primo, id est
maxime Christus Iesus omnem, ac
perfectam patientiam ostēderet ad
instruendum, ut de gravitate pecca-
torum desperet eorum nemo, qui
sunt credituri, ut vitam æternam ha-
beant; ac talem se relaxationem ad-
eptum fuisse, quia ignorans & mini-
me credulus omnia cōmisit; abun-
dasse autem gratiam, quia vnà cum
misc-

134
 misericordia fidem, & dilectionem
 dona consecutus sit; nam sine fi-
 & charitate remissio delictorum
 perfecta non donatur. O beate Paul
 qui confessus es, Quis te unquam
 laudari poterit? certe fides tua ple-
 sta atque perfecta, qua omnia bo-
 & ipsammet fidem à Deo profi-
 ci credis. Quare effecit Deus, ut
 posita illa tunica sceleribus,
 & cordibus maculata, ac superbia
 plena, humilitatis tunica induere-
 tur, & de Saulo euaderet Paullus,
 nomina, ut ait Augustinus, mi-
 nus & modicus, sicut autem Hie-
 ronymus, mirabilis vel electus signi-
 ficatur: Chrysost. vero rationem sa-
 tis aptam affert, cur ex Saulo Paul-
 lus dictus sit, & quare spiritus San-
 ctus nomen eius mutavit, Et ait,
 quemadmodum Dominus servum
 merca-

mercatus nomen etiam mutat, vt dominationem in seruum demon-
strat, ita etiam vbi captium Domi-
nus Saulum fecit, nomen ei aliud
imposuisse, vt inde Paullus Domi-
num habere disceret; n^ominum. n.
impositio dominatus signum est ac
præcipuum, sed ad tempus, non sta-
tim hoc egisse; nam si, mox vt reli-
ctis iudæis ad nos se transtulit, aliud
nomen sortitus esset, minus manife-
sta eius fuisset cōuersio, & ad fidem
accessus; ac nemo exagitorem fi-
delium esse cōcionatorem, & Chri-
stum annunciare sciuiisset, quod per-
spicuum postea factum est: Quan-
doquidem hoc Iudeos vehementer
cruciabat, quòd doctor suus, qui
olim pro eis stabat, nunc se illis op-
poneret. Quamobrem ne subita no-
minis mutatio voluntatem mutatā
occul-

Occultaret, multo tempore ei primum nomen fuit: hinc enim omnes intelligebant illum existere, qui in cunctos Christum Dominum sequentes insultaret; post notitiam autem rei Paullus appellari cœpit; Et quòd hæc vera esse causa videatur, ipse testatur inquiring se de facie ecclesijs Iudeæ ignotum fuisse, quare? quia fidelium nullus eū cernere audebat, quòd eos vexaret, tantum illos audiuisse, quòd is qui aliquando ipsos infectatus fuisset, nunc fidem nunciat Christi atq; promulgat; Nonnulli tamen à Sergio Paulo proconsule nomē accepisse Paulum aiunt, qui ei fidem in Christū, & prædicatione sua, & miraculo persuasit cæcitate Elymæ mago inflicta, qui proconsulem ipsum à fide auocare conabatur. Cuius laudes

des innumerabiles non attingam,
nec admirabilia facta commemora-
bo; quis enim in hoc dicendi gene-
re Chrysostomo par esse potest? ad
imitationem tantum sanctissimi hu-
ius viri pro viribus vos cohorta-
bor; eum enim ante oculos exem-
plum ponere debemus: Nam sicut
ille in sua ad Deum conuersione sta-
tim se obedientem præstitit, ita &
nos Dei mandatis parere, & non ob-
torpescere debemus; Et quemad-
modum is amoris in Deum ardore,
ac feruore omnia propter Christum
ferebat ac sustinebat, quæ tanta sunt,
ut ad ea enumeranda idonei non si-
mus, sic nos ex toto corde Christum
diligere & amare, atque eius præce-
pta, consiliaque exequi, atque cuncta
pro ipso perpeti, mundumque, ac ter-
rena vniuersa contemnere velle stu-

dea-

deamus; Et quoniam aliqui dicere non erubescūt, quòd cuilibet Paulum imitari non licet, nec integrum est; ipse enim apud Deum nimis gratus erat, & semper prædicationi, atque orationi operam dabat, nec vnquam fessus erat; Et in carcerem coniectus, nec vinculis, nec dolore prohibebatur, quin summis laudibus Deum celebraret; Et quòd in diligēdis inimicis suis omnes vicit, & in affligentes eum beneficia non mediocria contulit, tanta charitate præditus, vt nemo talem affectus sit, dicimus nos similes esse posse, nolle autem; cur enim nos assidue orare non valemus, cum nos nō lateat orationem cum Deo colloquium existere? cur non & ipsi inimicos nostros amore prosequi, & illecebras libidinum, ac voluptatum

tum fugere, & totam mentem nostram, atque cogitationem in Christo figere possumus? verum hoc culpa nostra, & uitæ huius desiderio contingit; nam fide plena, qualis in Paulo vixit, præditi non sumus; nec à Deo petimus, ut fidem, spem, & charitatem nobis augeat. Quòd si statuerimus Christum sincero animo, integrisque sensibus penitus sequi, vitia cuncta & scelera in odium omnino veniant, oportet, & amor mundi procul à nobis absit, assiduitas vero in contemplatione actionum Christi nobis iucundissima sit; erogatio fortunarum nostrarum in pauperes frequens existat; Paullus. n. quia egentibus omnia distribuerat, ita inops erat, ut aliquando esuriret; Ieiunitas etià à nobis familiaris habeatur: Denique humilitas bonorum

I omnium

omnium mater, quemadmodum ab illo, ita à nobis perpetuo colatur, vt ne vestigiũ quidem ullum in nobis superbiæ exstet; cum nos hac propensissima in Deum voluntate erimus; cum cęlestia semper meditabimur, atque alienissimam ab honoribus, atq; diuitijs, illecebraque peccandi blandæque voluptatis animũ habuerimus; si Paullum non æquabimus, profectò ad eum proximè accedemus; Et qui illius exemplo ad Deum venerandum, colendumque & gloria immortalī afficiendum nosmet conuerterimus, tam gratũ Iesu Christo fore obsequium nostrũ sperare debemus, vt ille in regno cęlesti à nobis Paullum videri permittat. Interim tamen dum hac luce fruimur; eius conuersionem, quæ totum terrarum orbẽ illuminauit, deuo-

deuoti celebrabimus; eumque pre-
cari non intermittemus, vt nobis ip-
se aduocatus sit apud Dominum no-
strum Iesum Christum, quo ille
patriæ cælestis participes nos
efficiat, atque vnà cum ipso
met Paulo cohæredes
suos esse velit; qui
viuit, & re-
gnat
sempiternis seculis
Gloriosus
Amen.





E I V S D E M

In Purificationem

B. MARIAE VIRGINIS.



Agnus nobis hodie Fratres charissimi, humilitatis D.N. Iesu Christi, & eius sanctissimæ matris exemplum proponitur, immo maximum & stuporẽ mouens, quòd ij, qui legi minime debebant, atque addicti etant, se tamen ei subijcere voluerint, & Christus in membris suis legem obseruari siuerit; vt eos redimeret, qui sub lege erāt, ac Deos efficeret; Inquit. n. D. Lucas, *Postquā imple-*

*impleti sunt dies purgationis eius, Mariæ:
S. Secundum legem Moyſi lex poſtula-
bat, vt mulier quæ marem ſuſcepto
ſemine pepererat; ſeptē diebus mū-
da non eſſet, & oſtauo die puer cir-
cuncideretur; ac poſt dies ſeptem
hominū cōſors eſſet, & cum eis ver-
ſaretur, triginta tamē tribus diebus
quod ad ingreſſum templi & ſacro-
rum tactum attinet, adhuc munda
non exiſteret, quod ſupra illos ſeptē
intelligendum eſt, ita vt quadragin-
ta diebus mulieris purgatio durare
debeat, quæ marem pepererit, quod
in femina geminatur, & tunc illa tē-
plum intrabat. In quo videte Spiri-
tus ſancti ſapientiam; ſatis. n. erat di-
xiſſe: Mulier ſi filium peperit; ſed ad-
dens, ſuſcepto ſemine, Virginem Sā-
ctam excipere voluit, quæ nullius ſe-
minis interuentu filium in lucē edi-
derat,*

derat. Cur autem post quadraginta dies Mater Christi ad templum purganda accesserit, responderet, sicut plenitudo gratiæ a Christo in matrē deriuatur, sic decuisse, vt mater ad humilitatem filij se conformaret; humilibus. n. Deus gratiam præstat: Et sicut Christus minime obligatus voluit tamen circuncidi, aliaque legis onera subire, vt nobis humilitatis, & obedientiæ exemplum præberet; & Iudæis calumniandi occasionem auferret, sic beata virgo licet non propter necessitatem, propter præceptum tamen legis omnia obseruare debuit; & vt aliarum mulierum morem exprimeret, atque effingeret, exemploque doceret, purificationem peragere voluit. At quod amplius est, hoc ab ea fieri oportuit ne murmuris ac ruinæ ansa Iudæis dare-

daretur; cui. n. notum hoc erat, ipsā Virginem Mariam sine semine peperisse, præsertim cum ab initio natalis sui Christum Iudæi nunquam cognoscere voluerint? Verum duplex legis præceptum erat, generale alterum ab omnibus obseruandum, vt purgationis tempore cōpleto puer ad templum afferretur, & pro eo fieret sacrificium; singulare alterum, vt primogenita tam ex hominibus quam ex iumentis Domino dicarentur. Quod ad primogenita pertinet, trigesimo tertio die post circumcisum Christum, inquit Lucas. Tulerunt illum in Hierusalem, & stiterunt eum. i. obtulerunt, ac domino consecrarunt, quod fieri ipse permisit, vt templum sanctum redderet, ac veterem legem approbaret, eamq; in se ipso terminaret, & nos a vincu

lo legis solueret; demum, vt dixi, exēplum humilitatis seipsum pręstaret, quia omnis mas vterum aperiēs Domino sanctus vocabitur. i. Domino dedicabitur, sicut iuxta morem soliti natalis loquitur S. Lucas; hominis autem & pecoris primogenitū significat, quod vtrunque Domino dicari sanctum, atque ideo sacerdotis esse pręceptum est; ita tamen, vt is pro hominis primogenito quinque fidorum pretio contentus esset, vt doctores aiunt, & omne animal immundum redimi iuberet; ex eo. n. tēpore quo primogenita Aegyptiorum interficit Dominus, Iudæorum filios seruans, omnia sibi primogenita vindicauit, offerrique pręcepit. Hoc autem legis statutum, vbi dicitur, omne mihi primogenitum sanctifica, in solo Christo singulari quadam

dam ratione dissimilique locum habere videtur; ipse namque inexplicabili modo cōceptus, & editus virginalē vterum non ante à conubio reſeratum aperuit poſt partum materni corporis caſtimoniam mirabiliter ſeruans; vnde vere ſanctus à Gabriele archangelo appellatus eſt, quaſi decretū hoc ad ipſum duntaxat pertinens; inquit enim, quod naſcetur ex te ſanctum, filius Dei vocabitur, proprie ſanctus exiſtens; ceteros autē ſanctos nuncu pari euāgelium ſtatuit tanquam huiusmodi nomen ſortitos, quōd illi Domino Deo offerrentur; Quo ceremoniarum genere vterentur ſacerdotes, Lucas non narrat, ſed veriſimile eſt Mariam Virginem candelā ſiue cereum igne accenſum in manibus geſtaſſe, dum ad altare accedūt,

& puerum offerunt; Cuius exemplo fortè adducta ecclesia cereos cōsecrat, & in supplicatione. Et quoad euangelium perlectum sit, accensos perferri iubet. quod innuebat Simeon postea canens lumen ad reuelationem. licet nonnulli opinentur, vt ipsa veterem Romanorū morem februaria 12. dies celebrandi abrogaret, quibus populus circa sepulcra accensis facibus sacrificia faciebat. *Et vt darent hostiam*, inquit Lucas, quemadmodum in lege scriptū est par turturum, aut duos pullos columbarum, vnum pro agno in holocaustum, alterum pro peccato, qui sacerdotis commodis, atque utilitati seruiebat, orantis pro ea, quæ mūdabatur: Pauperum autem, & eorū qui diuitijs non abundabant, hæc hostia erat, & qui agnum offerre nō pote-

poterant; Vel fortè id accidit, quòd
Christus, qui erat agnus Dei in mun-
do natus, semetipsum pro mundi vi-
ta holocaustum oblaturus erat; Et
quia vtraque hostia æque conditori
accepta est; columba enim, quia cū
gregalibus volat suis, actiuae vitæ fre-
quentiam indicat, Turtur vero soli-
tudine gaudens contemplationis fa-
stigium demonstrat, consultò Lucas,
an turtures, an pulli columbarum
pro Domino oblati sint, non expli-
cavit, ne alterum viuendi ordinem
alteri præferret, sed vtrunq; sequen-
dum doceret: Credendum tamen
magis est, quia Christus, & mater
pauperrimi erant, eos quia minoris
veneunt, pullos columbarum emis-
se. Cur autem pulli potius, & non
columbæ simplices, sicut turtures
in sacrificijs Domino offerri permit-
te-

tebantur? respondet D. Bernardus,
& rationem reddit inquires, licet
aliàs columba spiritum Sanctum si-
gnificare soleat, quia tamen libidi-
nosa avis est, non decuisse eam offer-
ri, nisi ea ætate, quæ libidinem ne-
sciat; Turturis vero non designari
ætatem, quoniã castitas eius agno-
scitur, quæ vno consorte in quacû-
que ætate contenta alterum eo amis-
so respuit, in hominibus numerosas
nuptias arguens: Ac mirum est, quã-
do Maria virgo tēplum adiuit, agnū
emendi facultatem ei nō fuisse, quē
pro filio offerret, cum aurum mul-
tum ei à Magis tributum fuisset, Ve-
rū credere licet nobis illam vt po-
tē pauperes admodum amantem, ac
voluntatem filij agnoscentem totū
in eos erogasse, & manibus proprijs
ea quæ ad victum suppeditabant, si-

bi parasse. Merito igitur columbam,
 quæ simplicitatem, & turturē, quæ
 castitatem indicant, deferri permi-
 sit, quia simplices, & pudicæ fide-
 liū actiones Domino gratum sacrificiū
 exhibent; nam ab homine constan-
 te ex anima & corpore, vtriusq; mā-
 fuetudinem, & castitatem à nobis
 poscit Deus, alioquin fictor erit ille
 innocentiae velo simulationem te-
 gens; triplici autem ratione hæc
 oblatio præcepta erat, vt & infans
 Domino consecraretur, & commē-
 daretur diuinæ custodiæ, & gratia-
 rum actio Deo ageretur, à quo tale
 donum parentes acceperunt; tertia
 tantū in Christo locum habuit;
 beata enim virgo Deo gratias agere
 debuit, quæ singulari privilegio eum
 concepit, & peperit. Quo autem lo-
 co constiterit in templum ingressa

licet à doctōribus, quos vidi, nō explicetur, verisimile nihilominus existit, se cum diuitibus non coniunxisse, quòd quamuis generosa & nobilis, veste tamen vili induta esset, nec cum virginibus, quia sponsum habebat; at cum pauperibus, ac simplicibus mulieribus se copulasse, vt prædictio illa, sicut lilium inter spinas impleretur. licet alij tantum quinque personas Christum, matrem Iosephum, Annam, ac Symeonem affuisse affirmant: Voluit ergo Christus propter nos sisti, vt exhibere nos ipsos disceremus, & consecrare Deo; Atque cum diues existeret, pro nobis pauper fieri, vt sua nos inopia diuites ac præsertim fide redderemur, atque diuitiarum suarum participes, & regni cælorum hæredes essemus. O immensam benignitatē,

ac

ac Deibonitatem, atque clementiã;
 quis vnquam cogitatione incredibi-
 lem illius erga nos amorem assequi
 valeat? Itaque Dominũ imitemur,
 quatenus pro viribus nobis licet, &
 nos quoque voluntariam paupertate-
 tem amemus. Quòd autem omnis
 ætas, nedum angeli, & sexus nato
 puero testimonium tribuerit, ac si-
 cut ab omnium sæculorũ fidelibus
 prælagiebatur, sic veniens omnium
 sanctorum voce celebratus fuerit, &
 laudibus affectus. Ecce Simeon in-
 ter sacerdotes celebris, homo iu-
 stus, qui non suam sed populi gratiã
 requirebat, & timoratus timore Do-
 mini, qui Iustitiæ, ceterarumq; virtu-
 tum custos est; habitat enim Deus
 in ijs, qui eum timent, iustitiamq;
 seruant; erat expectans consolatio-
 nem Israel, mundanam felicitatem
 non

non expectabat, & quatenus fide, &
spe magna præditus erat, fiduciam
promissi rectam habebat, & respon
sum mente acceperat non se ante
mortem carnis visurum, idest exper
turum esse, quam Christum Domi
ni videret & oculis cerneret, vt hinc
coniecturam facere debeamus, quã
to sancti veteris testamenti viri sum
ptæ a Christo carnis mysterium per
cipiendi desiderio arderet. Et cum
Spiritus sanctus in eo domiciliũ ha
beret, à quo & Iustus effectus est at
que illuminatus, venit in spiritu in
templum, eadem enim spiritus San
cti gratia adiutus, qua ipse olim eũ
aduenturum ante didicerat, nunc
venientem agnouit, & cum intro
ducerent Puerum in templum, vt
solitum morem seruarẽt, accepit eũ
in vlnas suas, Senior infantem Chri
stum,

stum, quem prius in sinu matris ab
ea genua flectente mirum inmodū
fuisse veneratum censerī potest; In-
nocentiā Christianæ infantie acci-
pit, vt quemadmodum aquila reno-
uetur, ac Iustitiam legis in gratiā fi-
dei euāgelicę mutandā esse innuat.
O vere felices manus, q̄ meruerūt,
vt Iesum attrectarent, ò beata bra-
chia, quæ eum amplexatæ sunt; Ac
quanto gaudio exilierit Symeon,
quis diiudicare valet, cum quodam
modo senectus aufugeret, & Iuue-
nis robur, atque fortitudo adesset,
dum eum gestabat, a quo ipse porta-
batur & regebatur? Si ergo nos quo-
que volumus Iesum tenere, si mani-
būs amplexari eum cupimus, omni
labore nitamur, vt ducem habea-
mūs Spiritum, & continenter ad tē-
plum accedamus, vt quidquid in

nobis est boni, si quid tamē est, eius gratiæ & non meritis nostris ascribamus. *Et benedixit Deum* pro tantis beneficijs illi gratias agēs, & quod promissa sibi facta veritatem sortita sint & vt consolationē Israel oculis perspiceret, dignus habitus fuerit, *Nunc dimittis seruum tuum Domine*, in quiens, vt eum Deum confiteatur; quasi dicat, antequam Christum in manibus haberem, clausus eram, & ex vinculis eripi nequibam; modo dimittis. i. dimitte, vt mortem non videam, qui vitam oculis aspexi, *Secundum verbum tuum*. i. cum ad promissorum finem peruenerim *in pace*: addit, quia post debellatum hostē, & nos patri suo reconciliatos, sanctorum in pace ad cælestem patriā facta est translatio; nec de hoc seculo in pace quisquā decedit, nisi, qui Deum

Deum in Christo mundum sibi reconciliaſſe intelligit. *Quia viderunt oculi mei*, ait, *ſalutare tuum*, Beati certe oculi tui Symeon non ſolum corporei, ſed & qui illuminati Spiritus Domini fulgore in carne verbū cognouerunt, Feliciffimus tu totus, qui penè primus tantopere apud Chriſtum gratioſus fuiſti, qui dono tam admirabili affectus fuiſti; *Salutare* namque quod oculis percipiſti, ipſe Ieſus eſt, quo nomine ſaluſ ſignificatur. *Quod paraſti*. ſ. ante originem mundi; Sagacitatem digni ac venerandi ſenis animaduertamus, antequam dignus beata viſione videretur, ſolacium Iſrael præſtolabatur, poſtquam aut impetravit, quod ſperabat, ſe populorum ſalutem cōſpexiſſe exclamat; infantis. n. inexpli-
cabilis ſplendor illum illuſtrauit, ut

quę euentura erant, ferè temporis momento sibi nota fierent. Ideo inquit, *Ante faciem omnium populorum.* quòd carnis à Christo sumptio cunctis ante oculos versatura esset. Hoc autem salutare gentium lumen existere, quòd gentes ante Christi aduentum in tenebris iacebant, Christus autem adueniens sedentibus in tenebris lux factus sit, quam candelilla illa accensa significabat, in qua sicut erat filū, cera ignis, ita in Chřo caro & anima & diuinitas ipsa existebat, *Et gloriā plebis Israel*, quia ab eis non tantum veneratus est, sed ex illis etiam ortus, quāuis vt Deus pręesset. Et mirabantur pater & mater de ijs, quę de illo dicebantur tã ab Angelo quam a multitudine cælestis exercitus, nec nō a pastoribus & ab ipso Symeone, quia rerū, quę

cognitionem nostram transcendūt, et
notitia, quotiens in memoriam ve-
niebat, miracula in mente renoua-
bat. Qui postea benedixit illis, &
beatos eos esse prædicauit, Mariæ
que virgini prædixit eum statutum
fuisse & superborum ruinam, &
humilium salutem, qui in eum cre-
dentes a peccatis liberati se erexer-
unt. Quam autem constanter vi-
sioni illi fidem habuerit, ex hoc
conijcere licet, fratres carissimi, quod
ipse hoc corporis vinculo dissolui
nolebat, antequam Christum vide-
ret, non ignorabat. n. quā beati eius
oculi forent, qui eum aspexissent:
mox autem ut Deus votis suis, atque
optatis respondit, continuo ad lim-
bum patrum proficisci cōcupiuit;
exploratum. n. illi erat saluatorem
esse natū, quem in manibus habue-

rat, ac se redemptum iri; Nos quoq;
religiosi conemur, sicut ille perfe-
ctus fuit, & vitam patienter degit,
mortem tandem desiderans, tales
nos esse; Iustos videlicet, vt proxi-
mos sicut nos ipsos ex corde ame-
mus, Et sic timoratos, vt visione nos
etiam digni simus, & spiritus sancti
in nobis domicilio; si enim virtu-
tis opera exercuerimus, & deposita
uetustate vitæ nouam induerimus,
Iesus in sinu & cōplexu nostro erit,
nec senis illius felicitati, ac beatita-
ti inuidere nobis opus erit, inquit.
enim Christus: beati qui non vide-
runt, & crediderunt; Et quoniam in
hoc cantico Symeon Christum glo-
riosum reddit, eum & pacem, & fa-
lutem, & lumē, & gloriā appellās,
primum quia medius est, alterum,
quia redemptor, tertium, quia do-

ador, quantum quia præmiorum tributor, vt illius commendatio breuiter comprehendatur, ideo id in fine precum semper canitur; læti ergo hymnum hunc cantemus, & à Domino obtinere nitamur, cum ipsum carneis oculis cernere non potuerimus, vt in cælesti patria oculis cordis eum videre, illoque perfecte perfrui valeamus, Qui viuit &c.

EIVSDEM

In diem Cinerum.



Atis iam, ac multū bachati sumus, & voluptatum illecebris hætenus deliniti, fratres charissimi, nunc dies hic, & horum quadraginta dierum tempus ieiunio dedi-

& puerum offerunt; Cuius exemplo fortè adducta ecclesia cereos cōsecrat, & in supplicatione. Et quoad euangelium perlectum sit, accensos perferri iubet. quod innuebat Simeon postea canens lumen ad reuelationem. licet nonnulli opinentur, vt ipsa veterem Romanorū morem februaria 2. dies celebrandi abrogaret, quibus populus circa sepulcra accensis facibus sacrificia faciebat. *Et vt darent hostiam*, inquit Lucas, quemadmodum in lege scriptū est par turturum, aut duos pullos columbarum, vnum pro agno in holocaustum, alterum pro peccato, qui sacerdotis commodis, atque vtilitati seruiebat, orantis pro ea, quæ mūdabatur: Pauperum autem, & eorū qui diuitijs non abundabant, hæc hostia erat, & qui agnum offerre nō pote-

poterant; Vel fortè id accidit, quòd
 Christus, qui erat agnus Dei in mun-
 do natus, semetipsum pro mundi vi-
 ta holocaustum oblaturus erat; Et
 quia vtraque hostia eque conditori
 accepta est; columba enim, quia cū
 gregalibus volat suis, actiuae vitæ fre-
 quentiam indicat, Turtur vero soli-
 tudine gaudens contemplationis fa-
 stigium demonstrat, consultò Lucas,
 an turtures, an pulli columbarum
 pro Domino oblati sint, non expli-
 cavit, ne alterum viuendi ordinem
 alteri præferret, sed vtrunq; sequen-
 dum doceret: Credendum tamen
 magis est, quia Christus, & mater
 pauperrimi erant, eos quia minoris
 veneunt, pullos columbarum emis-
 se. Cur autem pulli potius, & non
 columbæ simplices, sicut turtures
 in sacrificijs Domino offerri permit-
 te-

tebantur? respondet D. Bernardus,
& rationem reddit inquires, licet
aliàs columba spiritum Sanctum si-
gnificare soleat, quia tamen libidi-
nosa avis est, non decuisse eam offer-
ri, nisi ea ætate, quæ libidinem ne-
sciat; Turturis vero non designari
ætatem, quoniã castitas eius agno-
scitur, quæ vno consorte in quacũ-
que ætate contenta alterum eo amis-
so respuit, in hominibus numerosas
nuptias arguens: Ac mirum est, quã-
do Maria virgo tẽplum adiuit, agnũ
emendi facultatem ei nõ fuisse, quẽ
pro filio offerret, cum aurum mul-
tum ei à Magis tributum fuisset, Ve-
rum credere licet nobis illam vt po-
tẽ pauperes admodum amantem, ac
voluntatem filij agnoscentem totũ
in eos erogasse, & manibus proprijs
ea quæ ad victum suppeditabant, si-

bi parasse. Merito igitur columbam,
 quæ simplicitatem, & turturē, quæ
 castitatem indicant, deferri permi-
 sit, quia simplices, & pudicæ fideiū
 actiones Domino gratum sacrificiū
 exhibent; nam ab homine constan-
 te ex anima & corpore, vtriusq; mā-
 fuetudinem, & castitatem à nobis
 poscit Deus, alioquin fictor erit ille
 innocentiae velo simulationem te-
 gens; triplici autem ratione hæc
 oblatio præcepta erat, vt & infans
 Domino consecraretur, & commē-
 daretur diuinæ custodiæ, & gratia-
 rum actio Deo ageretur, à quo tale
 donum parentes acceperunt; tertia
 tantum in Christo locum habuit;
 beata enim virgo Deo gratias agere
 debuit, quæ singulari priuilegio eum
 concepit, & peperit. Quo autem lo-
 co constiterit in templum ingressa

licet à doctoribus, quos vidi, nō explicetur, verisimile nihilominus existit, se cum diuitibus non coniunxisse, quòd quamuis generosa & nobilis, veste tamen vili induta esset, nec cum virginibus, quia sponsum habebat; at cum pauperibus, ac simplicibus mulieribus se copulasse, vt prædictio illa, sicut lilium inter spinas impleretur. licet alij tantum quinque personas Christum, matrem Iosephum, Annam, ac Symeonem affuisse affirmant: Voluit ergo Christus propter nos sisti, vt exhibere nos ipsos disceremus, & consecrare Deo; Atque cum diues existeret, pro nobis pauper fieri, vt sua nos inopia diuites ac præsertim fide redderemur, atque diuitiarum suarum participes, & regni cælorum hæredes essemus. O immensam benignitatē,

ac

ac Deibonitatem, atque clementiã;
 quis vnquam cogitatione incredibi-
 lem illius erga nos amorem assequi
 valeat? Itaque Dominũ imitemur,
 quatenus pro viribus nobis licet, &
 nos quoque voluntariam paupertate-
 m amemus. Quòd autem omnis
 ætas, nedum angeli, & sexus nato
 puero testimonium tribuerit, ac si-
 cut ab omnium sæculorũ fidelibus
 præfagiebatur, sic veniens omnium
 sanctorum voce celebratus fuerit, &
 laudibus affectus. Ecce Simeon in-
 ter sacerdotes celebris, homo iu-
 stus, qui non suam sed populi gratiã
 requirebat, & timoratus timore Do-
 mini, qui iustitiæ, ceterarumq; virtu-
 tum custos est; habitat enim Deus
 in ijs, qui eum timent, iustitiãq;
 feruant; erat expectans consolatio-
 nem Israel, mundanam felicitatem
 non

stum, quem prius in sinu matris ab
ea genua flectente mirum inmodū
fuisse veneratum censerī potest; In-
nocentiā Christianæ infantie acci-
pit, vt quemadmodum aquila reno-
uetur, ac Iustitiam legis in gratiā fi-
dei euāgelicę mutandā esse innuat.
O vere felices manus, q̄ meruerūt,
vt Iesum attrectarent, ò beata bra-
chia, quæ eum amplexatæ sunt; Ac
quanto gaudio exilierit Symeon,
quis diiudicare valet, cum quodam
modo senectus aufugeret, & Iue-
nis robur, atque fortitudo adesset,
dum eum gestabat, a quo ipse porta-
batur & regebatur? Si ergo nos quo-
que volumus Iesum tenere, si mani-
bus amplexari eum cupimus, omni
labore nitamur, vt ducem habe-
amus Spiritum, & continenter ad tē-
plum accedamus, vt quidquid in

nobis est boni, si quid tamē est, eius gratiæ & non meritis nostris ascribamus. *Et benedixit Deum* pro tantis beneficijs illi gratias agēs, & quod promissa sibi facta veritatem sortita sint & vt consolationē Israel oculis perspiceret, dignus habitus fuerit, *Nunc dimittis seruum tuum Domine*, in quiens, vt cum Deum confiteatur; quasi dicat, antequam Christum in manibus haberem, clausus eram, & ex vinculis eripi nequibam; modo dimittis. i. dimitte, vt mortem non videam, qui vitam oculis aspexi, *Secundum verbum tuum*. i. cum ad promissorum finem peruenerim *in pace*: addit, quia post debellatum hostē, & nos patri suo reconciliatos, sanctorum in pace ad cælestem patriā facta est translatio; nec de hoc seculo in pace quisquā decedit, nisi, qui Deum

Deum in Christo mundum sibi reconciliaſſe intelligit: *Quia viderunt oculi mei*, ait, *ſalutare tuum*, Beati certe oculi tui Symeon non ſolum corporei, ſed & qui illuminati Spiritus Domini fulgore in carne verbū cognouerunt, Feliciffimus tu totus, qui penè primus tantopere apud Chriſtum gratioſus fuiſti, qui donò tam admirabili affectus fuiſti; Salutare namque quod oculis percipiſti, ipſe Ieſus eſt, quo nomine ſaluſ ſignificatur. *Quod paraſti*. ſ. ante originem mundi; Sagacitatem digni ac venerandi ſenis animaduertamus, antequam dignus beata uifione videretur, ſolacium Iſrael præſtolabatur, poſtquam aut impetrauit, quod ſperabat, ſe populorum ſalutem cōſpexiſſe exclamat; infantis. n. inexpli-
cabilis ſplendor illum illuſtrauit, ut

quæ euentura erant, ferè temporis momento sibi nota fierent. Ideo inquit, *Ante faciem omnium populorum.* quòd carnis à Christo sumptio cunctis ante oculos versatura esset. Hoc autem salutare gentium lumen existere, quòd gentes ante Christi aduentum in tenebris iacebant, Christus autem adueniens sedentibus in tenebris lux factus sit, quam candela illa accensa significabat, in qua sicut erat filius, cera ignis, ita in Christo caro & anima & diuinitas ipsa existebat, *Et gloriã plebis Israel*, quia ab eis non tantum veneratus est, sed ex illis etiam ortus, quãuis ut Deus præesset. Et mirabantur pater & mater de ijs, quæ de illo dicebantur tam ab Angelo quam a multitudine cælestis exercitus, nec nõ a pastoribus & ab ipso Symeone, quia rerum, quæ

cognitionem nostram transcendūt, et
notitia, quotiens in memoriam ve-
niebat, miracula in mente renoua-
bat. Qui postea benedixit illis, &
beatos eos esse prædicauit, Mariæ-
que virgini prædixit eum statutum
fuisse & superborum ruinam, &
humilium salutem, qui in eum cre-
dentes a peccatis liberati se erexe-
runt. Quàm autem constanter vi-
sioni illi fidem habuerit, ex hoc
conijcere licet, fratres carissimi, quod
ipse hoc corporis vinculo dissolui-
nolebat, antequam Christum vide-
ret, non ignorabat. n. quã beati eius
oculi forent, qui eum aspexissent:
mox autem ut Deus votis suis, atq;
optatis respondit, continuo ad lim-
bum patrum proficisci cōcupiuit;
exploratum n. illi erat saluatorem
esse natū, quem in manibus habue-

rat, ac se redemptum iri; Nos quoq;
religiosi conemur, sicut ille perfe-
ctus fuit, & vitam patienter degit,
mortem tandem desiderans, tales
nos esse; Iustos videlicet, vt proxi-
mos sicut nos ipsos ex corde ame-
mus, Et sic timoratos, vt visione nos
etiam digni simus, & spiritus sancti
in nobis domicilio; si enim virtu-
tis opera exercuerimus, & deposita
vetustate vitæ nouam induerimus,
Iesus in sinu & cōplexu nostro erit,
nec senis illius felicitati, ac beatita-
ti inuidere nobis opus erit, inquit.
enim Christus: beati qui non vide-
runt, & crediderunt; Et quoniam in
hoc cantico Symeon Christum glo-
riosum reddit, eum & pacem, & sa-
lutem, & lumē, & gloriā appellās,
primum quia mediū est, alterum,
quia redemptor, tertium, quia do-

ator, quantum quia præmiorum tributor, vt illius commendatio breuiter comprehendatur, ideo id in fine precum semper canitur; læti ergo hymnum hunc cantemus, & à Domino obtinere nitamur, cum ipsum carneis oculis cernere non potuerimus, vt in cælesti patria oculis cordis eum videre, illoque perfecte perfrui valeamus, Qui viuit &c.

EIVSDEM

In diem Cinerum.



Atis iam, ac multū bachati sumus, & voluptatum illecebris hætenus deliniti, fratres charissimi, nunc dies hic, & horum quadraginta dierum tempus ieiunio dedi-

catum admonet, vt crapulam exha-
lemus ac resipiscamus; Quin etiam
Turcæ illius dictum ad memoriam
reuocemus, qui Romæ dies aliquot
commoratus cum hodie casu ad ec-
clesiam accessisset, & cinerem a Sa-
cerdote imponi capitibus nostris
intuitus esset, postea nos luxui am-
plius operam non dare, ad suos pro-
fectus narrauit eis se miraculum in
Italia vidisse, quòd quadam die nos
cinere conspersi ex valde stultis fa-
pientes euadamus; Et vtinam ille di-
uinasset; non enim ad vomitum faci-
le rediremus. Sed ecclesia mater no-
stra hoc pie statuit, quòd illam om-
nium virtutum præcipuam humili-
tatem nobis ante oculos ponat, &
vt nos, qui cinis & puluis sumus, in
puluerem, sicut Adamo dixit Domi-
nus, reuersuros esse in memoriam re-

digat;

digat; In qua cogitatione si versare-
 mur, fratres charissimi, a malis decli-
 naremus, vitiaque multa & graui-
 a fugeremus. Ac certe qui Deo gra-
 tus esse cupit, humilitatem concupi-
 scat, & amet, exerceatque, oportet,
 Beatae Mariae virginis exemplo, quae
 adeo humilis fuit, ut digna fuerit,
 quae Deum, & hominem pareret, vi-
 tam mortalibus ederet, paradysum
 aperiret. hoc autem postulat humi-
 litas ipsa, ut nihil in nobis boni esse
 arbitremur, & si quid extat, totum a
 Deo Opt. Max. agnoscamus, ut alios
 etiam semper pluris faciamus. Qui
 enim se proximo praeponeit, ut ali-
 quando eum contemnat, necesse est.
 Unde tota disciplinae Christianae sa-
 pientia in vera & voluntaria humili-
 tate consistit, non in astutia disputan-
 di, non in laudis, & gloriae appetitu;

in quo hypocritæ idest simulatōres
in euangelio quod nūc audistis, val-
de arguuntur; quos imitari nobis
Christus Dominus prohibet inqui-
ens: cum ieiunatis; Nam supra de o-
ratione sermonem longum habuit,
& quoniam sine ieiunitate illa infir-
ma est; dixit enim Christus discipu-
lis suis sine vtraque dæmonia eiici
non posse; ideo de Ieiunio verba fa-
cit, dicens, *Cum illi operam datis, neli-
te fieri sicut hypocritæ tristes*, non dixit,
esse, quia isti quidem simulatōres fal-
laciissime se hominibus venditant,
qui vero naturaliter & assidue ieiu-
nium exercent, non fiunt, sed vere
tristes sunt; non enim fieri potest, vt
is hilari sit, qui in ieiunitate versa-
tur. *Hypocritæ autem exterminant. nō*
proprie dictum, vt ait Hieronymus;
exterminantur namque exules; sed

de-

demoliuntur; quemadmodum vero ego interpretor, pallore facies suas obscurant, vt tristitiam indicent, & læto forte animo luctum in vultu patefaciunt, vt ab hominibus ieiunitati operam nauare censeantur; vnde mercedē eis quam optabant, persolutam esse ait Christus, laudem scilicet, & gloriam, quam ab hominibus expetunt, At quid de ijs dicemus, qui ieiunium fugiunt, & tamē pallore vultum suum pingunt, vt ieiunij signum ostendant, nonne iniquiores multo sunt, & iactantiæ suæ grauissimas pœnas dare debent, qui gloriantes in sordibus nedum in nitore rerum corporearum se Deo seruire fingentes homines fallunt? sed Christus nos instruit, ne in hos perniciosos errores incidamus, inquiēs
Tu cum ieiunas, unge caput tuum, mo-

re Palestinorum, qui diebus festis
 hoc efficiebant, *Et faciem tuam laua,*
 perinde ac dicat, fac vt, ieiunitatem
 dum exerces, lætum te & hilarē mē-
 te demōstres, & mundicitia cor or-
 nes, (vngere. n. ad lētitiam, lauare ad
 mūditiā spectat, & alibi a cibo ab-
 stinere vnctis capitibus turpissimū
 esse cūcti iudicarēt) ne hominibus
 ieiunus esse videaris, sed patri tuo
 qui est in abscondito idest qui in
 cēlis est, vel qui in corde tuo ob fi-
 dem tuam habitat, & ipse reddet ti-
 bi, satis enim tibi esse debet, vt qui
 conscientiam tuam scrutatur; te ip-
 se remuneret. Verum notādum est,
 sicut ait Chrysostomus, in eleemosi-
 na non simpliciter hoc posuisse, sed
 illam coram hominibus non esse tri-
 buendam dixisse, hoc addito vt ab
 eis videamur; In ieiunio & oratione

nihil tale addidisse, quia fieri nō pos-
sit, vt eleemosina prorsus lateat, ora-
tio autem & Ieiunitas cælari queāt.
De quo ieiunio nō nulla afferre mi-
hi propositum est, licet de illo do-
ctores copiose loquantur. Ac Ieiu-
nium quinque modis considerari
potest, ut ad animā, ad corpus, quod
naturæ ieiunium quidam vocant,
& ad pœnitentem pertinet, atque vt
illud ordinat ecclesia sãcta, & vt mo-
rale est; Verum de hoc vltimo dice-
re omitemus, in libera. n. cuiusque
volūtate a cibo & potu siue propter
salutem corporis, siue aliam ob cau-
sam rationi consonam abstinere si-
tum est. Illud ad animam, & spiritū
spectans verum est & magnum ieiu-
nium ab iniquitatibus scilicet &
sceleribus, & ab illicitis sæculi volu-
ptatibus abstinere, vt ait Isaias, sol-

ue colligationes; ab alienatio enim
a prauis actionibus vera est & perfe-
cta ieiunitas sed, Fratres mei carissi-
mi, parum est a peccatis duntaxat
canere; nisi accedant opera bona, ut
frange, hoc vero ieiunium semper
exercendum est, & omni tempore
valde utile; De illo ad corpus perti-
nente siue naturali scire vos volo
hanc à cibo, potuque abstinentiam
sanis maxime congruere, & ijs, qui
pane cælesti cupiunt ali: si enim mē-
tem constantem reddere, eamque
expiare desideramus, carnem dome-
mus, eamque spiritui subijciamus
oportet; non enim Moyses Deum,
nec Daniel visiones vidisset, si ani-
mum eorum perspicacem non efle-
cisset ieiunium, animi enim propu-
gnaculum bonum est, & vitæ casti-
gatio; Scutum etiam est ad militan-
dum

dum contra dæmones; tentationes enim remouet, sacerdotem quoque perficit; nam citra ieiunium sacra celebrare non licet, castitatis verū lumen accendit, & sobrietatem comitatur; deniq; diuitias nihilifacit, Superbiam spernit, atque humilitatem commendat. Quid plura? at vt vno verbo comprehendam, Ieiunium est angelorum similitudo, qui cum eis libenter habitant, qui animam ipso expiant. Sed dicet aliquis Ieiunitatem terre nequeo, an satiare te victu, & corpus cibis delicatis onerare vales? à delicijs saltem abstine, hoc enim non minimum erit, nec à Ieiunio valde distās opus, qđ Dæmonum quoque furorem mitigare potest. Ac si ieiunium tolerare nequis, amplius & copiosius in pauperes eroga. Quare, fratres mei, noli.

nolite excusationes afferre præsertim ei, qui corda nouit, & vos eorum numero eximere, qui ieiunio operam dare debent: nemo enim ignorat ebrietatem non suscipere Dominum, at Spiritum sanctum fugare (ebrietatis nomine singulas affectiones mentem perturbantes appello) sed Ieiunitatem amate, quæ omnes sanctos ad regnum cæleste perduxit; Et cur illam non diligamus, cum etiam sanitatem maxime tueatur? Sed animaduertite eorum non probari Ieiunium, qui ad cænā se præparant, in qua magnæ reliquię fiant. Quod ad pœnitentes attinet, ij maxime abstinere debent a cibis, qui delectant & a potu, quo irā Dei placent, & a Deo impetrent, vt sibi eorum peccata cōdonentur, quod exercebat Dauid dicēs, Genua mea

infirmata sunt à Ieiunio, & humilē
reddebam in ieiunio animam meā;
De quo Ioelē hodie legimus in-
quentem: cōuertimini in toto cor-
de vestro, in ieiunio & fletu; Et cū
pœnitens ad misericordiam conse-
quendam, & peccatorum veniam
obtinendam ieiunitatem ferre, &
plorare debeat, à laude humana ca-
ueat, àliquin oleum, & operam
perderet. Ieiunia vero ab ecclesia
indicta diligenter obseruare debe-
mus, imprimis horum quadraginta
dierum ieiunium, quod à lege, & à
prophetis, atque ab euangelio no-
bis præcipitur; Nam Ignatius ait à
D. Ioanne Euangelista mandatum
hoc accepisse, nec ecclesia onus
hoc suscepisset, nisi à spiritu Sancto
& apostolis edocta fuisset, Qui er-
go hoc tempore ieiunio operam

L

non

non nauat, nisi infirma, & ægra ualitudine is fuerit, maxime se peccare certo sciat. Quàm uero antiquum donum existat ieiunium, ex hoc perspicui potest, quòd hoc primum mādātum accepit Adam, & Eua, De ligno scientiæ boni, & mali ne comedatis, quia moriemini. Hæc vox, ne Edatis, ut ait D. Basilius, quem D. Augustinus ualde probat, ieiunij, & abstinentiæ præceptum fuit: Nā si Eua à ligno ieiuna fuisset, & Maritum non prouocasset, eo nunc non indigeremus. Et quando ieiunitate missa è paradyso excidimus, rursus ieiunium strenue exerceamus, quò ad ipsum reuerti queamus: Et quoniam illud sine oratione animam perfecte nutrire nō potest, & sine eleemosyna parum ualeat, ideo cū Dominus Iesus Christus de elec-

mosina supra dixerit inanem gloriam prohibens, de illa, & de diuitiarum contemptu sermonem repetit dicens: Nolite thesaurizare vobis in terra vbi ærugo, & tineam demolitur, & vbi fures effodiunt, vbi nobis cōsiliū siue præceptum dat, vt eleemosinam, ac misericordiam pauperibus tribuamus, & in hoc opere conficiendo vtilitatem ostēdit, nec non timorem eiicit inopiæ, qui impediāt, ne erogemus, Verum tria ponit, metalla ab ærugine, vestes à tineam consumi, alia quæ nec æruginem nec tineam metuunt, vt lapides pretiosos à furibus rapi posse; si autem thesauros nostros in celo condamus non corporeo, quod trāsibit, sed in eo, quod semper manet, erit ibi & cor nostrum, perinde ac dicat, & si nihil eorum eue-

niat quæ diximus, non parvam tamen iacturam faciemus, si his terrenis atque inferioribus valde affixi ex cælestibus decidamus. Quid ergo satius est in terra ne sepelire pecuniam siue bona tua, vbi seruandi incertus est euentus, an in cælo, vbi certa est custodia? at certe maxima est amentia illic thesauros nostros relinquere, vnde simus discessuri, & illuc non præmittere, quo profecturi sumus. Ergo, fratres charissimi, fortunas nostras, atq; copias illic collocemus, vbi patriam habituri sumus; si autem cupimus, vt oratio nostra ad Deum perueniat ac volet, duabus illam alis muniamus, ieiunio & eleemosina; Et cū ieiunitati damus operam, vngamus caput, id est mentem reficiamus, & conscientiam lauemus, vt illa co-


ram

ram Deo munda sit; nam sine conscientia lauta & nitida, quæ apud Deum gratiosa est, misericordiæ opus ad obtinendam peccatorum nostrorum veniam idoneum non erit. Et ebrietatem fugiamus; non enim ieiunitas, & oratio animam ab ea inquinatam conseruare puram valet. Vitemus etiam superbiam, quam ærugo indicat, quòd ea virtutem decore spoliet, & inuidiam, quæ omne studium lacerat, & conficit, sicut tinea vestes rodit, fugiamusq; hæreticos, & dæmones, qui tanquam fures nihil aliud tentant, quam vt mentem nostram à Deo atque à rebus cælestibus auocent. Et quoniam vnusquisq; illuc peruenire cupit, vbi diuitias suas seruasse nouit, Et beati sunt, qui eas in cælo reposuerunt, vt semper

ibi animum habeant, semperq; il-
luc cogitatione aspirent, vbi res
amata existit; nos quoque thesau-
ros nostros in cælesti regno conda-
mus, cælestiaq; diligamus, quo. n.
eos præmiserimus, illuc & affectus
noster, & cor sequetur. Denique
animum nostrum omnino Christo
dicemus, atque in eo spem nostrā
fidem & charitate fulti figamus, &
ipse mercedem non parvam nobis
tribuet actionum nostrarum, atque
in cælesti patria secum nos ha-
bitare permittet, atque
illius cohæredes esse,
qui viuit & re-
gnat æter-
nis
seculis.
Amē.



EIVS.



E I V S D E M

In Primā Dominicam Quadragesimæ.

A Vdistis, fratres mei caris-
simi, Euangelium mo-
do recitatū nobis me-
moriam valde tenēdum,
quia admirabile, & arcanis rebus
plenum est, ex quo constat Domi-
num Iesum Christum post baptis-
ma à Ioanne susceptum, se à Dæmo-
ne tentari permisisse ac voluisse, vt
ad tentationes nostras superandas
non modo nobis opem atque auxi-
lium ferret, sed exemplum etiam ad
imitandum proponeret; futurum

L 4 enim

enim erat, ut tētationes nobis quoque iminerent, postquā abluti essemus, atque illis pręsertim animo, & cogitatione ad cēlestem patriam assidue aspirantibus, quibus semper Dæmon invidit. O miram Iesu Christi; erga nōs charitatem qui nihil non sustinuit, ac toleravit, ut ad omnia fortiter, ac strenue ferenda nos instrueret. Inquit ergo D. Mattheus. *Ductus est Iesus in desertum à Spiritu*, haud dubium, quin à Spiritu sancto, non inuitus, non captus, sed pugnandi cum Dæmone voluntatem habens; spiritus enim quos implet, illos ad pugnam mittit, & robur eis prębet. D. autem Lucas ait, quod agebatur spiritu in desertum, id est impellebatur, unde innuit hominem in tentationem seipsum immittere non debere. Nam

D. Mar-

D. Marcus inquit, quòd spiritus eū
 expulit in desertum, solitudinem vi
 delicet illam, quæ inter Hierico, &
 Hierusalē existit, vbi à Christo Dæ
 mon victus est, in quo latrones ha
 bitabant, qui hominem illum spo
 liauerūt, & in quo Adam exulauit.
Vt tentaretur à diabolo, nam ductus
 est, vt Dæmonem prouocaret, non
 verbo, sed opere, quærens solitudi
 nem, qua Dæmon delectatur, qui in
 vrbibus esse non vult, quia concor
 dia ciuium eum tristem reddit; qui
 que in homines inuadit, vt eos ten
 tet; nā sanctis maxime infestus est,
 quoniam ei victoria quam de illis
 reportat, optata magis, & iucunda
 existit; accedere vero ad Christum
 non audebat; nouerat enim Dæmō
 eum Ieiunio operam dare, & fame
 non laborare, ideo ipse Iesus cōtra
 eum

eum progressus est. Tribus autem modis à Dæmone tentatio exercetur, suasionem, delectationem, & consensu, in his duobus extremis facile labimur; solus Christus illo suggerente tentari potuit, attamē eius mons minime conquassari, quia interiorius Diuinitati inherens haud cōcussa maneret; exterius tantum tētationes pati voluit, vt nobis vinceret; sed quales illæ fuerint, nescimus; & quia maiores erant, quàm vt litteris proderentur, ideo prætermittæ sunt. Nec indignum fuit eū tentari, qui vt occideretur, in mūdum venerat; cur vero eas à nobis non auertat, multæ rationes afferuntur, primum quidem vt nos fortiores post baptismum factos esse discamus, deinde ne magnitudine donorum gloriemur; tertio vt Dæ-

mon

mon se à nobis penitus desertum esse experiatur, postremo, ut crediti nobis thesauri signum accipiamus; nō enim ipse nos aggredere-
tetur tentans, nisi nos honore affectos esse cōspiceret. *Et cum Ieiunasset quadraginta diebus, et 40. noctibus*, non indigens erat enim Deus, sed nos instruens, ut quadragesimo nostro ieiunio modum statueret; (de quo numero doctores multa dicunt, quæ breuitatis gratia silentio à me prætermittuntur;) nā ultra quam Moyses & Helias non progressus est, ne carnis sumptio incredibilis uideretur: Et hæc vera humanitas tentandi occasio fuit; latebat enim potestas, infirmitas apparebat; Ieiunitatem autem fert, vt tentetur, tentationem uero sustinet, quia ieiunus est, & exemplum nobis tribuit, ostēdens

dens illis, qui se ad tentationum pugnas præparant, sobrietatem necessariam esse, & hoc opus ex virtute nauat Christus, at Moyses se diuino sermone sustentâs, & Helias fortissimo illo cibo munitus.

Postea esuriit, hominem naturæ suæ relinquens, & se Deum cælans, ac non tam cibum corporis, quàm animæ salutem desiderans, non ante, quia non esurire Dei erat; At sicut Dæmon omnes homines cæcabat, sic à Christo cæcus modo factus est; qui post quadraginta dies illum esurire intellexit, & per quadraginta non esurientem non cognouit, cum eum nō esse filium Dei suspicatus est; nā magis ex eo quòd post tot dies non esuriit, perspicere debuit Deum esse, quam quòd post eos dies fame laboraret, hominem

nem esse: Moyſes & Helias quadraginta dies ieiunium exercuerūt, & homines erant, ſed fame vexabantur, ac ſuſtinebant; iſte autem non eſuriſt, poſtea vero; eſurire enim, & non comedere patientiæ humanæ erat; non eſurire, diuinæ naturæ. *Et accedens tentator dixit, ſi filius Deus es, Ante deſperauerat Dæmon* videns Chriſtum ieiunitatem quadraginta dies tolerantem; at poſtquam eſurientem cognouit, ruruſperare cœpit; Et ſicut primum hominem in gula tentauit, cum ei ſuaſit, vt cibum ligni vetitum ederet; Et in inani gloria, cum ei dixit: eritis ſicut Dij; in auaritia & ambitione, inquiens, ſcientes bonum & malum; eodem ordine aggredi Chriſtum volens ſuccubuit, incepit. n. vnde vicerat, à gula, ſcilicet quia tentatio

tatio hæc ab ineunte ætate præcipue occurrit homini, nisi. n. gula refrenetur, frustra contra alia vitia laboratur, dicens ei, si filius Dei es, vt cælesti verbo, & Ioānis testimonio renunciatus es: Dic, emphasis, solo iussu hoc ab eo effici posse significans, vt lapides isti, vel lapis, vt ait Lucas, panis fiat, ne fame crucieris. Sed quid sibi vult sermo hic? an quia cognouerat filium Dei esse venturum, sed infirmum corpore non arbitrabatur? aliud itaque explorantis est, aliud tentantis; Nam se Deo credere profitetur, at homini conatur illudere. Verum contrarijs tecum pugnas ò Dæmon; si enim eo iubente lapides fieri panes queunt, frustra tentas eum qui tanta potentia præditus est; sin hoc efficere nequit, frustra suspicaris, si filius

lius Dei es. *Respondens Iesus ait scriptum est, scilicet in Deuteronomio; Non in solo pane vivit homo, sed in omni verbo, quod procedit de ore Dei, vel ut D. Lucas ait, in omni verbo Dei, propositum enim erat Christo humilitate aduersarium superare, vnde cū legis auctoritate, non virtutis potestate vicit, vt hominem maiori honore afficeret, & Dæmonem magis affligeret, qui non tanquam à Deo, sed tanquàm ab homine superaretur. Dissipator ergo tentationum Christus à natura panem non repellit, vnde respondet, non in solo pane, sed in omni verbo Dei, quòd homo quasi diuinæ pabulo lectionis deditus famem corporis negligat, alimentum verbi cælestis appetat; sicq; Moyse huic affixus animo panem non concupierit; nec Heliam*

lon-

longioris fames ieiunij cōmouerit:
Verum alij illa Deuteronomij ver-
ba aliter exponunt, inquietes hoc
occasione Mānæ dictum fuisse, quo
Dominus Israelitas in solitudine pa-
uit; dedit inquit Moyſes, manna, vt
ostenderet quòd non in solo pane
viuit homo, sed in omni verbo, qđ
de ore Dei exit, idest homini impe-
rio, vt intelligatur illud omne, quo
vt vita hominis sustētetur, ordinat,
at iubet Deus, quemadmodum Mā-
na, quod panis non erat, Israëlē nu-
triuir, & Heliseum herbis aluit, Ac
Moysem & Heliam, Christumq; si-
ne omni cibo sustentauit.

Tunc assumpsit eum in Sāctā ciuitatem.
Hierusalem scilicet, quia ipsa pro-
pter templum cultui dicata esset di-
uino, vel propter sacramēta nostræ
redemptionis ibi peracta; Valent
quidem

quidem homines sancti, quandoq;
à fame non vinci, post hanc carnis
victoriam possunt cadere inani glo-
ria capti; ideo tentare cœpit in ea;
& quia permisit se assumi, non infir-
mitas fuit, sed patientia; in Dæmo-
ne vero superbia, qui voluntatem
Saluatoris necessitatem esse puta-
uerit; Ipsum autem spetie humana
indutum apparuisse verisimile est,
eumq; assumpsisse, vt ab omnibus il-
le conspiceretur, Dæmone vero ne-
sciente sic Christum effecisse, vt à
nemine videretur; nec mirum vide-
ri nobis debet, si se in Hierusalem,
atque in montem à Dæmone duci
fuit, qui se à membris eius cruci af-
figi permisit; alij ab ipso gestatum
brachijs, alij manibus ductum esse
sentiunt, qui sequebatur vt athleta
ad tentationem sponte proficiscēs;

M

Non-

Nonnulli tamen translationem hanc corpoream non fuisse affirmant; videtur enim absurdum, inquiunt, quod Christus Dæmonis ipsius humeris tanquam vehiculo usus fuerit, quæ præcipitorem sciebat, vel ei se ferendum permiserit, cuius insidias agnoscebat; a suo itaque spiritu credendum est eum in desertum esse ductum, & supra pinnaculum, & supra montem translatum fuisse, ut utroque eum Dæmon tentaret, quasi per visionem hæc facta fuerint; at mihi magis Gregorij, & Hieronymi, nec non Glosæ arridet opinio, quod corporeis sensibus completa hæc fuerint, quam confirmat Chrysostomus, ut supra dixi, siue quisquis fuerit operis imperfecti scriptor, inquiens, Dæmonem quidem sic assumpsisse Christum, ut ab omnibus

bus ille cerneretur, ipsum vero ita
 gessisse, ut à nemine conspiceretur.
Et statuit supra pinnaculum, scilicet su-
per parietis, & tecti superiorem par-
tem; in palestina enim tecta plana
existunt. Et dixit ei: si filius Dei es, dua-
bús his tentationibus hoc agit Dæ-
mon, ut exploret. Mitte te deorsum;
 Hæc est Dæmonis vox, quæ semper
 homines cadere desiderat, & persua-
 dere quidem potest, præcipitare ve-
 ro nequit. *Scriptum est enim, quia ange-*
lis suis mandavit de te. Verum ibi in-
telligitur de viro iusto, ac sancto, nō
de capite Christo, quia Dei filius
manibus angelorum non gestatur,
sed eos ipse magis portat; Male er-
go scripturas interpretatur Dæmō,
& ut astutus tacet, super aspidem;
(Ait ei rursus Iesus, non tentabis Domi-
num Deum tuum) non dixit me do-

minum, quibus verbis vti poterat homo Dei à Dæmone tētatus, quoniam qui homines Dei tentatione affligit, Deum tentat : Dupliciter autem in scripturis hoc accipitur, primum quidem, cum quis ex arroganti quadam fidentia citra necessitatem manifestissimo periculo se cōmittit confidens se a Deo servatum iri; & qui ad erudiendum destinatus neglecta scripturæ lectione à Deo sibi suggeri expectat, quod doceat, eo quòd Christus apostolis dixerit, cum steteritis ante Reges, & præsidas, nolite cogitare, quid loquamini; isti enim experiri volunt, quàm sit bonus, ac potens, & verax Deus; Tentat ergo quòd non ea ratione quam debent, auxilium Dei expectant; non tentant autem illi, qui necessitate astricti, necessariam

sibi

sibi Dei opem exquirunt. Deinde cum ex diffidentia de Deo quidam ei non credunt, sicut deberent, ut cum quis necessitate pressus potentia Dei non secure confidit, ut in solitudine Israelitæ fecisse dicuntur; Itaque nemo Deum tentare debet, quando ratio illi dicat, quid agendum sit, cum vero deficit ratio, se Deo non tentando, sed deuote confitendo commendare. *Iterum assumpsit eum Diabolus in montem excelsum, etc.* adhuc ambiguus de eo, quod explorabat, an filius Dei esset; quod Christus ita responsa dabat, ut se hominem esse indicaret, qui tentatione afflictabatur, attamen quasi iam certior eum non esse filium: bis enim hoc recusauerat Christus, tanquam purum hominem tentauit; *Et ostendit ei omnia regna mundi, & gloriam eorum,*

rum, non ipsa regna, & ciuitates eorum ac populos, sed partes terræ, in quibus vnumquodq; positū erat, perinde ac dicat, ibi est Roma, illic gallia, & huiusmodi. *Gloriam eorum*, aurum videlicet, & argentum, ac lapides pretiosos, vt intelligat, aliquid autem ignotum Christo demonstrare nō potuit, sed pompæ humanæ vanitatem, quam ipse diligebat. Aliqui dicunt Dæmonem Christo sensibilibiter omnia regna mundi monstrasse, quia eorum imagines nouo quodam modo obtulit faciens omnia per eas oculis eius, vt apparerēt. qua ratione eas falsas esse sciēs Christus non deceptus est. *Hec omnia tibi dabo, si cadens adoraueris me.* O arrogantem atque superbum, qui intolerantur se iactat, quasi in toto mundo potestatem habeat; sed is illa, quæ
in

in mundo inique fiunt, & diuitias furto, aut periurijs partas tradit; Verum ijs tantum, qui ab eo recipere volunt; Certè admiranda est Dæmonis amentia, qui regna terrena illi dare pollicebatur, qui suis fidelibus cælestia donat, Et ei gloriam mûdi, qui cælestis gloriæ dominus est. Ecce antiqua illius superbia, qui sicut in initio se similem Deo facere studuit, ita nunc diuinum cultum sibi vsurpare volebat inquiring; si *cadens*; ergo qui eum adoraturus est, ante corrui. *Tunc Iesus, vade Sathana*, tentationis enim finem facit, ne progrediatur; sed non (vt pleriq; arbitrantur, eadem sententia condemnatur Petrus, & Sathan, Petro enim dicitur, vade post me Sathana, idest sequere me, nec voluntati meæ aduersare; Dæmoni vero

dicitur, Vade Sathana, quasi dicat, in ignem æternum proficiscere; vt secundum quosdam Codices, vade retro, idest reminiscere quanta in gloria conditus fuisti, & quantam in miseriam incidisti; Notandum autem est Christum, in quem tentationis iniuriam intulit Dæmon inquiens: si filius Dei es, non perturbatum fuisse, nec illum increpasse; nunc vero, quòd is sibi diuinum honorem arrogauerit, iratum expulisse illum his verbis, vade Sathana, vt doceat ipse nos illius exemplo nostras quidem magnanimo animo iniurias ferre; Deo vero impositas nec audiendo tolerare, quoniam proprias quempiam pati laudabile est, at Deo factas dissimulare impium est, *Scriptum enim est Dominum Deum tuum adorabis, & illi soli seruias, vnus est*

est Dominus Deus noster, ipsa scilicet trinitas, quam magnopere venerari, & cui soli pietatis seruitutem vere debemus; nomine autem seruitutis cultus Deo debitus intelligitur, quàm scriptores, & ecclesiæ doctores *λατρίαν* vocāt; *δουλίαν* vero, quæ hominibus tribuitur. Dæmon autē nō quasi præcepto obediens recessit, & eū reliquit, sed diuinitas Christi, & spiritus sanctus in eo existens ipsum eiecit, quod ad magnam consolationem nostram spectat, quia non tādīu homines Dei tentat, quā diu vult, sed quandīu Christus permittit; Et si eos paulisper tentari sinīt, propter infirmam tamen naturam eum repellit. Post tentationē vero S. Angeli spiritibus immundis metuendi Christo vt victori ministrabant, & hac ratione magis ipse

Dæmo-

Dæmonibus innotefcebat quantus
gffet: fic qui viriliter contra Dæmo-
nes pugnando triumphauerit, mini-
fterio angelorum, & confortio di-
gnus erit. Non dixit autem, defcen-
dentes, quia ad ei miniftrandum in
terris femper parati erant; Interim
tamen præcipiente Domino abie-
rant, vt Dæmoni Chriflum tentan-
di daretur locus, qui vifis tot ange-
lis ei appropinquare ausus non fui-
fet; In quo autem Angeli Chrifto
miniftrarent, fcire nequimus, per-
fpicuum certe eft non propter eius
impotentiam, fed propter potesta-
tis honorem eos illi miniftraffe. Cæ-
terum Lucas non eodẽ ordine tẽ-
tationes has expofuit, vnde incer-
tum eft, quid prius geflum fuerit,
nihil tamen refert, dum omnia fa-
cta fuiſſe pateat; poteft tamen eſſe,

ratio

ratio, quia vna est de avaritia, de superbia altera, & frequenter vnū vitiū ex altero oritur & è contra, videtur nihilominus magis cōsentaneū esse historiæ, quod Lucas ait; Mattheus vero narrat illas, sicut aduersus Adamum exercuit Dæmon. Tribus præmissis tentationibus omnē tentationē perfici, & eius radices euelli constat; quia in gula, supbia, siue inani gloria, & avaritia omne delicti genus cōtinetur: Testatur. n. Ioannes omne quod in mundo extat, aut concupiscentiam carnis esse, aut oculorum concupiscentiam siue cupiditatem, aut superbiam vitæ, cui triplici telo sic obstitimus hoc remedio, vt ieiunio appetitum carnis, inanem gloriam siue superbiam oratione, eleemosina avaritiam repellamus. Cur autem Christus

stus tentari voluerit, multæ caussæ
afferuntur, primum vt tentatione
sua nos à nostris liberaret, sicut
morte sua nostram vindicauit. De-
inde vt cautos nos redderet, ne sci-
licet aliquis quātuncūq; sanctus ar-
roget sibi tanquam à tentationibus
immunis sit, & ideo post baptisma
accepto Spiritu sancto tentari vo-
luit Christus, vt ostenderet sanctis
effectis, maioribus prælijs decertā-
dum esse; tertio vt nobis exemplū
pugnandi daret, & animum, ne tē-
tationibus præter spem in nos ir-
ruentibus perturbemur, dum Chri-
stum tētationibus subiectum fuisse
animaduertimus; quartò, vt Demo-
nem superaret, & vincendo eius au-
daciam reprimeret; Demum vt af-
flictis tentatione misericordiam tri-
bueret, & nobis de sua miseratione

ne spem afferret. Dæmon autē sex modis præcipue tentat; bonis enim elationem, malis desperationem, ociosis luxuriam, negotiorum gestoribus perturbationem, iustis crudelitatem, misericordibus adulationem suadet; fallit vero quatuor præsertim modis, primum cum bonum propter malum suggerit, v. g. homini flexibilem voluntatem habenti in conuentum religiosorum ingredi, quò ab eo disciscat; deinde eum malum pro bono, vt pro alienis rebus cõseruandis peierare, tertio cum bonum tãquam nociuum dissuadet alicui, videlicet oronē & eleemosinã, ne in inanē ille gloriam cadat: Denique cum alicui malum dissuadet, vt peius sequatur, videlicet uisus & somni intemperantiã, vt eum in abstinentiam minime discretam


secretâ quod pius est, trahat. Vnde, fratres carissimi, sollicitè nobis cauendum est, ne Dæmonum insidijs capiamur; nouit enim ipse, cui cupiditatem & auaritiam; cui gulę illecebras suggerat, quem incitatio ne luxurie inflammet, in quem virus inuidie figat. Et vbi cuiusquâ affectum scrutatur, & in quo animaduertit aliquem studiosius versari, ibi ansam illi nocendi quærit. Vigilandum est igitur, quia nullus sine têtatione futurus est, quamdiu uiuit. Et qui ab vna liberatur, statim aliam expectare debet, & sic petere ab ea liberari, vt aliam etiam sibi imminere nescat; Denum hoc euangelio instruimur, vt responsa Christi memoria teneamus; præclare enim ita nobiscum agetur, vt ne que Dæmone superemur per diffiden-

dentiam aut desperationem, nec
per arrogantiam, nec per cupidita-
tem, siue appetitum, in quibus tri-
bus magnam tentatio vim habet;
Christumq; assidue mente recola-
mus, qui tentationi subiectus es-
se voluit, ut in superandis nostris
opem nobis ferret; Et ipse, si nos
valide pugnauerimus eius auxilio
nisi ac fulti, atque si vicerimus, post
triumphum cælestia solatia no-
bis magnaq; præmia tri-
buet, qui viuit, & re-
gnat semper Glo-
riosus.

Amē.



EIVSDEM



E I V S D E M

In Dominicā Secūdā
 Quadragesimæ.

De Transfiguratione.



Vanti hunc transfigurationis D. N. Iesu Christi diem faciat ecclesia, fratres charissimi, ex eo perspicere possumus, quod heri & hodie legit euāgelium hoc, nec non octauo idus Augusti solenne hoc festum celebrat, Nec mirū nobis esse debet; nā Christus discipulis suis mysteriū ingens promulgauit, & ante oculos gloriæ regni sui imaginem proposuit, vt quoniā
 rudes

rudes adhuc apostoli erant, aliquā illis consolationem afferret, quo certius futura crederent. Itaque paullo supra dixi, sunt de hic stantibus, qui non gustabunt mortem, donec filium hominis videant venientem in regnum suum. Vnde volens Christus demonstrare, quid sit gloria illa, & Maiestas, in qua ad iudicandum venturus est, in præsenti eis aperuit, sicut ipsi percipere poterant, ne morte Domini iam dolerent; & tribus discipulis, quibus coram transfiguratus est, gaudia æternæ promissionis ostendit, qui regnū ingredientem eum videbunt claritate illa fulgentem, in qua ipse absolute iudicio ab omnibus sanctis cōspicietur. Non nominavit autem eos, qui montem conscensuri erāt, quia cæteri sequi cōcupiscent, exē-

N plum

plum illius gloriæ visuri, & ægrè tullissent contempti. Dicit igitur D. Mattheus. *Et post sex dies assumpsit Petrum, Iacobum, & Io. fratrem eius.* Non statim, vt vehementiori appetitu inflammarentur, qui erant accessuri, sed post sextum diem gloriā illam merito monstrauit, quia post sex ætates ab omni labore quiescemus ac surgemus omnes; vel quia cum sex diebus totus perfecti numeri mundus hic, quem cernimus, factus sit, qui mundanas res omnes transcendit, montē excelsū ascendere, & gloriam verbi Dei aspicere valet, Lucas autem dixit, (dies ferè octo) quia extremos etiam complexus est, ideo contrarius non est, primum videlicet, quo pollicitus est, & vltimū quo promissum exoluit: octauo enim corpora sanctorū ad
glo-

gloriam immortalitatis consequendam surgent. Tres tantum assumpti, quoniam ij potiores erant, & quorum nomina congruunt; Quisque enim Petrus debet esse idest in fide firmus; deinde Iacobus vitia supplantans; Demum Ioannes omnia diuinæ gratiæ ascribens contra vitæ superbiam, quæ ex virtutibus oriri solet. Et quia in ore duorum vel trium omne verbū cōsistit; (animaduertite, fratres carissimi, quantum à vitiosa emulatione Mattheus & apostolorum chorus post acceptum spiritum sanctum liber fuit; qui sibi præpositos non occultat) in quibus electis de origine trium Sem, Cham, & Iaphet populi electio futura monstratur; vel tres tantum ducit; quia cū pauci electi sint, qui

nunc fidem sanctæ Trinitatis incor

rupta mente seruant, tunc æterno
eius aspectu lætabuntur: nō omnes
propter ludam, nam si solus ille vt
inuidus relictus fuisset, ad maiorem
malitiam fuisset prouocatus. *Et du-*
xit eos in montem excelsum seorsum, sci-
licet Tabor, qui, veniat lux, interpre-
tatur; vt intelligant omnes, qui Deū
contemplari desiderant, ne in infi-
mis voluptatibus iaceant, sed ad cæ-
lestia mente aspirent; ac discipuli
discant diuinę claritatis gloriā non
in hoc sæculo, sed in cælestis beati-
tudinis regno quærendam esse; *Et*
seorsum, quia sancti viri ob feruorē
fidei ac mentē in Deo fixam, & nūc
animo ab impijs segregati sunt, &
in futurum à malis omnino separa-
buntur: *Et transfiguratus est ante eos.*
Qualis enim post iudicium electis
cunctis appariturus est Christus, ta-

lis tunc ab apostolis visus est, sed in ipso Iudicio à bonis, & à malis conspicietur serui formam habens, ut quem impij spreuerent, Iudæi negauerunt, milites cruci affixerunt, Pylatus, Herodesque iudicauerunt, iudicē agnoscere nequeant; ne ergo quisquam arbitretur pristinam eum formam amisisse, aut corpus verū mutasse & sumplisse sibi aereum, Quomodo autem cōtigerit, inquit Mattheus, quod eius facies ut sol splenduit, atq; eluxit; trāsfiguratio enim splendorem addidit, faciem nō subtraxit; ideo immutatio figuræ non fuit, sed eadem forma manēte inexplicabilis claritas adiuncta est, quæ claritas gloriæ a diuinitate, & anima eius manuit non tanquam qualitas manens, sed transiens, sicut à sole aer illuminatur; Vnde fulgor il-

le in corpore Christi tunc miraculo plenus fuit; quare nec claritatis dotem, sed eius similitudinem Christus accepit; Illam enim diuinitatis ipsius incomprehensam uisionem, quæ in æterna vita mundis corde seruatur, nullo modo adhuc mortali corpore circumsepti intueri poterāt; Denique nihil aliud fuit, quàm secundi aduētus prædictio, in quo Sole clarius Christus & sancti eius lucebunt. Lucas vero ait, dum oraret, quod facta est species vultus eius altera, nō alia, feruor enim orationis & deuotio ad transfigurationem ac mentis stuporem præparatio exstitit. *Et vestimenta facta sunt alba sicut nix*, Vestium candor describitur, quæ fuerunt ita candidæ, vt fullo, inquit Marcus, candidiores facere nequeat, & gloriam eorum

rum, qui surrecturi sunt, significant, propterea Angelus Dominum surrexisse nuncians veste alba indurus apparuit. Sed dubium est, si facies domini splendida effecta est, vt sol, & sancti sicut sol fulgebunt, an Dñi & seruorū claritas erit æqualis? nequaquā; at qm̄ nihil Sole dilucidius est, atq; nitidius, aliud exēplum afferri non potuit. Aiunt tamen quidam, quòd sicut claritas in corpore existens Christi repræsentabat futuram corporis eius claritatē, ita claritas vestimentorum illius futuram sanctorum claritatem designat, quæ à Christi claritate sic superabitur, vt niuis candor à solis splendore vincitur. *Et ecce apparuerunt Moyses & Helias loquentes cum Iesu.* Christus Moysem & Heliam in medium introducit; & quia turbæ ipsum aut

Heliam, aut vnum ex prophetis existere arbitrabantur, se cum eis ostēdit apostolis, quorum fidem augere volebat, vt inter Dominum ac seruos illi discrimen cernerent, & vt perspicerent sibi vitæ & mortis potestatem esse, qui Moysem iam mortuum & ab inferis excitatum, non quòd eius anima corpus suum receperit, sed sicut angeli apparent aliquo assumpto corpore, & Heliam qui nondum mortem perpeßus fuerat, quiq̃ue inde descenderat, quo ascenderat, cum eo loquentes de mysterio passionis forte, quem ipsi prædixerant, in medium protulerit, ex quo veteris & noui testamēti cōiunctio significatur, quòd quando surgent omnes, cum prophetis apostoli coniungētur; ergo Moyse, & Helias tãquam famuli in gloria domino

mino affederunt; & illorum vultus
eum esse Moysem, hunc Heliam exi-
stere asseruerunt, vt maxima inter-
feruos & Dominum differentia in-
tercederet; cognouerūt autem eos
apostoli prædictæ claritatis illustra-
tione, & ab illis cogniti sunt; & mu-
tua visione vnusquisque lætatus est:
Nam Moyses Petrum, Helias Ioan-
nem virginem considerabat, & vter-
que Iacobum laudabat: ex quo co-
nijcitur, quod in futura gloria alter
alterum cognoscet, quem nunquā
vidit: Lucas addit, *Visi in maiestate,*
& eius excessum dicebant, quem com-
pleturus erat in Hierusalem; videli-
cet sumptæ carnis mysterium; nec
non salutarem in cruce perpassio-
nem; Petrus uero & socij somno op-
primebantur, dum Christus oraret,
infirmus enim erat, excitati autem
glo-

gloriam eius cernunt; Vel somnum stuporem illum vocat, qui eos ut pote mirabili illa visione vehementius commotos oppressit; Et euigilantes eius maiestatem intuiti sunt; nemo enim nisi vigilans Christi gloriā videre potest. *Respondens autem Petrus dixit ad Iesum, bonum est nos hic esse; cui non respondit Iesus, ostēdens inordinatum esse quod cuperet, Si uis, faciamus hic tria tabernacula tibi unum, mihi unū, & Helie unū.* Quod feruidum Petrum ad hoc dicendum impulit, id imprimis exstitit, quod ipse audiuit Christū Hierosolymam ire oportere, & adhuc pro eo timet; videbat autem illic multam quietē & solitudinem exstare, cogitabatque ibi conuenientem mansionem & opportunum locum esse; unde uult illic semper esse, & à monte in

me-

medium Iudeorum non descendere, ideo tabernaculorum meminit, & deuotionem obediētis serui ostēdit. Lucas autem Mattheo, & Marco contrarius non est addens, *Et factum est, dum descenderent*, ait Petrus, quia ipsi hoc tacuerunt. Sed erras Petre, & vt Lucas & Marcus inquirunt, nescis quid dicas; noli quærere tabernaculum, cum vnum sit Euangelij, in quo & lex, & propheta continentur, si vero tria quæris, cur seruos cum Domino confers, qui comparādi non sunt? pone tria immo vnum patri, filioque, ac Spiritui sancto, vt quorum vna est diuinitas, vnum sit in pectore tuo tabernaculum; Errasti certe Petre, quia in terra electorum regnum constitui voluisti, ac te, sociosq; mortales esse oblitus es, & absque mortis gu-
flu

stu felicitatē, atque beatitudinem
adipisci cōcupiuiſti; non memini-
ſti te à domino electum fuiſſe, non
vt tabernacula, ſed ut vniuerſalem
Eccleſiam gubernatione tua regas,
& vt diſcipuli tui, oues tuę, in eorū
animo Chriſto tabernaculum col-
locēt? Exiſtimabat forſitan Petrus
regni tēpus imminere, & ideo mon-
tis incola eſſe cupiebat; Sed ò Pe-
tre Chriſtum ibi commorari nō eſt
bonum, non enim promiſſio tibi fa-
cta, ſi ibi manſiſſet, effectum aſſecu-
ta fuiſſet, neque claues regni cæle-
ſtis obtinuiffes, aut tyranni mors de-
uiſta fuiſſet. Animaduertite, fra-
tres, ſi transfigurata, ac transforma-
ta Chriſti humanitas, duorumque
ſocietas Petrum ita oblectauit, ut
eos obſequio retinere vellet, ne di-
ſcederent, quanta erit felicitas, ac
bea-

beatitudo inter angelos visioni diuinæ perpetuo adesse, Deumque cōtemplari; Itaque cur mundum hūc animo & factis deferere, & ad hanc felicitatem adipiscendam festinare nolimus? Addit Marcus, *Erant enim timore exterriti*; hic autem timor erat, per quem à mente communi ad meliorem statum traducebātur. *Adhuc eo loquente, ecce nubes lucida obūbrauit eos*, Nam legis obscuritas trāfierat; sicut enim fumus ab igne, sic nubes à luce proficiscitur; Verum quia nebula tranquillitatis signum est, futurę mansionis quies per nubis operculum ostēditur; ac nubes videtur lucida, & tamen umbra obfcurat eos, vt qui corporeum è frondibus, aut tentorijs tabernaculum quærebant, nubis lucidæ vmbraulo tegantur, atque operiantur, atq;

in-

intelligent electis non necessaria tabernacula corporea, sed eos spiritus sancti gloria protegendos esse, in æterna patria. Nubes vero diuinitas erat illa, quã in monte discipulis ostendit, & illos visus tanti boni priuauit. *Et Ecce vox de nube dicens, Hic est filius meus dilectus, in quo mihi bene complacui.* Quia Petrus imprudenter interrogauerat, dignus nõ fuit, vt à Christo responsum ferret, sed pater pro filio responderet; Et eius vox è cælo auditur de nube loquentis aut ad Moysen, & Heliam, qui filium Dei audire desiderabant, & videre eum, aut discipulos docētis; sic enim solet semper Deus apparere, sicut scriptum est, *nubes & caligo in circuitu eius, quæ & testimonium det filio, & Petri errore ablato veritatem eum, & cæteros apo-*
sto-

stolos doceat. Hic est filius meus,
huic collocandum est tabernaculū
huic obtemperādum, illi serui sunt
Moyſes & Helias vobiscum in pe-
netralibus cordis eorum Domino
tabernaculum ponere ipsi debent,
In quo mihi complacui, idest in quo
conquiesco, quia omnia quæ ad pa-
trem spectant, diligēter exequitur,
& est vna ipsius, & patris voluntas.
ipsum Audite, vmbra legis recedāt,
& prophetarum typi, splendidum
duntaxat Euangelij lumen sectemi-
ni, vel vt eum ipsum ostēderet, quē
Moyſes prædixerat; Sic Dominus
vndique, è cælo patris vocem, è pa-
radyſo Heliam, ex inferis Moysem
ex hominibus apostolos testes ha-
buit. Notandum est, quòd sicut in
baptismate mysterium trinitatis de-
claratur, sic in monte etiam, quia
glo-

gloriam eius, quam in ipsa ablutione confitemur credentes; quando surgemus, videntes laudabimus; **Hic Spiritus Sanctus** in nube lucida, illic in columba, quia qui modo fidē simplici, ac syncero animo servat, tunc aperta visione, quod crediderit, contemplabitur, & ea gratia, qua illustrabitur, in perpetuū protegetur. *Et Audientes ceciderunt in faciem suam, & timuerunt valde.* Triplici de causa pauore deterrentur, Et quia se errasse cognouerant ipsi, vel quia nubes eos lucida operuerat, aut Dei vocem audiuerant, qua audita prophetæ etiam fugerunt, tonitruum enim terribile fuit; Ac fragilitas humana maioris glorię conspectum ferre nequiuit, totoque corpore & animo contremiscens ad terram cadit: quoniam quāto quis altiora

altiora quæſierit, tanto magis ad inferiora labitur. Quòd vero in faciè ſancti apoſtoli ceciderint, ſanctitatis indicium fuit, quia impij retro cadunt. Sed cū in baptiſmate Chriſti nemo tale quid paſſus fuerit, quādo huiusmodi vox è cælo delapſa eſt, quomodo diſcipuli in monte deciderunt? Fratres mei chariſſimi, mirum vobis non videatur, ſolitudo, altitudo, & ſilentium multum erat, & transfiguratio maximam admirationem, ac lumen purum, & nubes mouit, ex quibus omnibus in eis ſtupiditas incredibilis orta eſt. *Et acceſſit Ieſus, & tetigit, dixitque eis, ſurgite & nolite timere.* quia ipſi iacebant, & ſurgere nequibant, ipſe clementer ad eos accedit, & illos attingit, vt tantu timorem fuget, debilitataque membra ſolida fiant, & quos ſanos

Omanu

manu reddiderat, sanauit & imperio, dixitq; eis, *surgite*, metuere nolite; primum enim expellitur timor vt post doctrina tribuatur. *Leuantes autem oculos neminem viderunt nisi solum Iesum*. Et iure, ne si Moyſes & Helias eſſe cum Domino perſeuerasſet, patris vox incerta videretur, cui teſtimonium dediſſet potiffimū. Ieſum ergo nube ablat a vidēt, Moyſemq; & Heliam euaniſſe, quoniam legis & prophetarū poſtquā vmbra diſceſſit, quæ apoſtolos vela uerat, in euangelio vtrunque reperi retur. *Et deſcendentibus de monte* præcepit ne cui dicerent viſionem donec filius hominis à mortuis reſurgat; Futuri regni gloria ac triumphantis in monte demōſtrata fuit; non vult tamen hoc coram populo prædicari, ne & propter rei magnitudi-

tudinem incredibile esset, & post tã
 tam gloriã apud animos rudes crux
 sequens ruinæ occasionem daret;
 Hoc etiam præcepit Iesus sciens di
 scipulos imperfectos existere, qui
 nondum plene spiritum sanctũ par
 ticipauerant; ne animi illorum qui
 non viderant, tristitia afficerentur,
 nec proditor futurus ad inuidiæ ra
 biẽ prouocaretur; nam si maiestas
 illius diuulgaretur, populi principi
 bus sacerdotũ resistẽtes per perpes
 sionis dispensationem impedirent,
 & sic humani generis redemptio re
 tardaretur. Ecce quantum beati
 tudinis nostrę pignus habemus, fra
 tres charissimi, a Domino Iesu Chri
 sto: Et quanquam nos intueri non
 potuerimus illam immortalitatis
 suę gloriã, quam in monte apo
 stolis demonstravit, pollicetur ta

men ipse nobis, si mente eam contemplari non cessemus, atque apostolorum vitam imitari studeamus, statuamusque omnia hæc terrena nihili facere, & nos puros ac sincere reddere, animoque mūdōs, omnia vitiorum genera fugere conantes, fore ut in cælesti patria cum eis illa diuina visione frui nobis liceat. At hoc nunquam profecto assequetur ij, quibus mundus arridet, fratres, unde quid facturi sumus? volumus ne nos tantæ beatitudinis esse participes? utique dicemus omnes; expurgemus ergo vitam nostram, innocētiam, munditiamque, & humilitatem colamus, mundana omnia respuamus, ac deferamus, solitudinem amemus, ut animo tranquilliore cælestia meditari possimus; Denique ex prauis trāsfiguremus nos

in

in sanctos, ac bonos viros, vt Iesu Christo grati, atque accepti simus, & ipse claritatis, ac immortalitatis suæ confortes nos efficiet, & vt æterni regni potiamur læti, benignissime nobis largietur; Qui viuit & regnat semper benedictus, & gloriosus, Amen.

IN DOMINICAM Tertiam.

IN hoc euāgelio, fratres carissimi, apud Euangelistas tria hominum genera contineri animaduerto, quorum alteri semper doctrina Domini nostri Iesu Christi, & miracula fuere admirationi, vulgo sci-

licet & turbis; alteri vero scilicet scribis, & Phariseis, qui ex vita, doctrina, & exēplo, quod ipse semper edidit sanctitatis, eū agnoscere debuissent, ita fuere odio, vt veriti nō fuerint Dæmonis potestati ascribere, quæ alij vt diuina admirabātur; tertiū genus ponit Marcus inquiēs Quod cum audissent sui, exierūt tenere illum; dicebant enim quoniā in furorem incidit; Et quia altitudinem orationis, quam audiebant, ac sapientiam percipere non poterāt, quasi aliena a sensu eum locutū esse credebāt, & ideo eum furere & à Dæmone vexari aiebant, ac retinere volebāt sui, vt in carcerem conijcerent siue cognati, ac propinqui, siue fratres. O stultitia eorum incredibilis, qui sui officij putabant esse, cum de eo & ab eo, qui prius vi
tam

tam communem egit, atque coluit,
 insolita audirent, vt ipsum cohibe-
 rent tanquam mentis non compo-
 tem, cum debuissent in cælum tolle-
 re, vt potè qui eius innocentiam à
 puero cognouissent; Sed isti crassa
 ignorantia peccabant: illi vero gra-
 uius errantes inuidia agitabantur,
 dolebantque gloriam suam a Chri-
 sti gloria obscurari: ideo manifestis-
 sima miracula calumniabātur, quæ
 quia humanis viribus maiora erāt,
 Dæmoni, non diuinę virtuti ea attri-
 buebant, Duo igitur hic capita præ-
 cipue habentur; consolatio sum-
 ma, quòd Christus Dæmonem eie-
 cit, qui sensum vsum homini ade-
 merat; ac timor, quem nobis ipse in-
 cutit inquit, Dæmonē non quies-
 cere, sed redire eò vnde expulsus
 fuerat, si forte domicilium vacuum

reperiat, sicut Iudæis cōtiguit. Quod
ad primū attinet Lucas ait, *Erat
Iesus eiciens demonium et illud erat,
mutum, & cum eiecisset locutus est mutus*
D. Mattheus hunc etiam cæcū fuisse
ait, in quo tria à Domino miracu-
la eduntur; Nam cæcus videt, loqui
turque mutus & à Dæmone posses-
sus liberatur; quod tunc in vno ho-
mine gestum, in conuersione gen-
tium quotidie efficitur, vt expulso
dæmone, & reiecto idolorum spur-
cissimo cultu gentes ipsæ & lumen
fidei aspiciant, & in ore earum lau-
des domini assidue versentur: Vnū
ergo sanauit Christus, vt futuræ hu-
manæ salutis gustum ante aliquem
habeamus. Mutus autem proprie
dicitur, qui nō audit, nec loquitur,
Mutus etiam dici potest, qui non
credit, ac Dæmoni subiectus fidem
ipsam

ipsam non confitetur, nec Deū laudat; vocatur autem Dæmon mutus ac surdus, quia efficit, & hanc homini affectionem infert, ut ab eo Dei verbum non audiatur, animę auditū obtundens; idcirco ad nos Christus profectus est, ut eum expellat, ac diuinum verbum nos auscultemus. Quod miraculum cum multitudo populi, ac plebis admiraretur, ac præconijs Deo maxime cōgruentibus illum efferrēt, Pharisei & Scribæ vel negabant, vel falsa interpretatione peruertere conabantur, perinde ac non diuinitatis, sed nequā spiritus opus extitisset: aiebant. n. eum virtute ipsius Beelzebub tale prodigium effecisse. Quod nomen interpretatur Idolum Muscæ, nam zebub muscam significat: huius vero nominis pars prima varie à varijs

rijs nationibus profertur; aliquādo Bel, quandoq; Beel, ab alijs Baal dicitur, cum tamen vnum sit & hebreum, & Baal, quæ est germana lectio, Dominum significet, quo nomine Dij gentium postea appellati sunt, Bel vero non nulli a Belo Nini patre originem traxisse arbitrati sunt, à cuius imagine postea idolorum cultus ortus sit. Et hæc hæctenus *Et alij tentantes signum de calo ab eo quærebant*. Quasi dicerent, quanuis Dæmonem eiecero, non tamen est hoc diuinæ virtutis argumentum; non nondum enim prioribus miraculis simile quid vidimus; Moyse per mare populum perduxit, Iosue Solem in Gabaon retardauit, tu nihil horum gessisti, & quòd hæc a calo signa quærerent, huiusmodi cogitationes cōtra Christum eos habuisse

se perspicuum est: Hoc autem per anticipationem dictum est, à Luca; nam ex Mattheo constat, quādo tale signum flagitauerint. *Ipse vero, ut vidit cogitationes eorum dixit*. Metu multitudinis pharisæi eorum suspensionem diuulgare non audebant, sed eam in animo versabant; Christus vero ad eorum cogitata respondit, ut ipsi illius potētiae credere cogerentur, qui cordis arcana nouisset. Et ratione utitur non a scripturis, quia illi aliter exponerent, sed a cōmuni opinione sumpta inquiēs. *Omne regnum in se ipsum diuisum desolabitur & Domus supra domum cadet.* idest ob discordias principū inter se altercantium dissoluetur, & omnino interibit, sic ciuitas, & domus si ob contrarias inter se voluntates discors fuerit, profectò dissipabitur

con-

concordia ciuitates , regnaque ac domos firmat, atq; stabilit; ea enim parua res crescunt , sicut discordia dilabuntur; Addidit autem D. Mattheus, omnis ciuitas, vt Hierusalem innuat , qua postquam in Dominũ suum furore exarsit, & apostolos fugauit, post diuisionem non stabit, sicut paullo post illius excidium consecutum est. *Si autem, & Sathanas in seipsum diuisus est, quomodo stabit regnũ eius?* Et si Dæmon meo iussu Dæmonem ab hominibus eijcit, dissensio inter eos existit, & eorum virtus perit, quia contra se pugnant, ergo regnum eius stare non poterit ; illud enim intestino bello euerti necesse est, & ita mundi finis erit; sed Dæmon sibi ipsi non aduersatur, nec satellitibus suis nocet, immo firmat regnum suum homines in potestate

te tenens, quod ad tentandum uos
vsque ad finem sæculi stabit, restat,
quòd virtute diuina conculcem eū
atque conteram. Vel sic, si diuisus
est; imbecillior est factus ac perit; si
autem interit, quomodo alium ex-
pellere potest? Necessaria ergo cō-
clusionē eos arguit; vel ego in virtu-
te Dei Dēmones eijcio, vel in Dæ-
monum principis auxilio, si primo
modo, frustra me calumniamini, si
secundo modo; regnum eius diui-
sum est, nec stabit; & ideo ab illo re-
gno discedite, quod vobis elegistis,
dum in me non creditis. In quo re-
gnum suum ostendit esse perpetuū,
& ideo qui spem in Christo non po-
nunt, sed in virtute principis Dēmo-
num eijcere eos opinantur, quod
ad populum Iudæum spectat, quo-
modo eorum regnū potest esse per-
petuum,

petuū, quando à legis populo Christi negatur? E ideo ecclesiæ regnū in æternum manebit, quia fides indiuidua vnum corpus est. Regnum etiam Patris & Filij & Spiritus Sancti diuisum non est, ideo æterno tēpore stabile permanfurum est. Et quoniā huic rationi obijci potuisset, Dæmonem eijcere alium non ob discordiam inter eos existētem, sed ob mutuam potius concordia, vt illi fraudulenta simulatione ignorantēs homines derideant, alia ratione cum Dēmone se non communicare, immo ab illo dissidere argumentatur, vt inter ipsum & dæmones, quos expulit, collusio esse nequeat, inquit. *Si ego in belzeub eijcio demonia, filij vestri in quo eijciunt?* Non dixit, discipuli mei, sed filij vestri eorum furorem mitigare volēs;

à Iu-

a Iudæis enim secundum carnē orti sunt, qui potestatē in spiritus nequam à Domino adepti fuerant; & in nomine Christi oppressos liberabant, cum ergo in nomine meo Dæmones conculcent, non ne amētia veltra vel maxima est, dicere me a belzebub adiuuari, quasi idē opus in me eandem causam non habeat? Itaque filij vestri vos cōdemnabūt, qui ex vobis emanantes mihi obediunt; vel filios Iudæorum exorcistas, idest adiuratores gentis illius significat, qui per inuocationē Dei ex institutione Salomonis, vt inquit Iosephus lib. octauo antiquitatum c. 2. Dæmones expellebant; at quòd de apostolis dictum esset, hæc mihi magis arrideret opinio, quoniam ipsi iudices eorum erunt; assessores, enim existent iudicātes 12. tribus Israel;

Israel; sed quando Christus hæc dicebat, nondum illi ad prædicandū missi fuerant, quære hi exorcistę poterunt esse Iudęorum iudices, quia noluerūt in Christo laudare, quod in ipsis probarunt. *Porro si in digito Dei eijcio dæmonia profecto peruenit in vos regnum Dei.* Nunc demonstrat quòd eijcere dæmones magnæ sit virtutis, & non cuiuslibet; Quod. n. Lucas ait, in digito Dei, D. Matheus in spiritu Dei inquit, ab eadē sententia non recedens, quin vbi cū que digitum legerimus, spiritum debere intelligi docet, sic enim Spiritus Sanctus vocatur, quòd nos donorum participes faciat, quæ ab eo vnicuique siue angelorum siue hominum propria afferuntur; in nullis enim mēbris nostris magis quā in digitis partitio apparet; vel Spiritus

tus Sanctus digitus appellatus est, quia filius manus & brachium patris dictus est, opera enim per eum pater cuncta nauat; sicut igitur digitus manui naturaliter cōnexus est, sic filio Spiritus Sanctus, & per eū omnia filius opera efficit. In præsenti Dñs noster Iesus Christus humanitatis gratia se minorem dicere non recusat, quasi sine virtute Spiritus Sancti humana natura ad expulsionem Dæmonum idonea non existat. Profecto in vos peruenit regnū Dei, vel se ipsum indicans ait; alibi enim regnum Dei intra vos est; vel regnum illud innuit, quod Ioānes, & Christus ipse prædicarūt inquiētes, peccatorum vestrorum vos valde poeniteat: appropinquat enim celorum regnum, quo damnantur impij, & à fidelibus secernuntur; qui

iam delicta expiarunt; si ego homo
existens Demones in spiritu diuino
expello, humana natura in me di-
tior facta est, & in vos aduenit re-
gnū Dei, perinde ac dicat, si vobis
prospera cuncta eueniunt, cur ve-
stra bona respuitis? aliqui in vos
idest contra vos exponunt, quia im-
pijs, & perfidis secūsus Christi ad-
uentus horribilis erit, ac prior expo-
silio mihi magis arridet, *Cum fortis
armatus custodit atrium suum, in pace
sunt omnia, quæ possidet*. Exemplo uti-
tur manifesto intueri volentibus,
ostendens se huius sæculi principē
virtute sibi inlita vicisse, quem for-
tem nuncupat, quòd naturaliter ob
antiquam tyrannidem ille talis exi-
stat, cuius causa fuit hominum igna-
uia, atque socordia; ante enim salua-
toris aduentum alienos Dei greges
sci-

scilicet rapiens maxima violentia
utebatur, & atrium idest mundum
custodiebat, cuius imperio vsque
ad Christi aduentum pacifico poti
tus est, quia in animis infideliũ nul
lo contradicente quiescebat. *Si
autem fortior eo superuenerit, auferet
arma, in quibus confidebat.* Sed Chri
stus fortiori potentia victor omnes
liberãdo superauit ipsum, atque ex
pulit, armaque abstulit, quæ sunt
omnes species nequitia, ac pecca
torum, quibus confidens cõtra ho
mines plurimum valuit; nam Iudei,
qui ab eo ignorantia & errore irriti
tenebantur, ab apostolis ad verita
tis notitiam adducti fuerant, & id
quod à Christo fieri cceptum est, &
ex parte factum, ab eis perfectum
fuit. Distribuit spolia idest homi
nes à dæmone decepto fideles exhi

bens custodiæ angelorum, ad eorū salutem, quod est triumphantis insigne; diripuit domum, vt ait Mattheus, quia erutos à laqueis illos, quos suos fore præuidit, ecclesię cōciliauit, atque coniunxit, & sic tertiam rationem affert; illi enim ostendere volebant, quòd non propria virtute, ipse vero probat quòd non solum virtute sua expulerit, sed fortem etiam alligauerit, sicut ait Mattheus, & ex gestis patet, adimens illi potestatem fidelium voluntatem impediendi, ne se Christum sequantur, quo enim modo Principe non victo hi qui subiecti sunt dæmones direpti scilicet cum potestate fuerunt? prædicere etiam videtur se non dæmones solum expulsurum, & eorum machinationes dissoluturum esse, sed vniuersi orbis terrarū errorem

errorem erepturum. *Qui non est mecum contra me est, Et qui non colligit mecum dispergit.* Quarta ratio, Ego homines Deo offerre volo, Dæmon oppositum conatur; Et ego veni, ut filios Dei ab eo dispersos congregē, & is cum mecum non sit, dispergere tentat, quomodo ergo qui mihi aduersatur, virtutē mihi ministrat? nam si quis non adiuuans aduersarius est, multo magis qui obstitit; ac videtur hic occulte Iudæos significare cum Dæmone eos coniungēs, ac statuēs; ipsi enim non modo mala ei omnia machinabātur, Verum etiam dispergebant, ac dissipabant eos, quos ille cogebat. Quare de ipso Dæmone penitus hæc intelligenda sunt, nō de Hæreticis, ac Scismaticis, quia ille animas captiuas tenere cupit, Christus liberare. Ille

vacuam & ornatam, & locum com-
 mode paratum, tunc assumit alios
 septē spiritus nequiores, per quos
 Dæmonum & vitiorum vniuersitas
 intelligitur, vel quod ille habitatio-
 ne illa commoda solus frui nolit,
 vel potius ne tam facile expellatur,
 & fiunt nouissima hominis peiora
 prioribus, quod de populo Iudæo
 dictum esse, & ad eum hæc omnia
 spectare, qui in vno homine repre-
 sentatur, satis expressit Mattheus, sic
 eueniet huic generationi pessimæ:
 Exiuit enim spiritus nequam à Iu-
 dæis, quando acceperunt legem, &
 agnum representantem Christum
 mactauerūt, cum in eis antea, dum
 ipsi secundum Aegyptiorum ritum
 vitam degerent; habitaret Dæmon;
 Et ambulauit per loca arida id est
 gentium solitudines, quæ cum po-

stea credidissent, non inuenta habitatione, ad Iudæos inquit Dei præsidio carentes, & nihil diuini in se continentes abibo; Et inuenit domum vacantem templum scilicet Iudeorum, qui Christum hospitem recipere noluerunt, quorum animas nequiores Dæmones possidēt; nam tunc Iudæi in prophetas sæuitiam adhibuerunt; nunc vero ipsi Christo iniuriam maximā inferunt, multo magis prauī facti, quia post Christi aduentum magis obstinati fuerunt, quare propter ingratum eorum animum peccata duplicauerunt, atque peiora à Vespasiano, ac Tito, quo ad externas calamitates attinet, quàm à Rege Aegypti, Assyriorum, aut Antiochi passi sunt, & à maiori quàm vnquàm antea Dæmonum numero discerpuntur.

Sed

Sed hæc nobis dicta esse, fratres charissimi, arbitremur, quia si nos illustrati, & à pristinis malis liberati de nouo ad eadem scelera edenda reuertimur, grauior deinde poenâ, obsequentia crimina nobis infligetur; Cauere igitur nos oportet, qui a Demonum tyrannide Christi virtute, ac benignitate eruti sumus, ne rursum hospitem ipsum accipiamus, per loca enim arida ambulat, corda scilicet iustorum explorans, si ibi gressus nequitiae suae figere queat, & præcipue ut eos possideat, à quibus semel expulsus est, & in hoc maxime vigilat; quod si obtineret, quomodo captiuos nos teneret, profectò alios nequiores assumeret, ut maiori potentia nos custodiret, & nouissima fierent peiora prioribus, quia post ablutionem grauiora sunt delicta;

delicta; minus enim malū est viam
veritatis non agnoscere, quā agni-
tam respuere, retroq; nos cōmeare;
idest quoad pœnam spectat, ignorā-
ter quā sciēter mala cōmittere: Nā
si Christus eū fortem appellat, quo
pacto tuti nos erimus, quem talem
inertia, atque desidia nostra efficit,
Et certe fortis ille est, vt leo, si eius
suasionem accipiamus, si vero auxi-
lio Dei nixi ei resistimus, vt formi-
ca debilis euadit. Capiamus igitur
iter angustum, & latam viam fugia-
mus; vsque quo fratres in delitijs
versabimur? Virtutis gloria coru-
scare conemur, vt futuris bonis po-
riamur, & assidue de pœnis infero-
rū cogitemus; sic enim à vitijs nos
ipsos facile retrahemus, Et dæmo-
ni spem in animis nostris hospitium
faciendi præcidemus, & Dominus

Iesus

Iesus Christus nos cum eo prorsus
 esse, & colligere velle cognoscens
 non solum cōtra spiritum nequam
 opem nobis, & auxilium feret, sed
 vt cum eo regno cælesti fruamur,
 nobis benignissimus largietur. Qui
 viuit & regnat Gloriosus æternis se-
 culis Amen.

IN DOMINICAM

Quartam.

DE QVINQVE PANIBVS.



Irabile D. N. Iesu Chri-
 sti factum nobis hodie
 proponitur, fratres cha-
 rissimi, qui videns mi-
 racula, quibus mundum regi con-
 stat, atque administrari, assiduitate

vilia

vilia à nobis haberi, misericordia
motus ex ijs, quæ opportuno tem-
pore facienda præter vſitatum cur-
ſum, ordinemq; naturæ ſibi reſerua-
uit, quædam hodie edere voluit, vt
non maiora, ſed inſolita conſpiciē-
tes nos ſtupor opprimeret, quibus
quotidiana ſatietati, ac ſaſtidio ef-
ſent; Quis enim eſt, qui dubitet,
quin totius orbis terrarum guber-
natio multo magis mira ſit, quam
virorum quinque millia ſatiaſſe? at-
tamen nemo illam miratur licet di-
gnam quam merito ſuſpiciamus;
hoc autem admirationē nobis mo-
uet, non quia maius, ſed quia rariſ-
ſimum eſt. Sed D. Ioannem audia-
mus. *Abijt Ieſus trans mare galilee,*
quod eſt Tiberiadis. Sicut maledicos
ac feros repugnādo aſperiores red-
dimus, cedendo facile mitigamus,
ſic

fic Christus, Phariseorum, scribarumq; inuidiam, ac furorem vt extingueret, qui eum quotidie calumniabantur, & insectabantur, abiit scilicet nauicula, vt ait Matth. trans mare, idest stagnum Tiberiadis ciuitatis prouinciæ Galileæ; more. n. Hebræorū omnis cōgregatio aquarum mare nuncupatur, non autem timore mortis discessit, sed inimicis suis parcens, ne homicidium cū homicidio coniungerent, simul & opportunum tempus patiendi expectans, quod sequenti anno in festo Pascatis die futurum erat; nam hoc anno Ioannes imminēte eodē festo capite plexus est; cum enim, quod acciderat, hoc sibi discipuli renuntiassent, recessit in singulis rebus veram carnis sumptionē declarans, ac vitæ dæ temeritatis mor-

ti se vltro offerendi exemplum præbens; In desertum autem locum, vt inquit alij euāgelistæ, profectus est Christus, vt insectatores, & Herodis tyrannidem vitauerit magis quàm metuerit, hoc miraculum editurus, ne quis obijceret à proxima ciuitate panes sibi allatos fuisse; vel ingrediens solitudinem, vt credentium fidem exploraret, & an turbæ sequi vellent; Illæ vero sequentes non iumentis, aut vehiculis, sed pedibus quantam de salute sua curam adhiberent, demonstrabant, & mentis etiam ardorem. At pedestres eas dum præuenisse ait Marcus, apparet non in aliam maris ripam siue Iordanis discipulos cū Christo nauigio peruenisse, sed proxima eius loca adiisse, quo indigenæ, & incolæ pedibus peruenire poterant, &

seque-

sequebatur multitudo magna, quia cæ-
corum illuminationem, ægrotorū
fanationem, solutamq; mutorum
linguam, & alia signa aspiciebat;
Atque amplius, quorum corpora
fanabantur à Christo, eorum etiam
animas ab eo maculis abstergi sci-
re nos oportet; & quāquam doctri-
na admirabili potiebatur turba, si-
gnis tamē, quia mente hebes erat,
magis mouebatur: Quæ autem si-
gna fuerint, dicere mittit Ioannes
in narrandis Domini sermonibus
operam suam nauans. Subijt ergo in
montem Iesus, & ibi sedebat cum disci-
pulis suis. Propter signum quod erat
facturus, erudiens nos, vt omni per-
turbatione vacemus, apta est enim
ad philosophiam solitudo; aliquan-
do solus ascendit Christus, vt osten-
dat eos, qui Deo frui volunt, omni
cura

cura & sollicitudine carere debere).
*Erat autem proximum festus dies Iudeo-
rum, ad quem properantibus omni-
bus Hierosolymam non modo ip-
se non abiit, sed discipulos secum
ducit, ut occasione à nequitia Iu-
deorum capta paulatim legem sol-
ueret. Cum subleuasset ergo oculos Ie-
sus, et vidisset quia multitudo magna ve-
nisset ad eum. Ut disceremus nos quod
huc atque illuc oculos non erige-
bat, sed attentus discipulis diligen-
ter loquens sedebat, & ad seipsum
eos conuertens: & cum turbam aspe-
xisset, quam esurientem agnouit,
& misericordia captus pascere vo-
lebat non solum ut bonus, sed etiam
ut potens: Quid enim profuisset bo-
nitas, ubi non erat panis quo turbam
vescerentur, nisi affuisset potestas?
ieiunij illius profectò remansissent.*

Dixit

Dixit ad Philippum, sed cæteri Evangelistę: aiunt apostolos ante Christo suggestisse, vt eas dimitteret, quibus ille responderit, quod turbę nō necesse haberent discedere, at illis ipsi cibos suppeditarent, eos inducere volens, vt ipsi dicerent, quot panes haberent, & sic ex eorum confessione panum quantitate audita magnum appareret miraculū; Deinde visa multitudo Philippo dixit, quod Ioānes ait, & alij prætermiserunt. Unde ememus panes, vt māducent hi? interrogat vt discipulo propriam tarditatem, & ignorantiam suam demonstret, quam ipse in se perpendere non valebat. Quare autem præ ceteris Philippum tentauerit, idest eius fidem exploraue-rit, hæc ratio in promptu est, quia Philippus libenter discebat, sæpius.

Q que

que quærebat; sed nō adeo erat acutus, vt altiora intelligere ac percipere posset, quod ex eo patet, quia saluatorem diu secutus, & varia diuinitatis signa conspiciatus, ac tam verbis quàm rebus ad cognitionē eius tractus vltimo ferè tempore ad Iesum dixit: ostende nobis patrem; tanquam ergo rudiorē ad sublimiora ingenio consequenda, & ad fidem vocans, & roborans interrogat eum, sicut ait Ioanes, tentans, ipse enim sciebat quid esset facturus; *Unde ememus*, vt inopiā discipulorum ostenderet, illud enim *unde* artificiose dictum est, quasi dicat, qua pecunia; nam qui omnem illis colligendę pecunię viam præclusisset, ad illud interrogando eos vult allicere vt inquam, si multitudinem hanc pascere voluerit, cum
nihil

nihil discipulis esse sciat, oportebit ipsum inexplicabili sua virtute ac potestate, vt Dominum alimēta producere. Hoc enim solum reliquum erat ad quod illos prouocabat. Non ignorans igitur Dominus quid Philippus esset dicturus, sed certissime sciens inuenit eum humanis affectionibus valde subiectum esse, qui respondit: *Ducentorum denariorum panes non sufficiunt eis vt unusquisque modicum quid accipiat,* quanquā ex Marco constat eum ex ore ceterorum locutum esse, qui dixerunt, eamus, & emanus, & Luca, nisi forte eamus, & emamus, quę verba præ stupore dicta esse opinamur, valde tamen se hebetem indicat; nā de Christo si perfecte ipse scississet, de eius largitate minime diffideret; ideo eū erudiebat Christus;

Q

2

nam

nam si simpliciter miraculum edidisset, non fuisset omnibus ita manifestum; nunc autem Philippum prius confiteri inopiam cogit Christus, ut ille certius miraculi magnitudinem discat, & huiusmodi interrogatione in certissimam signi cognitionem inducatur. Sed & Andream similem Philippo inuenit licet altius de illo contemplantem, qui dixit, *Est puer vnus hic qui habet quinque panes ordeaceos, & duos pisces, sed quid inter tantos?* Andreas, ut opinor, Heliseum viginti panibus hordeaceis centum homines pauisse audiuerat, mente igitur excogitauit aliquid excelsum, sed ad summum peruenire nequiuit; nam credebatur Christum de paucioribus pauciora, & plura de pluribus esse gesturum, at falsebatur; perinde enim
ei &

ei, & pluribus, & paucioribus tur-
 bas alere facile erat, quia subiecta
 materia non indigebat. Sed ne
 earum rerum creatio ab eius sa-
 pientia aliena esse videretur, ad
 miraculum prodendum ipsis utitur
 Dominus contra Manicheos panes
 & omnia à Deo malo creata esse in-
 quientes: ex mente tamen cætero-
 rum, ut alij Euangelistæ tradunt:
 Andreas hoc quoque dixisse vide-
 tur. Considerate obsecro, vos fra-
 tres carissimi, vnà mecum; quæ &
 quanta illi viri mirabiles comede-
 bant, Et quàm vilis eorum mensa
 esset, & quantopere escam contem-
 nerent; duodecim enim existentes
 quinque tantum panes, & duos pi-
 sces secum afferebant; Et quod ca-
 put est, iussi ea tradere, non repli-
 cant, quomodo famem nostram de-

pellemus? sed obediunt; totā enim
viuendirationem ac vim in rerum
humanarum corporearumq; con-
temptione ponebant, & ijs quæ ad
Spiritus spectabant, addicti erant;
vnde nos ab eis exemplum sumere
oportet; vt licet pauca nobis extēt,
indigentibus tamen aliquid tribue-
re, & eorum in omnibus quoad fie-
ri potest; abstinentiā imitari debe-
mus. Dixit Iesus *Facite homines discū-
bere*; Nondum apparentibus
panibus eos discūbere iussit idest
more antiquo humi iacendo come-
dere; erat enim fcenum idest viridis
herba multa ibi, vt discas ea, quæ
non sunt tanquam existentia, ei su-
biecta esse, nec tamen apostoli mi-
rati sunt, etiam si nihil parati esset;
sed ante miraculum credere cæpe-
runt, & qui antea diffidebant, vt
igno-

ignorarēt omnino vnde turbis pro-
uiderent, iam eas per quinquage-
nos, vt Lucas ait, ac quinquagenos,
& centenos, vt Marcus, qui tamē
inter se non dissident, quia alter
partem, alter totum dixit, fidenter
discumbere iubent. *Discubuerunt er-
go viri quasi quinque millia.* Soli viri
numerantur, quia consuetudinem
legis sequebatur; sic enim Moyse
à viginti annis populū numerauit;
ac mulierum, & paruulorum men-
tionem non fecit. *Et cum gratias
egisset distribuit discumbētibus ceteri ad-
dunt, & fregit.* Hic orauit Chri-
stus tanquam humana carne indu-
tus, vt erudiat eos qui comedere in-
cipiunt, antequam mensam attin-
gant, gratias Deo, qui cibum nobis
suppeditat, agere debere; Et quo-
niam multa turba aderat, oportebat

bat ei suaderi, quod donum hoc à voluntate, ac benignitate Dei proficisceretur: Et ideo cum occulte aliquod patrabat miraculum, oratione supersedebat, sed coràm multis munus hoc orandi obibat, ne ipsi Deo aduersari videretur. At caue ne indigentiam fuisse suspicere, quòd in rebus minoribus Deo gratias egerit, nã si oratione eguisset, in maioribus huiusmodi officio longe magis functus fuisset. Distribuit igitur, & fregit, quia si panes integri extissent, & non in frustra discerpti, & in segetem multiplicè diuisi atque distracti turbas, ac pueros, & feminas alere non poterant; nam frangente Domino seminarium ciborum factum fuit. Itaque non multiplicatis quinque panibus in plures fragmentis fragmenta

menta succedunt, crescit deinde materies: An in mensarū loco an in manibus fumentium; an in ore comedentium, verisimile magis est in manibus primum Christi, deinde apostolorū auctos fuisse panes, & pisces, Ait enim Augustinus, vnde qui multiplices ex paucis granis per conuersionē .s. segetes procreat, inde in eius manibus, in quibus potestas erat, quinque panes multiplicati sunt, illi autem quinque semina erant, non quidem terræ mandata sed ab eo multiplicata non per creationem videlicet, sed per additionem extraneæ materiæ in panes conuersę, qui terram creauit. Fracti sunt igitur, & positi panes ante discumbentes non iam quinque panes, sed, quod adiecerat qui creauerat id quod auctum erat.

Vide-

Videre licet, fratres, quantum inter
feruum, & Dominum discrimen in
tercedat; nam Prophetę dono præ
diti sub mensuram cadente miracu
la edebant, Christus autem abso
luta potestate omnia supra quā di
ci queāt, abundanter conficiebat:
At de potu nulla fit mentio; dicen
dum igitur, cum Dei perfecta sint
opera, panes illos, ac pisces cibum
potumq; simul fuisse; ex illis enim
suavis adeo emanabat liquor, vt
edentes valde recrearit, nā si aqua
è petra quanto magis è panibus, &
piscibus liquor effluxit? *Vt autem
impleti sunt, colligite quę superauerunt
fragmenta ne pereant.* Non fuit ostē
tatio hæc superuacanea, sed ne ali
qui fuisse imaginationem existima
rent quod factum est propterea ex
subiecta materia miraculum patra
uit

uit: Dedit autem non turbis, sed discipulis fragmenta, vt ea ipsi distribuerent, quia hos maxime instruere volebat, qui totius orbis terræ magistri futuri erant; Turbis autem satiatis vnusquisq; apostolorum reliquijs cophinum suum implet, vt habeat, vnde gentibus cibum præbeat, vel ex ipsis panes illos postea multiplicatos, fuisse veros doceat, Et nos si paupertas coarctet, miraculum istud perpendentes animo non esse pusillo discamus. Verum, fratres mei carissimi, non est cur panum multitudinē tantum admiremur, sed certā exuperantiam suspicere nos oportet; cum neque magis neque minus reliquæ quā duodecim cophini iuxta apostolorum numerum extiterint; Et quomodo in tam vasta so-

litudine nisi quinque panes, & duo
piscis reperti fuerint; Illi homines
cum vidissent quod fecerat Iesus signum,
dicebant, quia hic est vere propheta, qui
venturus est in mundum, mirabantur,
quia nondum eum esse Deum noue-
rant; carni enim dediti erant, & ut
homines terreni percipiebant; nō-
dum enim fide fulti Dominum Pro-
phetam appellant; at iam profece-
rant cum ab alijs secernentes, nec
falluntur, si eum Prophetam vocāt,
cum Dominus se talem vocauerit
inquiens: non capit Prophetā pe-
rire extra Hierusalem. Cum ad-
dunt (hic est vere Propheta) quia
ostendunt eum ab alijs discretum
esse; qui venturus est in mundum,
patet quod principalem quēdā ex-
pectabant; Et vere Propheta; quia
dū præsens aliquid docet, ange-
lus

lus dicitur, dum futura prædicit,
 Propheta, quia verbum caro factū
 est, angelorum, & Prophetarum
 est Dominus. Quid autem ex hoc
 miraculo innuere voluerit D. N. Ie-
 sus Christus strictim doctores san-
 ctos imitantes attingamus. Quin-
 que panes, libros quinque Moysis
 significant, pisces duo, vtrunq; te-
 stamentum, vel Prophetas, & Psal-
 mos austerum legis saporem tem-
 perantes; siue personas duas reges,
 & Sacerdotes ad regendum popu-
 lum electas, & constitutas indi-
 cant, quæ quassatæ non defecerūt,
 in quibus Christus Rex, & Sacer-
 dos significatur. Ordeacei vero
 fuerunt, quia ad vetus testamentū,
 pertinebant; Lex enim vetus car-
 ni idest quinque corporis sensibus
 deditis lata fuit, & sicut ad medul-
 lam

lam ordeï vix peruenitur; sic ad
eius intelligentiam; vnde recte ad-
ditur, quid inter tantos, quia lex ve-
tus parum proficiebat, quoad
Christus eam opere executus est,
& docuit, quo pacto illa intelligen-
da esset. Discumbentibus autem
turbis super fœnũ, quia illę in terre-
nis rebus quiescebāt, p̄ quinquage-
nos, & centenos iuxta Marcum, &
postquam carnem suam, ac flores
eius omnes domuerint, & fœculi
voluptates contempserint, vt per
quinquegenarij numeri pœnitentiã
ad perfectũ centesimi culmen ascē-
dant, frangitur Moysis lex cum Pro-
phetis, & in frustra discerpitur, eius-
que mysteria in medium proferun-
tur, vt quòd in pristino statu inte-
grum minime nutriebat, in partes
diuisum gentium multitudinẽ alat.

Infringitur, inquam, ut dum illa exponitur, ex ea scripturæ multæ emanent, ac libri multi componantur; nec noui panes à Christo creantur, quia antiquam scripturam ipse nō soluit, sed eam docuit, nec alia quā quæ scripta erant, prædicauit. Fragmenta autem idest res abditæ atq; arcana, quas populus communis non percipit, ab apostolis corde perfectis, & mundum spernentibus colliguntur. Virorum autem illorum quinque millia iuxta numerum panum, qui perfecte sensibus corporis quinque dominantur, à Domino reficiuntur, quia tales legis præceptis instrui oportet; eorū vero qui mundum perfecte repudiaverunt, quatuor millia propter euangelij doctrinā septem panibus nutriuntur idest septē donis afficiunt.

Apo-

Apostoli ergo ante corruscantis
euangelij fulgorem nisi quinq; pa-
nes, & duos pisces habebant, qui
in salis aquis, & amaris fluctibus
versabantur. Non vero, fratres ca-
rissimi, sequi Christū conemur eius
exemplo egentibus pro virili sub-
uenientes, atque mundi huius deli-
cias, vt apostoli contemnamus, &
Pasca celebremus id est à vitijs ani-
mum ad virtutes traducamus: Qui
enim à prauis actionibus cauent, il-
li corporis quiete fruuntur: Qui
vero à peruerlis etiam cogitationi-
bus declinant, ad contemplandū
mentem quietam adhibere valent;
Et illi panibus domini saturantur,
qui quod auribus audiunt, opere
exercent. Ac quinque corporis sē-
sus Spiritui subijcere nitamur, vt
fragmēta quoq; cū apostolis nobis
colli-

colligere liceat, & myſteria illa ſecreta magis ſcrutari, Et Dñs Ieſus Chriſtus nobis dona ſua libēter tribuet, denique ſuper menſam in regno ſuo, vt comedamus, ac bibamus largietur. Qui viuit, & regnat in æternū benediātus. Amen.

Hic deſunt Homiliae duæ Dominica 5. & 6. Quadrageſimæ caſu omiſſæ infra ſol. 339. poſitæ.

EIVSDEM IN DOMINICAM Paſchatis Diem.



Andem, fratres chariſſimi, poſt expletum dierū quadraginta ieiunium, & poſt ſabbati triſtitiam ad hunc ſanctiſſimū ac ſalutarem Paſchatis diem læti peruenimus,

R

qui

qui dies primarius dierum luce prima in eo lucescente, idest, diluculo, & Domino cum triumpho surgente, quòd mors ab eo deuicta est, ac Dæmoni regnum ablatum, perfectus, & clarus existit: Hunc colere, & venerari debemus ex animo, & maxima cum lætitia, vt eius fructum assequamur, atque festum hoc celebrare, vt non solum ad memoriam reuocemus Christum mortuum fuisse ac surrexisse; sed cetera etiam, quæ ad solennem hunc diem spectant, non omittamus: Nam, vt inquit Apostolus, propter delicta nostra Christus Cruci affixus fuit, se autem à morte excitauit, vt nos iustos redderet. Ac transitus iste, sicut Pascha, hębreum verbum significat, de morte ad vitam, & de mortali vita ad immortalem in perpe-
sione

sione illa Domini, & resurrectione
 sacratuſ est; quod declarat etiam
 D. Ioannes inquitens: cum vidisset
 horam Iesus appropinquare, ut trā-
 ſeat de hoc mundo ad patrem, &c.
 Sed quotieſcunq; Paſcha feſtum
 celebramus, num toties Chriſtus
 moritur? minime, ſed anniuerſaria
 quaſi ante oculos nobis eiſ quod
 geſtum eſt, proponitur recordatio.
 Hæc autem dieſ quàm ſit celebris,
 & gaudiij plena, noſ admonet ec-
 cleſia mater noſtra, quæ hiſ ſeptem
 diebus ſequentibus canere noſ lu-
 bet; *Hæc dieſ, quam fecit Dominuſ, exul-*
temuſ, & letemur in ea; eſt enim vna
 ex ſeptem, & extra, atque appella-
 tur octaua, in qua Synagoga termi-
 natur, & eccleſia noſtra oritur, &
 ſabbatum Iudæorum feſtum in hæc
 ſolennem diem mutatuſ eſt; nam

R

2

ſicut

sicut sabbato seruile munus Iudæis obire non licebat, sic idem nos hac die dominica obseruamus, quia vi tijs non seruimus. Et Christus hodie cum latrone Paradyfi ianuam referauit, quam effringere potuit nemo, & electorum suorum nullo apud inferos relicto ostendit nobis hodie quid egit; surrexit enim Christus Dominus noster, & in se ipso exemplum nobis edidit, vt sperare discamus corporibus nostris in fine sæculi hoc idem esse euenturum. Carnē ergo surgere oportet, quia compositi actio est, nō tantum animæ, quæ corpori, vt materiæ forma coniungitur; non enim in sola anima vltimus finis, beatitudo scilicet existit, nec in hac vita propter variā fortunæ iacula haberi potest; Et omnes surgent, inquit D. Paulus,

lus, & D. Ioannes, omnes qui in monumentis sunt, vocem filij Dei audient; anima enim à corpore separata in perfectione humanæ spetiei esse nequit; ergo carnem à Deo excitatam iri patet; quod naturale secundum quid erit, quatenus corporis ad coniunctionem cum anima inclinatio est, simpliciter miraculum in se continebit. Christus autē quatenus Deus & homo causa est, ut nos surgamus, quia sicut is diuina virtute se ipsum excitauit, sic nos omnes suscitabit, ut ait D. Paulus; Et nostra resurrectio cum illa Christi quatenus ad naturæ vitam spectat, similitudinem habebit, in qua omnes ad Christum conformati fuerunt, & ideo ad vitam immortalem surgent, licet inter sanctos, & ceteros, quo ad dignitatē, & glo-

riam attinet, discrimen futurum fit. Sed scire oportet, quòd Christi resurrectione, quæ vita est noua, vitaq; in eum credentium, à diuinitate sine vlllo medio, aliorum autẽ ab intermedio Christo homine surgente causam habet, & ipse ratione corporalis suæ dormientium primitiæ, & mortuorum primogenitus, idest non post quem alius, sed ante quem nullus, vocatur; Et quòd primus ille ex inferni tenebris in lucẽ surgendo emerferit, quare cum se suscitauit ipse, causa extitit, vt alij à mortuis excitentur, Et ostendit nobis vitam, quam eligere debeamus, quando digna dignis, & mala malis ad retribuendum venit. Dicit etiam Paullus Tubam fore causam, vt cuncti surgant, & non nulli addunt Deum angelorum, & præcipue

puè Michaelis Archangeli à superioribus adiuti in collectione cinerum, & aliarum rerum ad reparandum corpus humanum parandarū ministerio vsurum esse. Certissima est igitur eorum qui Christum sequuntur, fiducia diuinitus promissa, & eorum propria fides, scilicet quòd mortui surgāt; & veritas quę mentiri nequit, hoc pollicita est; Vera igitur promissio existit, præsertim cū Christus in corpore suo hoc ostendere voluerit, quem decies apparuisse ab euāgelistis commemoratur, vt recitat Augustinus. Nam primum Iesus Mariæ Magdalænæ ad monumentum, quæ illum vidit, at non cognouit, eum enim horti cultorem credidit, & audiens se nomine appellari, Maria? statim apertis oculis eum agnouit, & ac-

R 4 currit,

currit, vt pedes attingeret, & dixit ei Iesus, Noli me tangere, nondū enim ascendi; nec Ioannes à ceteris Euangelistis discrepat illius tantum mentionem faciens, cum alij dicant alias cum ea mulieres fuisse; multo.n. hæc ceteris amore in Christum ardentior erat. Deinde eisdē mulieribus à monumento egrediētib; in itinere in cōspectum se dedit, quæ accesserunt, & tenuerunt pedes eius, & eum valde veneratæ sunt: Quæ igitur sic quærebant, quæ ita currebant, dominum surgentem, vt obuiam haberent, meruerunt; qui eis inquit, Auete, vt maledictum Euę in mulieribus solueretur, atq; ostenderet se omnibus iter virtutum inchoantibus, vt ad salutem perpetuam peruenire queant, adiuuando occurrere. Col-

ligimus, & cum angelis colloquutionem bis eas habuisse ad monumentum venientes, & vidisse angelum vnum, vt Mattheus, & Marcus aiunt; Et postea duos intuitas esse, vt Lucas, & Ioannes narrant; Et similiter conspexisse bis Dominum, semel quidem cum illum colentem hortum putauit Maria, & nunc iterum cum ipse illis in via obuiam prodiuit, vt eas repetitione firmaret, atq; à timore liberaret, ac recrearet, sed ibi Magdalenæ nõ datur tangendi facultas, hic vero tangendi, & tenendi copia cõceditur: Supra quidem negauit tactum Christus, quia clauso surrexit Sepulchro, vt immortale iam corpus factum esse doceret, quòd in monumento clausum mortuum erat; Tangendos vero pedes mulieribus

ribus nunc præbuit, vt se carnem veram habere patefaceret, quæ à mortalibus attingi posset: Et illa merito audit; Noli me tangere; quæ sic in Sepulchro mortuum quæris, vt eum cum patre æqualem regnare nescias, idest quòd me hominem solum putas; at me patri æqualem intellige, ascendam ad patrem, & tunc tange, idest crede. Vel nolo, vt ad me corpore venias, nec vt me sensu carnis agnoscas, ad sublimiora te differo, cum ad patrē ascendero; tunc me perfectius veriusque attinges, apprehensura quæ non tangis, & creditura quod non cernis. Volebat hæc mulier cum Christo sicut, & ante passionē versari, & præ gaudio nihil magnum cogitabat, quanuis caro Christi surgendo melior facta sit; ab hac er

go opinione eam abducens ait, noli me tãgere, vt cum maxima veneratione loquatur; Nunc in fidei vertice cõstituta Christum tangit, & cum ea aliæ tenuerunt pedes; vt in capite Christi virum esse scirent, seipsas autẽ in pedibus Christi existere, & datum sibi virum sequi nõ prẽire. Illæ vero nuntiauerunt fratribus, quia Dominum viderant, quibus non crediderunt illi; ratio est, quia mortalibus naturaliter surgendi miraculum incredibile est, ideo delirare visæ sunt. Tertio apparuit Petro, sed vbi, & quando, ab euangelistis expresse non dicitur, licet aliqui credant, quando à mulieribus admonitus ad monumentum cucurrit, quibus ipse credere visus est. Vt qui primus eum confessus est Christum, virorũ primus

mus surrexisse Dominum ut videret; dignus haberetur, quem ante Angelus, quemadmodum Marcus ait, nominatim expressit, ut consolaretur, ne ob trinam Magistri negationem desperaret; iam enim ipse inter discipulos venire non audebat, se indignum iudicans discipulum, quod tali errore captus fuisset. Quarto duobus in Emaus, quam ciuitatem Nicopolim nunc appellamus, proficiscentibus, qui discantes Christo peregrini habitu induto cum eis accedenti, quod sperabamus eum redempturum esse Israel, ostenderunt se non sperare, quem tamen ex pane fracto agnouerunt. Quinto pluribus in Hierusalem, ubi Thomas non erat, qui primo turbati sunt, spiritum enim se videre arbitrabantur, ut Lucas ait, gaudi

gausi postea valde sunt, vt ait Ioan-
nes, & ostēdit manus & pedes, quò
viderēt spiritum ossa carnemq; nō
habere, sicut ipse, & vt dubitandi
vulnus sanaret; Atque cum eis co-
medit, quod potestatis non indigē-
tiæ fuit, vt eos faceret certiores idē
corpus numero esse, quod in cruce
fuerat, argumentum euidentissimū
profectò eum surrexisse; Sextò vbi
Thomas cum post dies octo vidit,
de quo in sequenti sermone copio-
sè agetur; Septimo, quando ad ma-
re Tyberiadis tertio se manifesta-
uit Iesus, vt ait D. Ioannes. Octauo
in monte Thabor Galileæ secundū
Matthæum se in conspectum vnde-
cim Dominus palam dedit, vt signi-
ficaret se corpus, quod de commu-
ni humani generis terra nascendo
sumpserat, surgendo super omnia
terrena

terrena fultuliffe; Antecessit autē eis, quia Christus surrexit primitiæ dormientium; sequuntur autē Christi cultores, quia & suo ordine ad vitam de morte migrant, in sua specie diuinitatem contemplantes; Et huic congruit, quòd galilea migratio exponitur. Addunt aliqui, & à quingētis fratribus eum visum fuisse, ex sententia Paulli; Et ibi gaudij nostri fontem, & salutis eternæ originem præparatā; ac prius in Hierusalem latitantibus semel, aut bis apparuisse, in Galilea vero non inconclauī, at cum multa potestate eis viuentem signis multis se ostendisse. Nonò, quòd ait Marcus, Nouissime recumbentibus vndecim exprobrauit, &c. quia iam non erāt cum illo conuiuium inituri, Euthymius tamen ex mente græcorū aliter

ter sentit, vt Christum exprobasse
 intelligat, quod dicit Lucas & Ioā-
 nes, ipsa prima die, quòd nec Mag-
 dalenæ, nec duobus ex Emaus rede-
 untibus non crediderint; non autē
 ipso ascensus die, cum iam quadra-
 ginta diebus vnà cum eis versatus
 esset Iesus, & apostoli Dominū sur-
 rexisse persuasi fuissent: nec verbū,
 nouissime, sententiam hanc mutat,
 græce enim *ὑστέρων* postea significat;
 nec aduersatur quod ait Ioannes
 Thomam non affuisse; numero. n.
 tūc vndecim apostolorum chorus
 nontinebatur, nec dicit Marcus
 postquàm hæc locutus est, sed ab-
 solute, postquàm locutus est, scili-
 cet omnia verba à Die quo surrexit
 ordiens, vsque quo ascendit; Quæ
 sententia licet ab ecclesia probari
 non videatur, verisimilis tamen est.

Decimò,

Decimò, quod Lucas, & Marcus commemorant ipso die quo ascendit; sed omnia scripta non sunt, sicut Ioannes affirmat, crebro tamē cum illis Christus erat, antequām ascenderet in cœlum; prima tamē die quinquies apparuit, quia pluribus indicijs admonendi erant Apostoli, ac discipuli, vt eum surrexisse crederent. Pie quoq; credunt multi doctores, licet Euāgelistę de hoc mentionem non faciant, Christum ante omnes matri in mœrore assidue versanti speciosum apparuisse atque gloriosum, eiusq; totā mœroris acerbicatem summam in lætitiā statim cōuertisse, qua perfusa sit ipsa, postquām natum vidit, atque intuita est non solum in æternum victurum, sed cælo terræq; cū cœlisq; hominibus dominaturum esse,

se, ipsumq; illi narrasse, quid is illo triduo gesserit.

Qui vero resurrectionem negat, si non credunt ipsi Iob inquenti, scio quod redemptor meus viuit, & in nouissimo die de terra surrecturus sum, & rursus pelle mea circumdabor, & in carne mea videbo Deum Saluatorem meum, quem ego visurus sum, & non alius; nec euangelizatis quatuor vna voce fatentibus Christum a mortuis se excitasse; nec Paulo hoc affirmanti, si mortui non resurgunt, nec Christum surrexisse, quod si non suscitauit se ipse, inanem esse predicationem suam & fidem, falsumq; se testem esse, quoniam testificatus est ipse Deum excitasse Christum, quæ non excitauit, si mortui certe non surgunt; credant saltem Platoni resurrectionem asserere.

ti, & herum quēdam Pamphylum
reuixisse dicenti; qui & immortali
tatem animę semper tutatus est: Ve
rum Respondeant mihi isti, si non
surrexit Christus, sed adhuc mor
tuus est, quomodo Apostoli in no
mine eius tot edidere miracula? at
inquierent eos non edidisse; quomo
do natio nostra cōgregata est? hoc
ne inficiari poterunt, quod sole cla
rius est? An Deum omnium rerum
præpotentem negabunt? Dixit qui
dem impius in corde suo, non est
Deus, vt ait Dauid, sed non palàm.
hoc eructauit; vnde negare Deum
non valentibus respondemus eum
esse, qui mortuos suscitet: si hoc
posse Deum inficientur, ergo illius
infinitę potentię penitus derogāt.
Itaque quo isti pacto se excusare
queunt, cum hoc in seminibus, &
plantis

plâtis expresse intueantur, nisi cor-
rumpantur, ac moriantur illę, ari-
stas non parere? quod hoc exem-
plo argumentum euidentius affer-
ri potest? At eorum insignis impro-
bitas dogma hoc lædit, & animarū
immortalitatem atque iudicium
tollit; Quare qui se surrecturos es-
se non credunt, inquinati illi pure
viuere nequeunt, & incorruptibi-
les surgent, vt perpetuo vrantur; sin-
aliter, quomodo iustitia Dei serua-
retur tot prauis felicissime, & tot
bonis miserę vitam in hoc mundo
degentibus? & quomodo in com-
parāda virtute elaborare vellemus,
si nullam laborum mercedem expe-
ctaremus? & quomodo à peccatis
cessaremus, si nullum nobis suppli-
cium pro male gestis imminere cre-
deremus. Surrexit ergo Christus,

& res absoluta est, inquit Augustinus, corpus pependit in cruce, animam efflavit, in sepulcro positum est, Et Deus illud viuum exhibuit, cur mirantur, quare non credunt isti? Auctorem considerent, & dubitationem sibi tollent: Ac resurrectio erit, atque illud iudiciũ horribile manet, & nō est fatum, vt quidam tueri nituntur: Et corpus surget, non enim surgeret homo, nam anima sola homo non est, sed corpus & anima; Si enim ea sola suscitaretur, dimidium animal, & non integrum exurgeret: Resurrectio enim proprie eius est, quod cecidit & dissolutum est, anima autem non dissoluitur sed corpus, & ideo si nō est idem corpus, quod assumit anima, non diceretur resurrectio, sed noui corporis assumptio; opus est
ergo,

ergo, vt à morte, & à cineribus, quã
uis doctores in hoc varij sint, ho-
mo idem numero surgat, quod effi-
citur, cum eadem anima numero
eidem corpori coniungitur, & ali-
ter sentire hēresis esset, & perfectus
exurgat capillis, & vnguibus orna-
tus, sanguine & necessarijs humo-
ribus fultus, & ijs omnibus, quæ ad
integritatem humanæ naturæ per-
tinent, quia homo absque naturæ
humanę defectu surrecturus est, ac
sine vlla membrorum diminutio-
ne, & luuenis ea ætate videlicet,
qua cessante augmento extitisset,
si natura non errasset, quæ defectio
a potentia diuina supplebitur; etiã
vterque sexus surget; Illæ autem
actiones, quæ ad conseruandam na-
turæ humanæ perfectionem, vt co-
medere, bibere, dormire, spectant,

in surgendo necessariae non erunt;
quare ergo Christus comedit in-
quit ille? vt potestatis fuit non ege-
statis. Quare cum cicatricibus sur-
rexit, si vitia non surgunt? & hoc
potentiae fuit, non necessitatis: sed
Christus hoc efficere voluit, vt qui-
busdam dubitantibus cicatrices
ostendens, & carnem suam tangen-
dam præbens omnem dubitationē
tolleret, quòd nō esset eiusdem na-
turæ, & alterius glorię corpus eius.
Sciēdum est etiam corpora sancto-
rum pati non posse, quia in corpo-
re glorioso nō poterit esse mutatio
contra dispositionem, quæ ab ani-
ma perficitur, cum humanum cor-
pus, & quicquid in eo est, animæ
subiectum erit, sicut ipsa Deo subi-
getur; Damnatorum autem licet
ipsi quoque incorruptibiles futuri
sint,

sint, animæ & corpora perpetua
pœna mulctabuntur, quia ex natu-
ralibus principijs, quæ humanum
corpus consequuntur, in eis erunt
defectus illi, sicut pondus, onus,
perpeſſio, quos à beatorum corpo-
ribus gratia resurrectionis arcebit;
Et patientur ab igne, & non consu-
mentur, quia diuina Iustitia pœnæ
illa æternæ addixit. Paueamus fra-
tres carissimi, ne nos quoque æter-
næ morti destinemur, ac mentem
& cogitationem omnino à perditis
illis, & iniquis auertamus, qui dice-
re non formidant, sicut ego multos
audiui, se confiteri nolle, quòd no-
lint ipsi ad cælum ascendere, & cū
pauperibus atque infantibus esse,
sed in partibus infernis cum regi-
bus, & principibus versari velint, ò
vocem furialem; Verum pro viri-

bus bonos & iustos imitemur, qui
gloriæ immutabilitate immutabū-
tur, nec omnino patientur, sed ful-
gebunt, & eorum corpora postquā
à Deo excitata fuerint, lucida erūt,
& sicut anima maioris claritatis ex-
titerit secundum maius meritum,
sic in corpore discrimen erit: Nā
sicut Christi claritas in transfigura-
tione ab Apostolis oculis non glo-
riosius visa fuit, sic impij illi iustorū
maximam gloriam videntes quā
valde torquebuntur, & cruciabun-
tur, & quantus eorum gemitus erit
ac stridor? Et quia communis est
opinio, vt non modo vnusquisque
actionum suarum notitiam sit habi-
turus, quia diuina vis in causa erit,
vt cuncta siue praua, siue bona ope-
ra ad memoriam reuocentur; vn-
de singulorum conscientia tanquā
rerum

rerum gestarum cōmentarium existet; verum etiam vt quilibet tam facta propria quàm aliena intueatur; inquit enim Paullus, Illuminabit abscondita tenebrarum, idest gesta cogitationes, & malæ & bonæ omnibus apertæ erunt & notæ, & præsertim beatis qui hoc ex instanti videbunt, quia in vno omnia cōspicient, quod etiam damnatis forte mira celeritate continget; quo pacto impij nō se corrodent, se cruciabunt, se affligent, cum tot ac tantæ scelera sua omnibus nota esse perspicient? ipsi vero beatorū opera tantum bona, & digna merito tantæ gloria cognoscēt? Vix lacrymas tenere queo, fratres charissimi, cū in hac meditatione versor, vt quæ commiserim cuncta, omnibus manifesta esse debeant. Sed nos qui
adhuc

adhuc hac luce fruimur, gratias im-
mortales Deo agamus, atq; habea-
mus, qui nobis tantum temporis
tribuit, vt peccatorum nostrorum
maculas ita eluere possimus, vt
Deus ea obliuiscatur, sicut Petro
non nocuerunt delicta præterita,
quia ei minime placuerunt, con-
murq; tales nos ita præstare, vt in-
ter beatos numerare nos non recu-
set Dominus noster Iesus Christus,
atque his dotibus ornare claritatis
& agilitatis, cum ex hac vita migra-
uerimus. Interea hunc diem Pas-
chatis solēniter colamus, & in eo
spetiem nostri futuri status viden-
tes lætemur, cum genus humanum
post mortem surrecturum sit, & su-
scitati nos nūc per fidem in anima,
iuste & sancte viuamus, vt corpore
etiam ad æternam lætitiā surga-
mus,

mus, gratia & benignitate Domini
nostri Iesu Christi, qui viuit & re-
gnat gloriosus sempiternis seculis.
Amen.

EIVSDEM

In octauam Paschatis
Diem.



Odie Festum Paschatis
terminatur, fratres cha-
rissimi, octaua .n. dies
Dominica in albis ap-
pellatur, ea, opinor, ratione, quod
candidatorum, seu neophytorum,
vt tunc ij nominabantur, habitus
more veterum commutabatur, id
est eorum, qui septē diebus elapsis
baptis-

baptismate denuo geniti ad fidem accedere solebant, & gratias Deo agebant, quòd per ablutionē summos hostes suos deuicissent, memoriam summi illius gaudij retinētes, quo iudgi merso in mare Pharaone Domino canebant, qui equum & in eo sedentem in profluentem deiecisset, quos Petrus hortabatur, vt cum renati essent, & filij Dei facti, tales in moribus sanctis atque operibus bonis versantes euaderent, quales modo geniti infantes, idest innocentes, ac sine dolo existerent, per sapientiam tamen rationales: à qua consuetudine cum hoc tempore recesserimus, non absurde tamē, qui deuote peccata sua confessi sunt, & festum Paschatis solenne celebrantes panem cēlestem comederunt, morem antiquum representare

tare videntur, si modo candorem
in animo pro viribus seruare conē-
tur, & toto corde, & tota mente
Christum D. nostrum vere surrexif-
se fateantur, sicut oportuit eum fe-
cisse, & propter diuinam iustitiam,
quoniam is vsque ad mortem se hu-
mitem reddiderat, vt extolleretur,
& gloriosus exurgeret, & vt fides
nostra, ac firma de illius diuinitate
opinio cōfirmaretur, ac spes no-
stra nos sustentaret, ex quo ipse sur-
rexit, fore vt nos surgamus, si eius
exemplum imitemur, & in noui-
tate vitæ ambularemus; Denique
vt nos iustos redderet, de quo ho-
die mirabilia, dum euangelium le-
geretur, audistis, & nos non nulla
quoque dicemus. Vos autem fra-
tres charissimi, obsecro, vt attente
audiatis, præsertim cum in hoc ma-
gnū

gnum contineatur miraculū, quòd
Christus ianuis clausis ad discipu-
los accesserit carne vera indutus;
Inquit enim Ioannes, cum sero es-
set, & fores clausæ existerent, quia
eos maxime timidos esse verisimile
erat, aut ipse præstolaretur, vt om-
nes vnà forent; *Venit in medium Ie-
sus*, at multi permouentur, quomo-
do corpus de sepulchro exurrexe-
rit, & quo pacto Ianuas clausas in-
trarit; si rationem quærunt, quo-
modo caro vera introierit, & modū
percipiunt, mirabile non erit; si
exemplum, non existet singulare.
An isti adeo stupidi sunt, vt non in-
telligant eius opus esse, qui nihil
non efficere potest, quique matris
integritatem nascendo non viola-
uit? Et moli corporis, in quo diui-
nitas existerat, clausas fores mini-
me

me resistere potuisse? Si hæc intelligere nequeunt, cur ingenij sui imbecillitatem non accusant? Et dixit: pax vobis, Quæ est ordinis tranquillitas in voluntate in hoc consistens, vt omnes ipsius appetitus motus in homine conquiescant, idest ne tumultuemini, pacem enim cū Deo, & nobiscum habere fons omnium bonorum est, & origo. *Et ostendit manus et) latus*, quæ vulnerū vestigia seruauit, vt hæsitantium mentes sanaret, quemadmodum in antecedente *ὁμιλία* ex Luca dixi; primum enim perturbati sunt, postea gauisi sūt; vt inquit hic Io: Quia vero inexpugnabile cum Iudæis bellum eis erat, ideo repetit. *Pax vobis*, gemina est enim charitatis virtus. *Sicut me misit pater, ita mitto vos*, idest ea charitate vos prosequor,
inter

inter hostes, atq; insectatores vos mittens, qua me pater amplexus est, cum ad toleranda opprobria mortemq; obeundam misit: ordinavit enim orbis doctores, & mysteriorum ministros, atq; hinc necessarios eos spiritu sancto afflandos esse ostēdit, qui ad munus apostolicum exercendum mittuntur.

Hac cum dixisset, insufflauit, & dixit accipite Spiritum sanctum.

Iste flatus corporeus spiritus sancti natura nō fuit, sed significatio non solum à patre, sed à filio etiam procedere siue emanare spiritum sanctum.

Quis enim adeo amens esset, qui alium fuisse spiritum quem flans dedit, & alium quem post ascensum in cælum misit, esse diceret? Gregorius ait nunc datum discipulis in terra fuisse, ut diligatur proximus, è

cælo

cælo datum iri, vt diligatur Deus,
atque colatur; Quidam autē Chri-
stum nos per flatum hunc ad eum
suscipiēdum aptos reddidisse aiūt;
nonnulli alij sæpe pollicitum fuisse
se inquiunt, cum is apud patrem fo-
ret, se spiritum Sanctum esse missu-
rum; nunc primitias promissi sui
discipulis exoluisse, & arrham, atq;
arrabonem tradidisse, vt hoc flatu,
sicut ab initio creati sumus, sic re-
nouemur, & ab eo spiritu in animis
nostris formetur Christus Domi-
nus: Dixit ergo qui mentiri nescit,
accipite Spiritum sanctum, ergo de-
dit siue donauit; In die Pētecostes
expressiorem gratiam ij habitantis
in eis spiritus affecuti sunt; nequa-
quam tamen errabimus, opinor, si
discipulos quādam potestatem ac-
cepisse dixerimus, non vt miracula

T

edant,

edant, sed vt peccata condonent;
Et ideo magna est sacerdotum di-
gnitas; inquit enim, *Quorum remi-
seritis peccata remittuntur eis, quorum re-
tinueritis, retenta sunt.* ex quibus ver-
bis confessionis præceptum faciē-
dæ coràm sacerdote fundari vide-
tur, vnde ad forum priuatū spectat:
post quinquaginta dies copiose po-
stea, & palàm Spiritu sancto afflati,
ac fulti fuerunt; vt non paucis pro-
desse, sed pluribus possent, Et signo-
rum potestate præditi sunt, vt mul-
tos ad se allicerent, ac varietate lin-
guarum donati, quo alienigenis, &
exteris nationibus diuinas Christi
actiones prædicare valerent. Intue-
ri ergo, vt ait Greg. libet nobis, quo
modo discipuli ad tanta humilita-
tis onera vocati ad quantum glorię
culmen euecti fuerint; Ecce nō so-
lum

lum ipsi securi existunt, sed principatum cælestis iudicij assequuntur, ut vice Dei quibusdā peccata astringant, quibusdam relaxent. In quorum locum nunc Episcopi in Ecclesia successerunt, ac sacerdotes; ut ligandi atque soluendi auctoritatem habeant. Ac grandis quidem honor est, illius vero graue onus est; Vnde caute sacerdotes; vos. n. alloquor; qui rectorum, ac pastorum gradum adipiscimini, ne in periculum, ac discrimen vocemini: Durū enim est, ut qui vitæ suæ moderari nescit, alienæ iudex fiat; Nam licet sacerdos propriam bene vitam coluerit, & cum virtute; de aliorum tamen vita curam diligentius non susceperit, se maximum in discrimē venturum esse sciat, quandoque. n. sacerdos non pro suis, sed pro actio-

nibus nostris damnatur : Qui autē
in hac periculi magnitudine versan-
tur, & nihilominus operibus bonis
nitent, ac præclara vita splendent,
eos, fratres charissimi, summa be-
nevolētia prosequi debemus, & ob-
servantia, licet non valde nobiles
fuerint, Et quāquam nec sacerdos,
nec angelus in ijs, quæ à Deo no-
bis tributa sunt, aliquid efficiant,
sed pater, & filius, & spiritus san-
ctus omnia dispensent; non enim
iustum esset nos ab alterius malitia
ad salutem nostram accedentes im-
pediri, ac lædi; linguam tamen suā,
& manum afferunt, ministriq; Dei
sunt; quare eos colere, & quibus-
cunque in rebus possumus, iuare
debemus, Sed ut eò vnde declina-
uit, reuocetur oratio. Thomas nō
erat cum eis quando venit Iesus;
nondum

nondum forte ex fuga regressus, & quanuis Lucas scribat illos de Emaus redeuntes congregatos vñdecim reperisse, conijci tamen potest, quoddam fuisse interuallum, quo tūc Thomas abfuerit, & Iesus in medio steterit; Casu autem non accidit, vt electus ille discipulus tunc non adesset; diuina enim clementia miro modo effectum est, vt discipulus hæsitans dum in Magistri carne vulnera attingeret, in animis nostris infidelitatem sanaret, plus enim ait Gregor. infidelitas ipsa Thomæ ad fidem augendā quàm discipulorum credentium fides profuit, quia ille dum manu atrectans ad credendum trahitur, mēs nostra dubitatione omni postposita stabilis, & solida euadit; Thomas autem ob hoc accusatur, quòd

ac prouidentia Thomas in infidelitatis crimen incidere permissus est, vt per exquisitam ipsius fidem Christi carnem à patre per filium ad vitam reuocatam fuisse credamus. Vos autem, sacerdotes, quibus est animarum cura, Domini clementiam considerate, ac perpendite, quemadmodum pro vna anima cicatrices ostendit & accessit, vt saluum vnum reddat, & exemplum imitemini, ac discernite vobis negligendum non esse id, de quo exacte rationem reddaturi sitis; non tamen statim, cum ipse solus quæsiuerit, & eum priuare noluerit Christus, ei se notum fecit, sed post dies octo, vt maiori incendatur desiderio à discipulis admonitus, & in posterum fidelissimus existat; adest & ait; Infer digitum tuum, & mitte in latus meum, & no

rēt quem aspiciebat, vt si forte ocu-
 los eius illusos fuisse diceremus, ma-
 nus illius deceptas esse dicere ne-
 quiremus: In manifesta enim resur-
 rectione de aspectu potest, de tactu
 dubitari nequit. Non tamen po-
 tuit persuadere ijs, qui quærunt, &
 interrogant, quonam pacto corpus
 corruptioni minimè subiectum ty-
 pis clauorum insignitum esset, qui-
 bus respondemus, ne insaniant; per-
 missionis enim fuit, quòd Christus
 ea ratione cicatrices, & clauorum
 foramina referuauit, vt discerēt, at-
 que intelligerent eum ipsum fuisse,
 qui cruci affixus fuerat; potuisset
 quidem omnem maculam cuiusq;
 cicatricis de corpore glorioso, &
 claro effecto, quod excitauerat ab-
 stergere; sciebat vero quare in cor-
 pore retineret; Sicut enim Thomæ

u/35

non

nō credenti nili attingeret, eas ostēdit, sic & inimicis suis eas ita demōstrabit, vt illi nullo pacto euidentia signa inficiaturi sint, & veritas eos conuincens dicat, ecce hominem, quem in crucem egistis, vulnera quidem conspicitis, quæ inflixistis, & latus agnoscitis, quē aperuistis, nec tamen vnquam resipiscere voluistis; *Respondit Thomas, et dixit, Dominus meus, & Deus meus.* Thomas hominem tangebatur, & Deum fatebatur, quem nec videbat, nec attingebat. Qui prius nō credebat, post latus ab eo tactum optimū se theologum declarat; nam duplicem naturam, & vnicam personam diseruit. Dominus meus humanā, Deus, diuinam, & vnam personam eundē Deum, & dominum inquires.

Quia vidisti me, Thomas credidisti.

Beati qui non viderunt, & crediderunt.

A generali visus sensu locutus est Dominus inquit, quia vidisti, licet manu attigerit, beati qui non viderunt, in quam sententiam præcipue nos inclusi sumus, qui eum quæ cernere hominem factum non potuimus, mente retinemus, atque in tuemur, si tamen hanc fidem nostram operibus comprobemus; ille enim verè credit, qui ita se in præclaris actionibus exercet, ut totam suam fiduciâ in Deo collocare præferat. Vfus est autem præterito tempore, tâquam ille qui id, quod futurum erat iam factum prævidebat. Vnde non queo non valde irridere eos, qui inquiunt; vellem temporibus illis fuisse, & Christum miracula edentem conspexisse, si beatos illos appellat, qui nō viderunt;

ergo

ergo tu beatus esse noluiſſes, nos
vero credamus veritatis ipſius testi
monio Saluatorē ab inferis rediſſe,
qui ideo primogenitus mortuo
rum dicitur, quia primus in lucem
ex tenebris inferni prodierit; &
quæcunque euangelistæ, & Paullus
de eo ſcripſerūt, ijs fidem adhibea
mus, atque hanc cōſolationem no
bis afferamus, quòd licet non vide
rimus Chriſtum in terris verſantē,
beati erimus, ſi credentes firmiſſi
mè in præceptis ſuis exequendis di
ligentes erimus, mundumq; hunc
odio habuerimus; Et quanquam
Apoſtoli ea ratione beatiores fue
runt, quia vt viderent Chriſtum car
ne indutum digni ab eo facti ſunt,
quem iuſti omnes intueri optaue
runt, coram enim eum conſpicere
magnum certe donum fuit, & in
hoc

hoc ij feliciores fuerunt. Nostamen qui Christum non cernimus, & tamen in eum credimus, ratione fidei beatiores sumus, quæ Deo maximè grata est, & maius Dei donū: Sed non oportet, fratres mei charissimi, adeo immergere nos in hæc terrena bona, vt diuina obliuiscamur, nam si velimus ex eorum numero vere esse, qui ad beatitudinem peruenire valeamus, & illius capaces esse, post ponere nos decet ea quæ à beatitudine assequenda nos auocēt, & animum ad cælestia, & sublimia penitus intendere, & ad hunc nobis optatissimum finem adipiscendum; Sicut toto corde, & totamente si eum dilexerimus, ac nos eius bonitati, atque benignitati ipsos commiserimus, D. N. Iesus Christus se nobis eum esse largiturum

rum pollicitus est, Qui viuit, & regnat sempiternis sæculis. Amen.

EIVSDEM

In diem Ascensionis.



Odie, fratres charissimi, Ascensionem Domini celebremus, & solennem hunc diem agamus, atq; summis exultemus gaudijs, quòd Christus ascendens ad cælos penetravit, & quò præiuit caput nostrum, spes est fore, vt corpus eò prouchatur; Et sancte, ac pie hoc festum colamus, & nunc mente cum illo ascendamus, & cor nostrum sursum dirigamus, vt cum dies aduenerit eum,

&

& corpore sequamur; Sed ob oculos nostros versari debet hæc meditatio, quòd Christus corpus suum tanquam naturæ nostræ primitias Deo obtulit, & oblatum Donū miratus pater manibus suis suscepit; & sic in Christo natura ipsa nostra, in sublimē lata est, ut homo qui humili loco erat, ut ultra descendere nequiret, ad tam excelsam sedem eueheretur, ut altius ascendere nō posset, quo quid admirabilius conspici potest, quando homo qui cōtemptus esse videbatur, nunc in cælo conspiciatur? Itaque reconciliata hodie Deo humanam naturam esse, hodie humanum genus cæleste misericordiam adeptum esse perspicimus; videbatur enim nulla spes esse ipsam naturam humanā in gratia Dei fore, non quòd Deus in manus

manus esset, sed quia seruus negli-
gentia, & ignauia obtorpesceret;
nō quòd Dominus crudelis foret;
at quia seruus contumax existeret:
Verum ascensus Christi nobis effe-
cit, vt qui digni terra non iudicaba-
mur, hodie ad cælum elati simus,
quiq; terrena nō merebamus, eius
singulari beneficio digni existimati
simus, vt non solum cēleste regnum
possideamus, sed vt cælorum fines
transeamus, & ipsa regali sede deco-
remur. Surgens ergo Christus Do-
minus noster spem nobis certissi-
mam attulit, ascendens gloriosos
nos reddidit, & eius ascēsus catho-
licæ fidei confirmatio fuit, vt secu-
ri ex ijs, quæ tanta percepimus, spe-
rare promissa discamus. Sed ante-
quam ascendisset, quid euangelistæ
narrēt, perpendamus: Inquit enim

Marcus,

Marcus : Nouissime recumbentibus illis vndecim simul congregatis, vt omnes testes essent, & enarrarent, quæ communiter viderunt, apparuit & *Exprobrauit incredulitatē illorum*, quia ijs non crediderant, qui non actum surgentis, sed personam aspexerant; Increpauit autem eos, vt ait Greg. cum eos corpore relicturus esset, vt verba quæ discedens diceret, in animo auditorum arctius impressa remanerent; obiecit autem, vt credulitas sequatur, & duritiam (vt cor charitate plenū succedat) licet græci nonnulli ferro, die Paschatis id factum esse sentiant, vt supra dixi: postea admonēs mandauit eis : Euntes prædicatē euangelium omni creaturæ, cuius nomine intelligitur homo; siue credenti, ac non credenti, Eum videli-

cet qui crediderit ad horam mortis vsque perfeuerās, & ablutus fuerit, saluum fore; sin; damnatum iri. Credentes vero hæc signa dabunt, quòd Dæmones eiicient, vt nō noceant corpori eorum quos vexant, & varijs loquentur linguis, vt ipso Pentecostes die accidit; Serpentes tollent, vt Paullus; & venenum bibent, sicut de Ioanne Euangelista fertur, super ægros manus imponent, quod ad miracula perficienda ordinabatur, vt tactu hominis iusti, ac sancti infirmitas corporis auferret, & bene habebūt, quæ in initio ecclesiæ necessaria fuerunt, vt fides, scilicet cresceret: ea. n. miraculis fouēda erat, nūc ecclesia spiritu edit ea, quibus animæ suscitantur. Tunc aperuit illis sensum, vt ait Lucas, vt scripturas intelligerent, quo

niam

niam sic scriptum est, quòd Christū
 pati oportebat, idest cruci affigi, &
 tertia die surgere; amisisset enim
 fructum, quem patiēdo afferebat
 ipse, si vere se nō suscitasset; & pec
 catorum remissionē omnibus gen
 tibus non singulis hominibus ab
 Hierusalem ordiendo prædicari;
 quod ab Apostolis cœptum ante fi
 nem mundi complendum erit, vt
 apud omnes gentes, & nationes ec
 clesia ædificetur; Vos enim horum
 idest mortis, & resurrectionis testes
 estis. Et ego mittam vobis spiritū
 sanctum, quem per prophetam Ioe
 lem vobis pollicitus sum. Sedete
 autem in ciuitate, quoad ex alto, id
 est ex cælo virtute, id est gratia spiri
 tus sancti tanquam armatura cæle
 sti induamini, sicut actorum primo
 conuescens præcepit, vt promissum

patris expectarent, non dixit vero,
 quando, ut semper vigilarent; præ
 dicationem enim illis ad acceptū
 usque ab eis spiritū sanctum distu-
 lit. Quomodo autem cōscenderit,
 Lucas inquit, quòd Bethaniam ver-
 sus, cum comedissent, eos eduxit fo-
 ras, ut eum ascendentem aspicerēt,
 quia inde scandere volebat; & sine
 facto dicendi ea etiam quæ actorū
 primo narrantur, cēpit, Marcus di-
 cit assumptus est, & bene, quia & si
 propria virtute surrexit, à patre ta-
 men, quia eadem patris, & filij vir-
 tus est, suscitatus dicitur, sic pro-
 pria virtute ascendit, & tamen à pa-
 tre assumptus est, cōpit inquā sua
 virtute non aliena, virtute primum
 diuina, deinde animæ beatæ & glo-
 riosæ mouentis corpus, ut lubet, pe-
 detentim propter matris, & disci-
 pulorum

pulorum consolationem se attol-
re, & vidētibus illis ascēdere, quos
tanta visione dignos statuebat, de-
inceps elatis manibus benedicen-
tem eis, & bona exoptantem nubes
lucida, & candida suscepit eum, nō
vt vehiculum, sed vt diuinitatis si-
gnum, sicut gloria Dei Israel super
tabernaculum in nube apparebat,
qui ab oculis eorum carneis eua-
nuit, quia claritate nubis circunda-
tus ultra visus non est. Ascendit au-
tem in iubilo: admiratio enim gau-
dij, quod verbis explicari nequit,
Iubilum est, vt ait D. Augustinus,
quomodo Apostoli admirati sunt
in cælum scandere eum cernentes,
quem mortuum luxerant, stupen-
tēsq; ac nihil dicentes: Vel lætitiā
illā indicat Dauid, qua affecti sunt
angelorum chori præeuntes, & ad

superiores quidem clamantes, tol-
lite portas, quia Christus rex glo-
riæ, & post perpeſſionis triumphū
victor introibit; Inferioribus vero
in voce tubæ, viri galilei quid ſtatis
aſpicientes in cælum, hic Ieſus qui
aſſumptus eſt à vobis, ſic veniet in
eadem forma, & ſubſtantia glorio-
ſa, ſcilicet ad Iudicandum, ſicut eū
in cælum euntem vidiftis; & licet
ſe ab oculis eorum ſubtraxiſſet, ad-
huc tamen intuebantur, propterea
duo aſtiterunt ſcilicet angeli, & ne
tempus conſumerent, admonue-
runt, vt in ciuitatem redirent. Tūc
videntes mater, & omnes diſcipuli
cadunt in terram admodum vene-
rantes, & poſt diſceſſum lacrymas
continere non valentes in Hieruſa-
lem cum gaudio regreſſi ſunt, quia
omnia myſteria in Chriſto comple-

ta erant. Itaque si eum rediturum credimus, expectare debemus, & in oratione perseuerare, ac nauare bona opera, ne nos aduentus eius improuisos, atque imparatos adoriatur, atque offendat. Verum de-
cuit Christum, postquam ipse surrexit, cælum ascendere, cum immortalē vitam inchoauerit, & incorruptam, & in altum loco scilicet, & dignitate, & super omnes cælos, & à patre super omnem potestatem, ac principatum, & super omne nomen constitutum esse, vt ait Paulus; non enim eum in terra loco videlicet corruptioni addicto remanere cōgruum fuisset: Et licet eius præsētia corporea priuati simus, cum diuinitas semper fidelibus adsit, absentia tamē nobis magis prodest, qua fides nostra roboratur, ac

spes fore, quoniam Christus humanam naturam in cælo collocavit, ut illuc nos quoque suo tempore perueniamus; Denique animus noster ad cælestia erigitur. Distulit nihilominus ascensum Dominus, ut per quadraginta dies comprobaretur veritas, quòd is surrexerit: fuit autem nostræ causa salutis dupliciter ascensus eius; quatenus ad nos attinet, mens nostra in Christo amore inflammatur, & mirificè eum veneratur. Quatenus ad ipsum spectat, multa propter salutem nostram gessit, & primum viam nobis ad ascendendum monstravit, ut ait Io. Vado ad paràdum locum ante eos iter pandens; nam quoniam ipse caput est, quo præiuit, illuc mēbra sequi oportet: Cuius hoc est evidens argumentum, quòd animas sanctorū patrum,

patrū, & veterum præsertim, quos
 ex inferis eduxerat, in cælum huma-
 næ naturæ peregrinum scilicet lo-
 cum secum duxit, vt ait Dauid, ascē-
 dens Christus in altum captiuam
 captiuitatem duxit, idest eos qui à
 Dæmone captiui detinebantur, vt
 pote victoria acquisitos; Deinde,
 vt pro populo deprecaretur, & ei
 aduocatus esset, vt quoniā in Chri-
 sto Deus humanam extulit natu-
 ram, eorum etiam misereretur, pro
 quibus eandem Dei filius, sumpsit.
 Demum vt in cælorum sede quasi
 Deus, & Dominus constitutus ex-
 in illos diuinis donis afficeret. Ascē-
 sio igitur Christi directe nostri ascē-
 sus causa fuit in capite nostro in-
 choata, cui membra cōiungi opus
 est. *Et sedet inquit Marcus à Dextris*
Dei, primum quidem quatenus in
 beatitudine

beatitudine patris, quæ illius dextera dicitur, incorruptus manet; Deinde quatenus cum patre regnat, & ab eo iudiciariam potestatem habet, quod ut Deo, & Dei filio convenit; eandem scilicet naturam cum patre, & eandem diuinitatis gloriam habere, ut naturæ convenientia sit, personæ distinctio: Quatenus autem homo ob diuinitatem cum eo coniunctam, quæ est contrario naturæ distinctionem, & personæ unitatem significat, etiam hac ratione Dei filius est, & consequenter ad dexteram patris sedet: Denique secundum gratiam habitualement, ut Theologi inquirunt, quæ in Christo præ cæteris alijs hominibus abundantior est, adeo ut humana natura in ipso cæteris beatior sit, regiam, & iudiciariam potestatem habens, sic quatenus
nus

nus homo sedet ad dexteram patris
 idest in bonis paternis potioribus,
 & in maiori præ cæteris beatitudi-
 ne; Et soli Christo proprium hoc
 est, & nemini alij nec angelo, nec
 homini congruere potest. Hodie
 ergo Dies festus est D. N. I. Christi
 qui ad dexteram patris sedere cœ-
 pit; est & Patriarcharum, ac Pro-
 phetarum animarumq; sanctarum,
 quia hodie, & nō ante, cēlestem pa-
 triā intrauerunt: Est & noster, quia
 humana natura cælos conscendit;
 Et vbi fuere, & sunt ascēsus Christi
 vestigia, Sulpitius Episcopus Hie-
 rosolymitanus ea nunquam pau-
 mento strata fuisse testatur; terram
 enim velut impressis vestigijs ean-
 dem spetiem custodire, quod & Be-
 da confirmat, Et Iacobus Sacratius
 frater meus Archiepiscopi Nico-
 siæ

fixæ in insula Cyp̃ro olim vicarius,
quo cum ad sanctum sepulchrum
accessit, se saxum illud, & locum in
quo Christus ascendens pedem fi-
xit, vidisse ac veneratum fuisse as-
seruit, nunc Carpentoraçti Episco-
pus; Et quia nos quoque ascende-
re cupimus, atque in gloria Chri-
stum consp̃cere, mundi autem cor-
de eum vident, munditiam menti
nostræ talem adhibeamus, vt illum
ad nos venientem intueri liceat. At
scire oportet, quòd vt ait D. Augu-
stinus, cum Christo nõ ascendit su-
perbia, non enim opus est, si scandē-
di desiderium nos tenet, vt merita
propria nobis arrogemus; nam cū
altus sit Deus, si erigimus nos, fugit
nos, si humilitatem sequimur, ad
nos accedit; non auaritia, non lu-
xuria, nullum omnino vitium; &
ideo

ideo turpes, ac prauas actiones omnes fugere, appetitumq; terrenarum rerum rationi obedientem præbere, ac nullam penitus ex illecebris mundi huius delectationem capere debemus; verum quia magni est animi, & valde fidelis sine mora, & facile credere, quæ sub aspectum non subiiciuntur, atque eorum desiderio incendi, quæ oculi cernere nequeunt; tali mente studeamus erga Dominum Nostrum Iesum Christum præditos nos esse, ut eum surrexisse, & ascendisse minime ambigamus, & beati esse velimus, qui non vidimus, & credimus, & in eo meditationem nostram figamus, dum in hac vita spiritum ducimus, ut in cælestium ciuium numero reponamur; Nam si recte actiones Christi perpendamus, illæ eò spexerunt

runt omnes, vt nos ipse ab his terrestribus rebus auerteret, atque ad cælestia concupiscenda, atque adipiscenda animos nostros prouocaret: Imitemur etiã Apostolos, qui tanto ex ascensu Christi gaudio affecti sunt, adeoq; profecerunt, vt metu omni deposito in diuinitatē ad dexteram patris cōscendentem animum defixerint, atque intenderint eam continenter contemplan-tes, atque ex animis nostris deletis omnibus maculis, studeamus nos quoque ita mundi synceri, nitidiq; existere, vt ad cælum ascendere, Christumq; Dominum nostrum in dextera patris sedentem intueri valeamus. Qui viuit sempiternis sæculis gloriosus, Amen.

EIVSDEM

E I V S D E M

In diem Pentecostes :



Odie, fratres charissimi,
 sanctissimum & solennē
 admodum Pentecostes
 diem, idest, quinquage-
 simum ab eo die, quo Dominus no-
 ster Iesus Christus surrexit, atque
 ab illius ascēsu decimum colimus,
 & veneramur, sicut Iudęus populus
 antiquus à die immolationis agni
 vsque ad datam quinquagesima die
 in Syna monte eis in igne legem il-
 lum obseruabat. Hodie anniuer-
 sarium illū diem celebramus, quo
 Christus ad discipulos spiritum san-
 ctum misit, qui in eorum animos
 est

est illapsus, atque in præparata sibi apostolorum suorum templa velut imber eos reddens sanctos, ac perpetuus consolator influxit; quemadmodum ante pollicitus illis fuerat Christus inquires, nisi abiero, paraclytus non veniet ad vos, si autem discessero, illum ad vos mittam; nam ab eorum corporeis oculis abscessit forma Domini corporea, ut à spiritu sancto diuinitas eius in illorum corda insinuaretur; quæ post illius discessionem adeo dilatata fuerunt, ut ad sustinendam diuini luminis magnitudinem robustiores multo facti fuerint, & ad intelligentiam veritatis aptiores, ac magis capaces. Quomodo autem ad eos spiritus sanctus accesserit, Lucas inquit, quod cum essent discipuli omnes pariter in eodem loco, in cænaculo

culo scilicet factus est repente de
cælo, vt significaret spiritum cæle-
stem esse, sonus, id est locutio lingua-
rum de ore apostolorum sonans, tã
quam aduenientis spiritus vehemẽ-
tis; non vt, quemadmodum in lege,
terreret, & repleuit totam domum,
id est habitatores eius impleuit, di-
ues est enim, vbi sedebant, quia effe-
cit, vt domus gloriæ suæ, luminis ni-
tore fulgeret. *Et apparuerunt illis di-*
spertitæ lingue tanquam ignis, seditq; su-
per singulos eorum Sanctus spiritus in
igne, quia peccatores expiat, illumi-
nat, accendit & vrit, & linguis appa-
ruit, sed per se interius loquebatur;
ardentes enim omnes quos reple-
uerat, & loquentes reddidit, & se-
dit, vt potè, qui in sanctis & humili-
bus requiescit. *Et repleti sunt Spiritu*
sancto, vt Ioelis vaticinium verum

euaderet inquietis: effundam de spiritu meo super omnem carnem, & vaticinabuntur filij vestri, &c. Dubium autem nō est maiestatem sancti spiritus fuisse præsentem, cū rei gestæ forma mirabilis fuerit; in ijs tamen quæ corporeis oculis visa sunt, diuinam eius naturam apparuisse nemo arbitretur; quæ patri, filioq; communis qualitatem muneris sui, & operis qua voluit significatione ostendit, proprietatem vero in sua diuinitate retinuit; fidelibus enim suis spiritus sanctus affuit, atque per illius præsentiam in eorum vasa non iam balsami odor, sed ipsa sacri natura vnguēti influxit, cuius odoratu latitudo totius orbis impleretur, Et qui ad eorum doctrinā appropinquarent, participes Dei, atque capaces fuerunt. Sed quid
ad

ad perfectionem apostolorum addi poterat, cum ij in principio Evangelij afflati spiritu sancto fuerint, nā eijciendi dæmones, & peccata con donandi potestatem acceperunt, quæ sine spiritus sancti aduocatione non fiebant, & qui in Christum crediderant, infusum in animos spiritum habebant? Nimirum in ijs fides erat; at constantia minimè; de Christo mirabilia prædicare, pro eo vsque ad mortē certare nequibant; nemo enim ante spiritus sancti aduentum martyrij corona donatus fuit; & antequam consolator cælestis visitaret, quantum de magnitudine animi, quātumq; de perfectione defuerit, ex his perspicui potest, quòd Thomas nondum hoc munere ditatus sancti spiritus, fixuris clauorum, & cicatricibus ad creden-

Xadum

dum diuinitatem incorruptam indiguit testibus ; Ac Petrus numine hoc non adhuc afflatus vim vi repellendam existimauit ; Et ante aduentum spiritus sancti alij ex discipulis sub ipso crucis tempore fugerunt, alij voce ancillæ territi sunt ; Vnde Ioannes, & Lucas inter se nō dissentiunt, cum dicat ille, primo die quo Christus surrexit, Apostolos spiritu sancto donatos fuisse, & relaxandorum peccatorum gratiam & facultatem accepisse ; Hic vero spiritum sanctum quinquagesimo die venisse describat ; nam hi tunc virtutum omnium exercitationem dederūt, & cuncta donorum genera perceperunt, & quod magis necessarium erat, omnium linguarum diuersitatem, vt Christum annunciaturi nullo interprete indigerent, quo factū est,

est, sic ut ait Hieronymus, ut Lycaones Paulum, & Barnabam suis audientes linguis loqui, Deos in homines conuersos esse crederent. Ita que post perceptam hanc amplam spiritus sancti gratiam ipsi verberibus cæsi ibant gaudentes, quia digni habiti fuerint, ut pro Christo contumelias sibi impositas æquo animo ferrent; Deus enim post munificentiam suam, & cumulare gratiam, & sapientiam augere, & constantiam firmare potest. Et sic Saluatoris promissio cōpleta est inquit: Paraclytus, quem mittet pater in nomine meo, ille vos docebit omnia, & suggeret &c. Et cum venerit paraclytus, quem mittam vobis à patre, ille testimonium perhibebit de me, Et alibi, ego rogabo patrem, & alium paraclytum dabit

X 3 vobis;

vobis; Et rursus ille me clarificabit, quia de meo accipiet: Docuit enim spiritus sanctus quaecunq; eis dixerat Christus percipere non valentibus, suggessit, quaecunque narrauerat Dominus, sed obscuritatis causa, ac mentis tarditate imbecillitateq; illi memoriae mandare nequiverunt: Iubemur enim non obliuisci saluberrima monita ad gratiam pertinere. Sed cauendum est, fratres charissimi, ne in cogitationem vestram cadat, cum auditis, mittā, quasi de inferiori dixerit; mittente enim filio simul mittit & pater, cū procedat & emanet à patre & filio; & eadem volūtate patris & filij spiritus venerit: Ille enim spiritus à filio mittitur, vt à sapientia, & virtute spiritum Dei indiuisam cum eadem virtute, & sapientia naturā habent.

bentem mitti decet, Etenim filius à patre missus non ab eo segregatur in illo manens, & in semetipso eum habens, & spiritus sanctus missus à filio à patre egreditur non aliunde ad alia migrans. Cum vero ait, aliū paraclytum dabit vobis, & se ipsum paraclytum esse ostendit, idest aduocatum & consolatorem, eo enim tunc tali fruebantur discipuli, qui miraculorum dulcedine, & prædicatione eos erigebat & consolabatur; sed alium spiritum nominauit non iuxta naturæ differentiam, sed secundum diuersitatem actionum; similis enim gloriæ, & eiusdem naturæ est ipse, & maiestatis socius; Denique inquit, ille me clarificabit, quia prouocans vos ad ea, quæ ad spiritum attinent, declarabit vobis, quomodo filius patri æqualis

fit, quem secundum carnem vt homines noueratis; vel timorem aufereus ad annuntiādum gloriam meā toti mundo, vos incitabit, quò nō mihi sed hominibus proſit; Quia de meo accipiet, quia de patre, à quo ego; in hac enim trinitate de patre filius natus eſt, de patre procedit ſpiritus ſanctus, & emanat: Qui autem ex nullo natus eſt, de nulloq; emanat, pater ſolus eſt.

Sed Synodus Florētina definit, vt hæc fidei veritas credatur, ſpiritum ſanctum ex patre, & filio eſſe æterno tempore, & naturam ſuam, & ſuum eſſe ſubſiſtens cum patre, & filio habere, & ex vtroque rāquam ab vno principio, & vnica ſpiratione æterno tempore procedere: Atque declarat id, quod ſancti patres, ac doctores aiunt ex patre per filiū pro-

procedere spiritum sanctū, ad hanc spectare intelligentiam, ut per hoc significetur filium esse secundū quidē græcos causam, secundum vero nos latinos principium subsistentiæ, sicut & patrem: Et hoc ipsum, quod spiritus sanctus emanet ex filio, eum à patre habere æternò tempore, à quo etiam genitus est; atq; additamentum illud, filioq; veritatis declarandæ gratia, & imminente tūc necessitate ipsi symbolo addilicuisse: Quàm inexplicabilis est redemptoris pietas? hominem ad cælum sustulit, & terra cælum factū est, Apostolis ad illud ascendentibus ob copiosam spiritus sancti gratiam in eos effusum. Et Deum ad terras mittit, ex quo facile conijci potest, quanta de operis sui instauratione auctori cura existat. Sequitur

tur Lucas; *Et cæperunt loqui varijs linguis, &c.* Quicumque spiritu sancto afflabatur, impletus linguis omnium nationum loquebatur, non illi duntaxat centum viginti in cænaculo existentes; sed dicet aliquis, quare si alicui datur spiritus sanctus, varie non loquitur ille? quia impletum est, quod significabatur; Nam illa Ecclesia parva varijs linguis sermones suos explicabat, nunc à Solis ortu vsque ad occasum Ecclesia magna omnium nationum linguis utitur; sicq; perfectum, atque solutum est promissum; sicut enim anima in corpore hominis opus suum nauat, sic in corpore Christi spiritus sanctus: quod ecclesia in omnibus vnius corporis membris, hoc in tota ecclesia efficit spiritus sanctus. Et quemadmodum qui spiritus sancti
dono

dono tunc ornatus erat, etiam ho-
 mo vnus fermocinabatur omnibus
 linguis, sic per omnes gentes nunc
 veritas ipsa permeat loquēs, in qua
 constituti nos spiritum sanctum ha-
 bemus; vnde diem hunc tanquam
 veritatis corporis Christi membra
 celebrare debemus. Cum ergo quis
 replicat, spiritum sanctum accepi-
 sti, cur sermones varios non habes,
 respondēdum nobis est, nos in cor-
 pore Christi existere idest, in eccle-
 sia, quæ omnium linguam gentium
 adhibet; nihil enim aliud significat
 Deus per præsentiam Spiritus san-
 cti nisi ecclesiam omnium gētium,
 ac nationum linguis prædicaturam
 esse. Addit Lucas. *Nonne isti Gali-
 lei sunt; Et quomodo audiuius vnus-
 quisque lingua in qua nati sumus?*

Quærit vnus Beda, vtrum ij qui
 loque-

loquebantur, diuersis vniuscuiusq;
linguæ sermonibus vterentur, idest
modo hac modo illa loquentes, vt
sic omnes attingerent linguas; An
potius sermo eorum qualibet lin-
gua pronuntiatus ab vno quoque
secundum linguam suam intellige-
retur, ita vt apostolo vno in ecclesia
docente silentibus alijs sermo eius
ad omnium auditum perueniret,
hanc vim habens, vt cum diuersarū
nationū auditores essent, vnusquis-
que tamen sermonem ab apostolo
habitum perciperet. Hęc me secun-
da opinio certe delectat, quia Lu-
cas etiam eam innuere videtur. Et
maximum miraculum, & nunquam
aliàs auditū fuisse nemo est, qui am-
bigat. Ad venerationem igitur diei
Pentecostes, qui libertatem, ac re-
missionem peccatorū suppeditat,
omnes

omnes cōcordes excitemur, fratres
charissimi exultantes, & honore spi-
ritum sanctum summo afficientes;
à quo ecclesia nostra sancta reddi-
tur, & omnis anima rationalis im-
buitur, is enim doctor sanctus est,
fons amoris, castitatis propugnacu-
lum, & totius causa virtutis, vitam
suppeditans, & vnicuiq; præsens,
at iuxta fidei portionem vim suam
diuidens. Quem si ad nos inuitare
velimus, ita nos puri sensibus, & co-
gitationibus esse debemus, vt nos
eius illustratione dignos præste-
mus; ac si promereri cupimus, vt
ad nos ingrediatur, nosq; illumi-
net, ab omni obtrectatione, omni-
que malitia liberos nos esse studere
oportet, animæq; nostræ ab appeti-
tu carnis, & superbiæ dominatione
liberatæ domiciliū ornare; ac odo-
ribus

ribus pretiolis castitatis, fidei, & charitatis, vt detractis omnibus vitijs, & virtutibus in animis nostris insitis in templum Dei mutemur, repleti nos decet; Tunc spiritum sanctum humiles, atque mansueti aduocabimus, qui, vt beatissimus hospes nitido delectatus hospitio in nobis perpetuo manebit, & cum vita functi erimus, in patria cælesti nos fouebit.

Interim magnum hunc festum diem hilariter, & læte celebremus; Ego quidem non solum eum solennem ago, sed etiam, cum mysteria de resurrectione, de humani generis redemptione, de angelorum instauratione, & dæmonum eiectione, de Iudæorum confusione, de humanæ naturæ elatione, de certa, & generali in futurum surgendi, & ascendendi

ascendendi spe, de promissione
sancti spiritus, ac de illo hodie ad
nos misso, qui fideles suos valde re-
creat, omnia completa sint, eaque
cuncta à me in sermonibus meis
breuiter tractata fuerint, operi meo
finem impono, & immortalī Deo
gratias ago, habeoq; , qui mihi lar-
gitus est, vt ad exitum lucubratio-
nem meam perduxerim, quam si le-
ctoribus haud displicere intexero,
me hoc diuino spiritu afflatum esse
arbitror, sin minus; inscitiae &
ignorantiae meae, nec non arrogan-
tiae, quod in sanctissimorum, ac do-
ctissimorum patrum messem irruere
ausus fuerim, totum ascribam.
Sed cum semper spem in Christo
omnem posuerim, & me calamum
scribae velociter scribentis existere,
atque omne donum optimum, atq;
perfectum

perfectum à Domino Deo in me
perfectum esse existimauerim: spe-
ro futurum, vt Iesus Christus hos
labores meos, vere opus suum fo-
ueat, & apud omnes etiam gratio-
sos, & iucundos reddat. Qui cum
patre, & spiritu sancto uiuit,
& regnat laudabilis, &
gloriosus sempi-
ternis sæcu-
lis.

Amen.



EIVSDEM

E I V S D E M

In Dominicā quintam
de Passione.

Odie, fratres charissimi,
diem hunc solennem agi-
mus, in quo illius agni,
qui pro nobis immola-
tus est, commemorationem auspi-
cato incohamus, qui ab ecclesia ma-
tre nostra Dominica de Passione
dies inscribitur: Nam etsi nec die
hoc, nec sequentibus Dominus no-
ster Iesus Christus passus fuerit, nisi
parasceues die, tantas tamen insi-
dias, iniuriasq; ei fecerunt, tantisq;
verborum contumelijs Iudæi eum
lacerarunt, & amplius percutere la-

Y

pidibus

pidibus voluerunt, sicut infra dicemus, ut illi quodammodo mortem afferrent; feruebat enim adeo illorum infania, ut certo consilio interficere Lazarum quanuis innocentē decernerent, quia multi illius causa credebant in Christū, quo eius memoriam penitus delerent; ipsi autē hac causa maximē impulsī sunt, quia miraculis Christi omni eorum gloriæ tenebras effundi videbant; Itaque tanta inuidia disrumpebantur, ut nihil aliud cogitarēt, ac dicerent, quā ut circumuēniamus iustum, quia contrarius est operibus nostris præsertim cum eis exprobraret Christus paullo supra de Abraā quem patrem appellabāt, quia eius opera non imitarentur, præterea adderet eos non habere Deum patrē, ut aiebant, quia eum diligerent, sed

Damo-

Dæmonem homicidam, atque mendacem, & propterea à veritate abhorrere; quem sermonem in hoc euangelio, cuius lectionem nunc audistis, diligenter persequitur. D. Ioannes inquit.

Quis ex vobis arguet me de peccato?
Hoc verbum Christi magna fiducia nititur, cum hoc dicere queat nemo nisi Christus, qui peccatum nō cōmisit; Quis me arguet, id est argumentis me convincet, sicut vos, & patrem vestrum refello? nihil enim in me deprehēdetis, quod in vestrā reprehensionem incurrat; exquirite vitam, verba, & opera mea scrutemini, nihil omnino occurret, quod vos redarguere possitis. Quod cum ita sit, patet quòd propter virtutem me odio habetis, cum peccantes vobis odio esse deberent, si filij Dei

estis, vt gloriamini, quod vniuerso
etiam hominum generi dictum esse
existimandum est, nec non & Dæ-
moni. Sed, fratres charissimi, man-
suetudinem Christi mecum, oble-
cro, admiremini, quòd ratione ostē-
dere non recuset se peccatorem nō
esse, qui virtute diuina homines fa-
cere iustos poterat; & nos Christi
imitatores esse pro viribus humanis
contendamus, ac talem mundę cō-
scientiæ fiduciā accipere, vt hæc di-
cere omnibus queamus. *Si veritatē
dico vobis, quare non creditis mihi?* Si me
verbū, & veritatem patri coęternam
dico, cur mihi fidem nō adhibetis,
nisi quia Dæmonis filij estis? nam
supra dixi me Dei filium esse, atque
à patre missum, & idipsum operibus
comprobauī, quis vos fascinauit, vt
veritati non credatis? non potestis
à iugo

à iugo Dæmonis nisi filij Dei opera
eripi. *Qui ex Deo est verba Dei audit,*
propterea non auditis, quia ex Deo non
estis. Qui ex Deo est, non natura, sed
fide & imitatione, verba Dei audit,
& amat, & recte credit, propterea
non auditis, idest ea non intelligitis
propter vitium, quia non estis ex
Deo fide, licet natura, sed ex Dæmo
ne, quem imitamini, si quidem audi
re verbū Dei est eius præceptis obe
dire; non oportet naturam atten
dere, sed vitium, sunt enim natura
ex Deo, & cuius homini cum cæte
ris creatis conuenit, non sunt, vitio.
Dictum autem est hoc iudæis, quia
non solum illi vitiosi (id enim omni
bus commune est) sed quod præco
gniti etiam erant non credituri ea
fide, qua à nexu peccatorum libera
ri possent. Examine autem vnus-

quique; conscientiam suam, si aure
cordis verba Dei percipiat; sunt. n.
nonnulli, qui nec aure corporis, &
sunt qui aure corporis, sed non men
te, & sunt, qui verba Dei suscipiunt,
ita ut flentes compungantur, sed post
lacrymas ad iniquitatem redeunt,
hi profecto non audiunt, quia ea ope
re complere contemnunt; verum
hi tantum qui fide per dilectionem
opera exercente, & operibus fidei
coniunctis verba Dei audiunt; &
hæc est perfectissima credendi ratio.
Responderunt, Nonne bene dicimus nos,
quia Samaritanus es, & demonium ha-
bes? Iracundi & præcipitis animi est
indicium nolle correctionem lenem
ferre, sed illico ad contumelias, &
iniurias se convertere; Tales se Iu
dæi declarant, qui convicti esse Dæ
monis filij, nec veritati respondere
scientes

scientes ad conuitia confugiunt in-
quientes, non ne optime dicimus
te Samaritanum esse, & dæmonium
tenere? indicantes hæc aliàs ei ex-
probrasse; Samaritanum eum ap-
pellantes tanquàm hominum nihi-
li contumeliose, vel tanquàm ritus
Iudæorum non seruantem, vt pote
sabathi; Samaritani enim, qui decē
tribubus in captiuitatem ductis ter-
ram eorum possidebant, Iudæis &
populo Israel odio valde erant, quia
perfectè more Iudæorum non viue-
bant, eorumq; legem transgredie-
bantur; Cur autem cum Samarita-
ni futura sæcula, & animæ immorta-
litate negent, Christum Samarita-
num vocant, qui sæpe docuit fore,
vt nos omnes surgamus? Sed cum
aspernabantur, quia ille non doce-
bat, quæ ipsi sentiebant: Dæmoniū

vero habere, siue infantre eum propter transcendentem humanam naturam illius sermones aiebant, quibus Deum esse patrem suum, & se de cælo descendisse asseribat; infania enim eis hæc videbatur; vel quia eorum cogitationes aperiebat; Quod obstinati iudæi patre vestro Dæmone duriores filium Dei execramini, nec memoria tenetis, saltem vestrum aliqui, quando rugientes dæmones clamabant, curante tempore venisti torquere nos filij altissimi? & quando se abijcientes ad pedes eius supplices rogabant, ut saltē eos in porcos truderet; non ne filium Dei negare vos pudet, quem Dæmones cōfitentur? *Ego demonium non habeo, sed honorifico patrem meum, & vos inhonorastis me; Primum silentio præterit, nam non negavit ipse se Samari-*
tanum

tanum, id est custodem esse, quia talem se esse nouerat; quia sicut ad ipsum pertinuit, ut redimeremur, sic spectat, ut seruemur, denique ipse est, qui ad saucium accessit; Secundum ita dicere, Ego dæmoniū nec habui, nec habeo, nec habiturus sum, solius Iesu Christi vocem esse arbitror, quemadmodum dixit, venit princeps mūdi huius, & in me non habet quicquā; possumus, & nos hoc dicere, sed perinde refellemur, ac inficientes se insanire, ipsis factis se mentitos esse conuincuntur; nam sicut nullus est absque sordibus, & iustus super terram, sic nemo à Dæmonibus semper mundus est, cum etiam quæ leuia peccata existimantur, qui repētinam iram, ac detractiōē opinati sunt esse Dæmonium, Dæmonibus tribuere non dubita.

dubitauerint. At notandum est, fratres charissimi, vbi oportuit Christū docere, & de humilitate eos admonere, vehementem quidem fuisse, in contumelijs vero ferendis māsuetudine vsum; cum enim dicerēt illi se Deum patrem, & Abraam habere, in eos aspere inuectus est; cum eum habere Dæmonium aiunt, lenissimum se præstare, vt nos quæ ad Deum spectant, maiorem in modū defendere, atq; vlcisci, quæ ad nos, contemnere debere erudiat. Sed ne vobis arrogans videar, honore afficio patrem meum; Et profectò patrem honorauit eum vlciscens, & homicidas, ac mendaces non tolerans se veraces Dei filios appellari. Solus enim verissime patrem est veneratus: nam nullus spernenti, quæ in honore habet, honorem tribuit.

Et

Et vos me ignominia affecistis, siue afficitis, quia non facitis, quæ decet; ascribitis enim Dæmoni, quæ virtuti diuinæ attribuere debetis; Quod non solum ijs dictum est, sed omnibus Christo iniuriam facientibus, qui est iustitia, & contumeliā, sapientiæ inferētibus, eo quod Christus sapientia sit. Ne autem gloriæ cupidus videatur, addit, *Ego tanquā homo non quero gloriam meam, sed Dei, Et salutem hominum, Hæc vero dixi, quia non decet vos Deum appellare patrem, cum homicidæ sitis, & tamen à vobis ignominia appetitus sum; sed contumelia vestra mihi curæ non est, illi pœnas dabit, cuius gratia hæc audio, Est qui quærat, filij gloriam in quolibet eum suscipiente pater, & iudicet, idest meam à vestra gloriam discernat; Vos enim secundum*

cundum hoc sæculum gloriamini; ego vero minime; à gloria igitur omnium hominum filij gloriam distinguit. Non credamus, fratres, quia homo factus est; eum nobis esse cōparādum; nam homines nos sumus peccatores, ille sine peccato forma serui etiā indutus; Quis enim illud digne fari queat: In principio erat verbum? Vel aliter, si verum est, quod dicit filius, omnia mea esse tua, & ipsum iudicium patris esse patet. *Amen amen Dico vobis, si quis sermonem meum seruauerit, mortem non videbit in æternum.* Fideliter dico vobis, si quis sermonem meum seruauerit fide, & vita pura in perpetuum, non videbit, id est non experietur in æternum mortem, scilicet veram id est animę mortem siue damnationem, à qua vt nos
libe-

liberaret Christus venit (nam mors hæc, idest discessus animæ à corpore migratio quædam est) quia usque ad id tempus quis mortem non in-
tuetur, quoad verbum Dei seruat:
Cum autem quis torpens in obser-
uando sermone eum custodire ne-
gligit, statim mortem in se ipso expe-
ritur; Sic igitur nos à Salvatore in-
structi, prophetæ dicenti, Quis est
qui viuet, & non videbit mortem?
respondere valemus, qui Dei verbū
custodit, & seruat. *Nunc cognouimus,
quia Demonium habes, Abraham, & pro-
pheta mortui sunt, Et tu dicis si quis ser-
monem meum seruauerit, mortem non gu-
stabit in æternum.* Sicut bonus acce-
pta contumelia melior redditur, sic
malus accepto beneficio peior eua-
dit: Nam Iudæi audita Christi præ-
dicatione rursus eum execrantur:

Sed

Sed vnde peccatum oriatur, philosophi à prauis iudicijs ortū habere putant, hi autem qui sacris scripturis tanquam diuinis crediderunt, sic disputant, quęcunq; peccata præter rationem ab hominibus cōmittuntur, non sine Dæmonis auxilio perfici. Quare Iudæi existimabant Iesum illius virtute dixisse, quæ supra, quia dicti vim nō perceperunt: Nā Christus mortem illam rationi inimicā, qua peccantes pereunt, indicauit ab ijs non videri in æternum, qui sermonem ipsius opere exercuerint, illi de communi morte dictum esse conijcientes, cum Abraam, & ceteri prophetę diem suum obierint, eū aberrare arbitrati sunt dicentem neminem mori, qui mandata eius custodierit. At maligni illi sermonem confundentes dixerunt, non gustabit,

bit, tanquam à Domino dictum, cū
 tamen inter gustare, & videre non
 nihil sit discriminis: nā mortem sub
 gustum cadere illud docet, sunt, de
 hic stantibus scilicet propè Iesum,
 qui non gustabūt mortē donec, &c.
 sub visum id, si quis præcepta mea
 perfecit, mortem nunquam vide-
 bit. Et quoniam Dominus quate-
 nus est panis viuus qui è cælo descē-
 dit, sub gustum cadit animam nutri-
 ens, quatenus sapientia existit, sub
 visum, propterea Dauid ait, Gusta-
 te, & videte, quia suavis est Domi-
 nus, id est experimini, & non vos im-
 plete; nunc enim per speculum ve-
 ritatem cognoscimus, veniet tem-
 pus cum perfecte hoc suauitatis gu-
 stu truemini. *Nunquid tu maior patre
 nostro es Abraam, qui mortuus est, &
 propheta mortui sunt. Iudæi cum mi-*

norem

noīem ipīo Abraam estimabant, nō enim discernebant, quia nō illo solum, sed quolibet alio ex muliere orto, qui ex Virgine natus est, maior exultat; Nec verum dicebant Abraā mortuum esse, quia ipse audiuit, & iussa custodiuit, & prophetæ pariter; mentiuntur ergo, quare? quia cum solam carnis mortem aspicerent, in sermone veritatis eorum animis caligo offusa erat. *Quem te ipsum facis*, quasi dicat, tu qui Carpentarij filius es, quo in numero te putas esse, quibus meritis te dignum, quamque te dignitatem retinere iudicas? Abraā corpore mortuus erat, anima autem vivebat: mors autem animæ in eternū victurę, quā corporis aliquando perituri multo maior est; Certe hæc fuerunt cæcatorum verba; non enim Iesus se fecit,

id quod est, sed ex patre accepit. Si
*ego Glorifico me ipsum, Gloria mea nihil
est, est pater qui glorificat me.* Ideo dicit
hoc Christus eorum suspicioni re-
spondens, sicut & supra, Et ostendit
his verbis vitæ præsentis gloriam ni-
hili pendendam esse; gloriam autē
suam patri acceptā refert, inquiens,
pater est qui me gloriosum efficit,
in baptismo, ut patet, & in monte,
& dum is pateretur, vox ad illum co-
ràm turbis peruenit; præterea cum
eum suscitasset pater, ad dexteram
suę maiestatis collocavit. Verbum
autem hoc Arriani, ut ait Augusti-
nus, calumniantur, inquiētes, Ecce
pater maior est, qui filium glorio-
sum reddit; Verum se non legisse si-
mulant, quæ ait filius, quòd patri
suo gloriam det immortalem, & ip-
sum honore summo decoret; *Quem*

Z

dicitis

dicitis, quia Deus vester est, & non cognovistis eum; ostendere enim volebat, quòd eum nec patrem esse, nec Deum nouerant, quem si agnouissent, illum quoque colerent, nec aduersus illum clamarent Deum contemnentes, qui homicidium prohibuit; sed vos patrem Deum vestrum vocatis, ut bona terrena largiatur, ac frumento, oleoq; , atque vino vos pingues reddat, spiritu vero ei seruire ignoratis. Ego autem novi eum, nec hoc arrogas vobis videatur, quia veritati locus relinquendus est, nam si quemadmodum vos dicentes eum nosse, mentimini, ego quoq; si ipsum me ignorare affirmauero, mendax existam; sed illum bene cognitum habeo, quia ab illo missus sum; naturaliter enim eius cognitio mihi insita est; qualis enim ego sum, talis & pater est;

est ; & me, & ipsum nosco, cuius argumentum, atque indicium existit, quia mandata eius exequor; sermonem enim patris tanquam filius loquebatur, & ipse erat patris verbū; vel, ut quidam intelligunt, rationē substantiæ eius seruo; eadem enim substantiæ patris, & filij ratio est, quoniam patrem agnosco.

Abraam pater vester exultavit, ut videret Diem meum. Incertum an diē illum intellexerit, quo ad sumendā carnem venturus erat, an diem Domini qui ortum, & occasum nescit; sed ego non dubito quin pater Abraam totum perspexerit; ait enim seruo, sub scœmore meo manum pone, & iura. Quid iurare oportuit, nisi quòd Deum cæli carne induitū aduenturum esse ab eo significabatur? Vel diem Domini Abraam vi-

dit, cum tres Angelos trinitatem representantes hospitio accepit; vel diem crucis innuit Christus, quem Abraam ante indicavit Isaac filiū, & arietem offerens, ex hoc demonstrans se nō inuitum ad patiendum accessisse; & eos ab Abraam alienos esse, si ex his dolorem hi capiūt, propter quæ exultauit, *Vidit & gavisus est*, scilicet propter beneficium, quod à me vt à maiore accipit. Sed fatius est, vt cum Cyrillo dicamus, quòd Abraam vidit diem Domini desideratum, & lætitiæ plenum, quādo in placida, & trāquilla requiete positus filium Dei sumpsisse carnē, & natum esse cognouit testificante sibi Symeone, qui eum super brachia acceperat, & cæteris patribus; quo dono affectus pacifice postea, ac tranquille quieuit; aut truncian-

tibus

tibus angelis, qui sanctos patres sæpe visitabant, Christi ortum, & propinquam liberationem esse; Et gaudius est illum diem tandem salutiferum aduenisse, quæ ut videret, exultauerat, cum adhuc viuens promissum sibi factum, scilicet Christum ex se nasciturum lætus expectaret. O Abrahæ felicitatem incredibilem: Quis est, fratres charissimi, qui considerans quale illud gaudium extiterit splendorem pijs mentibus lucentem intuentis, atque apud patrem manentem Deum perspicientis, cū is spe summa etiam sustentaretur filium Dei aliquando hominem factum iri, & tandem natum mente, & spiritu cognouerit, hominem nō admiretur? qui Deo ita gratus extiterit, ut tantis donis fuerit ornatus, atque admirabili illa visione dignus

habitus; & eum imitari non desideret, vt à Deo talia dona adipiscatur? certe cum hæc animaduertimus, tantus nos ardor incendere deberet, vt cū Paulo audacter diceremus, Cupio dissolui, & esse cum Christo. Sed vt ad propositum nostrum reuertamur. *Dixerunt, quinquaginta annos nondum habes, & Abraham vidisti.* Iudæi hæc verba audientes carni penitus addicti oculos ab ea non deijciunt, dum aiunt, quinquaginta annos nondum agis, & quomodo Abraham qui iam multos annos mortuus est, diem tuum vidit? Magna profecto Iudeorum misericordia commoueor, dū eos in res terrenas adeo immerfos fuisse perspicio, vt nihil supra hominem ipsi cogitarent; non debuerāt ipsi perpendere, Christum scire multis ante sæculis Abraham diem suum obijisse,

obijsse, & aliud ipsum significare voluisse? Quidam per quinquaginta annos Iubileum eos innuere voluisse aiunt, in quo captiui manumittebantur, & empti fundi restituebantur; At potius, quod in buccam venit, ex eorum ore exisse dicendū est. *Dixit ergo eis Iesus, Antequā Abraam fieret, ego sum.* Redemptor noster Iudæos à carnis intuitu dimouere, & ad contemplandam diuinitatem allicere studet. Ante, præteriti temporis est, *Sum*, vero præsentis. Et quia præteritum & futurum diuinitas nō habet, sed semper est, non dixit, fieri, sed sum, iuxta illud, ego sum qui sum; ante ergo, & post Abraam esse habuit. Quia vero creatura est Abraam, fieret, verbo vsus est, nec hoc dixit, factus sum; nam in principio erat verbum; sed ista eternitatis ver-

ba mentes infidelium ludæorum sustinere non valentes, & quem percipere non valebant, obruere quærebant. *Vnde tulerunt lapides, ut iacerent in eum.* Tanta enim duritia, quò cõfugiat, nisi ad lapides? at postquam cuncta quæ ad eum spectabant, docendo perfecerat, quia isti lapides iaciunt, cum auscultare debuissent, eos quasi correctionem non suscipiẽtes deseruit Iesus, & *abscondit se,* non in angulo templi, aut post columnam, sed cælesti potestate se talem, ut videri non posset, insidias struentibus præbens per medium illorum *Exiuit de templo.* Qui si diuinitatis suæ potentiam exercere voluisset, eos subitæ, ac repentinæ mortis poenas dare coegisset; at is qui ad patiendum venerat, nec iudicium, nec potentiam exercere volebat.

Magis

Magis igitur est commendanda sapientia; Et hac ratione fugit, quia nondum aderat eius hora, nec hoc genus mortis elegerat, & hoc tanquam homo obiuit. Verum vehllis à quorum lapideis cordibus Deus fugit. Audistis quot exempla nobis suppeditet Dominus noster Iesus Christus, & mansuetudinis, & patientiæ, atque vitandæ inanis gloriæ, si eum imitari velimus; nam si examinemus, quibus conuicijs à Iudæis iactatus est, & quàm mansuete respondit, & se redargui non posse ostendit; ex quo constat eum innocentem, & omni prorsus peccato immunem, in crucem actum fuisse, quis nostrum conscientia conuictus non fateatur, si talia ei conuicia fieret, se non laturum esse, sed de violatione statim cogitaturum? Et tamē

qui

qui Deo gratus esse cupit, eum contumelias tolerare oportet. Quid de inani gloria dicam? est ne quisquam nostrum, qui in ea non peccet? quomodo Christi vestigia persequemur, qui ait se gloriam propriam non querere? nam cum ipsa inanis gloria superbiæ propinquior sit, ex cuius appositu alia vitia multa oriuntur, ab ea cauere exemplo Christi debemus, si Dæmonem sequi nolumus, qui superbia è cælo decidit, & æterna morte perire. Quod ad ferendas etiam patiēter iniurias attinet, quid Christus nos docuit, cum è templo fugit, ne lapidibus obrueretur? nisi cum resistere etiam valeamus, ut irā superborū humiliter vitemus? Nec has malas cogitationes in mentes nostras cadere sinamus, tot enim lapidibus Christum percuteremus.

Sed

Sed, fratres mei charissimi, māsueti-
simus, & patientes, nulli malum pro
malo reddentes; animos potius in-
iuriam nobis facientium deuincire
beneuolentia nitentes; Humilita-
tem amemus inanem gloriam maxi-
me fugientes, vt cum Abraam, &
ceteris sanctis patribus exultare
quæamus, & diem videre illum sua-
uem, quo Christus nos ad se accer-
set, vt eius gloriam, ac diuini-
tatem contemplemur;

Qui viuit, & regnat,
sempiternis sæ-
culis glorio-
sus.

Amen.



EIVSDEM

E I V S D E M

In Dominicā sextam

In Ramis Palmarum.



Odie, fratres charissimi,
 dies est illorum septem
 primus, in quibus maxi-
 ma, & inexplicabilia my-
 steria tractātur, & Hebdomada ma-
 ior ab ecclesia nuncupatur; in qua
 Dominus Iesus Christus, omnia
 quæ de illo scripta erant, exequi vo-
 luit; ac summo mane imminente pa-
 scali tempore, quo agnus immola-
 batur; ita enim lex præcipiebat, vt
 decima luna primi mensis agnus in
 vniuscuiusq; domo existeret vsq; ad
 decimam quartam eiusdem, quādo
 vesperi

vesperi occidebatur, Hierosolymā
ascendit ante quinque dies, idēst di
cta decima luna, sicut verus agnus,
& ex omni grege electus sine macu
la pro populi salute immolandus,
quò ostenderet se ad patiendū, mor
temq; contemptam subeundam pa
ratum esse; ac sic figuræ veritas re
sponderet. Verum eo maiori appa
ratu, maioriq; claritate, ac magnifi
cētia, quā vnquā antea profectus
est; ac tali pompa urbem ingressus
est, vt omnium quidem oculos, &
cogitationes in se conuerteret; ad
uersarios vero incenderet, atque ira
inflammaret. Et cum ex Ioannes su
pra constet illum in montem fugis
se, ne Regem crearent, nunc se talē
appellari nō recusauit, vt aperte do
ceret se non terreni, sed eterni in cæ
lis imperij Regem esse, ad quod per
contemptum

contemptum mortis esset peruenturus; Præterea se verum Deum esse, si prædictiones de illo prophetarum nosse vellent, eiusque gloriam agnoscere; si vero percipere nollent, maiores poenas darent, quia tot miraculis fidem non adhibuissent: Et huius aduentus splendorem, & claritatem cum Euangelista præclare describat, obsecro vos, ut pro vestra humanitate attente audiat. Inquit igitur. *Cum appropinquasset Hierosolymis, & venisset Bethphage*: Egreditur de Hierico turbis inde multis sequentibus, & cæcis reddita sanitate, appropinquat Hierosolymæ, & Bethphage venit, idest domum maxillarum, (pars enim in lege sacerdotum propria, fuit maxilla) qui erat parvus eorum vicus in montis Oliueti latere situs, ab Hierusalem mille passus

sus distans, Marcus, & Lucas addūt,
 & Bethaniam iuxta codicem græ-
 cum, non quòd ad eam tunc accede-
 ret, quam transierat; in illa enim an-
 tecedente nocte pernoctauerat.

Tunc misit discipulos duos dicens illis.
 Quidam Petrum, ac Philippum fuif-
 se aiunt, quoniam hi primum fines
 Iudæorum transeuntes ad Christū
 gentes adduxerunt; Philippus qui-
 dem Samariam; Petrus vero ex gen-
 tibus Cornelium excipiens. *Ite in*
Castellum, quod contra vos est, idest in
 ciuitatem Hierusalem, vt non nulli
 intelligunt, sic appellatum, quia tri-
 plici muro cingebatur illa vt arx, si-
 ue per contemptionem, quia primū
 à Romanis Pompeio imprimis im-
 peratore in seruitutem redacta erat;
 deinde quia dignitate hac propter
 summi sacerdotis Iesu Christi occi-
 sionem

sionem priuanda erat, quæ & post
quadraginta annos ab eisdem Ro-
manis tunditus euerfa fuit; quæ cō-
tra vos est, idest è contra in conspe-
ctu vestro existit; alij propter verbū
græcum *κόμην* idest vicum intellige-
bant Betphage; sed si ibi tunc ade-
rat Iesus, quando eos iussit accede-
re, quomodo ipsā innuere poterat?
*Et inuenietis asinum, & pullum cum ea
soluite, et adducite mihi.* Marcus, &
Lucas pullum inquirunt, in quo ne-
mo hominum fedit, nec non Ioan-
nes idem; at vbi utrūq; intelligi po-
test, quemadmodum ait D. Augusti-
nus, nulla repugnantia est, commu-
nis tamē opinio existit Iesum in pul-
lo vectum fuisse, asinam vero secutā
esse; Turpe enim extitisset, vt ait Hie-
ronymus, in paruo itineris spatio
eum ytriusque opera vsum fuisse; vi-
detur

detur tamen secundum prophetam
Christum adhibuisse vtrunq; , & fie
ri potuisse , vt in vtroq; Dominus se
derit. Matthæus de vtroq; meminit
docens Iudæis non desperandam sa
lutem esse , si eos delictorum suorū
vere pœniteat. Nec dicite, Domi
nus noster, vel Dominus tuus, His
opus habet, vt intelligant ipsum dū
taxat Dominum esse non solum ani
malium, sed omnium hominum; nā
& peccatores sui sunt, conditione;
voluntate autem sua Dæmoni se ad
dicunt; Maiestatis enim nomen Do
minus est, & in conspectum multi
tudinis Rex erat venturus. *Et con
festim dimittet eos*, vel intelligendum
est animal, postquam in Hierusalem
ingressum est, à Christo ad Dominū
suum remissum esse; vel Dominum
iumentorum auditis Christi verbis

obtumuisse, neque untem excellen-
ti, ac forti eius virtuti resistere, & sta-
tim dimisisse eos, ac permisisse, ut di-
scipuli auferrent, quod forte negas-
sent; nisi diuina virtus eos coegisset;
quare, fratres charissimi, non modi-
cū hoc fuisse existimare debemus;
quis enim eis persuasit, ne contradi-
cerent, immo potius silerent, atque
concederent? certe admirabilia, &
inaudita mihi videtur ista, nihil eos
dixisse, aut si responderint, cessasse
statim, cum his indigere Dominum
audiuerunt; qui si Christum ignorā-
tes libenter petita tradiderūt, quid
nobis agendum est, an non libenter
nostra impendamus requisiti? ergo
quæ nos efficere decet, nunquam
prætermittamus. *Hoc autem factum
est, ut impleretur. Quæritur cur cum
Dominus pedibus in Galileam, Sa-
mariamq;*

ariamq; , & per totam Iudæam pe-
ribus ambulauerit, nunc iumenta
adhibere voluit? non enim videtur
ratio D. Matthæi, vt impleretur
quod à propheta dictum est, ad sol-
uendam quæstionem satis esse; Opi-
or ego Dominum in hoc regni sui
specimen dare voluisse, & se Messia;
quem expectarent, ostendere; sicut
Regiæ potestatis, & Magnificentiæ
indiciu fuit Domino iumentorū
i vsum eorum cōcessisse solo iussu
adductos, sicut ipse discipulis euen-
tuum prædixerat; Quod vero tam
ili iumento, & alieno vsus fuerit,
summæ humilitatis extitisse, cuius
virtute omnes ad se allicere vellet,
quod prædictum à Zacharia fuit, vt
Iudæi ad agnoscendum Regem suū
excitarentur, inquit; *Ecce Rex
tuus venit tibi mansuetus sedens super*

asinam & pullum. Ecce, vt ostenderet, quia ille de quo loquebatur, antequam nasceretur, iam erat Rex tuus; cum ergo eum videris, noli dicere, non habemus Regem; nisi Cæsare, Venit tibi, si intellexeris, vt saluet te, sin; contra te. mansuetus, nō vt propter potentiam timeatur, sed propter māsuetudinem ametur; unde non sedet in curru aureo; nec in equum discordiæ & litis amatorem, sed in Asinam tranquillitatis & pacis amicam ascēdit, & postea in pullum: Vel intelligendum allegorice, quia sedebat in pręcordijs vtriusq;. *Euntes discipuli fecerunt sicut præcepit eis Iesus, & adduxerunt*. Discipuli autem obediētes duxerunt iumenta, nec officium hoc tanquam paruum recusarunt; sic nos quoque, fratres, decet infima opera plurimo cum affectu,

fectu, & studio aggredi sciētes, quic
quid à nobis pręstatur, vt Deo obse
quamur, non esse minimum, sed in
regno cęlorum valde dignum fore.

Et imposuerunt super eos vestimenta sua.

Videre vtriusque personę discrimē
licet; Apostoli vestimenta sua asino
imponunt, vt Iesus Christus mollius
fedeat; Turba autē, quę vilior est,
pedibus asini substernit, ne in lapi
de offendat, & ne in foueam cadat:
non solum autem Turbę illę quę
exierant ex Hierico, & propter mi
racula Christum sequebantur, cęde
bant ramos; Sed & ex Hierusalem
plebs ac pueri, vt ait Ioānes, palma
rum ramos gestantes ei obuiam pro
dierunt, quod erat lætitię argumen
tum, & victorem Regem ipso facto
professi sunt; palma enim coronari
solebant imperatores, qui ex hosti-

bus victoriam reportassent; In publicis quoque, & solennibus gaudijs palmarum ramos in manibus habere Iudæis mos fuit. Interrogemus Iudæos quis Rex in asina Hierosolymam vectus fuit, at non utiq; alium quàm hūc solum dicere queunt; *Turbæ autem quæ precedebant, & quæ sequebantur, clamabant Osanna,* quod verbum inquit Hieronymus in psalmo 117. declarari, cum dicitur, ò Domine saluum me fac, ò Domine bene prosperare, Benedictus qui venit in nomine Domini, benediximus vobis de domo Domini, secundum 70. interpretes, Symmachum tamen manifestius hoc verbū quod totum est Hebreum, interpretatum fuisse, dicentem, obsecro domine saluum fac obsecro scilicet filium David, vel filio David salutem
affer,

affer, vt significetur aduentum Christi mundi salutem existere, *Benedictus qui venit in nomine Domini*, saluatore id ipsum comprobante, Ego veni in nomine patris mei, & non me recepistis, alius in nomine suo veniet, & eum excipietis. Marcus addit, Benedictum quod venit regnum patris nostri, idest Christi regnum sit benedictione Dei faustum, & felix Messiae regnum. Cum vero rursus repetitur, *Osanna in excelsis*, idest salus in altissimis perspicue ostenditur, quòd non tantum salus existat, sed totius mundi terrena cælestibus iungens. Vel, vt ait Origenes, humanam Christi dispensationem laudant in eo, quòd *Osanna* filio David dicebant, restitutionem autem in sancta, in eo quòd dicebant, *Osanna in excelsis*, Vnde & prophete multoties

Christum Dauid nuncupāt, propter
eius ex Dauide originem secundum
carnem. Lucas vero, pax in cælo,
& gloria in excelsis ait. *Et hac hæte-
nus iuxta Historiam.* Allegor. Chri-
stus duos discipulos mittit, idest præ-
dicatorum ordines duos, quia chari-
tas non consistit in vno, quos Paul-
lus explicat inquiens, Qui Petro in
circuncisione auxilium tulit, etiam
me inter gentes adiuuit; Qui profe-
cti asinam multis peccatorum vin-
culis astrictam inuenerunt, & pullū
lasciuum, quæ quia sub iugum mis-
sa fuerat, synagoga intelligitur; Pul-
lus vero asinæ, gentium populus, in
quo federit Iesus, alius autem nemo
vnquam, quia nullus ante Christum
ad ecclesiam nationum populos vo-
cavit; vel nullus doctor correctio-
nis frenum imposuit, quod vel lin-
guam

quam à malo coërceret, vel eum in
viam arctam ire cogeret: Soluerunt
autem iuxta mādātum Domini, per
doctrinam & miracula, omnes enim
Iudæi, & gentes ab apostolis libera-
ti sunt, & adduxerunt, idest ad glo-
riam Christi illos conuerterūt. Qui
autem cōtradixerunt, audito nomi-
ne Domini quiescūt, quia magistri
errorum, qui doctoribus in salutem
gentium intuentibus obsistunt, tan-
diu opiniones suas tuentur, donec
miraculis attestantibus veri posses-
soris virtus emineat. Et cum ante
aduentum Christi Saluatoris nudi
essent multis in eos dominatum vē-
dicantibus, sine operimento frige-
bant; postea vero quàm vestibus
apostolicis induti fuerunt, & stola
immortalitatis per ablutionem do-
nati; pulcioresq; effecti, sessorem
Dominum

Dominum habuere. Vestis autem apostolorum, vel doctrina, vel scripturarum expositio intelligi potest, vel dogmatum ecclesię varietas, quibus si anima instructa, atque ornata non fuerit, sessore Domino frui nō valet. Cædebant autem turbæ ramos, qui dicta & exempla patrum, quæ ad suam, & filiorum salutē spectant, inquirebant, sternebantq; in via, sicut martyres qui corpora sua in martyrium pro Christo tradiderunt, vel qui abstinencia corpus suū domuerunt, vt praua recta facerent, & inæqualia equarēt, quo securius, & rectius in cor credentiū Christus Dæmonum, atque vitiorum victor illaberetur. Turbæ vero quæ ante ibant, & sequebantur, vtrunque populum significant, qui ante euangelium, & post euangelium Deo credit;

dit; antecessit enim populus iudæorum, secutus est gentium, præieruntq; prophetæ, & apostoli secuti sunt; Et illi quidem de Christo venturo vaticinantes clamauerunt; Hi autem laudâtes de Christi aduentu iam completo clamant; Et voce cōfessionis consona, & clamore maximo resonant, Osanna filio David, vel secundum Ioannem, Osanna benedictus qui venit in nomine Domini Rex Israel, scilicet Christus, non vt tributum exigat, aut armis exercitum instruat, sed vt mentes regat, & in regnum cælorum perducatur; Quòd autem Rex esse voluerit, mera illius bonitas fuit, non potestatis augmentum; qui enim in terra Rex Iudæorū appellatus est, in cælo Angelorum est Dominus.

Nos quoq; viam vitæ nostrę muniamus

niamus sanctos imitantes; ij enim velut arbores sunt, ex quibus ille ramos amputat, qui eorum virtutem imitatur, ac doctorum scripta diligenter peruolutat. Et corpus spiritui seruire cogamus, Adducamus, & nos asinum ad Iesum, & ei vestimenta virtutum imponamus, vt in nobis Christus sedeat, & domiciliũ habeat: Humilitatem etiam ex animo cõplectamur, si Christum sequi desideramus, qui in omni apparatu suo eam demonstrauit asino tãtum contentus: Vtinam nonnulli Antistites nostri hoc tempore illius exemplum ante oculos sibi proponerent; non enim vt splendide equitarent, equorumq; multitudinẽ secum ducerent, ecclesiæ patrimonium effunderent, & pauperum fructus diriperent. Ac summam Christi mansuetudinem

tudinem imitemur, sicut prædictum
 fuit, & celebri fama diuulgatum; &
 is erat vêturus in Hierusalem humi-
 lis, & mansuetus: Et ideo videntes
 legis periti prædictionem in eo com-
 pletam esse, maiestatis suæ se contē-
 ptores ostenderunt, quia non rece-
 perunt eum, sed fraudatorem magis
 infectati sunt; & triduo post morte
 turpissima dixerūt, condemnemus
 eum; cuius rationem opinor extitisse,
 quòd cum ipsi in terrena immer-
 si essent, & Regem expectarent, qui
 eos à tributo Romano liberaret, vi-
 dentes eum Hierosolymam ingres-
 sum esse, nec regnum occupasse, sta-
 tim voluntatem immutarunt, atque
 ad perdendum eum totis viribus se
 præpararunt, tandemq; illum occi-
 derunt. Ac certe stupor me oppri-
 mit, cum post tantum triumphum,

& plebi, & pueris, qui Osanna clama-
uerunt, quatri duo post persuasum
fuisse perspicio, vt ij in Christi inte-
ritum conspirarent, & eum tolli, &
cruci affigi exclamarēt, sed nos, frā-
tres charissimi, magnopere læte-
mur, quòd eorum nequitia, ac per-
uerſitas nobis valde profuit, atque
eorum obſtinatio effecit, vt nos qui
Christi præcepta obſeruare pro viri-
bus conamur, filij Dei vocemur, re-
probi autem illi habeantur; Clame-
mus quoq; Osanna, vt ad salutē no-
bis dandam veniat Dominus noſter

Ieſus Chriſtus, & vitam æter-
nam largiatur. Qui viuit

& regnat ſemper
gloriosus.

Amen.

F I N I S.

INDEX HOMILIARVM.

In	P rimam Aduentus Diem pag. 1	
	Dominicā secundā Aduētus	17
	Dominicā Tertiam Aduentus	32
	Dominicā Quartam Aduentus	44
	Diē Natalē D. N. Iesu Christi	54
	Circuncisionē D. N. Iesu Christi	73
	Epiphaniam Domini	89
	Conuerſionem ſancti Paulli	109
	Purificationem B. M. Virginis	132
	Diem Cinerum	153
	Primā Dominicā Quadrag.	169
	Dominicā secundā Quadrag.	194
	Dominicam Tertiam	215
	Dominicam Quartam	237
	Dominicā Quintā de paſſione	339
	Dominicam ſextam in Ramis Palmarum	366
	Dominicam Paſchatis Diem	259
	Octauam Paſchatis Diem	285
	Diem Aſcenſionis	304
	Diem Pentecoſtes	321

Errata

Errata in Homilijs.

	Err.	Corr.
Pag. 13 lin. 16	Iesu Christus.	leg. Iesus Christus.
46 17	Quid significat	quod significat
49 3	notitiā vobis donet	notitia vobis done-
63 15	permisit	promisit. (tur
93 13	exibendam	exhibendam.
107 13	nullam re	nulla in re.
118 9	inquiet	inquiens.
125 3	demonstrat	demonstret.
136 12	fidorum.	Siclorum.
147 2	ab ea genua	ab eo genua.
eadem 10	amplexata	amplexata.
149 11	percipisti	percepisti.
165 14	vestos	vestes.
168 10	fidem	fide.
172 2	mons	mens.
178 12	at	et.
182 19	quam	qua.
184 20	intolerantur	intoleranter.
188 2	gisset	esset.
191 13	cum	cum.
192 1	pius	pius.
17	nescat.	noscant.
vlt. Dæmone		à Dæmone.
195 4	supradixi	supra dixit.
197 10	solet. Et	solet, et
206 4	vt tabernacula sed	vt tabernacula po- nas, sed
213 12	per perpeffionis,	perpeffionis.
210 15	non nondum	nondum
226 2	quare	quare.
228 10	ac prior	at prior.
229 15	irriti	irretiti.
vlt. decepto		deceptos.
245 15	emanus	emamus.

pag:	lin.	Err.	Corr:
252	19	imaginationē, alias,	Visum
254	11	cum ab alijs	cum.
256	5	versabuntur.	versabantur
ead.		Non verò.	nos vero
270	13	discentes.	dicentes.
271	11	cum post.	cum post.
273	15	nontinebatur.	continēbatur.
280	3	ut p. testatis.	at potestatis.
288	ult.	ut nobis.	at nobis.
300	17	diseruit.	dissruit.
319	ult.	spexerunt.	reppererunt.
331	18	effusum.	effusam.
342	11	effundi.	offundi.
345	19	sed cum asp.	sed cum asp
346	22	Curante.	Cur ante.
347	6	secundum ita dicere.	secūdū. s. ita dicere.
348	ult.	quæ in honore.	quæ Deus in ho- nore.

F I N I S :

BONONIAE.

Apud Alexandrum Benatium.

Superiorum concessu. 1588.

